


東北文化社叢刊之一



中俄戰役期內本社工作報告

東北文化社編印

中華民國十九年十二月初版



編輯者 東北文化社情報部

出版者 東北文化社

瀋陽十一緯路一百四十號

自働電話二七一號

印刷者 東北印刷局製造廠

遼寧大西關小什街南

自働電話二二九三號

東北文化社中俄戰役工作報告書

緣起

蘇俄久懷世界革命之野心，其在我國，則以中東路局、爲宣傳赤化大本營、由遠東銀行、每年在東路利息內、撥出金盧布三百萬元、作爲宣傳費用、哈區當局、曾獲得此項證據、其用意乃在希圖破壞我國治安、東北當局迫於不得已、行使非常手段、收回東路自管權、純爲防止赤化之計、決無其他用意存於其間也、蘇俄尙不悔過、遽興兵戎、侵擾我邊疆各縣、我方爲自衛計、亦派遣大兵、由土樹常胡毓坤統帥兩軍、保衛邊疆、并由東北最高當局、將守邊之指、露布中外、嚴守非戰公約、決不越國境一步、惟以中俄接壤、袤延數千里、地多荒僻、真相難明、俄軍乃用反宣傳手段、在莫斯科及伯力地方、發出無線電、誣蔑我軍、指我國爲破壞協定、加以第三者利用機會、推波助瀾、造作謠言、國際間各大新聞、受其麻醉、對此反宣傳、不無誤會、國際宣傳、彌感必要、本社奉 司令長官命、管理宣傳事宜、其工作經過情形如下、

(一) 專員赴哈辦理國際宣傳

(二) 徵集俄軍侵邊破壞相片

(三) 用無線電廣播邊事消息

(四) 收取伯力無線電加以反駁

(五)糾正中外報紙謬誤記載及論調

(六)封禁蘇俄在我國之反宣傳機關

(七)招待中外新聞記者視察赤軍侵邊實況

(八)外國新聞記者調查邊事後之論調

(九)編印中英文書藉分送中外

(一) 專員赴哈辦理國際宣傳

東路事變初起、蘇俄用大宗金錢收買在哈之英美無業遊民及日本浪人、代為奔走、作種種不利我國之宣傳、每日派人赴長春、用密碼發電至各地方、揚言國民政府欲藉中俄問題、以傾覆東北當局、用以離間中央與東北之感情、惑亂世界之觀聽、而日本通信社、乘此機會大肆簧舌、製造中央與東北意見不一致、東北內部亦不一致之論調、傳播於國際間、我方未設宣傳機關、雖隨時由官方宣布真像、惟事過境遷、無法更正、以致各國新聞界、受其麻醉、對於中俄問題、頗多誤會之處、故國際間空氣、一時甚形惡劣、本社乃派專員、於七月二十五日及八月二日、兩次赴哈、辦理國際宣傳、其工作經過如下、

(一)專員於七月二十五日到哈、分別訪問英美各國代表、及各國新聞記者十餘人、當將我方辦理東路事件真相、詳為解釋、各代表及各記者、始了然於中俄問題之內容、對於東北當

局防止赤化、處置共黨辦法、極表同情、

(二)英美各國新聞記者、自東路事起後、由國外及平津赴哈、携有中央所發新聞電執照、哈埠電局、謂其失効、而請發新照、又遷延時日、故發新聞電者、須照普通商電付價、始能發出、各外報記者已極失望、而哈遼間電報電話、時常發生障礙、由哈發電至津、竟遲至三日之久、同時發往倫敦紐約之新聞電、由華電局轉達、比較日本電局、須遲至十八小時、故我國對於各種反宣傳、幾無法辯正、國際空氣、日形惡劣、同時各外報記者、勢不獲已、每日專人至長春或瀋陽日本電局、發電往各國、往返需時、極感不便、本社專員到哈後、乃與哈埠無線電台商洽、增加發電時間、所有國際新聞電報、均援各國通例、暫行記賬、由收報人付資、直接由哈無線電台、發電至柏林、轉往各國、各外報記者、乃得盡量發電、而國外宣傳、遂得暢行無阻矣、

(三)本社專員、駐留哈埠、專辦國際宣傳、及與各外報記者連絡、并遴選精通外國人員二名、前往助理、

(四)蘇俄在哈收買之英美無業游民、借英人在哈埠所設之英亞通信社、作種種反華宣傳、本社專員、商妥哈埠警察當局、徵得英國領事同意、加以干涉、

(五)東鐵電話電報、表面上雖由我方收回、而在哈之遠東銀行、仍時時與莫斯科通電、故我

方於蘇聯之事、甚難周詳、而我方之一舉一動、蘇聯莫不詳悉、本社專員、乃與哈埠當局詳商、設法防止之、

(六)各國新聞記者、赴滿州里前線視查、由本社專員伴同前往、經過防守線、各記者咸以攝影爲請、當由本社專員嚴詞拒絕、并通知梁司令忠甲、注意防止、本社專員在哈時、外人亦多函請前往攝影者、經該員嚴行拒絕、併與特區行政長官公署接洽、出示禁止、

(七)中俄接壤、袤延數千里、真相甚難明瞭、蘇俄方面、故意顛倒是非、淆亂聽聞、日本通信社、又造作虛僞消息、爲辯明虛實起見、乃由本社通知在哈綏及滿州里軍事當局、每日以電報傳遞邊事真相、由本社專員在哈、酌量宣布、以絕謠傳、

(二) 徵集俄軍侵邊破壞相片

東路事件發生以後、我沿邊駐軍、始終未越國境一步、俄軍囂張成性、破壞非戰公約、侵我邊境、迭陷名城、焚毀居屋、槍殺人民、兆興東寧焚掠之慘、令人目不忍睹、事實具在、無可掩飾、蘇俄乃顛倒黑白、肆口誣譏、不曰華軍侵入若干里、卽曰華軍放槍若干響、各國輿論界、遠道不明真相、間爲所惑、發爲疑信參半之詞、殊於我方國際間同情、影響不少、本社爲闡明真相起見、前後編印共產黨重要文証、及俄軍各種破壞相片、以資宣傳、其經過情形如下、

(一)八月二十一日、本社具文呈請 司令長官、將前由哈俄領館所獲赤黨重要文証、未經特區官廳宣布者、繙譯攝影、編印成冊、分送國內外人士、以明中俄事件真相、而博世界輿論之同情、

(二)八月二十六日、本社呈請 司令長官電令前方各軍將領、將蘇俄軍隊所蹂躪之地方、焚毀之房屋、殺戮之人民、以及一切破壞事蹟、用攝影術製成相片、并將各地方蘇俄軍隊破壞後之遺跡、暫予保留、俟外交部邀請各國代表、及中外新聞記者、蒞止各該地方實地調查之時、將製成之相片、及破壞之遺跡、逐一指示、爲將來交涉上、築一堅固之基礎、

(三)八月二十日、奉 司令長官諭、前線所有赤軍攻擊焚殺一切暴行、我軍抵禦情形、及赤黨破壞鐵路、阻礙交通一切行動、著由文化社儘量搜集、於十九年一月五日以前彙齊、分類編號、作爲考証等因、遵即分函東鐵督辦公署、海軍司令部、護路軍總司令部、特區路警處、特區警察管理處、馮庸大學義勇軍、徵求此項相片、先後接到覆函、除馮大義勇軍未攝有相片外、東鐵督辦公署檢送照片四十四張、特警處郵送赤俄破壞治安事實照片一冊、海軍司令部送來照片三十二張、路警處郵送蘇聯黨徒破壞交通案件統計表冊一份、照片六十五張、均由本社分類編號、作爲交涉之參考品矣、

(三) 用無線電廣播邊事消息

本社因中俄糾紛事起後、蘇俄在莫斯科及伯力兩處、每日用無線電、廣播不利於我國之消息、信口雌黃、顛倒黑白、深恐國內外人士、不明邊事真相、遽爲所惑、乃呈准 司令長官於八月十八日起、每日將前方消息、及蘇俄違反非戰公約之實在情形、用中俄英法日五國言語、由廣播電台、放送國內各地方、并於放送後、將中英文原稿、立即用短波無線電、向各國宣傳、計自十八年八月十八日第一號起、至十九年三月十四日、一百八十四號止、共計廣播新聞一百八十四次、至三月十五日、因俄事告一結束、廣播需要減少、由本社具文呈報最高當局、停止廣播消息、茲將一百八十四次廣播消息、彙齊成帙、晰列於後、以供修中俄國交史者之參考焉、

東北文化社宣傳處廣播邊防消息第一號

十八年八月十八日

(一) 西路滿州里及札蘭諾爾前線、敵軍仍未退去、自十七晚起、兩方均在增加後援、砲火時作時息、現在尙在相持中、我方傷兵約四十人、陣亡三十餘人、有商人二名、中流彈而死、敵方以機關槍隊爲掩護、以馬隊向我軍陣線猛衝、因我方迫擊砲火甚烈、敵方屢次未曾得手、傷亡約在百人以上、

(二) 西路煤礦處一役、我方傷連長排長各一名、陣亡兵士三十人、敵方死傷之數、共二十餘

人、

(三)東路綏芬河正面平靜、吉林密山縣境、有少數敵軍、由高麗人三名引導、至西道河子地方、開放排槍、擲放炸彈、肆行劫奪糧食馬匹、後經我方守備隊、以機關槍掃射、該敵軍旋即放火而去、我方死商人二名、被幫去者三人、被燬民房甚多、

(四)又昨日下午起、東路綏芬河方面、吉林轄境東寧縣屬、有敵軍三千餘人、携有野戰砲、攻我防線、砲火甚烈、正與我軍激戰中、

(五)西路松花江黑龍江合流區域內、十五日、赤軍之強佔我綏東縣屬肇興鎮等三鎮者、迄未退去、足見俄外長加拉罕對於赤軍不入華境一步之宣言、乃係欺騙各國、絕不可恃、

(六)張司令長官所動員之軍隊、向西路進發者、已有二萬四千人、開到齊齊哈爾、並奉有命令、凡敵軍不來侵犯、我軍不許進攻、如俄軍越境相擾、即與死戰、

(七)北京各使館武官、已奉各該政府命令、預備再赴哈埠、調查赤軍首先侵入中國境界破壞非戰公約事、法國武官、已到遼寧、

東北文化社宣傳處廣播邊防消息第二號 十八年八月十九日

(一)中央政府參軍長何成濬今晨晤張司令長官、報告中央軍隊已逐漸集中津浦路及京奉路瀋州一帶、歸張司令長官指揮、於必要時、發往前綫、

(二) 赤俄前遣大批軍隊、侵入我境、攻我滿州里後路、札蘭諾爾地方、莫斯科政府、對列強予以否認、謂該政府、尙未得有報告、

(三) 軍事專家某、謂近日蘇俄屢次遣兵、越境攻我邊疆、乃係蘇聯政府、一種陰險計劃、欲藉此以測驗、列強對俄、此種行爲、作何態度、如責彼以破壞非戰公約、彼卽從此收兵、抵賴一切、如強列強爲所朦蔽、默不一言、彼不久必大舉進攻、以作困獸之鬥、

(四) 綏芬河電話電報、自昨晚九時起、不能與哈爾濱通訊、無綫電情形亦同、

(五) 西路滿州里方面、今昨情形、尙稱安靜、我軍大隊後援、已陸續達到、滿州里海拉爾居民、紛紛避難至哈、中東路特爲備車載運、

(六) 北路黑省屬、烏雲縣境、有俄兵二百餘人、帶機關鎗等、連日至距縣城四十餘里各鄉村、放火打劫、形同盜匪、並帶去商人三名、擊傷我兵士七八名、現已乘船逃去、

(七) 東路綏芬河方面、吉林屬東寧縣境、十六日晨、有敵騎一百六十餘名、馬駝機關槍兩架、手提機關槍四架、竄入我軍陣地、向我猛擊、我軍不得已應戰、至下午二時許、敵軍不支而退、我軍獲連珠槍二枝、刺刀一把、戰刀一把、軍衣一件、直至十七日下午三時許、又有敵軍騎兵九百餘名、步兵五百餘名、由野砲掩護、復入我境、向我軍陣綫攻擊、有砲彈落我團部院內、一時砲火甚烈、我軍爲正當、防衛計、不得已以機關槍抵禦、

戰至十八日早二時、我軍三百餘人、被敵包圍至七時許、始力戰解圍、其後敵軍援軍開到、携有野砲六七門、同時向我猛攻、該縣城遂爲佔領、縣長亦於紛擾中失蹤、直至十八日深夜、我方援軍趕到、猛力進攻、敵遂劫掠放火而去、

(八)距哈爾濱二百四十八基羅米突之高林車站、有赤俄便衣隊、將電線切斷、現已派人前往修復、又滿州里赤俄路員十餘人、暗將我方消息報告赤軍、又有密謀騷亂行爲、已被路警查實、業已拘往哈埠審問矣、

(九)遼寧北大營甲車隊及東塔飛機大隊、已分向東西兩路出發、

(十)蘇聯軍隊內種族不同、宗旨不一、號令頗難一致、現在滿州里方面之本系軍隊、已奉令調赴後方、而將匈牙利拉達善民族之自衛軍、調來前方、以此引起他種民族之反感、現布利雅特蒙古民族、已顯然拒絕徵兵命令、該族係素以騎兵著稱者也、

(十一)十八日上午二時、由哈埠開往長春之貨車、行至距哈三公里地方、有紅黨拋擲炸彈一枚、死車守一人傷二人、無大損失、現在各處紅黨受有莫斯科訓令、在哈埠造成赤色恐怖、破壞東路交通、故同樣事件、日有所聞、

東北文化社宣傳處廣播邊防消息第三號

十八年八月二十日

(二)今天再把蘇俄、破壞非戰公約、及侵佔中國國土之事實報告如下、

(二) 朱紹陽今日到遼向張司令長官報告一切、

(三) 松花江下游富錦縣、有中國郵差乘船過江時、爲俄國小砲艇所攻擊、將郵件全部搶去、並擄去郵差五人、近日該處江內發現浮屍甚多、均負有鎗傷、顯係俄兵將中國農民慘殺後而投之江中者、

(四) 吉林屬樛稜縣、十六日有敵兵數十人、帶領赤匪一百餘人、謀襲梨樹鎮爲我守軍擊退十七日又有飛機至該處飛繞數小時而去、

(五) 興凱湖北岸、吉林密山縣屬燒鍋地方、十六日有敵軍砲船兩隻、載水兵一百二十名、及機關鎗等登岸攻擊我陣綫、我方騎兵一名陣亡、並被擄去機關鎗一架、步槍四枝敵軍亦有傷者、乃負傷登船呼嘯而去、次日該處復有敵兵來襲爲我軍逐去、

(六) 密山縣境內、常有赤黨宣傳隊、由敵軍官二三人、赤兵二三百名、到處演講赤化、迫我軍趕往剿捕、彼等卽向興凱方面逃去、

(七) 札蘭諾爾方面、敵軍出沒無常、不時以砲火轟擊我陣綫、並在第三卡第四卡中間對岸之舊粗魯地方、架搭浮橋、準備大舉渡河、查該處對岸、現在駐有敵軍數旅、騎兵砲兵、尤佔多數、

(八) 十九日晚十點四十分、中東路第三號客車、行至東綫細鱗河太平嶺之間、忽遇炸彈爆發、當時連貫兩機車、司機炸傷四人、車已停止、旅客幸得安全無恙、此又爲赤俄欲在中

國造成赤色恐怖之明證、

(九)在哈爾濱赤俄領署內所捕獲之陰謀傾覆我政府之過激黨三十九否、現在正由我司法衙門偵查檢舉中、乃該犯等妄望我方不加公開審問、即予釋放、乃相約絕食、後由德領勸告乃始進食、按我國在蘇聯僑民、並未犯罪、而竟求食不得、而此三十九人、反悻悻作態予食不食、可謂怪事、

(十)滿州里前綫無變化、札蘭諾爾我軍陣地、於十八日晚十時半起、又有大批敵軍向我攻擊、迄十九號晚、尚在激戰中同時加拉罕在莫斯科宣言、謂我軍攻入彼境實欲抹殺事實、欺騙全世界人民、

(十一)札蘭諾爾方面、十九號早晨、有敵軍鐵甲車數輛、向我騎兵第十團陣地進發、因中途發生障礙旋即退回、彼此均未發鎗、

東北文化社宣傳處廣播邊防消息第四號

十八年八月二十一日

(一)黑龍江治烏雲縣境、日昨有敵軍砲艦四艘、駛入我方江岸相近之處、當我軍正在設法阻其登岸之際、該艦等忽向俄方(即對岸)以實彈射擊、計前後共發一百餘響、始終未向我方進攻、據軍事家觀察、敵方此種舉動、或係烏雲對岸有白黨內亂情事、否則即係敵軍自造成戰地、將來藉此賴我為發砲攻彼之戒首、

(二)吉林屬密山縣境、十八日下午二時起、忽來敵軍步兵四百餘名、騎兵二百餘名、携機關槍兩架野砲一尊、向我防線猛攻、並包圍我步兵二連、我軍當即撤退至 厲家棚房、倚山扼守現兩方陣線、相距三英里敵軍迄未退去、

(三)滿州里方面、昨晨六時許、有敵軍鐵甲車一列駛入我境、向我陣地進發、在距我陣線一千里達處、有敵軍步兵三百餘名、携帶機關槍、向各處散開、并以砲火向我軍射擊、我爲正當防衛計、即與戰鬥、歷一小時許、敵即退去、但其大部砲兵、在國門附近沿邊一帶、時向我軍射擊、此種事實、加拉罕於無可否認之中、又須否認、

(四)今日外間傳說謂蘇聯政府、已向我國宣戰、但此間迄未接有正式官報、總之莫斯科政府始終欲貫徹其赤色帝國主義、所謂非戰公約在赤衛軍攻我札蘭諾爾時、已爲破壞、如再正式向我宣戰、直視世界各國爲無物、

(五)南滿鐵路、近來運輸出口貨物、較去年同一時期增加六倍之多、同時長春方面之各種情形、已漸爲世界所注目、長春日軍曾阻止我國軍隊橫過南滿線、故我方已由中東線、放一支線、連接吉長線、

東北文化社宣傳處廣播邊防消息第五號

十八年八月二十二日

茲將過去二十小四時內、蘇聯破壞非戰公約、欲在我中國造成赤色恐怖之事實、報告如下、

(一)滿州里東北側面、自十九日正午、敵軍在我邊界以內、以野砲轟我陣線、連續八九十發、於二十日晨九時停止、我砲兵未與交戰、

(二)滿州里沿中東路線一帶、時有敵軍奸細蹤跡、昨日上午一時、中國軍隊發現鐵橋附近有敵軍奸細十餘人、在該處掩埋地雷、當經我軍發見、該奸細等即行逃去、我軍在該處檢得地雷二十個、導火線若干條、

(三)哈爾濱至綏芬河電報電話、已經修復、而哈爾濱至齊齊哈爾、哈爾濱至長春間電報、又為敵方奸細剪斷、但幸各處無線電往來一無阻礙、關於專剪電線之赤黨青年義勇隊、已在哈爾濱拘獲九名、正在嚴訊中、

(四)侵入吉林密縣梨樹鎮一帶之俄國騎兵五百餘名、及機關槍隊一連、刻已退去、惟留一百餘人、向我軍陣地射擊、并將我方營部住房焚燬而去、

(五)哈爾濱德國領事對美記者談話、謂現在哈埠拘禁之赤黨擾亂份子、現共二百三十八人、第一批係在俄領署捕獲之第三國際黨員三十九人、現正在偵查檢舉、不久公開審判、飲食起居均佳、第二批約二百四十人、均係擾亂治安破壞交通因而拘禁者、現押在老哈爾濱附近、每日有麪包山芋蔬菜茶水等食物、不久即將移押於較大之房屋、第三批五十九人、為護路軍司令部所拘獲、皆係激烈份子、德領又云中國官廳待遇敵犯、頗為公允、並有醫官三

四人、專爲治病及注意衛生事項、惟目下哈埠房屋缺少、不久或可覓得較大住房云、

(六)赤俄利用我國無知青年、在海參威作種種反我宣傳、並有受其金錢運動、潛入邊境勾結土匪搶掠鄉村、此爲國際絕不道德之行爲、

(七)連日敵軍侵我邊境、各處避難至哈者頗多、惟哈埠地面仍極安靜、

(八)遼寧開拔之先發部隊、二十號中夜至滿州里札蘭諾爾等處、現我以滿州里爲西路之第一防線、札蘭諾爾爲第二防線、陣地極爲鞏固、

(九)日前札蘭諾爾一役、敵軍初以砲火轟我陣線、我軍未還擊、敵軍步隊即衝鋒入我陣線、被我軍俘擄赤軍四十人、不日解至哈爾濱、加拉罕在歐美宣傳、謂赤軍未入中國領土、對此在我領土內俘擄之赤軍四十名、不知又作何說以欺騙世界、

(十)莫斯科政府謂赤軍並未破壞非戰公約、一方面其赤軍之佔據我黑龍江沿岸、兆興三鎮者、迄二十日尙未退去、近並搭有帳篷甚多意在久佔、

(十一)赤軍之預備破壞非戰公約、侵掠我邊境者在綏芬方面集中、雙城子有兵力兩萬、鐵甲火車兩列、野砲若干尊、在滿州里方面集中大烏里、其司令部即設在此處、離滿州里約二十五英里、其兵力爲二萬有餘、亦有鐵甲火車二列、坦克車六架、飛機二十餘架、然東西兩路所駐敵軍在其境內、均未掘有戰壕、此赤軍不取守勢、而欲攻入我國領土、不言

而喻、

東北文化社宣傳處廣播邊防消息第六號

十八年八月二十三日

(一) 昨日 (二十二日)、法國飛機到遼、本欲由滿州里取道西比利亞回法、乃爲蘇聯當局所拒絕、現在尙留遼寧、此事足以證明赤軍侵佔我國邊境、而不願爲他國人所窺見其實情也、

(二) 佔據我黑龍江沿岸兆興等三鎮之敵軍、於二十一日退、去兵艦亦不復見、地方損失甚重、

(三) 據前方報告最近海參威方面、強迫華僑當兵、不從卽下獄、因此招得我僑民數百人、各給長槍一枝、子彈二百粒手榴彈二個、由赤軍官兵前後監視、於十七十八十九等日、自海參威乘車至四站、然後下車步行至五站、(卽綏芬河)、計分四組潛入我境、勾結土匪擾我後方、有中國青年共匪名王培先者、爲之策劃一切、聞每組約有華人一百、監視之赤軍官兵則爲五十、我吉林密山縣境之常壁鎮黃崗、均被搶掠一空、蘇聯前曾布告各國妄稱我方利用白黨、今我方未曾利用白黨、而彼乃明目張膽驅使我盲從青年、勾結我地方土匪、以擾亂我國治安、其不顧國際信義、直與盤踞中東路以宣傳赤化性質相同、

(四) 中東路自卽日起、爲實行協定起見、實行中俄文並用一切文稿單據、向來單用俄文者、以後須加填中文、

(五)哈爾濱地面安靜、軍政路合組聯合辦事處、以張景惠長官爲委員長、二十一日已開始辦公、

(六)前在香港、(即老哈爾濱)、收容之蘇聯籍暴烈份子、二百四十人、二十一日已移往哈埠江北馬家船口、

(七)昨今兩日東西路消息比較均甚沉寂、

(八)二十二日哈埠特區警務處、續獲製造赤色恐怖犯一百五十人、又自動電話機、爲蘇聯工業大學、學生所破壞者、計三百架、

東北文化社宣傳處廣播消息第七號

十八年八月二十四日

(一)莫斯科外交委員會、二十日向各國否認赤衛軍攻擊我軍、對札蘭諾爾衝突之事實、一字未提、又稱松花江中「之巴比奴大」砲艦、曾被攻兩次、查我軍非特始終未向赤俄砲艦射擊、而松花江完全在我領土以內、在絕交之後、其砲艦往來江中、是否爲破壞非戰公約、不言而喻、

(二)莫斯科政府佈告各國、謂在我國境內、有白衛軍存在、此不待我方置辯、即各國領事之在哈爾濱者、當能知北滿境內、是否確有白衛軍、查白黨之在中國者、爲數少於歐州各國、如蘇聯政府認任何白黨爲白衛軍、則爲赤衛軍隊、可以同一措詞而侵入在何一國、

以剿滅所謂白衛軍者、

(三)我江防軍艦、始終未將蘇聯商船扣押、而我商船之爲赤俄砲艦所扣去者、迄今日爲止、已達五艘、搭客失蹤商貨損失不知凡幾、

(四)今日東西兩路前方消息均甚沉寂、

(五)海參威前日開勞工曾決議、蘇聯工人之繼續在中東路服務者、非特開除黨籍、且認工黨公敵、此項消息達到哈埠、蘇聯籍工人又紛向中東路辭職、

(六)義大利駐華公使瓦雷、爲調查赤軍越境攻擊事、定於寢日(二十六日)晚七時到遼、晤見張司令長官後、即轉赴哈爾濱、

(七)三日內赤軍侵入我邊境之事已日見減少、但在外蒙方面、蘇聯軍隊漸爲活動、外蒙政府已發佈命令、積極在各卡增兵、厚品塔本思格廟一處、距黃旗府西二百七十華里、已增兵六百名、所有附近喇嘛、均發槍械迫令當兵、並派俄屬陶爾古特族人九名、赴雙貝子地方、招集喇嘛二千人在野外操練、預備入伍當兵、

(八)滿州里方面、在二十二日晚七時許、有赤衛軍帶有山砲兩門、由中俄交界之十八里小站、進主我軍陣地前方、約三千米達處、佔領高地預備作戰、八時又由阿巴該圖地方、開來赤軍步兵五百人、亦向高地駐紮、

(九)芝加哥講壇報電稱、美總統胡佛於十九號通告中俄兩國政府、請對非戰公約之義務、加以相當注意、致中國牒文由國務卿史帝孫交與我伍公使、致俄國者由法公使轉交、在此牒文送達以前、胡佛總統與英法日各大公使均有接洽、國務卿史帝孫與我伍公使曾作長時間之討論、義大利大使對美國此舉亦極贊成云、

(十)芝加哥講壇報又云、美國政府對中俄事件所處之態度、及外交上調停之方法、即以此牒文爲止境、

東北文化社宣傳處廣播消息第八號 十八年八月二十五日

(一)五月二十七日、在駐哈蘇聯領署所捕獲之赤黨三十九名、已在高等法院開始預審、不久即可公開審判、

(二)中東路督辦布告、外籍職工與華籍職工一體待遇、如再有罷工怠工及破壞鐵路者、均須依法懲辦、

(三)哈當局檢查遠東銀行結果、發見絕交前後、曾支出秘密費六十萬元、現正偵查其用途、不久即能水落石出、

(四)哈埠遠東銀行屢欲閉門歇業、藉以擾亂市面、但迄今該行尙未閉歇、因其設立要詣、不過爲吸收東路存款、與支出宣傳費用、無論存否均不能影響商業金融、

(五)連日東路穆稜煤礦方面、常有敵軍飛機往返偵察、莫斯科政府應知以飛機侵我領空、亦爲違反非戰公約之行爲、

(六)連日我東塔航空大隊之水上飛機十餘架、已轉赴同江駐防、

(七)哈爾濱中學生以上組織對俄義勇隊、女子學生及各機關職員夫人組織慰勞團、不日宣告成立、

(八)何成濬連日與張司令長官、協商防邊出兵辦法、大致均已決定、

(九)哈埠當局前在赤黨機關內、搜獲蘇聯秘密宣傳計劃書數紙、內云(一)利用某國新聞界竭力傳播東北與中央不能一致對外之論調(二)收買某西人等散布中國虐待俄僑之論調、現我當局對此已嚴加注意、

(十)滿州里前方敵軍不時出現、並有裝甲列車、上架大砲機關槍等、駛入我軍防線、我軍向阻無效、反以砲火相轟、我軍爲正當防衛起見、不得已將滿站前線鐵軌拆卸數段、以免敵軍裝甲列車籍此國際孔道、再行駛入我境內、

(十一)今日東西兩路前方消息又極沉寂、

東北文化社宣傳處廣播消息第九號

十八年八月二十六日

(一)據聞僑居哈埠舊俄保皇黨、秘密組織反對第三國際同盟協會、刊布檄文、聲討赤俄、現

我當局已電令特區長官嚴加取締、又海拉爾一帶蒙古居民、鑒於赤俄屢次嗾使外蒙赤軍擾亂呼倫貝爾、故已組織敢死隊、籍以自衛、

(二)蘇聯政府任命之遠東軍司令薄魯罕爾、即前在中國混名加倫將軍者、現已行抵赤塔、二十四及二十五兩日對赤軍均有演說、謂此次勞動軍隊應爲「布爾希羅克」主義而戰、更宜爲擁護「布爾希羅克」政府、作最後之奮鬥云、

(三)何參軍長談話、絕對否認本月二十五日日方通信社所傳蔣主席下野之謠傳、何謂蔣主席此次赴滬係治目疾、宋子文王正庭及戴傳賢等、則慣例每星期六必往上海料理私事、本屆適與蔣主席同車赴滬、在此中俄交涉吃緊之時、決無言辭之理、且蔣主席目疾已漸痊愈、今明即可回京云。

(四)據今日由兆興鎮逃來遼寧的難民、張文波報告謂、八月十二日上午三時、有俄小砲艇一艘、發見於黑龍江中時、用機關槍向我岸上射擊、及至八時許槍聲漸密、合鎮居民相率逃避、歷一時許槍聲頓稀、居民有回鎮者、即見一兵艦發見於江上、原有小砲艇則已駛去、該兵艦初欲捕我駐防步兵長官、旋即開砲向我轟擊連續三四小時、全鎮付諸一炬、人民死傷亡者觸目皆是、其後該艦水兵登岸駐紮、勤誘農民歸家、無知者遂紛紛回鎮、不料十三號又開到赤俄軍艦三艘、連轟十餘砲、死亡者又不知凡幾、其後該難民逃出該鎮、

十四號以後情形彼即不知、

(五)各處遠東銀行蘇聯僱員一百五十餘人、已在哈埠集中、預備九月十五日取道大連、回海參威、

(六)中東路赤俄工人、爲鼓動罷工及實行製造赤色恐怖者、仍日有所聞、二十四日又拘獲六十九人、送松北收容所看押。

(七)義大利駐華公使瓦雷、爲調查赤軍侵華事、於今晚七時由平到遼、

(八)今日東西兩路消息沉寂、各處有線電無線電均通暢無阻、

東北文化社宣傳處廣播消息第十號

十八年八月二十七日

(一)張司令長官、對津滬記者張竹平、董顯光、康迪一、陳達哉談話、否認日方通信社所傳馮玉祥、在山西運城、向舊西北軍動員之說、並謂中俄交涉、現由中央主持、絕不退讓、余(張自稱)奉令守土、赤軍如再滋擾、當以全力應付云云、

(二)黑河張交涉員報告、黑龍江道屬鷓鴣浦縣城、於八日早一時半、竄來赤衛軍百餘名、用機關槍三架、野砲兩尊、在我縣南門外、與我守備軍交戰八小時、當格斃赤軍武官二名、赤兵十五名、獲大槍八枝、我守備軍陣亡者十一名、受傷者軍官一人、步兵六名、十三日晚赤軍大隊以野砲轟我縣城、十四日晨縣城失守、縣長即率民衆逃歸富拉罕廣信公司

金礦區、距縣城約四十五華里、按該處無電局、故消息頗不便利、張交涉員報告、於昨日方達齊齊哈爾、

(三)梁旅長報告、滿州里二十四二十五兩日情形、略謂二十四晚六時、赤衛軍五十餘名帶山砲四門、由阿巴該圖向馬蹄頁子移動、又同日午十二時、赤軍飛機六架、由馬蹄頁子方面飛入我境、至滿站我陣地上方盤旋二十分鐘退去、又二十五日赤衛軍、在滿站以北十三里地方、增加騎兵數百人、帳蓬數十架、

(四)呼倫趙交涉員報告、卡倫地方於十五號起、屢有赤軍小隊、攜帶機關槍與我守備軍挑戰、殺我卡官一名、傷我步兵商民三人、地方財物已爲劫掠一空、我守備軍之在該地者、人數甚少、故即與官民退守河漢、查該處本年河水暴漲、交通斷絕、以致公文信件、均由山道傳遞、此項報告、於昨日(二十六日)方到齊齊哈爾、

(五)哈埠中東路商務代辦所主任、(蘇聯籍)以假提單向遠東銀行借款金羅布七十萬元一案、現已在司法衙門開始預審、尙有遠東行長及董事一人、亦因通同作弊、列入報告、

東北文化社宣傳處廣播消息第十一號

十八年八月二十八日

(一)據黑河無線電報告、昨日(二十七)有俄國兵艦滿載赤軍水兵、及中國共黨至南岸示威、並未發生衝突、

(二)綏分河無線電報告、該處今昨兩天、又有赤軍飛機、在我國領空盤旋、

(三)哈爾濱電話、謂該處外人方面、盛傳中俄代表、在柏林初次會晤之結果、俄方已提出蘇聯卡場鐵路局長柴兒閣夫、繼任爲中東路局長、不日中俄代表、即在哈爾濱會議云云、

按此間對於此事未有官報、至局長人選問題、目前時機尙早、一時尙不能談到、

(四)又滿州里梁旅長忠甲報告、二十六日晚六時、赤軍由馬蹄頁子向阿巴該圖增加騎兵甚多、約在五六百名以上、又在我陣地前二千米達處、開放機關槍挑釁、我軍置之不理、

(五)中東路路警處報告、連日有共黨在伯克圖南、巴里木一帶破壞鐵軌、查道夫一名、曾被推入河中、又有一名、則被用槍擊斃、死屍身上尙有刀傷數處云、

(六)張司令長官、今晚宴請義國公使瓦雷、對中東路事有所談論、該公使定九月一日以前到哈、

東北文化社宣傳處 廣播消息第十二號

十八年八月二十九日

(一)安東瀛西藥房醫士姚子揚、因暴俄寇我邊疆、於儉日(二十八日)電告東北邊防軍張司令長官、由官銀號票匯奉大洋五萬元、慰勞前敵將士之用、據聞繼起捐款者頗多、

(二)萬福麟勸電略謂、據黑河巴旅長英額宥電稱、宥日(二十六)上午十時許、有赤俄兵艦一隻、載砲六門、機關槍兩架、武裝俄兵百餘名、由彼岸駛至我岸、距江沿連哨約二千

餘米達、竊探我軍陣地、船上軍樂洋洋、旋轉向下流駛至彼岸、停泊一小時、又添俄兵百餘名、向下流駛去。

(三)哈爾濱特警處報告、江北收容製造赤色恐怖人犯、已達八百餘人、由臨時警備處看護、該犯家屬往來探詢者絡繹於途、

(四)胡毓坤軍長已到齊齊哈爾、今日首途赴海拉爾滿洲里布防、

(五)美國記者顯威爾等四人、赴札蘭諾爾觀察旬日前之赤軍攻我陣地實況、

(六)東北海軍副司令沈鴻烈、二十七日晚六時、乘兵艦前往同江、視察松花江防務、

(七)遼寧所遣軍隊、計一萬餘人、昨晚(二十八日)及今晨絡繹到哈、駐紮哈爾濱軍紀極佳、

(八)滿洲里天氣驟寒、夜間氣候已降至攝氏寒度表五度以下、遼寧兵站已啟運大批綿衣、運往前方、

(九)遼寧總商會及各團體、預備大批慰勞物品、輸送前線慰勞我防邊軍士、

(十)張司令長官今晚六時、接見倫敦每日郵報戰事記者菲利潑爵士、七時在北陵別墅宴津滬記者、張竹平、陳達哉、康通一董顯光等、對於中俄事有所說明、

(十一)黑龍江萬副司令報告、鷓浦縣九日晚一時、俄兵百餘名攻入我岸、我軍抗戰十小時、擊斃俄兵十七名、我方陣亡排長謝家恩、及兵士十名、傷六名。縣城四週受水圍、由駐

防軍隊、會同冬縣長保護、全城商民退住南山林、十三日下午八時、俄砲艦來攻發大砲三十餘、轟燬營房、我軍兵單彈少、不能抵抗、縣城失陷、被俄兵大掠一空、商民等現在退居拉罕廣信公司礦區云云、按鷗浦縣、上至漠河六百五十里、下至金山鎮二百餘里、電報不通、河水暴漲、交通滯塞故事隔旬餘、始得情報、

東北文化社宣傳處 廣播消息第十三號

十八年八月三十日

(一) 綏芬河無線電報告、該處附近蘇俄境內、現有赤軍二千餘名、飛機四架、又蘇聯政府新近組成之中俄韓第三國際混合軍隊約八百餘名、由中國共匪邵二虎統率、頗有侵入我境之勢、

(二) 據黑河無線電報告、儉晚(二十八日)十時許、赤軍向我方發砲一響、砲彈落於海關院內炸壞玻璃窗等物、幸未傷人、我軍亦未還擊、

(三) 據中東路局報告、二十九日午十二時、有製造赤色恐怖之俄國共黨、破壞綏芬河附近之路軌、以致火車出軌、死旅客二人、路警處當在附近拘獲身藏炸彈之俄國青年共匪若干人、業已解送哈爾濱審問矣、

(四) 據中東鐵路路警處處長張厚宛感電報告、近日蘇俄派兵一萬餘、由大烏里繞道向興安嶺一帶開來、以備襲取興安嶺、破壞鐵道、軍警當局據報、已嚴密防範、

(五) 吉林張副司令電告、密山縣興隆溝、發見武裝俄兵、督率華工修築軍路、已飭綏寧鎮守使竭力制止、

(六) 滿州里梁旅長忠甲報告、二十八日午刻、赤軍百餘名、自十三里站來窺我軍陣地、旋即退去、同時有俄汽車十餘輛、大板車二百餘輛、由十八里站向阿巴該圖輸送軍需、已飭屬嚴防、

(七) 哈爾濱特區警務處報告、近來哈埠發現共黨激烈傳單甚多、密查許久、始知大部份傳單、均由英人符禮德所辦之英亞通信社印刷所所印行、故昨日(二十九)上午三時、警務處遂派警察、至該印刷所搜到大批共黨印刷品、英亞通信社編輯人、著名共黨奈西根、則已聞風遠颺、現在特區張長官、以英人幫助宣傳赤化、已向英領嚴提抗議、

(八) 據某當局談話、現在外人盛傳赤俄要求於中俄會議前、先派新局長至中東路視事、實則按照協定、局長非經理事會通過不能到差、而理事會俄國理事、前以莫斯科政府向我絕交、已先後自動回俄、中國理事不足法定人數、決不能違背定章單獨通過、由莫斯科直接薦仕之局長、故先決問題、當然爲復交、復交後俄國理事始能自動回任、但復交問題、非先開中俄會議無以解決之、

(九) 邊防軍第四旅、於二十九日晚由遼到哈、轉赴雙城駐防、

(十)馮庸大學學生組織義勇隊、編騎兵若干連、預備於必要時開赴前線、

東北文化社宣傳處廣播消息第十四號

十八年八月三十一日

(一)今晨(三十一日)上午八時、遼寧民衆十萬餘人、在萬泉河公共體育場、集合歡送邊防第一軍軍長王樹常、及全體軍隊開赴前方、各團體並備有大批贈品分贈各將士、王對此次出防任務、有慷慨激昂之演說辭、民衆均高呼「剷除共黨」「打倒赤俄」口號、十時許、軍隊出發赴各車站登車、男女學生及市民隨赴車站、一時遼寧各城門交通爲之斷絕、十一時王樹常及全體將領、乘馬出城、沿途人民均高呼「東北邊防軍萬歲」十二時半行抵車站、又向男女學生二萬餘人作簡短之演說、一時許車始出發、民衆沿途列隊歡送者、長六七里、爆竹之聲不絕於耳、

(二)二十九日晨哈爾濱特區警務處、破獲赤俄秘密出版之眞理報印刷機器、捕得赤黨三名、有一名聞風先逃、正在嚴緝中、除搜出印刷機器及全部鉛字外、又搜出印而未發之該報第七期千餘份、該報已出版第六期、每期印五千份、第六期報中稱蘇聯國內正在捐款購置飛機、及鐵甲車、共黨投效人義勇軍者、日有數百、可見赤俄決心以武力侵略我中國、

(三)二十九日哈爾濱特區警務處、捕獲騷亂治安之共黨三十餘名、

(四) 萬福麟世電稱、據海拉爾交涉員趙壽仁電稱、據七卡八十先後急報、對岸赤軍大隊本月十六日來襲卡倫、用機關槍射擊、我方還擊、相持一晝夜、被衆我寡勢漸不支、遂保護卡倫商民漸退、查卡倫在滿州里中俄邊境叢山中、近有水災、電訊阻梗、故此項報告十餘日始到、

(五) 據綏芬河駐軍報告、綏芬方面日來赤軍運到重砲八十尊、騎兵數千人、

(六) 據東寧縣來人云、東寧被陷時、赤軍慘殺中國農民百餘人、財產被掠損失無算、

(七) 二十七日晨、赤軍搶掠黑河上游倭西門碼頭、擊傷居民數十名、財產糧食被掠一空、赤軍飽掠後、呼嘯渡河而去、

(八) 丁鎮守使超於二十九日晨、乘鐵甲車赴綏芬河前線、視察防務、

(九) 八十九團全團、二十九日午刻在哈遊行街市一周、即開拔赴綏芬馬橋河增防、

(十) 哈埠學生組織學生軍、發出宣言、謂赤俄武力侵犯我國境、危亡在即、在此九死一生情形之下、惟有決一死戰、以保國土、用是組織學生軍、爲國家效命疆場、作解除不平等條約之前驅、

(十一) 昂昂溪學生、組織對俄行動後援會、發表告武裝同志書、要在槍林彈雨下、雪歷史上之恥辱、又告民衆意見書、要一致聯合起來、作武裝同志之後備軍、抵抗赤俄共產主義

之侵掠、第三國際顛覆中國之陰謀、

(十二)呼蘭縣市民組織對俄外交協會、發出通電、請全國民衆一致作外交之後援、以武裝保護國境、謹率塞北健兒、待命蘭河、

(十三)東北航務局黑河事務所電、二十七日俄艦過江。緊靠我岸、滿載兵砲、軍樂示威、遊行高唱軍歌、至事務所碼頭、折回、倭西門被俄攻破。死排長一人、軍民多人、又據該所續電稱、二十八日晚、俄艦復抵我岸、至該局碼頭停一小時而去、二十九日晚俄艦向我岸開大礮數發、將永平小船上蓋擊破、海關附近窗戶玻璃擊碎、人民尙未查明無死傷者、

(十四)哈埠商會二十九日議決、東鐵運貨、今後改以現大洋爲本位、按東鐵貨物運費及客票、前此均以虛金羅布爲本位、折合現大洋、其行市悉由俄人操縱華商受虧奇鉅、故有此議、

東北文化社宣傳處廣播消息第十五號 十八年九月一日

(一)滿州里梁旅長忠甲報告、上月三十日晚在札蘭諾爾方面、有赤軍騎兵百餘名、又裝甲汽車七輛、機器自行車若干輛、進襲我方陣線、一時槍砲聲雜作、來勢頗爲猛烈、我方軍隊爲自衛計、卽予還擊、赤軍旋即退去、

(二)滿州里無線電報告、駐哈德領事亨賽爾、英美記者四人、同赴滿州里實地調查赤軍越境

之事、乃該領事等甫到該處、當晚(八月三十日)卽有赤軍、用七五步槍向我陣線射擊、次晨(八月三十一日)又有赤軍鐵甲火車駛入我境、並將我軍隊所設於鐵道附近之障碍物、紛紛移去、莫斯科政府、一再向各國圖賴其軍隊侵入我中國挑釁之事實、今有第三者目覩、其不法行爲、當能使各國曉然於蘇聯之破壞非戰公約、已爲無可辯護之鐵證、

(三)王樹常軍長、約於今明可抵哈埠、總兵站卽設於哈爾濱、其處長王烈於三十日晨先到、(四)三十三一兩日、哈市捕獲不穩赤黨二百五十人、張景惠特區長官三十日布告云、凡各處職工及僑民遵守法紀者、一律保護、此次所逮捕者、均係離職之擾亂工人、查有不穩之證據、凡並未離職及雖離職而能守分之人、仍照常待遇、依法保障、

(五)米春霖談話、江北收容所之赤俄犯數已逾千、現在每日給予麪包黃瓜山芋等、質量豐富待遇甚優、以視蘇聯虐待華僑、不啻霄壤之別、

(六)日來暉春附近二道溝地方、有赤軍騎兵約一連不時出沒、

(七)特區長官公署、三十日召集金融會議、決定三項辦法、(一)維持平匯各銀行、仍按三十元匯水、無限止收匯(二)恢復對交期匯(三)取消商家銀洋記賬辦法、貨價仍以哈大洋爲標準、

(八)滿州里梁旅長報告、滿州里陣地前、約一千二百米達、赤軍陣地、又由阿巴該圖增來赤

軍步兵五百餘名、又軍用汽車若干輛、按目前該處赤軍前哨陣地、均在我國境內、其明目張膽破壞非戰公約之行爲、實是驚人、

東北文化社宣傳處廣播消息第十六號

十八年九月二日

(一)哈爾濱無線電報告、二十八日赤軍攻陷吉林汪清縣、開獄釋放犯人、並縱火搶掠商民、損失甚鉅、按汪清縣(卽百草溝)在延吉之北、

(二)哈爾濱無線電報告、意使瓦雷視察前線後、發表談話、謂以渠觀察中俄不致開戰、意使於一日夜離哈南返、

(三)滿州里海拉爾一帶居民、因赤軍屢次犯境、紛紛遷避、現在警備司令部發出佈告、每晚九時以後、中外居民須一律息燈休息、不准出外行走、

(四)吉林張副司令作相報告、東寧克復、曹團長於三十日率隊距離城八十里之小城子、五七兩連駐街裏、其餘分駐城外、警察第二區暫駐烏蛇溝口、並在佛爺溝一帶游擊、第三區回北河、沿原防保衛團第一隊、在大小城子溝各處巡緝、第四隊歸老黑山、其他各隊均歸原防、現在赤軍方面俄界東站、尚有步兵二百數十名、野砲兵一連云、

(五)綏芬無線電、我軍克復東寧縣時、赤軍已將該城洗劫、農民無辜被殺者尤多、詳情正在

調查中、

(六)滿州里無線電報告、德國領事亨賽爾及英美記者四人、已赴札蘭諾爾調查、該處有一小山、其山顛竟於旬日前、爲赤軍砲火所蕩平、又該領事記者等、所見沿路中國軍隊、有一萬五千人以上、從未發見一白黨軍士在內、此等事實、均爲莫斯科政府誣蔑中國之反

(七)哈爾濱無線電報告、此次綏分河方面赤軍勾結韓人土匪數千人、原約分股攻掠梨樹鎮等處、及至出發後、赤軍之任指揮者、忽發令向穆稜煤礦進發、意在破壞該處煤礦、該土匪等志在飽掠財物、遂有不與合作而潛逃者、其中並有二匪、將赤軍計劃密告我軍、我軍遂先事預防、故該煤礦得以保全無恙、

東北文化社宣傳處廣播消息第十七號

十八年九月三日

(一)齊齊哈爾無線電報告、英美記者團已到齊齊哈爾、沿途觀察頗爲詳盡、據該記者等談話、中國此次遣送出境之蘇聯共黨、殆至俄境後、竟有大多數被蘇聯當局、指爲反動派、以致進退兩難、處境極窘云、

(二)邊防第二軍胡毓坤所部、開到齊齊哈爾者已達二萬七千餘人、每日續到者約計列車六輛、

(三)邊防軍開到哈埠及齊齊哈爾後、中東路沿線情形已漸平穩、剪斷電線毀壞路軌等事。日

見減少、

(四)據海拉爾韓隊長光弟冬電報告、有旅莫斯科華僑孫鴻文、最近脫險逃至海拉爾報稱、蘇聯情形如下

(一)有蘇聯軍騎兵砲兵共約四萬、於七月七八兩日、由倭莫斯科着木斯科依拉根斯三處登車、於七月二十日到伯力金子下車、又盡數開赴大烏里地方、此項軍隊學生居多數、境在城根拉(距達賴諾爾約四十華里)地方、有俄騎兵約五百餘名、

(二)俄國內兵以騎兵爲多數、砲兵次之、步兵最少、

(三)俄國實行徵兵、人民多不願應徵、然亦無法拒絕、民怨已深、倘再強徵、卽有叛變之勢、

(四)俄國民心已與政府叛離、曾云如俄國領土被中國佔領、卽向中國納賦稅、決不願常受政府之虐待、

(五)俄國食料缺乏、倘無他人接濟、幾將有絕食之虞、

(六)俄國對付華僑甚爲慘暴、除格殺外、將由莫斯科至伯力金子沿路華僑、盡行拘留云、

(五)俄境逃歸之華僑云、俄本太荒、自中俄事起、交通斷絕糧食尤見恐慌、蘇聯政府、曾有密令至前線、騷亂沿邊華地、搶掠糧食、近以食品益缺、紛紛驅逐華僑出境、由海參威用船運至營口秦皇島等地、按東寧密山等處、本係糧食匯衆之處、赤軍攻陷時、糧食悉

被洗劫、證諸該華僑等所言、可知俄境糧食確甚缺乏、蘇聯在此情況之下、非速戰即須速和、此自然之勢也、

(六)梁忠甲旅長報告、滿洲里前線、一日晚四時、有俄騎探三名、至我軍陣地前五千米達處、發槍三響即去、又國境道上發見俄騎兵三十餘名、砲二門、駝馬二十餘頭、汽車七輛、自十八里小站回阿巴該圖而去、晚六時、俄軍陣地自阿巴該圖方面增來赤軍二百餘名、並聞有砲聲兩發、

(七)丁總指揮超報告、東寧克復後。我曹團於一日入城、警察保甲均歸原防、大小商店已照常復業、但情形蕭條、大不如前、

(八)滿洲里梁旅長報告、一日晨又有赤軍二百餘人潛入海拉爾附近希圖破壞鐵路、常爲我軍驅退、未曾發生戰事、

東北文化社宣傳處廣播消息第十八號

十八年九月四日

(一)何參軍長成濬、前因對俄防務、特來遼寧與張司令長官有所接洽、目前各項問題、已經商妥、邊防第一二軍亦經全部出發、故何參軍長於今日(九月四日)下午五時專車回平、

(二)何東爵士、此次以張司令長官之邀請來遼、考察實業、何氏對於東北之新建設極爲贊許、並謂東北各省富饒冠中國、將來希望不可限量、目前各種外交之困難、不過爲暴風

疾雨、不久即可平靜云、何氏於今日（即四日）下午首途去平、轉赴五台山、張司令長官特爲預備專車、派何豐林參議陪往平津、

（三）各國駐哈領事、及英美外報記者若干人、由中國當局邀請、於昨晚前赴綏芬河、視察赤軍犯華邊境情形、

（四）哈埠當局、拘禁蘇聯製造赤色恐怖人犯日見其多、駐哈德領事、已接到莫斯科政府、匯來美金五萬元、分發共黨家屬、每星期每戶給予哈洋八元至二十元不等、但粥少僧多仍屬無濟於事、

（五）今日（四日）前方消息沉寂、

（六）各處電台通信均無阻礙、滿州里方面雖然不時聞有赤軍砲聲、但無侵入攻略之事、

東北文化社宣傳處廣播消息第十九號

十八年九月五日

（一）哈爾濱特警處報告、哈爾濱松北收容所、共拘俄赤黨一千一百十四人、內婦女七十一人、每日每人給麪包兩磅、及黃瓜、柿子、白糖、紅茶等物、附設醫院、待遇甚優、星期三六兩日、准許家屬送衣食、但絕對禁止通信談話、此等赤黨刻正分別審理中、審判長一人、法官八人、繙譯八人、錄事十人、犯多短期間難竣事、

（二）又云赤俄近日、屢裝華人在東路沿線伺隙破壞、我方防範極嚴未肇事故、

(三) 據中東鐵路管理局報告、該路電務處長札節布林斯基、以短波無線電、向伯力密報我方軍事消息、三日破獲被捕、

又東鐵電話局主任、列別結夫、亦於三日因案爲法院拘押、

(四) 據齊齊哈爾萬主席電稱、前在湯原縣境、鶴力崗煤礦區內、被中俄合夥土匪帶去之英國商人伯爾敦、已於三日由該處王旅長設法救回云、

(五) 梁忠中旅長報告、二日晚十時、在我方陣地前二千米達處、發現赤軍連絡記號燈、及汽車數輛、並聞阿巴該圖方面、有砲聲十餘發、

(六) 哈爾濱無線電報告、駐哈德領事、意欲由滿州里方面、遣送一部份蘇聯僑民歸國、乃該僑民等、因恐赤俄政府指爲反動派、頗多不願受遣者、同時蘇聯方面亦不遣軍來迎、故前往滿州里之德副領事亨賽爾、業已回哈云、

(七) 滿州里無線電云、據華僑自俄境逃回者報告、近來我國僑民之在莫斯科赤塔大烏里者、爲蘇聯當局搜捕殆盡、除無辜被殺外、囚禁者亦竟數日不能得食云、

(八) 哈爾濱無線電報告、三日綏芬河發現赤俄飛機數架、高翔示威、未擲炸彈、

(九) 美德兩國領事、三日晚離哈赴綏芬河視察、

(十) 哈埠國民黨二日開黨員大會議決、

- (一) 呈中央黨部轉國府、赤俄要求議和、須賠償損失、歸還佔領我國土地、
- (二) 聯絡各界組織反俄大會、
- (三) 通知哈埠當局平市價救濟貧民、
- (四) 組稽查隊、密查赤俄與不良份子破壞手段、並防某國擾亂陰謀、
- (五) 組哈黨員對俄問題執委會、
- (十一) 王樹常軍長抵哈後、組織邊防第一軍軍部、騎兵第一師長鄭澤生、四日晨抵哈、所部即日開到、歸王樹常節制調遣、
- (十二) 哈爾濱道裡外兩商會、籌備勞軍大會、正在積極進行中、
- (十三) 滿州里無線電報告、三日午十一時半、赤俄飛機兩架、來窺滿州里陣地、高翔半小時、又三日晚五時、赤俄飛機一架、窺視札蘭諾爾陣地、飛翔十餘分鐘始去、
- (十四) 哈爾濱消息、蘇聯政府已訓令其前線赤軍停止挑釁攻擊、惟不時以飛機示威、藉助中俄交涉事件之進行、故我方前線力持鎮靜態度對付之、日來飛機不時窺視我陣地、我方均未射擊、

東北文化社宣傳處廣播消息第二十號

十八年九月六日

(一) 哈爾濱無線電消息、赤俄遠東軍司令布魯黑爾、(即加倫將軍)自到赤塔後、下令斥革重

要軍官二十餘人，現被斥革者心不甘服，已赴莫斯科呈控，此事內容如何，不能深悉，然爲種族問題，而起內亂，乃爲斷然之事實、

(二)滿州里梁忠甲旅長報告、四日早一時、赤軍襲擊我札蘭諾爾右翼陣地、砲火異常猛烈、我軍竭力抵抗、約戰一小時赤軍始退、是役我軍並無傷亡、守此障地者爲三十八團團長王爾瞻、四十三團團長王永盛、

(三)又梁旅長報告、三日有赤軍飛機一架、由阿巴該圖經札爾諾爾滿州里飛翔三次、每次半小時、乃向馬蹄頁子駛去、

(四)綏芬河丁總指揮報告、三日下午三時半、赤軍飛機三架、由西北而來、在缸窰溝高力營及河沿一帶、盤旋一小時許始去、

(五)吉林張主席報告、三日午後三時、赤軍飛機五架、在綏芬方面五站六站太平嶺等處、往返飛翔、至五時後始去、

(六)綏芬河丁總指揮報告、四日早俄兵焚燒我馬橋東邊民房兩處、不知是何用意、已飭部屬嚴加偵防、

(七)吉林張主席報告、二日綏芬方面、西毛屯草地內、檢獲淡黃色爆藥二十三塊、

(八)綏芬河丁總指揮報告、大威子方面、赤軍新增步兵五六百名、原有二百餘名、各種野砲

共有十餘門、

(九)吉軍前敵總指揮部支電報告、二十六旅劉團鄧連長、於八月三十一日帶該連官兵並騎兵一排、赴七站以北搜剿赤匪、九月一日下午一時至柳毛河後泊地方、突遇赤匪甚夥、在該處山腹時隱時現、形似哨探、即開槍環攻、匪依勢頑抗、激戰至午後三時、匪向北方山洞逃遁無蹤、是役我軍無恙、俄韓匪黨各斃一名、擄獲三十年式步槍一枝、七星手槍一枝、手留彈二枚、

(十)黑龍江副司令萬福麟電稱、據黑河巴旅長冬電報告、

(一)八月三十一日夜十二時、俄岸紅泥洽小地方赤軍五六十名、乘小船三隻、二公別河口登岸、陸行三里餘、至嚴家子河岸、分三處向我哨所齊槍射擊四五十發、我方當即還擊、約四十分鐘、俄軍見我對抗甚猛、遂用號燈退却小烏斯力南頭四家子河口、繞至二公別河口停船處、登船駛回俄岸、我軍官兵均安、

(二)花紅泥哈俄屯路、小烏斯力十三里、該屯機關名石達佈、俄軍來時經過江峽沁子、達二公別河口登岸、來船共三隻、携有小汽船一隻去、

(十一)中東路路警處張處長報告、蘇俄在額爾古訥河建橋三座、地點、(一)加拉司太司基、(二)權司多爾司基、(三)初羅海圖司基、該處有赤軍騎兵經過、沿途搶掠蒙人駱駝七十

頭、按額爾古訥河爲黑龍江上游、乃中俄天然界線、今赤軍在此建橋、其欲入我邊境之意、瞭然若揭、

東北文化社宣傳廣播邊防消息第二十一號 十八年九月七日

(一)綏芬河無線電報告、德國領事亨賽爾、及英美記者數人、行抵綏芬河後、目覩赤軍於六日上午二時許、又侵入中國境內、攻襲我軍陣線、當經我軍擊退、同日破曉時、赤軍飛機八架、又來我境窺探、凡此皆赤軍破壞非戰公約之鐵證也、

(二)中東路管理局報告、該路西線阿爾么河一帶、水勢漸退、已派汽車多輛、至被水冲壞之處、迎送旅客云、

(三)又據中東路管理局報告、該局自六日起停止撥車載運糧食出口、但大豆及大豆所製之物品、不在此限、

東北文化社宣傳廣播邊防消息第二十二號 十八年九月八日

(一)自六日下午起、赤軍在東西兩路同時侵入我境、施行攻擊、共黨之沿路騷擾者、又復發現、足徵蘇聯政府、對於非戰公約、已視爲一紙具文、對於柏林和議、亦不過欺騙列強之一種手段、

(二)滿州里無線電台報告、陽日(七日)上午起赤軍在滿州里札蘭諾爾間、大舉入寇、我軍爲

正當防衛計、死力抵禦、赤軍用野戰砲爲掩護、以馬隊衝我陣線者、凡若干次、雙方死亡甚衆、直至下午五時許、我軍以迫擊砲機關槍在戰壕中猛轟、赤軍乃不支而退、按此項戰事、赤軍大隊來攻西路全線、頗有一致行動之勢、

(三)吉林張主席報告、綏芬方面、五日上午一時、二道洞子東南方東側之山腹、有赤軍三十餘名、向我軍右翼陣地進行、至距離二百米達處、遂發槍攻擊、我軍奮勇還擊、戰二十分鐘、赤軍始退、又是日下午三時、赤軍飛機三架、由綏芬西飛來、經過五站、向東北出境而去、

(四)吉林張主席報告、四日上午十一時、密山方面都立牙老克地方、赤軍施行機關槍攻擊、至下午四時方止、密山無恙、

(五)滿州里梁忠中旅長報告、五日上午一時、赤軍騎探十餘名、與我軍陣地左前方步哨衝突、互擊二十分鐘、敵騎始退、至上午五時、赤軍鐵甲車、來我陣地前一千五百米達處、半小時始退、

(六)據東北交通委員會高副委員長談話、東北最近撥還平綏機車五輛、客車二輛、貨車三十八輛、平綏局已派賀副到瀋接洽接收手續、張司令長官並已電請閻總司令查照矣、

(七)哈爾濱無線電消息、綏芬河馬橋河之間、七日晨起、電話不通、至下午五時始恢復、赤

軍於七日下午二時起，向我軍陣地進攻，人數約在三千人左右，並開大砲掩護，我軍奮勇抵抗，戰至八日天明，始將赤軍擊退，赤軍砲火，燬去我方房屋不少，並有數處起火云、

(八)哈爾濱無線電消息、六日夜間、綏芬河八道河兩站之間、赤軍間牒置大炸彈一枚、轟翻機車一輛頭二等聯合車一輛、三等車兩輛、行李車一輛、死一人、當出事時、四周槍聲甚密、不知來自何方、

(九)哈爾濱無線電消息、王樹常軍長、於七日晨出發赴吉林謁張作相主席、並視察東路防務、

(十)哈爾濱無線電消息、赤軍於七日又攻東寧縣、現在東寧形勢、甚爲危急、

東北文化社宣傳處廣播邊防消息第二十三號

十八年九月九日

(一)吉林張主席報告、綏芬河方面、八日上午二時、赤軍來攻、礮火甚烈、我軍憤甚、發砲還擊、至傍晚七時、猶在相持中、已電飭前線、奮力抵抗、

(二)沈鴻烈司令報告、赤軍侵黑龍江東北之綏遠地方、我方駐交界牌(卽烏蘇鎮)之兵一連、爲赤軍所擊散、現在綏遠危急、電報不通、

(三)哈爾濱總部電稱、據綏芬趙副指揮報稱、八日早二時許、敵人向我陣地射擊、我卽還擊

、至五時、敵飛機五架、拋擲炸彈、敵方砲火開始射擊、綏站附近着落數發、傷數人、敵約三千人、

(四)吉林張主席八日電稱、據趙鎮守使芷香報稱、八日下午四時綏芬方面、仍在戰鬥中、砲火炸彈、異常猛烈、張副司令已電令丁總指揮、派隊增援、

(五)哈爾濱電、綏芬前線、七日上午二時許、赤軍砲隊來襲、旋有飛機拋擲炸彈、七時許、砲火更烈、房屋被毀甚多、死二十人、八日又來進攻、激戰終日、至下午六時三十分尙未停止、

(六)哈爾濱電話報告、今日(九日)下午三時起、綏芬河無線電台、不能通報、綏哈電報電話、亦均不通、形勢極爲嚴重、

(七)滿州里無線電報告、赤軍千餘、於六日下午四時、猛攻滿州里札蘭諾爾間三十里小站、梁忠甲旅三十八團、奮勇接戰、至傍晚、赤軍復以巨砲攻擊我軍、鏖戰至七日上午、赤軍復以飛機向我陣地擲炸彈、戰至七日下午五時、我軍卒將赤軍擊退、

(八)綏芬無線電報告、赤軍襲攻東寧縣、我軍早有準備、由曹團與保衛團分頭接戰、至七日下午、已將赤軍擊退、

(九)綏芬無線電報告、綏芬河八道河間、一四七四基羅達米達地方、列車被炸、傾覆車五輛

、司機火夫車守等七人受重傷、業已判明、

(十)哈爾濱電話報告、赤軍於八日晚十時、直撲綏芬、我軍死力抵禦、赤軍四面包抄、我軍略退、所有電報電話線、悉被毀壞、我軍於千鈞一髮之際、竭力反攻、俄軍遂退、該方形勢仍極嚴重、無線電台房屋、亦爲砲火燬壞一部份云、

(十一)哈爾濱電話報告、赤軍侵入綏芬河時、將各種交通機關、悉行毀壞、車站電報房、亦被砲擊、現各方面正在派人前往修復、

(十二)吉林張主席電稱、七日夜赤軍飛機數架、向綏芬拋擲炸彈、將我軍鐵甲車炸壞一部份、傷人未詳、

東北文化社宣傳處廣播邊防消息第二十四號

十八年九月十日

(一)據哈爾濱無線電台報告、綏芬河電台於庚日(八日)晚爲敵軍砲火所燬、現該台辦公人員、已撤退至八道河地方、照常工作、該處距綏芬河站約三十餘華里、

(二)據黑河無線電台報告、黑河對面俄境阿穆爾省屬境、由阿穆爾鐵路運來傷兵甚衆、聞此項傷兵、係在泥布楚征剿叛兵受創、該處現在亂事尙未平定、且有擴大之勢、

(三)哈爾濱無線電台報告、邊防第一軍前往東路者、有六十六等團、已在穆稜附近布防、其繼續向東增防者、爲數頗衆、

(四)據哈爾濱無線電台報告、八日綏芬河之役、敵軍飛機炸彈之落於車站者、計有三枚、站屋遂起火、其後敵軍與我軍混戰時、我軍民死傷者、二十八人、其中十七名、已無生望、又赤軍轟擊綏芬河時、其砲位均在我邊境以內、

(五)哈爾濱無線電報告、綏芬方面、八日晨二時、赤軍大隊來攻、以重砲機關槍猛射我陣地、我軍奮勇接戰、以迫擊砲、機關槍、掃射敵軍、激戰至五時許、赤軍飛機五架、駛來助戰、紛擲炸彈、亂落如雨、綏芬河車站房屋一部份、被彈炸燬、站中車輛、亦受鉅大損失、居民死亡者、二十餘人、房屋被燬者甚多、至下午四時許、我軍始將赤軍擊退、九日晨、赤軍又來飛機數架、往來投擲炸彈、

(六)哈爾濱無線電報告、綏芬河電報局、於八日下午二時、被赤軍飛機炸彈所毀壞、僅有無線電通消息、電局已急派員、前往恢復交通、八日下午五時、綏芬河站待車室票房等、均被赤軍飛機炸彈所燬、傷路員一人、軍事當局現布告人民、一律退出該地、僅留軍隊在彼防守、海關職員、於九號遷移穆稜辦公、九日晚、中東客車、本擬開至穆稜爲止、嗣後前方消息、赤軍飛機已退、遂仍直達綏芬河、

(七)中東路呂督辦報告、八日下午五時、綏芬河站候車室、爲赤軍飛機炸彈完全炸燬、同時調車員辦公室亦被燬炸、調車員馬祝爾受重傷、其他路員受傷者十八人、均在綏站醫院

醫治、該院並有傷兵三十名、

東北文化社宣傳處廣播邊防消息第二十五號

十八年九月十一日

(一)據哈爾濱長途電話報告、自綏芬河至哈爾濱、電報電話綫、業於昨日修復、無綫電台人員、則仍在八道河工作、又八日由綏芬河退至穆稜之鐵路電報海關辦事人員。已於昨日(十日)全體全往綏芬河服務、

(二)據十一日上午五時半哈爾濱電話、今日(十一)滿州里綏芬河兩方、均無赤軍前來襲擊雖飛機仍在我領空盤旋、但未擲炸彈、

(三)吉林張主席報告、同江方面、三江口下游電桿、被赤軍飛機、炸燬多桿、九日午後、我軍哨兵在七屯四屯之間、與赤軍偷渡過江者相遇、赤軍即開鎗射擊、我軍陣亡一名、傷七名、又下午七時、赤軍在小黑河口放砲示威、

(四)吉林張主席報告、十日馬橋河下城子地方、來赤軍飛機數架、擲下炸彈、炸燬列車數輛、傷人數名、

(五)滿州里梁司令九日晚十二時電稱、滿州里方面戰鬥、於九日晚八時半停止、刻下尙在對峙中、查此役敵人各種砲火及機關槍異常猛烈、其砲兵約射擊千餘發、落在三十八團三營陣地者約七百餘發、其餘均散落各陣地及街市中、幸我陣地蓋溝堅固、僅陣亡士兵三

名、受傷官佐一員、士兵三名、

(六) 新任北寧鐵路管理局局長高紀毅、於十日晚快車赴津蒞新、

(七) 據日人方面莫斯科消息、謂蘇聯政府於本月九日、由德政府轉致我國之牒文、抗議中國軍隊攻擊赤軍、查蘇聯政府一方面命令赤軍侵入我國境內、攻擊我國陣地、一方面則先發制人、亟向各國宣傳、反謂我軍侵入彼境、而置事實物證於腦後、現在我滿州里札蘭諾爾綏芬河東寧各處、所留赤軍攻擊焚掠之痕跡甚多、凡此皆蘇聯政府欺騙各國之反證、

(八) 據哈爾濱無線電台報告、第一軍軍長王樹常、因赤軍明目張膽、侵入我境、攻我陣地、已限令所部師旅、即向東路前綫布防、現在每日開往東路之兵車有十餘列之多、

(九) 哈滿梁司令電、八日午、敵軍飛機一架、來我札蘭諾爾滿州里兩處陣地偵察、各約一小時、即回俄境、又電八日下午四時、敵步兵五百餘、汽車一輛、來至我陣地前方約一千米達之高地、構築工事、旋即退回十八里小站、

(十) 滿州里梁司令電、九日下午四時、十八里小站附近、敵砲開始向我猛烈射擊、其機關槍亦在國門附近向我掃射、復有敵步兵二三百名、向我陣地左翼移動、並有敵鐵甲車一列、進至我陣地前一千米達處、直至晚間八時尙在戰鬥中、同時敵人又在我十三里前二千

米達處、向我用機關槍掃射、並有飛機一架、在滿州里車站街市及我陣地上空盤旋拋擲炸彈、

(十一)哈爾濱無線電報告、八日晨綏芬河我軍兵車及給養車數輛、被赤軍飛機炸彈所炸

(十二)中東路局報告、七日晚綏芬河八道河間之被炸、係赤黨所埋極猛烈之地雷、地下被炸處、深至一公尺半、寬至三公尺、軌道被毀七十公尺、死電機員一人、職工四名、行李員一人、

(十三)江亨軍艦沈鴻烈司令報告、九日上午八時、赤軍飛機四架、沿我黑龍江岸陣地飛行偵察、正午同江縣後方三十餘里之四屯地方、有赤軍軍艦一隻、掩護汽船兩隻、內載赤軍三十餘名及機關槍等、被我方哨兵發現、開槍阻止、赤軍亦開槍、傷我軍二名、已派兵前往抵禦、

(十四)滿州里梁司令七日電稱、七日晚一時、敵砲兵向札蘭諾爾陣地射擊約五六十發、我砲兵還擊八發、我官兵均無傷亡、同時敵騎兵四百餘名、進至我陣地前三千米達之高山後停止、又汽車二十餘輛、由阿巴該圖四十八里小站開去、

又七日下午二時、敵飛機一架、盤旋於滿札兩站街市及我陣地上方約三小時、始飛回俄境、又九時半、敵飛機一架來我札滿陣地上方拋擲照明彈十餘枚、

(十四)哈爾濱無線電報告、據同江縣來人云、松花江口、現有赤軍砲艦七隻、終日升火、意欲向我松花江進發、幸我海軍在該處埋有地雷、已將江口封鎖、故敵艦不敢前進、

(十五)哈爾濱無線電報告、十日晨、赤軍飛機多架、在綏芬穆稜之間、擲炸彈、迄午始止、綏芬河站職員、及當地人民、現均退穆稜綏芬方面、祇有軍隊防守、又訊王樹常軍長於十日下午由吉林回哈、

東北文化社宣傳處廣播邊防消息第二十六號

十八年九月十二日

(一)哈爾濱無線電報告、滿州里九日夜九時起、赤軍開砲、十日晨一時砲聲始止、前後施放一千餘發、是晨五時許、赤軍又大舉猛攻、戰至九時、爲梁旅擊退、

(二)哈爾濱無線電報告黑河上游奇乾縣縣長及其家屬、均於前日爲赤軍擄去、生死不明、

(三)依蘭李鎮守使電、九日晨八時巡查兵九名、巡至三屯前夾波河地方、遇赤軍小汽船二艘、兵二十餘名、偷行渡江、正欲登岸、忽遇我軍、遂開放機關槍攻擊、我軍當即應戰、戰一小時、斃敵一名、傷數名、我軍援隊續到、敵遂退去、同時、敵方商船一艘、載赤軍四百餘名、意圖渡江、爲我軍發槍阻止、敵船退回、是役我軍陣亡一名、傷三名、

(四)哈爾濱長途電話報告、離綏芬以西八九里地方、十二日晨八時十分、赤軍來攻、重砲機關砲、同時並發、並有飛機拋擲炸彈、經我軍死力抵禦、激戰至十一時、赤軍始退、我

軍現有重兵駐守綏芬一帶至滿州里、十二日未聞有戰事、十一日午刻、該方又有赤軍飛機來擲炸彈、某羊毛廠被炸、損失甚鉅、

(五)黑龍江萬主席報告、金山鎮察哈卡上游七十餘里之新街基屯、於八月三十一日晨、由後山突來赤俄三四十人、韓人數名、華共黨三四十人、帶機關槍四五架、攻擊該屯、約半小時、遂進屯搶掠、衣服食物馬匹等、概被洗劫一空、下午三時離屯、斃俄卡兵一人、農民一人、擄去卡目一人、行至中途、卡目乘隙於黑夜間逃出、該處無電報電話、直至十一日、卡司逃至黑河、始得報告、

東北文化社宣傳處廣播邊防消息第二十七號

十八年九月十三日

(一)哈爾濱無線電報告、十二日晨八時、赤軍大舉攻綏芬河、並有飛機擲彈助戰、我軍奮勇應戰、相持三小時、將赤軍擊退、現在王樹常部軍隊、已出發十餘列車、赴東路前線增防、兵士冬衣、亦已運赴東西前線應用、

(二)哈爾濱無線電報告、綏芬河被赤軍砲火炸彈破壞後、車站幾成一片焦土、屍體縱橫街衢間、景象極慘、除各機關工務人員回復辦公外、居民尚無敢回家者、

(三)哈爾濱無線電報告、十三日下午七時、東路綏芬河、西路滿州里札蘭諾爾等地陣綫、均極沉寂、赤軍未來攻擊、

(四)哈爾濱無線電報告、王樹常軍長於十三日派飛機多架、赴綏芬河前線、並派砲兵一大隊、前往綏芬河增防、

(五)吉林省公署、十三日、派員赴綏芬河調查該地赤軍砲火炸彈等破壞情形、及損失程度、

東北文化社宣傳處廣播邊防消息第二十八號

十八年九月十四日

(一)邊防軍前方總指揮部通告、近日赤軍越境侵犯我前方軍隊、屢有接觸、此後游歷及照相者、一概拒絕前來、

(二)據黑河無線電報告、黑河方面赤軍日前開砲擊沉我江濱金礦貨船一艘、並砲擊街市、燬壞房屋不少、

(三)據哈爾濱無線電報告、哈爾濱總商會十二二十三兩日、向各界散發傳單、勸協助慰勞軍隊物品、

(四)又訊十二日下午一時、綏芬方面、忽來蘇聯飛機數架、移時即飛向穆稜探察、經過密山而去、在煤礦上領空盤旋最久、

(五)哈爾濱無線電報告、海參威消息、該地自八日起、大捕華僑、八九兩日、共捕千餘人、連同以前被囚監獄之華人、已達七千人以上、此外伯力廟街等處、亦同時大捕華僑、凡在監獄者、飲食均缺、待遇極苛、

(六) 吉林無線電報告、吉林省城各法團、十二日開會、議決籌款五萬元、作勞軍之用、

(七) 哈爾濱無線電報告、哈爾濱學生聯合會、積極組織學生軍、呼蘭學生亦有同情之組織、
(八) 據日本方面消息、南滿鐵路公司八月份、運貨收入爲日金八百二十二萬三千零七十三元、以較去年同一時期、實增收日金六十六萬三千一百三十四元、

(九) 吉林張主席十三日電告、據探報稱、全俄革命軍事會議部長、布布諾夫、現在海參威、曾屢與西伯利亞軍區司令官前敵總指揮桂牒斜夫、開最高軍事會議、海參威已露戰事狀態、各機關均有赤軍警戒、全埠汽車司機人、多半徵充軍用汽車司機、又蘇聯國境兵力數目、計四站附近五千、以步砲兵爲主力、東寧附近三千人、以騎兵爲主力、伊馬附近由莫斯科開到軍隊七千、兵種不詳、快當別附近五千、以騎兵爲最多數、

(十) 梁忠甲旅長報告、十一日下午二時、赤軍汽車十餘輛、馬車百多輛、在國境道上、阿巴該圖輸送、同行赤軍騎兵百餘名、佔我國道南側高地、構作陣地、掩護運輸、夜中三時、赤軍以機關槍、射擊我陣地、我軍并未還擊、十二日晨八時、赤軍騎兵百餘名、由阿巴該圖向十八里站前進、

(十一) 丁趙兩總指揮報告、東寧方面、赤軍於七日夜、繞我砲兵陣地、擲炸彈、放機關槍、經我軍擊退、十日晨、赤軍又以機關槍、攻我陣地數次、均即擊退、至赤軍飛機、自七

日以迄十日、逐日均有二三架、來我陣地盤旋、並值悉高力營方面、九日赤軍增兵五六百名、大烏蛇溝方面、十日赤軍增騎兵百餘名、又共黨首領華人王承顯、待下苛刻、已被部下所殺、

(十二)丁超總指揮報告、十日密山方面之興隆溝、發現赤俄股匪、突入唐家店搶劫、被保甲兵擊退、

東北文化社宣傳處廣播邊防消息第二十九號

十八年九月十五日

(一)哈爾濱無線電報告、十四日夜十時、赤俄共黨多人、陰謀破壞松花江鐵橋、爲護路軍發覺、俄共黨開槍、傷護路軍排長一人、護路軍卒將俄共黨擊散、鉄橋無恙、

(二)哈爾濱無線電報告、十四日竟日滿綏東西兩線均無戰事、惟赤軍飛機、時時至密山穆稜煤礦區窺伺、飛行甚低、攝取照片、十四日砲兵隊出發赴綏芬、帶去高射砲許多架、以禦飛機、

(三)哈爾濱無線電報告、綏芬方面避難商民六百餘人、十三日午、由綏開車一列、運送來哈、十四日夜到哈、該列車並載有捕獲之不穩俄路工一百三十六名、

(四)哈爾濱無線電報告、哈埠張長官總商會及各機關團體、籌得哈洋十六萬元、爲此次邊防軍警慰勞金、以各軍警人數爲標準、教育廳長張國忱亦提倡慰勞、教廳職員、及各校職

教員捐本月薪十分之一、可得數千元、備購物品、贈送前方軍士、

(五)哈爾濱無線電報告、哈埠國民外交協會於十四日下午三時、開成立大會、推出執行委員三十人、開始徵求會員、擴大組織、

東北文化社宣傳處廣播邊防消息第三十號

十八年九月十六日

(一)沈鴻烈十四日電稱、航務局瀋陽輪船船員劉某、由伯力逃回報告云、赤俄軍隊現均分布滿州里綏芬河一帶、伯力僅有兵士八十餘人、烏蘇里沿線各卡、大約十餘人、內容空虛、伯力附近、有飛機場一處、約有飛機五架、並有軍械廠子藥庫等、均無兵士看守、我方被扣船員、及乘客等共約一千一百人、內有江省縣長黑河電報局長及江省陸軍一連、現均在伯力南方小山站、修築鐵路、直達海岸、以便與日人運木換食、我方被扣人員、日給麪包半磅、俄軍無論官兵、日給麪包一磅、食糧缺乏、困苦萬分、該員乘木槽渡過烏蘇里江之後、歷經險阻、沿邊西行、據云邊境尚平安、惟時有俄人偷來搶食云、

(二)黑龍江省政府報告、黑河上游卡倫地方、八月三十一日突有赤軍駕大船開砲攻擊、卡官率兵抗戰、奈卡兵僅十餘名、赤軍砲火猛烈、卡兵砲彈不繼、相持數小時、遂退至興勝站、當時陣亡卡兵一名、擄去卡目一名次日逃回、所有卡房三所、均被焚燬、文卷稅票等均被焚燒、民戶牛馬被搶一空、麥田八百畝亦被搶割、該卡電報電話均不通、故得報

甚遲、

(三)今日(十六日)東西兩路、均極沉寂、據前方探報、赤軍於三四日來、紛紛移營後退、作種種禦寒準備、

(四)據哈爾濱無線電報告、哈爾濱遠東銀行、爲赤俄付過共產宣傳秘密費之唯一機關、該行自受我方監視後、即欲關門歇業、擾亂哈埠金融、十五日該行留哈重要人員、又復開會集議、決於即日正式歇業、將債權移轉與花旗及朝鮮兩銀行、聞債務方面、將由總商會出面、呈請當地長官設法制止此種移轉辦法、以免金融界、受其影響云、

東北文化社宣傳處廣播邊防消息第三十一號

十八年九月十七日

(一)今日東西兩路消息沉寂、哈爾濱下午一時報告、亦稱前方平靜、

(二)哈爾濱無線電報告、赤軍飛機、前在穆稜海林一帶擲炸彈、圖炸牡丹江鐵橋及黑山嶺山洞、但均未達目的、我方並無損失、

(三)哈爾濱無線電報告、據海拉爾來人談、外蒙最近野心勃勃、已在準備動員、刻正調查壯丁、凡年在二十以上、四十以下者、開明體格財產及其家庭狀況具報、以備徵募、又云蒙古騎兵二個旅、已開至外蒙與呼倫貝爾交界處候命、

東北文化社宣傳處廣播邊防消息第三十二號

十八年九月十八日

(一)張司令長官電南京王外長云、德使轉達蘇俄節略、誣我虐待俄僑、當經飭查、茲據吉林張長官及中東路呂督辦十五日覆電稱、我方自搜查俄領館黨案後、對東路俄員、待遇仍舊、倘無勾串赤黨擾亂秩序謀壞交通者、固不保護、不期俄僑受彼政府指使、始而聯合辭職煽惑罷工、繼又毀壞橋梁鐵軌、割電線、炸機車、灌煤礦、焚屋舍、層見迭出、爲消患計、不得不拘禁暴動之徒、安置松北看守所、其餘概未拘禁、現在該所僅一千一百餘人、彼方謂被捕數千、實無其事、至看守所設備、亦力求完備、駐哈德領及中外新聞記者、有目共覩、彼方謂爲虐待、悉屬子虛、蘇聯此舉、實以我方因華僑受彼種種虐待、屢提抗議、遂捏事實、希圖掩飾卸責云云、

(二)今日東西兩方前線均甚沉寂、滿州里綏芬河、無線電及電話均通無阻、邊防第一軍大隊、已陸續連到綏芬河前線增防、

東北文化宣傳處廣播邊防消息第三十三號

十八年九月十九日

(一)黑河巴旅長報告、奇克特營附近之溫河鎮、十二日有商民王蘭亭、乘船運糧赴奇乾、至道幹地方、突遇赤軍駕船過岸行劫、開槍擊斃人民二人、十三日赤軍復過岸燒燬民房甚多、又何家地營屯、亦被赤軍三十餘名進屯搶劫一空、死人民二名、刻該屯人民、逃

避一空、現已飭沿邊駐軍、嚴加戒備、

(二)黑龍江萬主席十二日電謂、據呼倫交涉員趙仲仁六日電稱、據報牙克石站附近、納陳諾爾屯及騰河等處、嘯聚俄匪近二百名、約有槍械半數、均係舊俄白黨、號稱張宗昌舊部、在該境到處搶掠云云、

萬主席以呼倫縣警單薄、已咨令張鎮守使派隊設法嚴緝、查該俄白黨嘯聚二百多名、且號稱張宗昌舊部、難保不受第三者利用、意圖破壞、故當局決予嚴緝、以消隱患云、

(三)哈爾濱無線電報告、今日前線仍甚沉寂、我方軍隊、正在增防中、

東北文化社宣傳處廣播邊防消息第三十四號

十八年九月二十日

(一)哈爾濱無線電報告、今日東西兩路均無事、惟赤軍飛機、仍時來我領空窺視、

(二)哈爾濱無線電報告、哈埠學生軍名額、已達一千一百二十三人、其宣傳部已開始工作、

(三)哈爾濱無線電報告、駐哈美領事於十九日偕一攝影員赴綏芬河、視察赤軍上旬侵邊之真相、

(四)哈爾濱消息、哈埠舊紙幣、擬實行收回、計東三省銀行一千五百萬、交通及鴻業各九百萬、中國行三百五十萬、廣信公司二百十萬、收回後另發新票、限制數目、并由長官公署蓋印、以防濫發、

東北文化社宣傳處廣播邊防消息第三十五號

十八年九月二十一日

(一)哈爾濱二十日午後七時半無線電、防俄第一軍劉一飛旅長及張庭樞旅及鄭澤生師、集中穆稜東寧密山、必要時開赴綏芬、綏芬仍由吉軍駐防、蘇聯飛機連日仍來綏芬穆稜一帶偵察、但未擲炸彈、

(二)哈爾濱無線電報告、遼寧馮庸大學殲俄義勇軍二十日十一時抵哈、民衆集車站歡迎者達數萬人、該軍午後遊行全市一週、軍容甚整、

(三)哈爾濱無線電報告、烈寧格勒日前破獲反革命機關、捕獲七十餘人、皆爲有智識階級份子、

(四)遼寧省政府二十日召集各縣長開行政會議、五十八縣長均到、張長官在公署開茶話會、向各縣長訓話、

東北文化社宣傳處廣播邊防消息第三十六號

十八年九月二十二日

(一)本月二十一日大連日人之英文滿州報載稱、中俄交涉據報告又形停頓、莫斯科外交委員會副委員長加拉罕宣稱、如中俄交涉於二個月之內、不能解決、蘇聯將用武力以取回中東鐵路、

(二)滿州里梁司令二十日來電稱、二十日下午四時、由阿巴該圖、開來赤軍汽車二輛、離我

軍陣地約三千米達停止，赤軍官八九名下車向我陣地視察，二時許始歸，又同日下午一時，聞赤軍演放機關槍，約半小時，又近數日來，每日下午四時許有赤軍三百餘名，輪流換班，晝來夜去，向我陣地窺察、

東北文化社宣傳處廣播邊防消息第三十七號

十八年九月二十三日

(一)哈爾濱無線電報告、今日前線仍沉寂、綏芬河方面、我軍防務甚鞏固、赤軍除不時以飛機來我領空窺伺外、無其他動作、滿州里方面、天氣甚寒、赤軍稍後退、

閻錫山代表楊樹昌周世珍於二十二日下午七時四十三分來瀋、接洽對俄問題、

據遼寧某當局稱、此次哈爾濱拘留俄僑實非得已、自范副局長接管中東路後、所有該路俄籍職工、照常供職、七月十七日加拉罕牒文中令該俄籍職員離職、多數遵加氏之命而退職、然彼輩退職而後、從事於破壞東路之秘密工作、中國當局於是不得不加以拘留、以保持安寧、此乃緊急處分、如蘇俄願將若輩領回、自極樂從、故德領於八月三十日起滿州里擬與俄方接洽此事、希望其能派車來接、然祇見俄方常派鐵甲車來襲擊、而竟無從接洽、蘇聯並表示此輩俄僑均係反動份子、不願接收、查其不願接收之川意、厥有二端、一可藉此以散布謠言、謂中國如何虐待俄僑、一可使若輩擔任秘密破壞工作、至拘留俄僑並未受虐待、已經德領及西報記者目覩、而證明外傳種種之絕對不確、其飲食起

居、較諸我國在俄僑民被拘留之後、日得麪包半磅、且須在前方作苦工者、不啻有霄壤之別、

東北文化宣傳處廣播邊防消息第二十八號

十八年九月二十四日

(一)哈爾濱無線電報告、哈埠遠東銀行、現決由德人舒立次接辦、按舒氏爲德國實業銀行之經理、兼蘇俄遠東銀行柏林代理人、此次來哈、係亦俄移花接木手段、實際上哈遠東銀行、仍是赤俄機關、並無變更、

(二)哈爾濱無線電報告、此間盛傳莫斯科將有重大內亂、但未證實、

(三)二十三日下午三時、鐵嶺保安隊二十四名、在戲園內與日本守備隊衝突、事後、日兵大隊至保安隊本部、將保安隊全數捕去、並搶去大宗手槍馬槍大槍及子彈等、現被捕者監押於日本憲兵營、此間交涉署接到報告後、已準備向日提出嚴重交涉、

(四)哈爾濱無線電報告、今日東西兩路前線、均甚沉寂、滿州里方面、日來時有赤軍飛機侵入領空窺伺、二十三日有六架之多、盤旋往來至七小時之久、

(五)此間防俄空軍、業已編制完備、其應用物品、定明日開始輸送、飛機分兩隊、由姜王兩隊長率領、不日出發、

(六)閻錫山代表楊樹昌語記者、此次來瀋、純爲答謝張長官前次派員盛意、本人來自北平、

對於中央點驗普軍情形、殊有未詳、西北軍編遣未竟、故閣司令出洋問題、不得不遲遲其行、然遲早畢竟成行、報載張發奎方振武等動作未可盡信就張發奎之已往歷史言、恐未必能得多數人之同情、本人約在十日內返平、

(七)黑省萬主席來電稱、本月十一日晚、奇克特境有赤軍三十人渡江、在何家地營子屯、槍殺我人民二名、十二日早三時、又有赤軍三十名到該處、槍殺姚姓一名、該處人民均逃避山裏、以防赤軍再來屠殺、俄飛機時入該境探視、該處我方原無軍隊駐防、業已調兵前往防範、因交通阻梗、故來電到達較遲、

東北文化社宣傳處廣播邊防消息第三十九號

十八年九月二十五日

(一)吉林張主席二十四日來電報告、綏芬河方面二十日二十一日、赤軍飛機在該處盤旋二時之久、二十二日早一時陣地前方發現赤軍、經我軍一排迎頭射擊、互擊二十分鐘敵始退、

(二)東寧方面、近日俄人將華僑圈集約七八百名、均載在火車上、現停在二站方面、不知是何用意、東寧對方、赤軍步騎砲兵約八九百名、大威子新屯子等處尚有俄兵甚多、數目不詳、八道子二十三日上午由東飛來敵飛機三架、盤旋半小時向西飛去、下午四時、又由東飛來赤軍飛機二架、向西飛去、

(三)吉林張主席報告、據俄境四站(即綏芬東去第一站)來人云、該處赤軍、近忽自將房屋焚燬多處、東寧相近之俄境內、亦有同樣情事、大抵此舉係赤俄準備反宣傳之張本、行將誣爲我軍所爲、以惑各國觀聽、

(四)法國共產黨宣傳部長馬利昂氏、前年十一月間赴俄、今年二月間返法國、在俄時參加第三國際工作凡一年、最近忽向法國共產黨秘書處提出辭職書、略謂渠參加第三國際工作閱一年、並默察俄國各方情形而後、深覺蘇聯領袖之經濟政策、全係虛僞而錯誤的、其奉爲金科玉律之名詞、如無產階級專政等等、察其實際、莫不有殘忍慘酷之背景、一切政治全由數千特殊階級份子操縱、全俄之經濟上及精神上之慘淡悲苦、不知將伊於胡底、曾參與一九一七年革命、希望奪取政權之工人、今多數已深悔其盲從之錯誤、一言以蔽之、俄國今日乃特殊階級專政、而其工作乃爲社會主義築坟墓云云、

(五)哈爾濱無線電報告、前敵總指揮丁超接見各報記者談話、(一)外傳赤軍撤退不確、赤軍現正準備過冬、其飛機越境窺伺、及不時以槍砲向我軍射擊、迄今未止(二)赤俄國際軍隊、卽由俄韓華共黨所合組者、近奉俄政府密令、密捕白俄、每名賞金自五百元至數千元、(三)據逃回之中國商人報告、在俄華僑、備受虐待、有資者被拘、財產沒收、小商人則處處剝削、使無利謀生、貧苦工人、則迫令入國際軍、逼往華境擾亂、入國際軍者

、月薪二十元、擾亂有功者另賞、總之赤俄擾邊、無所不用其極、但我軍有充分準備、利戰惟俄所擇、決不畏怯、

(六)鐵嶺日軍、二十三日包圍我公安局、逮捕我保安隊、其原因係日軍因是日爲秋季皇靈祭放假、遂酗酒滋事、保安隊干涉不服、乃起衝突、日軍包圍公安局時、各交通路口、均被斷絕、駐藩日軍守備隊一部份、亦出發前往應援、形勢異常嚴重、事後經駐鐵交涉員幾經交涉、交通始得回復、

東北文化社宣傳處廣播邊防消息第四十號

十八年九月二十六日

(一)哈爾濱無線電報告、美國福克電影公司蘭臺氏、日前携帶攝影機前往滿州里前線、二十五午後正在我軍戰壕中攝影、被赤軍瞥見、即發來一砲、幸未命中、未傷人口、察其砲彈係三英寸徑口者、我軍並未還擊、

(二)哈爾濱無線電報告、綏芬河滿州里各方、近日均尙安靜、赤軍飛機、幾每日飛至綏芬河穆稜一帶偵察、飛行甚低、惟未見擲炸彈、至滿州里方面、即赤軍飛機亦不常來、據最近自滿州里歸者謂、避難者續漸歸來、店舖亦多開市、惟天氣已降至零度以下、

(三)黑河無線電報告、大黑河對岸俄屬阿穆爾、商業頗盛、惟該埠俄民之糧食及冬衣所需之綿料、均仰給於南岸我方、中俄問題發生後、交通斷絕、今屆冬令、秋收已獲、俄民欲

購綿花而不可得、所有糧食均已徵撥軍用、而添購無從、俄民爲饑寒所迫、對其當局頗深怨恨、最近該處赤軍增防、因糧食不充、携械逃入山林、到處劫掠、捕獲槍決者二百餘名、而逃亡者仍絡繹不絕、俄民之怨恨益深、聞該埠麪粉每袋已漲至九元、其糧食之缺乏可以概見、

(四)東北航空隊近已買得十九號布來蓋式法國飛機、聞代價四萬七千元、此機即前由法人里各氏乘來瀋陽者、馬力甚大、極合長途飛行之用、全世界只有四架而已、

(五)遼寧省政府委員高維嶽、調查安東學警衝突案、業於昨日事竣回瀋、安東公安局長鮑竹蓀撤任、

(六)鐵嶺日兵搶劫中國公安局軍械、拘擄中國保安隊案件、現在正據理交涉中、鐵嶺縣長因參與行政會議來省、現因此事已返縣調查、

東北文化社宣傳處廣播邊防消息第四十一號

十八年九月二十七日

(一)哈爾濱無鐵電報告、滿州里東北之額爾古納河沿岸、現有大隊赤軍、蠢然欲動、其指揮官爲葉吉毛夫、係著名共黨、

(二)哈爾濱無線電報告、綏芬河穆稜一帶、赤軍飛機仍不時侵入我領空窺伺、飛行低而緩、未擲炸彈、我方亦未還擊、

(三)哈爾濱無鐵電報告、俄案損失調查委員會於二十四日成立、張景惠任委員長、呂榮寰副之、商會長及各機關領袖、均爲委員、

(四)東北邊防軍司令長官公署、接護路軍二十四日電稱、俄境逃回華僑六十餘人、據稱俄方在一月前、將華僑房主及商號執事、選擇拘禁、中秋節前仍大事羅捕、除苦工及無業者外、幾盡被捕囚、並有流徒至極北邊荒各地者云云、

(五)梁忠甲司令報告、二十三日早十一時、滿州里右方高地、來赤軍五六人、以機關槍向我陣地射擊、同時該高地之後方、有赤軍汽車十輛、板車數十輛、由十八里站向阿巴該圖輸送、我軍並未還擊、

(六)萬福麟主席語記者、謂黑省邊防遼闊、昇連俄境數千里、我方海軍、防守三江口、未能游弋黑龍江、政赤軍時偷渡過江、襲我邊城、殺人放火、無惡不作、但其目的、祇在劫掠、不待我軍開往、卽飽載而去、我方態度、始終不忘和平、決不釁自我開、世界輿論、當自有公評、赤軍等於土匪式行動、傷我生命、奪我財產、擾我邊防、以謀遂其外交上之勝利、我方徒以遵守非戰公約、故軍隊始終自衛、不越國境一步、此等土匪式赤軍、雖防不勝防、然力之所及、必戡其凶暴、以減少我方人民生命財產之損失、庶幾不負我守土之責云、

(七) 鉄嶺事件、日軍逼令將該縣公安大隊長盧雨時交出、該隊長忿恨日人蠻橫、因而自殺、現此案經當局據理交涉、日方已於二十五日將拘去三十六名公安隊中之七名釋放、其餘聞不日亦可完全釋出、

(八) 防俄空軍軍用品計兩列車、於二十七日上午十時出發、

東北文化社宣傳處廣播邊防消息第四十二號

十八年九月二十八日

(一) 哈爾濱無線電報告、二十七日及二十八日綏芬河滿州里前線均沉寂、即赤軍飛機亦未曾來探視、

(二) 哈爾濱無線電報告、哈埠水道街日支洋行、日人迎賓及俄人某私販機關槍、特區警署探悉後、派便衣探前往查獲機關槍一架、俄人被逮、迎賓免脫、已函日領嚴究、

(三) 鉄嶺日本憲兵包圍公安局搶劫華警案、經實地調查、詳情如下、二十三日下午一時、鉄嶺廣裕街清樂茶園、有日本憲兵六七十人、乘醉觀戲、恣意騷擾、秩序大亂、駐園警察加以糾正不服、日兵即動手打人、傷華警三人、日兵二三人受微傷、未幾日兵大隊搜抄清樂園、時華警已歸隊報告、當據觀戲者數人、復追至西門外公安第十五大隊部、隊部閉門不理、日憲兵復聯合日警隊、沿途布崗架槍、分頭包圍縣政府交涉署電話電報局及公安局各機關、並勒令商鋪閉市、禁絕交通、途中行人、驅集一隅、形勢嚴重、如臨大敵

、時鉄嶺縣長黃世芳進省會議、第一科長劉寶全即通知交涉局長史久醇、向日領交涉撤兵、乃日領外出、無從交涉、日警署長內田、時率領繙繹至縣署責問、誣華警欲與日軍開戰、劉科長當偕史局長與日警長同往西門外、劉史專要求日方撤兵再談判、日方則要求公安隊開門任令搜查、否則即將縱火燒門、正爭持中、日軍愈集愈衆、將正在病中之公安局局長于國棟强行拉去、並攻破第十五公安隊門、將隊兵繳械歐辱、罰令長跪、武裝被擄、文件被燒、西門外第九區分駐所、亦遭波及、并有慶增永等商號數家、被日軍搗毀、公安隊官兵三十餘人均被擄、二十六日日兵復索取公安大隊長盧振武未遂、當綁去隊兵三名商民四名均被毒打、傷勢甚重、盧隊長忿甚、以槍自殺、日來此案正嚴重交涉中、聞被擄者備受日軍敲扑、慘無人道云、

東北文化社宣處廣播邊防消息第四十三號

十八年九月二十九日

(一)哈爾濱無線電報告、二十七八兩日、東西前線均沉寂。綏芬方面、本逐日有飛機窺伺盤旋、二十七日亦不來、人民反覺驚異、

(二)哈爾濱無線電報告、駐錦縣之砲兵第六團、不日開赴綏芬河增防、

(三)東北航務局籌款兩萬元、二十七日交駐哈德領、轉滙駐伯力德領、接濟被扣之船客船員、

(四)哈爾濱無線電報告、哈綏一帶著名土匪雲中飛、秘密來哈、爲特警偵悉捕獲、

(五)哈爾濱無線電報告、海拉爾步騎兵、日內將開拔赴室韋及花拉花旗一帶防邊、

(六)鐵嶺事件、經據理交涉後、二十八日下午一時、放還被擄警二十四名、及少數槍械、

(七)美國出席太平洋會議代表張伯倫等一行十六人、二十八日下午一時自朝鮮來瀋、其中有六人、即日下午三時赴哈、張伯倫等八人、則於當晚八時赴平、此間留二人、聞張伯倫將至南京一行、然後返瀋集合、再行赴日、沿途日人招待甚殷、因此次會議、專事討論滿蒙問題也

(八)朝鮮博覽會十月一日開幕、此間派農礦廳廳長劉鶴麟代表張長官及省政府主席前往、已於二十九日啓程、

東北文化社宣傳處廣播邊防消息第四十四號

十八年九月三十日

(一)黑龍江萬福麟主席電、臚濱縣庫克多博卡、於十六日夜半、爲赤軍百餘名襲擊、卞兵會同駐兵、一面抵抗、一面護送商民撤退、退至卡倫二里許地方、庫卡卡房及沿江民房、悉被赤軍焚燬、

(二)吉林張作相主席電、東寧方面、赤軍於二十四日早二時許、自火了溝子俄界向我方射擊、我軍未還擊、現東站赤軍增加三百餘名駐縣城東門外俄稅房子處、時有汽車大車運物

(三) 哈爾濱無線電報告、哈埠遠東銀行、私自與柏林東方銀行接洽、由東方銀行派人至哈代為清理、遠東之債務人、竟有向東方銀行償還債務者、當局擬予以取締、

(四) 據同江方面消息、赤軍於二十九日佔領烏蘇里江口之綏遠縣、惟尚未得官報證實、

(五) 哈爾濱無線電報告、滿州里前線戰壕中已生火以禦寒、日來尙平靜、惟赤軍瞥見我軍隊移動時、即開槍示威、

(六) 張繼由日返國、三十日晨六時二十分抵瀋、聞將有數日勾留、

東北文化社宣傳處廣播邊防消息第四十五號

十八年十月一日

(一) 吉林張主席二十日電稱、據綏遠縣長劉鴻謨、專送同江發號(二十日)電稱、縣境於十九日夜十二時、突被赤軍兵艦及北岸赤軍汽船、三面包圍、槍砲機關槍齊放、縣署住房辦公室卷室均被砲火焚燒、監犯六名被赤軍釋放、商民房室亦燒大半、警團抵禦、勢孤難支、經駐軍鍾營長率隊猛擊、將縣長及商民救出、戰至天明、將赤軍擊退、將火救滅。現在赤軍仍在北岸及江內三面圍繞、飛機常來窺伺、縣城不能守、暫遷濃江溝裏、亦難持久云、

(二) 遼寧全省五十八縣長行政會議、十月一日午後閉幕、各項提案、均討論完竣、訓練縣長問題、因年內時間太促、決展至明年施行、

(三)張繼三十日午時赴北陵訪謁張司令長官、對於此次在日本各方面晤見情形、報告甚詳。

東北文化社宣傳處廣播邊防消息第四十六號 十八年十月二日

(一)哈爾濱無線電報告、吉軍前敵總指揮部、近自馬橋河移至下城子站、與東寧密山兩地防軍、聯成一線、

(二)哈爾濱無線電報告、馮庸大學義勇軍、定於十月二日開赴昂昂溪、

(三)哈爾濱無線電報告、東鐵本年份九月份、運輸總額、計一萬九千八百八十七貨車、去年九月爲一萬五千一百十九貨車、增加四千七百六十八貨車、

(四)哈爾濱無線電報告、東鐵南端、擬修築一條六公里半之支線、連接吉長路、工程費預計約爲十八萬金盧布、限十二月十五日以前竣工、

(五)哈爾濱無線電報告、陸夢熊一日到哈、調查東路問題、

(六)哈爾濱無線電報告、遠東銀行請求歇業、哈市政局批斥不准、同時德人所設之東方銀行、承受遠東銀行債權、市政局亦加批駁、謂遠東銀行在此監視期間、所有財產業務、未經呈奉核准、不得擅自轉移、該行今竟假東方銀行名義聲請催款、殊屬不合、未便照准云、

(七)哈爾濱無線電報告、一日午後、哈埠美國領事約偕日本意大利及其餘諸國領事、得中國

當局之允許、參觀松北俄僑收容所、其目的在實地調查後、可闕除前此關於松北拘留所虐待俄僑之種種謠傳、

(八)哈爾濱無線電報告、哈埠當局一日以一萬五千元交駐哈德領、託其匯交海參威德領、救濟被拘華僑、並要求德領向赤俄提出嚴重抗議、因華僑屢被殘殺、迫往前線在赤軍戰壕中作苦工、且衣食均不敷而惡劣、華僑財產均被充公沒收、

(九)黑河無線電報告、俄國海濱省阿穆爾省一帶、被赤軍拘捕之華僑、現均拘留於伯力、日前伯力德國領事、親往該所探視、見被拘華僑爲數甚衆、德領能操華語極流利、華僑羣向德領陳述被蘇聯種種虐待情形、當時有蘇聯國政局人員在旁監視、惟以不諳華語、故亦無可如何、

(十)哈爾濱無線電報告、滿州里前線一日午後六時半、赤軍砲隊忽來襲攻、大砲向我陣線轟擊、至七時始息、今早六時赤軍又來攻、至上午十時半砲火最猛烈、同時赤軍飛機三架、盤旋於大砲聲中、向我陣地拋擲炸彈、迄午後一時、戰鬥猶未止、一時以後尙未得有報告。我方防禦戰鬥中損失未詳、

(十一)同江電報告、赤軍焚掠綏遠後、旋即退出、我軍已進抵縣城、

(十二)哈爾濱無線電報告、赤軍飛機一日來襲東路、飛至牡丹江車站、在綏芬西五百里、西

路飛至免渡河在滿州里南約五百里，赤軍飛機侵入我領空在東西兩方面、各五百里、
(十三)防俄航空軍第二中隊、奉命於今日出發北上、隊長爲王子文、

東北文化社宣傳處廣播邊防消息第四十七號

十八年十月三日

(一)哈爾濱無線電報告、哈領館案中三十九名俄赤黨犯、二日在特區高等法院開審、被告聘有律師六人辯護、旁聽者四十餘人、

(二)周龍光四日可抵平、卽轉道來瀋、

(三)哈爾濱無線電報告、滿州里方面一日傍晚六時許起、赤軍大舉來攻、用砲火向我陣地猛攻、歷二小時、被我還砲擊退、翌晨六小時許又復來攻、激戰至十時半、砲火最爲猛烈、赤軍步兵數百人直逼我戰壕、用槍刺於我戰壕中、互相肉搏、我軍陣地一角竟備佔領、我軍奮勇力戰、至十二時許將陣地一角奪回、嗣斷續戰鬥、至下午五時許、砲火又轉猛烈、於時有赤軍飛機六架、分二隊掩護赤軍來攻、三架飛翔於滿州里車站、及我軍司令部上、拋擲炸彈六枚、並施放機關槍、一隊飛至札蘭諾爾煤礦拋擲炸彈、兩地我方均未受損失、赤軍步兵數百於飛機掩護之下向我陣地猛攻、激戰至六時許、始將赤軍擊退、赤軍飛機旋亦飛回、昨日之役、赤軍死傷三百餘人、我軍死傷四五十人、

東北文化社宣傳處廣播邊防消息第四十八號

十八年十月四日

(一)哈爾濱無線電報告、俄領館亦黨犯、二日起公開審訊、三日續審、

(二)哈爾濱無線電報告、美領事翰森三日語人謂、二日參觀松北俄僑收容所、對華方待遇俄僑、甚滿意、中國並無虐待俄犯情事、外傳種種實不確、並聞翰森已據實電告華盛頓矣

(三)哈爾濱無線電報告、哈埠某領事三日按海參崴某領事一日來電、謂海參威蘇俄當局、不願將其待遇被拘華僑告人、惟據調查悉、西比利亞華僑除少壯者外、均已被拘禁、少壯則被迫作軍役。最近該處中國理髮匠裁逢及小販等、稍有積蓄者、其財產均被沒收、即以前領得護照之華僑、現亦被拘禁、不准離西比利亞云、

(四)哈爾濱無線電報告、馮庸 (馮麟閣之子) 出發赴昂昂溪、此次組織義勇軍、完全由學生自動報名參加、不願者仍留校讀書、本人之總指揮亦係由學生選舉、學生不欲充軍者、可隨時告退、本軍非如正式軍隊、入軍者即有軍籍、潛逃捕回者、即按軍法執行槍決、原來即無此項規定、本軍確有二人、日前因其家長來哈堅請領回、當即准其所請、其餘莫不義憤填膺、同仇敵愾、切願早赴前線效命、日前大連某外報載、馮庸義勇軍在綏芬大敗、飛機三架碎毀、乘坐者三名即死、士卒逃散、總司令馮庸已請張司令長官通緝云云、實屬不確、已函請更正、

(五)滿州里梁司令電稱、由二日晚十一時起至三日早五時止、敵軍利用暗夜、向我陣地全線

猛烈襲擊三次、其兵種以炸彈手槍隊居多數、幸我軍築有外壕、且警戒嚴密、竭力抵抗將敵擊退、五十一團陣亡二名傷六名、三營陣亡四名傷八名、騎兵傷三名、

(六)北平電話、周龍光在平語人、中央對俄交涉步驟、仍無變更、定五日來瀋、

(七)陳儀定六日離京來瀋、

(八)北寧路局長高紀毅、關於東北交通委員會組織問題、有與中央接洽之必要、擬即起程赴南京、

(九)遼寧外交協會。因外報屢次造謠、對於抵制外報問題、擬有辦法、

(十)滿州里梁司令三日曾刻電略稱、二日下午五時至九時、敵方全川重野砲射擊、約三千餘發。飛機擲炸彈六七十枚、我陣掩蔽部、被破壞者二分之一、全線幾成彈穴、

(十一)滿州里梁司令電稱、二日之役、在我陣地內、擊敵官兵十七名、獲步槍四枝、手榴彈五十六枚、在我陣地前方斃敵、約七八十名、我軍傷官兵三十一人、死官兵十三人、

(十二)黑龍江萬主席電、一日距牙克石站五六十里之東卡地方、突來赤俄騎兵二百餘名、攜帶機關槍、肆行搶掠焚燒、意圖擾亂滿海後方、我方已電令騎兵三連、趕往痛剿、

東北文化社宣傳處廣播邊防消息第四十九號

十八年十月五日

(一)哈爾濱無線電報告、特區法院二三日審理俄領館赤黨犯、所有詢問、各犯均推諉謂一

概不知、

(二)哈爾濱無線電報告、馮庸義勇軍、二日夜抵昂昂溪、萬福麟主席派員檢閱、三日下午專車開往滿州里、

(三)周龍光定五日夜由平來遼、

(四)滿州里張處長四日電稱、該方激戰至四日上午六時、敵不支敗退、

(五)滿州里張段長四日電稱、焚掠牙克石札羅兩站間、希圖擾亂滿州里海拉爾後方之赤俄騎兵二百餘人、已經擊退、捕獲二名、

(六)哈爾濱無線電報告、滿站及發電廠、有一部份、爲赤軍砲火損壞、

東北文化社宣傳處廣播邊防消息第五十號

十八年十月六日

(一)滿哈路警處張處長厚琬五日電告、赤軍於四日晚十時半復來襲、至子刻初猶在激戰中、

(二)東北派赴山西代表葛光庭、六日晚由平來瀋、

(三)雙十節東北邊防軍司令長官公署、令約各機關於上午十時在省公署大禮堂舉行慶祝典禮、十二時張司令長官在北大營閱操、

(四)哈爾濱無線電報告、馮庸義勇軍四日上午十時抵滿州里、該方國防軍多向前方移動、後方騰出之空營幕、經梁忠甲司令指定由義勇軍駐用、

東北文化社宣傳處廣播邊防消息第五十一號

十八年十月七日

(一)哈爾濱無線電報告、第二軍第五旅五十五團王寶忠全團、於五日開到滿州里前線應援、士氣大振、馮大義勇軍、亦於五日晨開到滿州里前線、參加前敵工作、梁忠甲司令極爲欣慰、

(二)遼寧空軍第二三隊全體二百餘人、於六日晨到哈、日內卽分往東西兩路前線、

(三)周龍光於七日晚到瀋住邊業銀行、

(四)哈爾濱無線電報告、昨日滿州里方面、赤軍曾發槍砲示威、並無接觸、今日東西兩前線、均無戰事消息、

(五)哈爾濱無線電報告、空軍已抵哈、携來高射砲多尊、卽日轉往東西前線、防赤軍飛機、

東北文化社宣傳處廣播邊防消息第五十二號

十八年十月八日

(一)哈爾濱無線電報告、盛傳赤軍將於七日大舉攻滿洲里、但迄旁晚、赤軍僅開砲示威、並遣飛機窺伺我陣地、我方始終鎮靜、未還擊、高射砲及飛機、已於七日運赴滿州里前線增防、

(二)最近有一部份東鉄蘇聯路員、在俄報發表宣言、謂我輩在東鉄服務甚久、自一九二四年、赤黨來東鉄後、不得已而領取蘇聯護照、但我等深知赤黨十二年來之壓制、全俄人民

、水深火熱、赤黨掠奪人民財產、以爲國外宣傳、然終爲各國所覺察、是以巴黎柏林、及廣州等處、莫不驅逐赤黨、今中國當局、於忍無可忍之中、將東鐵沿線之赤黨驅逐、吾輩應聲明者、吾輩雖取得蘇聯國籍、但並非赤黨、吾輩不但不與赤黨取一致行動、且深願彼輩早日滅亡、以解俄人之倒懸云云、

(三)哈爾濱護路軍司令報告、六日早一時、赤黨向我三十八團陣地襲擊、戰兩小時、將敵擊退、我軍並無傷亡、小煤窰我軍騎兵出哨、被敵擊斃軍馬一匹、

(四)海軍司令沈鴻烈七日因公抵哈爾濱、公畢即回前防、

(五)萬福麟電、滿州里梁司令報告、四日之役、鏖戰一夜、我方傷亡上尉排長一人兵七名、赤敵死傷甚多、在我陣地前五六十米達處、築有各個掩體三百餘個、血痕三十餘處、可見赤軍受創之重、

(六)周龍光抵瀋後語記者、此來純係考察性質、如當局對俄布置、人民對俄態度、及滿綏兩前線形勢等、本擬赴哈、但已打銷、一星期後將返京、又謂中俄交涉、不必性急、只要上下一心、終得最後勝利、

(七)赤軍侵邊後、東北當局極注重蒙古、因班禪將來瀋、已派李少白處長等一行十餘人、帶汽車十六輛、赴洮南迎接、東北政務委員會將組織建設討論委員會、以高紀毅等十一人

爲委員、籌劃東北建設事宜、

(八)哈爾濱無線電、七八兩日、前線無接觸、札蘭諾爾梁旅三十八團、八日開赴滿州里、札蘭諾爾梁旅三十八團、八日開赴滿州里、札蘭諾爾梁旅三十八團、八日開赴滿州里、札蘭諾爾梁旅三十八團、八日開赴滿州里、

(九)哈爾濱軍政聯合辦事處、議決對松北看守所增加優待俄犯辦法五事、(一)僱人洗衣(二)僱人理髮(三)按設鐵絲障(四)添設火爐(五)餐中加湯、

(十)哈爾濱無線電報告、三江口附近、赤軍於四日搶劫、劫去馬五十餘匹牛羊百餘頭、並擄去婦女數十口、有若干婦女、因被赤軍強姦、遂自盡、聞三江口方面俄騎兵共八百名、由一工人約克福統領、分爲四班、專事侵入華境騷擾、

東北文化社宣傳處廣播邊防消息第五十三號

十八年十月九日

(一)哈爾濱無線電報告、前在札蘭諾爾俘護之赤軍二十餘人、八日解送滿州里、經梁司令審訊後、即將送哈、

(二)哈爾濱無線電報告、哈滿間長途電話已修復、海關人員、亦已返滿站照常辦公、

(三)哈爾濱無線電、特區張景惠長官令警察管理處、驅逐無護照之俄人出境、

(四)哈爾濱無線電、今日東西兩線、均無接觸消息、

(五)滿州里八日降大雪、

(六)萬福麟主席電、九月二十八日晨四時、赤軍二百餘人、以手榴彈機關槍、猛攻畢拉爾河(卽十一卡)卡官陣亡、卡兵及商民男女、同遭慘殺者百餘人、到午刻槍聲始息、房屋被焚者甚多、室韋縣縣長及九卡十卡均先後退到河塢迤南奇乾縣所屬各卡、消息完全斷絕、按十一卡爲奇乾縣門戶、該地陷落、奇乾全境、卽成絕地、現已由當局電令開往室韋之焦團、星夜前進、先恢復室韋、再營救奇乾縣、

東北文化社宣處廣播邊防消息第五十四號

十八年十月十一日

(一)吉林主席電、饒河附近之小河南、小別拉坑虎林河姜家店等處、均被俄匪砍斷電桿、竊去電線、我岸往返小船、亦屢被赤軍截擊、四道米子同合義商號、日前被赤軍數十名、用機關槍射擊、全號被焚、周亮子徐姓商號、被赤軍傷斃牛馬甚多、大牻牛河、胡家酒店、被赤軍搶掠、帶去夥友三人無下落、又該處孫姓房屋被焚、現繹馬地方、有俄艦一艘停泊、不時向下游各地騷擾、

(二)哈爾濱無線電、雙十節晨一時、哈埠旱橋下赤軍間諜埋置炸藥於路軌下、爲路員發見、同時香房路軌下亦有同樣埋置炸藥事、亦爲巡路丁所發見、均未肇禍、

(三)法飛機墜落於齊齊哈爾者、現已至哈爾濱、二三日內將飛來瀋陽、該機本擬赴日本東京、現已取消、

(四)哈爾濱消息、聞莫斯科軍事當局下令招募人民、加入遠東軍、應募者甚多、又伯力海參威、招募夫役、爲軍隊服務、年在二十三、四歲者、一律須應募、

(五)哈爾濱無線電、昨今兩日、東西前線均安靜、

(六)國慶日上午十時、省政府舉行慶祝典禮、總司令及各機關領袖均到、各外領亦來道賀、午刻總司令在北大營閱兵、參加者萬餘人、參觀者二三萬、飛機十四架、高翔空中、晚間軍政各界要人、在凌格飯店舉行聯歡同祝會、

(七)張總司令派專員朱力罕、携大宗慰勞物品、十一日前往前線、慰勞防俄將士、

(八)俄領館捕獲之俄共黨二十八人、審訊已大致完畢、聞將於十五左右宣判、

東北文化社宣傳處廣播邊防消息第五十五號

十八年十月十二日

(一)哈爾濱消息、聞同江縣方面、十一日有赤軍飛機二十餘架、前往擲炸彈、形勢甚危、但尙無官報證實、

(二)哈爾濱無線電、昨今兩日、東西前線均安靜、某國方面傳滿州里方面有事、經調查不確、

(三)駐大連蘇俄領事、在英文報紙發表、謂由駐哈德領方面得來消息、中國待遇俄僑、如何苛虐、但駐哈德領對我方待遇俄僑犯情形。均經實地調查、並表示滿意、此項造謠、有事實爲反證、不值一辯、

東北文化社宣傳處廣播邊防消息第五十六號

十八年十月十三日

(一)富錦無線電、十一日晨六時、赤軍飛機一架、飛翔空際、旋即退去、繼聞同江方面、砲聲隆隆、午刻有三水商船、由同江至富、謂同江於十一日晨五時半開火、激戰甚烈、形勢極危、該船來富、見赤軍飛機五架、沿途追擲炸彈、幸未中、現同富間電報不通、

(二)哈爾濱無線電、此間盛傳莫斯科蘇俄政府命令遠東軍積極進攻、

(三)梁忠甲旅長電、十日晚十時、敵探四名、向我陣地射擊、十一日晨一時、赤軍向我陣地發照明彈二十餘枚、是日晚六時、敵騎兵百餘、由阿巴該圖至十八里小站、經我陣地時、曾發槍向我射擊、守兵還擊後即退去、

(四)丁超總指揮電、綏芬方面無事、東寧附近夾信子王姓家、有赤騎兵數人侵入、搶掠後、又焚燬房屋車輛而去、

(五)俄屬遠東伯力無線電、蘇俄政府、正式聲明、中俄談判、並未在何地進行、中國方面所傳交涉情形、均不確、

東北文化社宣傳處廣播邊防消息第五十七號

十八年十月十四日

(一)哈爾濱無線電、蘇聯方面宣布、同江方面我軍於十一日進攻俄軍、當以猛烈砲火擊退云云、按此次赤軍攻取同江、激戰甚烈、我方形勢頗嚴重、乃蘇聯又仿前日綏芬故智、作

此反宣傳、以淆各國觀聽、然事實俱在、非空言所能顛倒、

(二)哈爾濱無線電、同江於十三日晚被赤軍佔領、我方海軍現退富錦、聞損失甚重、赤軍係於十二日以海陸空軍同時進攻、砲火甚烈、飛機擲彈尤多、同富間電報電話、已完全不通、

(三)哈爾濱無線電、十三日下午二時半、赤軍飛機至滿州里及扎蘭諾爾煤礦、擲炸彈、未傷人、

(四)東北航空隊、於十四日、自哈爾濱分往東西兩路、完全出發、

(五)哈爾濱無線電、美國出席太平洋會代表十人、十三日蒞哈、十四日下午二時、東鉄理事會招待、五時哈爾濱國民外交協會招待、該代表即晚離哈、

(六)哈爾濱無線電、江平江安江泰三艦、於十二日激戰時、中彈沉沒、我方死五百人、赤軍艦亦被我軍擊沉三艘、傷亡甚重、

(七)軍部次長陳儀、國府代表劉光等一行七人、奉令來東、犒賞邊防軍隊、於十四日晨六時半抵瀋、二三日內、即擬赴哈爾濱等處、察看邊防情形、

(八)蒙古哲里木盟科爾沁和碩卓哩克圖親王賀喜業勒墨爾根、因公於十三日晚六時半來瀋、

東北文化社宣傳處廣播邊防消息第五十八號

十八年十月十五日

(一)哈爾濱工大學生、組織路務研究會、分總務機務工務車務四股、預備軍事緊張時、蘇聯

路員不穩行爲、卽前往服務、維持行車、

(二)哈爾濱無線電、同江之役、赤軍艦來攻者有七艘、陸軍方面、有重砲十架、機關槍二十餘架、並有飛機二十架左右、亂擲炸彈、江安等三艦、本係商船改造、遂失利、然激戰甚烈、敵人亦沉艦多艘、受創頗巨、現海軍司令沈鴻烈已抵富錦、謀規復同江、哈地人心、尙屬安定、

東北文化社宣傳處廣播邊防消息第五十九號

十八年十月十六日

(一)哈爾濱無線電、同江於十四日克復、海軍司令沈鴻烈仍在前線指揮、赤俄軍艦已退出三江口、惟飛機仍不時來襲、因我軍用高射砲、故飛行甚高、雖擲炸彈、均未命中、援軍張作舟旅、已開赴同江、

(二)沈鴻烈司令報告、赤軍於十二日晨四時、開來軍艦八艘、飛機十八架、步兵二千餘人、騎兵千餘人、突向我海軍進攻、有機關砲百餘尊、手提機關槍四百餘架、其指揮者爲斯加斯克、赤軍艦發砲兩響後、我軍乃還擊、作殊死戰一小時、敵艦業被擊退、乃敵方飛機又整隊進攻、擲八十磅重的炸彈、環攻我艦、我軍係以利綏東乙及江亨爲主力、而以江平江安江泰利捷等改造兵船爲策應、平安泰均中炸彈沉沒、敵艦亦被我艦擊沉三艘、擊傷四艘、飛機被我高射砲擊落者二架、一落江面、一落陸上、我陸軍死傷五百餘、海

軍亦相等、敵方陸軍、亦死騎兵百餘、步兵三百餘、是日我海陸軍均激戰終日、因陸軍子彈不繼、不得已暫時放棄同江、十三日赤俄小艦已有闖進江口者、同江地方、被害極慘、現正設法堵截、並謀反攻、願捐微軀、以報國家云云、

(三)張作相長官電、十二日同江之戰、我方陸軍殊死抵禦、陣亡連長三人、受傷營長連長各一人、傷亡連附十餘員、士兵二百餘、赤軍砲火猛烈、飛機擲炸彈如雨、全市悉成齏粉、江水如沸、塹壕盡平、此役海陸軍寧死不退、忠勇效命、卒以砲力懸殊、遂致不支、此間已派大隊前往應援、

(四)哈爾濱無線電、赤軍飛機、於十五日午後侵滿州里陣地、十六日晨六時、又有飛機至扎站煤礦擲彈、並無損失、

(五)哈爾濱無線電、俄領館案、於十五日宣判、處徒刑九年者五人、七年者二十一人、五年者七人又女犯二人處刑二年、均於十日之內、得提起上訴、所有證據均存案、當宣判時、各俄犯仍歌唱自若、漠不爲理、

(六)哈爾濱無線電、同江富錦、均爲糧食屯聚之地、此次赤軍攻同江目的、即在搶劫糧食以渡寒、冬同江損失甚鉅、

東北文化社宣傳處廣播邊防消息第六十號

十八年十月十七日

(一)俄領館案宣判主文如下、勤木巴烈維赤、什達克維赤、達拉諾夫、鮑達甘迭爾、以反革命爲目的、共同集會、執行重要事務之所爲、各處有期徒刑九年、杜洛夫斯基、撓維國夫、德洛賓司克、卡列德、維特協夫、關洽洛夫、別茲魯克、葉林夫毛夫、缶竹兩克、果列紹夫、缶爾達少夫、列禱列夫、顧連國夫、布力且夫、郭洛雲、果兩達、細莫洛特、德拉茲諾夫、別列維敖節夫、缶列尼維赤、票特洛夫、以反革命爲目的、共同集會、執行重要事務之所爲、各處有期徒刑七年、巴利洛夫、亞我維尼特、庫克林、茶什我亦米、衣節洛夫、司特魯國夫、高非力特、以反革命爲目的、共同集會、執行重要事務之所爲、各處有期徒刑五年、阿列克山得爾洛維赤、裴力保瓦、各費神乃、牙克原克、以反革命爲目的、共同集會、執行重要事務之所爲、各處有期徒刑二年、科刑之被告人等、裁判確定前羈押之日數、均准以二日扣抵一日、獲案有關共產之文件書籍、及手槍五個、子彈六百五十二粒、均予沒收、馮士潛無罪、

(二)哈爾濱無線電、松北看守所俄犯、要求立即釋放、十四日、曾有一部份、絕食示威、但經解釋後、十五日起、已照常飲食、

(三)哈爾濱無線電、同江一帶糧食、爲赤軍盡掠而去、沈鴻烈司令、十五日係由華川赴富錦、進復同江、因江運危險、哈埠商輪、日來售票、僅至佳木斯爲止、外傳富錦華川失守、

即因此誤會、實不確、

(四)當局以前線緊張、飛機不敷支配、十五日、又運出新包帶司式飛機十架、分發二二兩航空隊應用、

(五)外部代表郭同於十六日下午七時離瀋回京、

東北文化社宣傳處廣播邊防消息第六十一號

十八年十月十八日

(一)哈爾濱無線電、江亨艦於十八日午刻抵同江、該處已無赤軍蹤跡、但同江富錦間電報電話、尙未修復、

(二)哈爾濱無線電、援同軍隊趙旅、十八日上午抵富錦、該地人心已安、

(三)哈爾濱無線電、海軍將士三百餘人、十五日晚回至富錦云、隨艦沉沒之海軍將士、在五百人以上、陸戰隊長李泗亭、當日陣亡、

(四)哈爾濱無線電、同江受傷海陸軍將領十餘人、十六日送哈爾濱醫院、內有數人、生命垂危、

(五)哈爾濱無線電、聞同江之役、赤俄海軍司令、亦中彈身亡、

(六)海軍司令沈鴻烈電、同江之後、赤軍旗艦爲我擊沉、赤軍艦隊司令勃斯脫屈闊夫、及其以下指揮官四人、均受重傷而亡、十五日、赤俄在伯力舉行追悼會、得此稍爲吐氣、現我陸軍進展、已於十七日抵同江、

(七)哈爾濱無線電、赤軍參謀拉品氏、因同江之役、陣亡其指揮官等五名、大爲憤慨、激勵其部下、決於最近期內、攻華復仇、

東北文化社宣傳處廣播邊防消息第六十二號

十八年十月十九日

(一)哈爾濱無線電、第一軍李參謀長端亭談、同江之役、赤軍曾用毒瓦斯、且俄砲俱係六寸口徑、我方則僅有三寸及四寸半口徑者、器械不良、遂致不利、然幸賴海軍將士忠勇、赤軍亦受重創、

(二)哈爾濱無線電、同江富錦間電話已、一律恢復、

(三)哈爾濱無線電、東鐵理事會商務委員萬紫維赤、本已入蘇聯籍、近因赤軍殘害白俄、慘無人道、昨發表聲明、脫離蘇聯籍、並勸東鐵蘇聯職員、一致行動、

(四)十八日晚、旅奉法僑、歡迎法飛機駕駛員、此間各機關人員、亦均加入歡迎、該飛機於九月二十七日自巴黎出發、二十九日抵齊齊哈爾、行程八千五百基羅米達、費時五十小時十九分、

(五)中日德三國運動會、今日下午二時起在北陵舉行、比試田徑賽、中國方面加入者、均係東北大學學生、明日尙將續賽、

東北文化社宣傳處廣播邊防消息第六三號

十月二十日

(一)哈爾濱無線電、連日俄方並無攻擊、綏芬方面異常平靜、滿州里札蘭諾爾方面、赤軍飛機仍不時侵入我領空、十八日下午二時至二時半、赤飛機六架、盤旋於滿州里札蘭諾爾空中、經我軍砲擊始退去、

(二)哈爾濱無線電、松化江商輪、自同江被赤俄佔領後、客票僅售至佳木斯、現以同江業經克復、十八日起售富錦客票、至同江客票尙有待、

(三)哈爾濱無線電、哈埠行政長官公署、十七日令市政局會同銀行公會、總商會、組織保管遠東銀行財產委員會、防杜該行展轉接濟、私將款項運回本國、各債務人不得向遠東銀行或受該行委託之銀行、清償債務、該委員會十九日組織就緒、市政局、總商會、銀行公會、各派委員五人、二十一日起、着手清查、遠東銀行經理、現在監視中、

(四)哈爾濱無線電、同江赤軍已退出、糧食被劫掠一空、黑河十五日、被赤軍砲擊、傷亡甚多、並有多處起火、現仍由巴英額旅鎮守、

(五)中德日連動會、今日閉幕、結果、德國八十二分、日本六十九分半、中國三十分半、

東北文化社宣傳處廣播邊防消息第六十四號

十月二十一日

(一)哈爾濱無線電、我海軍於十八日進駐土子克、陸軍亦已進駐同江縣城、

(二)哈爾濱無線電、哈埠俄領館案中牽涉之前電務處長札飾布林司基、及自動電話局長列別結

夫、經高等法院、審訊終結、定本月二十六日宣判、

(三)中國民衆對俄事、始終抱堅忍鎮定態度、希望依據正誼、得最後之勝利、對於赤軍在沿邊各地、種種侵掠暴行、莫不憤懣填膺、近各地商學各界、紛紛集資、以慰勞前方將士、前方軍隊有此民衆爲後盾、所以歷次能抵禦赤軍猛烈之攻擊、而其防禦之精神及勇氣、反能再接再厲、最近莫斯科散布流言、謂中國商人紛紛向政府詰責、爲何中俄交涉遷延不決、中國茶商損失尤鉅、破產及自殺者頗衆云云、此種反宣傳、足見蘇俄極無聊賴、一種急於求和之意、自然顯露、

(四)哈爾濱無線電、沈司令二十日電稱、我海軍尹部陸軍路團、均已進駐同江、分任防守險要、同江市面已復原狀、人心大定、同江附近安靜、赤軍二小艦、仍駐同江口外、

(五)哈爾濱無線電、二十日下午一時至二時、赤軍飛機盤旋於滿州里札蘭諾爾間、用機關槍向下射擊、我方未還擊、亦未受損失、

(六)哈爾濱無線電、黑河有被赤軍佔領說、尙未有官報證實、

東北文化社宣傳處廣播邊防消息第六十五號

十八年十月二十二日

(一)吉林張主席馬電稱、同江赤軍已退出、赤軍用砲火焚燬同江房屋、不計其數、臨退時掠去麪麥食品極多、

(二)吉林張主席馬電稱、此次來襲同江之赤軍、其中有一營、俄人韓人各佔半數、合組而成、駐同江之路團已整飭部隊、回駐原防、富錦百姓漸漸陸續回城、人心稍安、惟商家仍未開市、一俟援軍到富、即能恢復原狀云云、

(三)前中東路理事會蘇聯理事蓋克爾、現任蒙古政府軍事顧問、十一月一日、在庫倫街上散步時、被一蒙古青年向渠連發二槍、均未命中、現庫倫赤俄領袖索捕兇手甚急、

(四)太平洋會議美國代表前到瀋後、分赴南京北平哈爾濱等遊歷、現該代表等先後回瀋集合、於二十一日下午離瀋東渡、我國出席代表張伯苓何廉等前日到瀋、擬即偕同遼寧代表不日首途赴日、

東北文化社宣傳處廣播邊防消息第六十六號

十八年十月二十三日

(一)哈爾濱無線電、三江口仍停泊俄艦三艘、時常上下游曳、我方戒備甚嚴密、俄艦不能逞、
(二)哈爾濱無線電、二十二十二日、同江領空發、現赤軍飛機二架、時來盤旋窺伺、並無其他動作、

(三)哈爾濱無線電、黑龍江軍隊、二十二日、乘永安輪到富錦增防、

(四)黑河無線電報告、謂黑河安靜如常、並無戰事、前傳被赤軍進窺說不確、

(五)美國芝加哥講壇報記者、美國國際電訊社記者、路透社記者、及義大利輿論報記者一行

共七人、二十三日、自哈爾濱乘江輪上海號首途赴富錦、前往同江、調查赤軍上次侵犯實情、事畢返哈後、並擬往滿州里綏芬前線、觀察一切、

(六)哈埠當局前查抄赤黨宣傳赤化機關時、俄犯舍利金諾夫司基及聶赤金兩名、當被免脫、遼寧省府二十二日通令各屬、一體協緝、

(七)沈司令電、同江之役、赤俄極東司令官勃斯脫屈闊夫、及參謀長拉賓等陣亡、赤軍除於十五日在伯力舉行追悼會外、其駐同江口外之各赤艦、於十四十五兩日、下半旗以誌哀、

東北文化社宣傳處廣播消息第六十七號

十八年十月二十四日

(一)哈爾濱消息、哈埠保管遠東銀行財產委員會、前日通告哈埠中外商民、各有拖欠該行款項者、須直接向該委員會繳納、並須於十日內、報明欠款確數、以便登記、

(二)哈爾濱消息、陳儀二十二日晚、偕劉光等乘車赴齊齊哈爾、謁萬福麟後、再赴滿州里勞軍

(三)顧維鈞今日語往訪者、謂外傳東北當局將委任其擔任對俄交涉、本人未有所聞、此次來遼、擬經營實業、然亦未有所決定、詢以中俄事、則未表示意見、

(四)哈爾濱無線電、國府軍事部科長楊阮、携款萬元、二十三日、乘輪赴同江勞軍、

(五)蘇俄伯力無線電台、於二十二日發出電報、公然承認侵佔同江、惟經我海陸軍擊退、彼

則稱自行退出、並誣我方軍隊中有白俄、顯係架辭圖避、公然侵掠之罪也、

(六)哈爾濱消息、哈埠航業、前聚資二萬元、托哈德領轉交威德領、分給被拘禁於伯力之商輪船員、昨威德領來電謂該款俄方不許直接交付、並須兌成俄幣、損失頗鉅、顯係有意刻扣、故威德領未即交付、特電哈詢明航務局意旨、威德領擬入看守所探視在押船員、亦被拒絕、最後允派二代表孫張二姓出見、因有俄員在旁監視、不能多談、僅云被扣船員初爲一千一百九十人、現祇乘百餘名、其餘不知運往何處、生死不明、

東北文化社宣傳處廣播消息第六十八號

十八年十月二十五日

(一)哈爾濱無線電、哈埠特區警察管理處、二十四日在哈埠附近王兆屯、破獲共黨敢死隊秘密機關、當捕獲敢死隊首領希米爾諾夫、及其同黨調達伊萬諾夫、卓伍偏克、基升克卡巴別夫斯兩耶夫鐘克基林西林米克朱格勞夫等共十人、搜出炸藥五箱、俄式手槍大槍炸彈地雷甚多、又電線兩捆、當晚特警處訊問、該首領承認前刺殺路警偵探及製造赤色恐怖、並煽惑罷工等事、又在日本旅館中、捕獲關查兩克一名、承認爲敢死隊同黨、已一併拘押、

(二)哈爾濱無線電、二十四日、赤軍在滿州里十八里小站地方、向我軍五十一團陣地、連發三砲示威、我軍受傷者二人、旋即逃去、故未追擊、

(三)軍次陳儀、本擬親赴東西兩路、慰勞前方軍隊、嗣接國府電令、派往日本觀操、故於二十四日晚、遄返遼寧、陳已派龔理明赴綏芬、杜偉赴滿洲里、楊珪赴同江、分別代表國府慰勞各軍、陳氏定於下月六日、偕東北赴日觀操專員張學銘由瀋出發、

(四)外交部二十三日、電簽定非戰公約各國、略謂蘇俄蓄意助長中國內亂、破壞遠東和平、及非戰公約之精神、其責任完全在蘇俄、

東北文化社宣傳處廣播邊防消息第六十九號

十八年十月二十六日

(一)哈爾濱濱電訊、特區行政長官張景惠、前日語新聞記者、蘇聯在我國境內、宣傳赤化、違反協定、自當加以取締、在哈埠特區及中東路上作赤化工作、余職司行政、萬難容忍、故不得已、以非常手段、執行協定、嚴予取締、張長官並謂我方始終未利用白俄、亦未嘗虐待赤俄罪犯、至前線尤無白俄一人參加其間、無論在哈及前線、歷經西報記者及各方人士、躬自調查、均未提及我方利用白俄、足證其爲蘇聯方面之有意誣蔑、藉此卸其攻城掠地之責任而已云云、

(二)哈爾濱無線、馮大義勇軍到滿州里、幾及一月、努力從事宣傳工作外、復協同國防軍開掘戰壕、經該築成者達二千米達、滿州里以南、由西至東防禦線、因此更形鞏固、馮庸總指揮二十二日接奉遼寧張司令長官電、除嘉獎該軍外、令卽回校、以免荒廢學業、該

軍不日即遵令回遼、

(三)莫斯科二十五日無線電布稱、二十四日、哈爾濱中國當局、又搜查蘇聯領館、捕去四人、德國領事、爲此事召集緊急會議、準備向中國抗議云云、查此次哈埠破獲赤俄敢死隊、及赤化宣傳破壞陰謀、屢屢發覺、重搜領館、爲嚴秘防範之正當行爲、蘇俄希望德領抗議、德領目不爲惑也、

東北文化社宣傳處廣播消息第七十號

十八年十月二十七日

(一)哈爾濱無線電、據滿州里消息、蘇俄近派大部赤軍、有向興安嶺移動說、

(二)哈爾濱無線電、二十六日早八時、札蘭諾爾嶢崗站五十四公里地方、有赤軍敢死隊多名、投擲炸彈、炸燬東路貨車兩輛、傷押車員一名、

(三)哈爾濱消息、哈埠赤俄敢死隊破獲後、陸續就逮、共在二十五人以上、多已承認顧鄉屯炸車、綏芬河炸車、暗殺偵探、均爲彼等所爲、並供稱彼等有一定之破壞計劃、及秘密寓所多處、可隨時更換藏匿、該隊隊員、多爲曾充赤軍、或爲在哈埠各俄學校肄業之青年、

(四)馮大義勇軍、二十五日、離滿州里返瀋、

東北文化社宣傳處廣播消息第七十一號

十八年十月二十八日

(一)非戰公約、於一九二八年八月二十七日、在巴黎簽定、蘇聯接到請求遵守該約之通知書後、即託法國聲明願意遵守該約、該約原文二條繹錄如下、(一)簽約國代表各該國人民、鄭重聲明、深惡以戰爭解決國際爭端、並亦聲明國際間之關係、不當以戰爭爲國家政策之工具、(二)簽約國共同承認、國際間如有爭論或爭端發生、無論性質或肇端何如、解決之道、除用和平方法外、不能採取其他手段、據此條約、我國爲恪守信義起見、對蘇聯數月來之侵掠暴行、始終以自衛爲止境、而蘇聯竟違反信約、任意侵掠、數月以來事實照著、同時捏造種種謠言、希圖文飾其非、惟歷經各國人士親赴沿邊調查、親見蘇聯違背公約之種種事實而後、是非曲直、自有世界公論、蘇聯自覺難逃公論、而柏林交涉、我方據理力爭、毫不屈讓、乃至談判宣告決裂、彼乃徬徨不知計之所出、據聞最近託某國人向平、聞東北當局表示、願直接與東北求解決之道、張司令長官學良、亦來尊崇和對此請求、以爲未始無考量之餘地、惟最要前提、希望蘇聯須先覺悟、顧信義、重公理、放棄其無聊之侵掠手段、則或可有解決之望、

(二)富錦二十六日無線電、同江縣長回同放賑、連日赤海軍仍不時以機關槍步槍向我岸上陸軍射擊、飛機不復敢再來、同江富錦電報電話完全修復、

(三)富錦二十六日無線電、赤軍佔據同江時、將我輕傷之陸戰隊九人、擄入城中、割去首級

、懸電桿示衆、復以我俘擄活祭具陣亡之遠東艦隊司令、祭畢卽處極刑、

(四)齊齊哈爾二十六日無線電、齊齊哈爾二十六日晚十時半、突有赤俄六七人、闖入電燈廠、將電機完全炸燬、房屋焚燬大半、死我軍警各一名、赤兵旋即逃逸、我軍警隨即四出追捕、均被免脫、刻已嚴爲戒備、市面平穩如常、

東北文化社宣傳處廣播邊防消息第七十二號

十八年十月二十九日

(一)富錦無線電、富錦同江間、現設防線三道、設備極鞏固、同江居民、皆已遷回照常安居樂業、沈司令暫不回哈、於封江後仍協助陸軍布置防務、

(二)富錦無線電、沈司令二十六日晚語中外記者、略稱赤俄不以國際常軌正式宣戰、此襲彼攻、姿意慘殺、焚掠我邊境、騷擾如流寇、幸我將士忠勇、人民亦有自衛能力、始得戢其兇暴、不過我陸海空軍、始終未出國境一步、亦並未有挑戰行爲、赤俄既任意侵攻、復希圖利用反宣傳、以僞亂真、可恥孰甚、好在其違背公約之行爲、已照彰於世界、其曲在彼、衆所共認、惟以軍人立場言、恪於命令、不能掃蕩敵氛、而以健兒之血、灑於本國領土、又使人民蒙重大之犧牲、爲遺憾耳、

(三)富錦無線電、二十七日、赤軍飛機一架、飛入同江領空、偵察半小時逸去、

(四)又沈鴻烈報告、據可靠消息、伯力雙城子海參威三處、我華僑一萬五千人被赤俄扣留、備

受虐待、困苦萬狀、

(五)又富錦同江一帶人民、切齒深恨赤俄侵掠暴行、紛紛自組民團、各地統計、共有槍一萬枝、隨時可集合、富錦民團在郊外挖掘戰壕、準備冬防、同江富錦、地面人心、近皆安謐、

(六)富錦無線電、十三日同江口之役、赤軍飛機共有二十五架、出隊來攻、被我軍高射砲擊下二架、中一架由某國浪人駕駛、

(七)富錦無線電、十九日、同江口外有赤艦二艘、二十五日、自上游開來兩艘、自下游開一艘、燈號接連不斷、二十六日有三艘開回伯力、現留一艘在該處、並有一小汽艇、日夜巡視、我力亦戒備甚嚴、江中殉難艦員屍身、二十七日尋得一具、海軍陸戰隊官兵屍身、則尙未發現一具、黑龍江尙未見冰塊、

東北文化社宣傳處廣播邊防消息第七十三號

十八年十月三十日

(一)哈爾濱無線電、二十四日、在布海車站、捕獲俄人克列國維赤一名、供認亦爲敢死隊隊員、在其家園中搜出手榴彈甚多、又供出同黨拉列賓一名、謂其家中藏有炸彈軍人甚夥、往搜捕人贓均未獲、

(二)哈爾濱無線電、東鐵前電務處長札節布林司基、及前自動電話局長列別結夫、二十六日

經特區高等法院宣判、各處刑四年、如不服判決、可上訴、

(三)富錦無線電、同江之役、我海軍陸戰隊長李泗亭江泰代理艦長莫耀先、陸軍營長孟兆林均陣亡、其他軍官傷亡二十四人、

(四)富錦無線電、沈司令二十七日晨、陪同中外記者參觀利綏艦、該艦機房輪機未損、全身中巨砲十餘發、中飛機炸彈八十發、戰鬥兵士三十二人、傷亡二十六人、該艦已駛回富錦、日內回哈修理、

(五)哈爾濱無線電、哈埠破獲之赤俄敢死隊各犯、預審尙未終結、始審訊之各犯、均承認會參與破壞工作、並供認奉有赤俄政府命令、

(六)哈爾濱無線電、二十六日、齊齊哈爾捕獲赤俄敢死隊五名、已押解來哈、訊據供稱該等附屬於哈埠三人團、係赤俄重要份子所組織、亦破壞之秘密機關、該三人中首領一人名巴爾沁多維赤已被捕、

(七)哈爾濱無線電、赤俄軍事當局、近在西路博克崗委派赤俄重要份子倭爾科組織間諜團、專事偵察我方軍情、據聞海拉爾、齊齊哈爾亦有同樣組織、其總機關設在哈爾濱、傳達方法、係用赤俄青年學生、將消息設法暗遞伯力莫斯科等處、

東北文化社宣傳處廣播邊防消息第七十四號

十八年十月三十一日

(一)數月以來、東北沿邊各地、備受赤軍蹂躪、焚燒劫掠、慘不忍言、故三省民衆、對俄敵愾、更爲激昂、月來商學農工各界、或組織義勇軍、親赴前敵服務、或組織民團、補防軍之不及以自衛、或醴資以慰勞前方將士、或組織宣傳隊、宣傳赤俄違背公約、破壞和平、種種暴行、遼寧黑龍江吉林哈爾濱長春安東各界提倡、近日此種義舉、普及於各縣各鄉、外交得此後盾、將士經此鼓勵、最後之勝利、可操左券、

(二)最近伯力赤軍總部、往往捏造事實、由伯力無線電台、散布種種流言、最可怪者常謂我國軍隊、於某日向其沿邊某地施行政擊、損失若何之鉅云云、實則赤軍往往於侵攻某地之時、先捏稱我軍向該地如何進攻、而後赤軍卽向該方侵攻、其用意、無非圖隱蔽世人耳目、以掩飾其啓釁侵掠之行爲、最近赤軍向黑龍江室韋縣進攻侵掠、彼卽自伯力無線電台、廣布謠言、謂中國軍隊、於某日由室韋方面向俄境進攻云云、其顛倒是非、淆亂觀聽之卑鄙手段、實堪痛恨、查室韋方面、我防軍實力頗單薄、屢被赤軍侵擾、當局迭接急報、乃派騎兵第三團熊團前往防禦、於二十九日、黑龍江萬主席又來電報告赤軍侵擾該邑、原電摘錄如下、據海拉爾張旅長二十六日電告、本月二十二日、由室韋對岸敵方來飛機一架、飛翔於我領空、拋擲炸彈及掃射機關槍、並由我陣地側斜方面、來敵兵數百、圍攻我騎兵第三團、激戰二小時、敵始退却、查對岸敵軍約有一團以上兵力、該處俄屯約有民

戶三千餘、均發槍枝、我方刻已嚴密警戒、防其再來侵襲、

(三)富錦無線電、昨晚起、不能與哈埠通報、據聞赤軍又襲擊同江、同時飛機至富錦左近、拋擲炸彈、詳情尙未得確報、

東北文化社宣傳處廣播邊防消息第七十五號

十八年十一月一日

(一)赤軍大本營所在之伯力、設有廣布無線電台、該台按日捏造種種不利於我國之謠言、廣布各方、以亂世人觀聽、昨日已略揭其狡謀、最近赤軍向我室韋方面來襲、飽肆劫掠、伯力電台、乃於本月二十五日以來、每日廣布反宣傳、謂我方軍隊、自二十四日、起向其沿邊各地進攻、而以室韋對面之倭洛濟地方受害最鉅云云、查我方軍隊、自始迄未越邊界一步、而赤軍之任意侵掠我邊疆、種種事實業、經歐美新聞記者屢次親往前線調查、以赤軍啓釁侵掠情形、布告世界、各國人士、亦深知赤俄狡謀詭計、故東西各國公正報章、從未受其欺朦、赤俄之作種種反宣傳、徒見其心勞日拙、而亦可知事實昭彰、不容朦混、室韋奇乾二縣境、自七月下旬迄今、迭被赤軍侵擾、因交通阻梗、郵電遲延、往往傳一報告、需用多日、方能遞達、茲接黑龍江萬主席代電、節錄如下、奇乾縣奇乾河第二公安局境、八月九日、被赤軍四名、過河掠去王瑞亮風船一艘、八月十八日晚、又在伊穆溫卡長乘船、被赤兵二名槍擊、二十二日、牛耳河站對岸赤軍、槍擊我運糧船、又十六日晚、室韋以上八卡對岸赤軍以

機關槍炸彈等向我卡兵射擊、十七日室韋縣上游格留氣地方、有赤軍來劫掠小舖、室韋縣西地營子、及五六七八九卡、均被赤軍襲擊搶掠、最近於本月二十二日、室韋縣又被攻擊、查室韋奇乾二縣、原僅有警察數十名、民團數十名、近派騎兵一團駐防、乃赤軍爲掠劫食品計、竟大舉來襲、同時欲掩飾其進攻之非、復宣傳謂我攻倭洛齊、捏造事實、手段殊爲毒辣、日來伯力電台、又宣傳綏芬河東寧方面、中國軍隊向其放槍、吾人可預測赤軍又將攻取該方、故先放此空氣也、

(二)哈爾濱無線電、三十日下午、赤軍飛機五架、步騎兵力一師半、砲艦十艘來攻離富錦三十里高家屯地方、查同富間共有三道防線、現均被赤軍攻破、沈鴻烈司令、三十一日抵樺川、赤艦兩艘被我軍砲擊起火、沉沒按富錦在同江之西二百公里、蘇俄破壞公約、侵入我國內地、已成不可掩之事實、

東北文化社宣傳處廣播邊防消息第七十六號

十八年十二月二日

(一)哈綏滿路警處長張厚琬一日電、稱據綏芬楊段長報告、十月三十夜、敵襲東寧、我軍還擊、歷三小時半、敵始退、我軍無恙、旋據續報、一日晨四時、綏芬河西、柳樹小站附近、貨車被赤黨炸傷、司機二人、壞貨車六輛、機車一輛、查伯力於十月三十一日廣布無線電、捏稱我國軍隊、在綏芬方面、以大槍向彼方射擊云、據赤軍攻擊我某地、同日必捏

稱我軍在該處向其攻擊之慣例推測、綏芬東寧方面、赤軍必將向我施攻擊、卽此益信、

(二) 吉林副司令官公署世電(三十一日)稱、據富錦羅團長三十一日中刻電稱、赤軍於十月三十一日上午十時許、來赤艦九艘、步騎兵約二千餘名、攻擊富錦、職率屬在富錦東龍延及烏爾古力山一帶、正在交戰中、職團勢孤、懇請派兵來援、

(三) 吉林張副司令東電、富錦羅團三十一日電稱、與敵陸海空軍激戰、至三十一日早十二時、敵勢不支、退二十餘里、是役擊沉敵艦一艘、燬敵飛機兩架、

(四) 沈鴻烈司令世日戌刻、自樺川來電、赤艦三十晚抵富錦下流我海軍攔江防線後、卽竭力破壞、竟將該線炸出一道、三十一日下午一時半、赤艦四艘、越過該處、闖入富錦境、其餘兩艘在岸邊附近、被我陸軍砲擊起火、敵方騎兵一部登陸、羅團退守富錦城內、現正調集艦隻、擬在樺川下游堵塞、

(五) 哈爾濱無線電、防俄第一軍軍長王樹常、派張庭樞部十二旅五十九團楊團全部、共四千餘人、携重砲四五十門、機關槍迫擊砲多架、於一日上午、乘三輪及大號拖船三隻、趕赴富錦救援、富錦電話一日晚子時起不通、

(六) 黑河電燈廠、日前被赤黨完全炸燬、房屋焚燒大半、死我軍警多名、乃伯力電台宣稱、係白黨所爲、顯係架辭圖卸責、

東北文化社宣傳處廣播邊防消息第七十七號

十八年十一月三日

(一)哈爾濱無線電、二日下午五時、富錦被我軍克復、富哈間電報電話已通、

(二)沈鴻烈司令三日到哈、與當局有所洽商、隨即過返富錦前線、

(三)又綏芬方面、日來時有赤軍飛機來旋繞窺伺、赤軍不日想又將襲擊該方矣、

(四)哈爾濱無線電、外傳哈埠交涉員蔡運升、因中俄交涉事、有在哈設辦事處之說、查絕對不確、

(五)哈爾濱二日無線電、沈鴻烈司令李杜鎮守使在樺川、合調海陸軍、集中樺川依蘭一帶、力謀反攻、防俄第一軍派往該方之援軍、即日可抵樺川、赤軍決難再逞、

(六)哈爾濱無線電、一日上午七時、赤軍飛機一架、飛至滿州里市上空、旋繞約一小時逸去、

(七)哈爾濱無線電、東寧一日被赤軍襲擊、經我軍、迎頭痛擊、退却後、未有續報、查東寧密山一帶、有鄭澤生騎兵師全部駐守、赤軍或再來窺、絕對無虞、

(八)哈爾濱無線電、東鐵柳樹地方蘇俄赤黨炸燬貨車、茲得較爲詳確之續報如下、東鐵第九十四次貨車、於一日晨七時四十五分、行至東路細鱗河太平嶺間柳樹地方、忽被赤俄黨徒在路軌下暗埋藥彈、炸燬貨車六輛、機車傾覆、正副司機受傷、生命可無危險、經隨

車人員電告附近車站、臨時停止交通、九時許路軌修復、交通停阻九小時、後即照常通車、

東北文化社宣傳處廣播邊防消息第七十八號

十八年十一月四日

(一)哈爾濱無線電、二日十七時、赤軍飛機三架、自綏芬河方面抵穆稜領空、飛行極低、向二十六旅司令部及車站、連擲炸彈數枚、均未命中、旋爲我軍以槍擊退、綏芬河二日有赤軍飛機二架飛來窺探、旋即飛去、此外尙無其他動作、

(二)哈爾濱無線電、東寧附近赤軍、數日以來、不時前來窺擾、經我軍抵禦、旋進旋退、並未得逞、東寧現仍由我軍固守、

(三)哈爾濱無線電、上月三十一日富錦之役、該城交通銀行趙昌火磨均被砲火擊燬、

(四)莫斯科消息、高加索及古班尼河沿岸各處、最近有規模之革命組織、該黨以宗教號召、機關設在某舊城中、爲蘇聯政府發覺、大捕此項黨人、首領已被捕槍決、多數該黨黨員則放逐於西比利亞、南京接蔣公使電告、蘇俄發生內亂、連日蘇俄政府槍斃軍政要人五十一人之多、蘇俄政府現恐慌異常、破獲謀亂機關甚多、

(五)此次亦俄以海陸空軍大舉進攻富錦、深入我內地一百餘公里、該段松花江沿岸、人煙稠密、物產豐富、糧食尤爲其出產之大宗、此次被赤軍沿途劫掠一空、祇同江同興麪粉公

司一家、被劫麪粉、價值在數萬元以上、富錦爲儲糧鉅邑、適值秋收後、食糧彙集、正候運銷之際、赤軍竟得乘間、赤軍暴行、甚於盜匪、該處民衆身受其毒、莫不憤激異常、故赤軍雖傾其全力以來攻、我軍民協力以抵禦、赤軍終難以逞、可知慘無人道、不顧正誼、徒逞武力、終難取勝、徒增世人對於蘇俄不良之感念耳、

東北文化社宣傳處廣播邊防消息第七十九號

十八年十一月五日

(一)富錦李鎮守使三日酉刻來電、報告上月三十一日富錦戰况、摘錄原電如下、銜略職於三日下午三時抵富、卽時規復地方秩序、江省王旅長已回綏濱、羅團現在五區集賢鎮、業已飛調回城、敵人於二日漸退、其步騎各兵、陸路節節退去、軍艦先後下駛、刻聞約退出距富白里以外、二日夜間、敵艦尙對富錦用燈探照、富錦街市商民房屋、被赤軍砲火擊燬三分之一、營房衙署及各機關、均被放火燒燬、無線電台亦被砲火擊平、三十一日一役、羅團官兵、奮勇異常、激戰終日、卒以衆寡不敵、器械斃殊、赤艦四隻衝入富錦上游、其步砲各兵登岸、我軍左翼已受包圍、其右翼之騎兵抄襲我之側背、全線達四十餘里、我軍僅一團、砲不過數門、敵登陸步騎各兵、數在三千以上、野砲十餘門、山砲四十餘門、機關槍二百架、軍艦七隻、砲三十餘門、飛機九架、有旭日符號者三架、拋擲炸彈、砲火甚爲猛烈、據土人云尙有兵艦二艘、滿載形似某國之兵士、並未登岸、是役斃

敵騎兵二十餘名、擊燬赤艦一隻、擊傷一隻、均被拖走、我軍傷亡十餘人、富錦上下電線百里以內、均被破壞、電局機器擄掠一空、此電派艦送樺川拍發、

(二)哈爾濱無線電、黑龍江已流水塊、赤艦均已退去、我海軍各艦亦開回哈爾濱船渠、前敵由陸軍及海軍陸戰隊駐防、

(三)滿州里綏芬河、日來時有赤軍飛機來窺探、並無其他動作、

(四)四日、哈爾濱市內電話忽不通、旋查係俄赤黨破壞所致、當即修復、

(五)四日晚十時、雙城堡站護路軍營房、被俄赤黨放火、即撲滅、自一日迄今、中東路沿線又時時發現、俄赤黨陰謀擾亂舉動、當局已令嚴加防範、

(六)哈埠德領事館、謂在俄被拘禁之華僑、有二千名、現無綿衣、望速備二千襲、渠當負責送往俄國、妥為發給於華僑、

(七)本月七日為赤俄革命紀念日、謠傳赤軍將於是日大舉來犯、各地赤黨亦將謀擾秩序、當軸已飭軍警、嚴密警戒、

(八)滿州里無線電、甜草崗及克山各團體代表六人、携帶大宗物品、到滿慰勞防俄軍將士、

(九)黑河方面、有蘇俄難民逃至我境、據稱黑河伯力各境、食糧斷絕、饑荒隨處可見、人民僅

以豆高粱充饑、係由華境運入者云云、

東北文化社宣傳處廣播邊防消息第八十號

十八年十一月六日

- (一)哈爾濱無線電、哈爾濱軍警當局迭得密報、悉匿跡哈埠之蘇俄赤黨、將於十一月七日赤俄革命紀念日、有所舉動、當由特路警探、分頭偵捕、於三日早六時、在舊正陽河捕獲赤俄敢死團要犯法金、不拉錢克、巴金也多尼、果克狄尼、舌司、果司、吉衣、吾金米爾等八名、又在新正陽河、捕獲秋尼多沃、別力別什克、等七名、並搜出宣傳品多種、照片數張、皆有極大關係、即解往特警探訪局、依法訊辦、於四日晨二時、又在特區警署五分所地界捕獲多名、嗣又在各處獲得該團人犯、共有一百五十餘人之多、訊據供稱、均認與十一月七日暴動陰謀有關、哈埠六日起、宣布戒嚴、並撥特別經費、由吉黑二省分擔、
- (二)哈爾濱無線電、赤軍近由滿州里調大軍赴綏芬方面之四站地方、該軍隨帶大砲三十門、鐵甲車九輛、機關砲四十架、該方不久恐將有戰事發生、而伯力方面、日來每日宣傳、謂吾軍在綏芬東寧向其攻擊、蓋無非爲後日大舉來攻地步耳、
- (三)哈爾濱無線電、伯力赤俄當局、於四日大捕反動份子、格殺七十三人、中有牧師二名、被拘禁者一百二十餘人、
- (四)哈爾濱無線電、赤軍又圍攻室韋縣、詳情未悉、
- (五)滿州里無線電、遼寧商工總會、慰勞東北邊防軍代軍團盧迺齋等九人、三日到滿、攜帶

大宗物品、慰勞前方官兵、該團於滿埠、遍貼對俄標語、並於陣地攝電影照片、以備對民衆宣傳、

東北文化社宣傳處廣播邊防消息第八十一號 十八年十一月七日

(一)哈爾濱無線電、非法承受遠東銀行財產之德東方銀行代表人休慈、前由德領保證不離哈、故其行動仍自由、近因查得遠東銀行與東方銀行之賬目不甚清楚、當局已飭警監視其行動、保管遠東銀行財產委員會、並請德領嚴催休慈、交出私擅接收遠東銀行之契據債紙保險單倉庫單、交由該委員會保管、

(二)哈爾濱無線電、沈鴻烈司令將到哈、轉藩謁張司令長官、商議冬防、李杜在樺川坐鎮、富同間已無敵蹤、聞該方赤軍、亦調至綏芬東寧方面、整頓在該方大舉來攻、

東北文化社宣傳處廣播邊防消息第八十二號 十八年十一月八日

(一)哈爾濱無線電、沈鴻烈司令七日午刻乘陽湖輪返哈、將於九日赴藩謁張司令長官、沈語記者、赤艦均已退往伯力、傳三江口外仍有敵艦不確、江亨艦因彈罄、三十日自沉於富錦、明年可救出、並非被敵擊沉、羅憲章團新退富錦樺川間之集賢鎮、刻已回返前線、依蘭樺川已見冰、江水數日內將封凍、此次赤軍犯富錦、以掠得之麪粉、因不易帶走、居然散給當地貧民、復派中國赤黨四出演說、宣傳赤化、散發傳單、勸我方兵士、投降

蘇俄、用我國白話新標點、傳單外散發中文周刊一種、名工人之路、滿載宣傳共產文字、此次赤俄佔富錦、深入我腹地、其武力侵略之事實、有目共覩、

(二)哈爾濱無線電、七日哈埠安謐如常、道裏外警察全體出勤、分隊巡邏街市、惟傳潛伏哈埠之赤黨有改期暴動說、故軍警戒備仍嚴、

(三)、哈爾濱無線電、七日早七時赤軍飛機三架、飛入綏芬空中偵察、旋飛至穆稜盤旋許久而出境、

(四)自蘇俄對我敵愾迄今、吉黑沿邊各縣、受赤軍蹂躪者已達十八縣、黑屬計爲臚濱、室韋、奇乾、鷗浦、瑗琿、呼瑪、羅北、綏濱、漠河等九縣、吉屬計爲同江、富錦、虎林、饒河、汪清、密山、綏遠、琿春、東寧等九縣、中以同江富錦東寧室韋四縣受擾最烈、

(五)哈爾濱無線電、哈埠特區警察署警察、七日晚在四區二區地界、捕獲蘇俄赤黨圖謀暴動嫌疑犯五十二名、略訊後即送往松北收容所、該所內近添設火爐及其他設備、每日經費需四千五百餘元、

(六)據報有赤軍四百進攻室韋、詳情仍未悉、

(七)哈爾濱無線電、有赤軍一隊自張家地營進逼黑河、

東北文化社宣傳處廣播邊防消息第八十三號

十八年十一月九日

(一)哈爾濱無線電、黑河各機關人員、除軍事機關者外、均於八日退出、赤軍似擬俟冰凍後、自離黑河八里之張家地營子地方上陸進攻、黑河對岸赤軍大砲向、黑河鎮守使署設置、黑河江面未封凍、攻富錦之赤軍數千、已運至黑河方面、該方形勢、現甚吃緊

(二)又、八日晨七時許、赤軍飛機六架至、札蘭諾爾上空盤旋窺伺、九日早七時至八時間、赤軍飛機兩架、至滿州里札蘭諾爾方面偵察、

(三)又、俄軍勾結外蒙軍隊、有由新巴爾虎繞攻海拉爾說、海拉爾已宣布戒嚴、

(四)吉林張主席撥洋五千元、派孔憲熙携赴同江放賑、

(五)又、東鉄理事會、七日舉行改用現洋討論委員會、第一次會議、原則認爲可行由明年元旦日起、改金魯布爲現洋說、

(六)又、八日早八時、赤軍二十餘名、至綏芬河外方小站、搶劫十餘皮商貨物、我軍聞警趕去、已被携贓逃逸

(七)又、札蘭諾爾煤礦、前被俄赤黨決水灌淹現、已將水抽去、照常出煤、

(八)又、哈富局前請駐威德領調查在俄華僑被押狀況、昨由駐哈德領轉來覆函、謂在赤塔被押共二百三十四人、內在林場工作者百八十六人、伯力被押百五十人、內在大街工作者百人、此百人均判處徒刑、在伯力中央待遣所被押九百六十人、內二百三十六人被派作

工、在黑河被押六百五十人、伯力附近紅河被押五百四十人、內百人被派建築營房、各處以紅河待遇較好、其餘每人日給麪包二百克拉母（合華重九兩餘）、不足半飽刻、德領正向赤俄提起抗議、

- (九)又、哈埠七日午刻、特區警察在東鉄廠前捕獲一散發傳單鼓吹罷工之華工人一名、
- (十)又、哈埠教廳路特兩警市政地畝東鉄等六機關、計畫組織撫恤國防軍傷亡將士籌款大會、
- (十一)數月以來、我沿邊各地被、赤軍蹂躪有十八縣之多、焚燒劫掠慘、不忍言、歷經我國宣布於世界各國、事實昭彰、無從掩飾、蘇俄自知難逃公論、將自絕於世界、故近頃於一再劫掠同江富錦之後、變更其方針、以飽掠所得財物、略撥其一部份散、給於同富貧民、同時雇用我國赤黨、隨軍宣傳赤化、跡其鬼域伎倆、無非思文飾其前此之盜匪行爲、而希望博得世人萬一之好評、故其攻富錦赤軍、三日乘艦退至同江時、携械登陸、進同江城將大砲及機關砲等、架於街市要隘、市民觀狀驚慌萬分、旋有赤軍華人在街市集市民演講赤化、日分隊驅迫市民往聽、並將自富錦劫來之食、糧散給貧民、復自艦中取來餅干等物、分散無知貧民、爲威迫利誘集而聽講者頗多、隨赤軍同來之中國赤黨、雜人群中、鼓掌歡呼、並迫貧民作同樣之舉動、另由赤軍在旁攝影、將藉此以爲同江人民歡迎赤軍之證據、然以此無知之貧民、經赤軍一再蹂躪之後、威迫而利誘之、自可驅之若傀儡也、

東北文化社宣傳處廣播邊防消息第八十四號

十八年十一月十日

(一)哈爾濱電稱、伯力附近鐵道沿線、糧秣堆積如山、查俄國遠東產糧甚微、確係第三國由海參威暗中運輸供給、源源不絕、異常充足、如云俄國缺糧、給養不足、實不足信、且此次富錦失陷、糧秣麪粉、未盡運去、此其明證、(二)伯力阿穆爾等處赤軍兵力、集結甚衆、並將騎兵扒犁大部、均向黑龍江沿岸移動、(三)其川兵計劃、欲俟封江後、一部份由蘿北肇興鎮進取湯原、然後直搗哈埠、一部用騎兵進攻黑河、然後直取省城、

(二)哈爾濱無鐵電、八日、三姓發現赤俄匪黨數十人、經當地駐軍九旅陳團痛剿、捕獲數名、餘者逃竄無蹤、

(三)同上、八日、意大利記者參觀松北俄僑收容所、據云待遇甚好、室中甚溫暖、親嘗犯人所食之湯一碗、味頗不惡、該所日備肉數百斤羹湯、浴室理髮所業已畢工、現有男犯一千二百二十六人、女犯十五名、

(四)哈爾濱無線電、(一)八日晚九時許、黑河對岸赤軍、向黑河街市發砲十一發示威入同時有赤軍小砲艇二艘駛逼黑河、遂即引退、(二)十日早七時許、赤軍飛機一架、飛至綏芬馬橋河一帶窺伺、(三)九日晚九時、許哈埠特區警探、又在道裏捕獲赤俄敢死團四十二人、(四)聞蘇俄遣派中國赤黨、潛入松花江沿岸各地、勾結土匪、擾亂秩序、以牽制我軍隊行動、

東北文化社宣傳處廣播邊防消息第八十五號

十八年十一月十一日

(一)哈爾濱無線電理春黑項子陸續開到赤軍騎兵八百餘、蛤蟆塘另有赤兵及中國赤黨混合組成之別動隊五百餘人、均帶有大砲機槍、有向我尋釁模樣、

(二)東寧赤軍與我軍對峙、其大部隊距縣城不過五里、十日哈埠某商號接東寧分號執事來函、謂俄軍取長圍式、似擬久困東寧、使與內地斷絕交通、然後一攻而下、並云木人無生還之望、該地形勢嚴重可知、按東寧與內地交通、須取道俄境、故該函作斯語、

(三)赤軍飛機兩架、七日晨六時、飛入密山縣境、飛行極低、向第一路部投下三彈、均未命中、旋爲我軍擊退、

(四)八日晚九時許、赤軍百餘、偷越興凱湖我軍陣地、被民團擊退、斃敵二名、興湖左岸現駐有赤軍二千餘、

(五)赤軍在伯力造機器電動冰扒八架、外包鐵頁、長一丈六尺、上架鋼砲二門、機關槍一架、可乘十四人、現在伯力郊外水門汀廣場上每日試駛、廠中仍繼續趕造、聞此物行於水上、每小時一百四五十里、

(六)赤軍對黑河亟亟籌備進攻、巴鎮守使會同程旅長、對防禦已有相當布置、戰壕工事即可完竣、非軍事機關及商民均令退出、

東北文化社宣傳處廣播邊防消息第八十六號

十八年十一月十二日

(一)哈爾濱無線電、赤軍飛機兩架、十一日午後三時、飛入綏芬、三時半飛至穆稜、擬向下投炸彈、因見該地駐軍以高射砲準備放射、敵即逃去、

(二)赤軍於一周間由海參威赤塔等處調往綏芬方面、騎步兵、約二千餘人、

(三)哈埠戒嚴司令部已成立、

(四)遠東銀行保管委員會通告中外債務人、須自動到會登記、隱匿不報者、送法院究懲、

(五)十一日晚滿州里外赤軍約四十餘名、於十時許偷入我軍五十一團二營陣地、爲我軍擊退、

(六)十一日早五時、赤軍向滿站小北山我軍四十三團陣地發六砲、我軍當即下戰壕並未還擊、

(七)自十日起滿站外赤軍開始與赤塔駐軍換防、其新到各軍仍著棉衣、軍士多不勝寒、

(八)哈埠各界籌備之撫恤陣亡將士跳舞會定本月二十三日舉行、

東北文化社宣傳處廣播邊防消息第八十七號

十八年十一月十三日

(一)哈爾濱無線電蘇聯遠東軍定十五日在伯力召集對華軍事會議、將由布海留爾任主席

(二)蘇聯飛機三架、十三晨八時到我穆稜偵察、歷一小時折回、

(三)哈埠十三日起正式宣布戒嚴、李振聲任戒嚴總司令、米春霖張厚婉高齊棟任副司令、已頒布告令居民鎮靜、

(四)十二日午前八時、俄飛機兩架自徐爾古侵入我同江領空、九時至富錦偵察我虛實、十一時始去、似有再舉侵我同富意、

(五)十二日晨七時、滿站上空發見俄飛機一架、盤旋半小時始去、

(六)綏芬外四站俄駐軍有一小隊九日突然譁變、携去槍械甚多、赤軍已派兵一聯隊追擊、在相持中、

東北文化社宣傳處廣播邊防消息第八十八號

十八年十一月十四日

(一)據軍事家觀察、赤軍飛機連日到我邊境偵察綏芬滿州里同江富錦一帶、皆曾發現蘇聯之偵察飛機、似尙在作進攻之準備、

(二)哈爾濱十五日起戒嚴、以哈爾濱全埠爲警備區域、在戒嚴期內、停止集會結社、禁止輸出軍用物品、檢查或沒收私人之槍砲彈藥、並核査郵電、嚴拿間諜地面安謐、

(三)十三日晨滿州里外俄境、砲聲隆隆不絕、八時許俄飛機四架自十八里小站飛騰空中、我軍當用高射砲射擊、該飛機四架卽向赤塔方面飛去、據傳赤軍內部有一部份譁變、

(四) 赤軍中譁變之兵士一千七百人持反共產反蘇維埃旗幟、出現于黑河上游二百四十里之荒野、槍械均備、

(五) 伯力遠東軍司令部、十日自莫斯科調來東方共產大學中日韓學生三十人、隨軍任政治宣傳工作、聞將分批入同江滿綏、

(六) 赤軍兵剛已兩月未發、官長復虐待兵士、逃亡者日有所聞、蘇聯當局近又向人民徵收軍事捐、商民有反抗者、咸被國防政治局捕去下獄、

(七) 哈爾濱電訊、同富至哈電線、尙未完全修復、刻在積極修理中、

(八) 黑河無線電、十二日晨八時、蘇聯飛機兩架、入我黑河領空偵察、盤旋有兩小時之久、黑河北岸勃拉可維金斯克、近新架重砲二十餘門、有砲擊黑河意、巴英額旅已在準備防禦、

東北文化社宣傳處廣播邊防消息第八十九號

十八年十一月十五日

(一) 海拉爾電訊、蘇聯近在外蒙古二次徵募壯丁、擬編成騎兵進攻海拉爾、侵略之心、昭然若揭、惟蒙民頗不滿意將有反動、

(二) 據報俄飛機十四晨八時均調往伯力大烏里、僅留飛機二架、十四晨八時有俄飛機一架來滿站上空偵察、

(三)滿州里無線電十三日晨有俄兵十二名、携全副武裝奔至我前綫軍營請降、據云伯力方面俄軍內鬪、正在激戰、雙方相持未決、滿邊俄軍餉糈缺乏、日食黑麪包一磅、不足半飽、欲求飽食、故來投降、經梁忠甲旅長派員收容、解除其武裝供給豐富之食料、甚爲感激、至於淚下、

(四)吉軍第十旅張作舟部、刻撥歸哈爾濱戒嚴司令部指揮調遣、每夜十二時至天明六時半、斷絕市內交通、由張部分隊巡邏街市、十五日起實行出動、

(五)伯力十五日無線電稱、中國方面準備進攻黑河北岸、特編第三軍擔任此路、以孫傳芳爲軍長、又稱三岔溝及綏芬方面、中國軍隊時去襲擊、此皆無稽之謠傳、中國何嘗編第三軍、孫傳芳亦何嘗有任第三軍長之說、孫本人刻尙隱居大連、赤俄此項宣傳、用意在爲他日進攻我國黑河綏芬及三岔溝之口實、大約不出數日、此三處必有赤軍來襲擊、蘇聯用此技倆、已非一次、每每今日宣傳我軍在何處有動作、明日該處卽爲赤軍所襲擊、如響斯應、姑拭目以觀其後、其心之工、計之毒、欲不居惡名而得實利、赤色帝國主義者之心肝、尙足食乎、

東北文化社宣傳處廣播邊防消息第九十號

十一月十六日

(一)哈爾濱無線電駐哈德領語人、蘇聯對東路事件已露讓步表示、中俄戰事當不致發生

(二) 歸國華僑談威埠市面冷落、當局在街市布置電網、如臨大敵、以防內變、居民一夕數驚、頗多怨言、已向當局請願從速和平解決東路事件云、

聞海參威蘇聯當局、迫於人民請求、向駐威德領表示、希望和平解決中俄糾紛、但俄方是否有誠意、尙是一問題、

(三) 蘇聯飛機一架、十三日晨至延吉偵察、歷一小時始去、

(四) 聞赤軍近以大批金錢賄買東北路胡匪、使其在我後方擾亂、俄之缺乏和平誠意、于此可見、

(五) 十五日午、哈路警在南崗中央醫院外院查獲炸彈四枚、查係俄赤黨藏匿之物、以備實施赤色恐怖之用者、

(六) 哈當局因赤黨時謀蠢動、添臨時警察百名、以維治安、

(七) 赤軍近在琿春方面增加多數軍隊、有窺我琿春意、吉當局已令駐軍嚴防、

(八) 十四日晨八時、俄飛機五架、侵入我綏芬上空、向車站投下炸彈數枚、傷鐵路工人二名、

(九) 黑邊漠河金廠、十日午爲俄軍隔岸砲擊、歷二十餘發、金廠工人宿舍、當被砲火擊毀數

間、傷工人數名、

(十)俄境佐爾庫次克農民、因政府強迫沒收糧食、羣起暴動、聚衆萬餘、已與官軍發生衝突、此種戰亂大有波及遠東全境之勢、

(十一)十三日哈爾濱吉黑郵務工會代表、携大宗慰勞品、到滿州里分贈前方將士、

東北文化社宣傳處廣播邊防消息第九十一號

十一月十七日

(一)哈爾濱無線電十四晨十時半、俄飛機兩架來綏芬以機關槍向下掃射、傷我護橋兵士兩名、迄十一時頃始飛去、

(二)十五晚九時、俄兵三十餘名匍匐入我綏芬河第一線陣地、當經我軍查覺、彼即先行開火、還擊後始退去、

(三)我國松黑兩江航業因俄方扣船及擾邊結果、損損輪船十艘、貨船十七艘、風船十三艘估計價款二百萬元以上、

(四)札蘭諾爾滿州里一帶、十六日午起、有多數赤軍飛機盤旋不去、似有預備攻擊模樣、哈爾濱滿州里間長途電話、十六晚起不通、

(五)十七晨八時、俄飛機多架來我札蘭諾爾投彈、九時許、車站及煤礦起火、延燒甚久、迄午未息、

(六)十六日午、俄飛機十架結隊來攻穆稜、投彈甚多、後經我用高射砲擊退、連日俄飛機時時出沒於東西兩線、以炸彈小試其技、預料不出數日、恐將大舉來攻、

(七)據黑河來人談、俄屬阿穆爾省、有三數處發生內亂、農民與軍隊衝突、雙方咸有死傷、且聞此種衝突正方興未艾、

(八)外蒙當局近由蘇聯政府授意、下令不准外人入境、

(九)探報綏芬外四站所駐俄軍、有步兵三團騎兵八百、野戰砲兵一團、重砲兵一團、鐵甲車五列、坦克車六十輛、飛機十一架、又興凱湖東岸、駐有俄軍野砲兵二營、步兵二營、五道洞子駐有俄軍步兵一營、騎兵二百、砲兵一連、牙姑娘站附近駐步兵一團、騎兵五百、砲兵一連、蛤蟆江子駐步兵五百、騎兵三百、砲兵一百、關機槍一隊、坦克車十五輛、蘇俄在我沿邊一帶兵力、總計有四萬餘衆、內有毒氣隊兵士數百名、携有各種毒氣甚多、尙望中外輿論界加以注意、

(十)赤俄伯力十六日所發無線電、又有種種誣蔑我方之宣傳、如云蘇聯沿邊各地、時常受中國侵擾、此種宣傳、並不依據事實、早已不能取信於世界、茲又表而出之、徒見其心勞日拙、又云、中國軍隊時來侵擾、蘇俄政府則嚴令防軍不准還擊、其實我軍始終未越國境一步、俄軍侵入我境、非止一次、其口仁義而心毒螫、抑何可笑、

(十一)俄軍十七晨一時大舉攻我札蘭諾爾、刻在相持中、並有襲擊海拉爾消息、該方面我國軍隊已在準備防禦、

東北文化社宣傳處廣播邊防消息第九十二號

十二月十八日

(一)海拉爾來無線電、十七日晨一時半、赤軍大舉進攻滿州里及札蘭諾爾、砲火異常猛烈、八時許飛機十架結隊來攻紛紛擲下炸彈、札蘭諾爾煤礦第五洞被炸起火、十時後俄始停止砲擊、正午俄飛機轉赴海拉爾投擲炸彈、經我軍用高射砲擊退、

(二)海拉爾來無線電、十七日海拉爾滿州里間鐵道被赤軍便衣隊拆去三段、一在碾崗附近、一在赤十、一在赫爾洪得三處共被拆毀三十公里、十八日由哈開赴滿州里通車僅開至海拉爾為止、

(三)齊齊哈爾無線電稱、赤十站十七晨為赤軍飛機用炸彈炸毀海滿間電話電報均被刮斷、火車已停止開行、赤軍飛機多架盤旋滿札一帶不去前方戰情不明、

(四)長春無線電轉來東線前方消息云十七晨七時、赤軍飛機四架、侵入我綏芬河小城子一帶領空偵察甚久、下午一時牡丹江橋上空、亦發見赤軍飛機六架、用機關槍向下掃射、並擲炸彈多枚、

(五)馬橋河電訊半庶河雙門鎮白泡子二人班一帶十七日發見赤軍千餘名初割斷電線繼即向我

駐軍攻擊、丁超已派軍前往增援、又密山十七日赤軍飛機五架、擲下炸彈多枚、民房被燬不少、

(六)十八日下午三時、俄飛機六架來我東路牡江鐵橋上空盤旋、擲下炸砲多枚、皆未命中、
(七)十八日自晨至午、海拉爾方面隱約聞砲聲、胡毓坤十八晨蒞海拉爾坐鎮、即午發見俄飛機十二架、一時許退去、美國赤十字會人員、現尙駐該地、已目睹一切赤軍之暴行、

(八)十七日晚八時二十五分、滿州里開赴哈爾濱之客車、行至札蘭諾爾與磔崗之間、因軌道被赤黨拆毀、致逗留不前、移時即有赤軍間道來襲、旅客及車務人員、均被驅入俄境、車上行李被搶一空、

東北文化社宣傳處廣播邊防消息第九十三號

十一月十九日

(一)海拉爾無線電稱、十七晨七時、赤軍飛機二十七架、侵入滿站上空、向我陣地營房擲下炸彈二百餘枚、無線電台及舊縣署均被炸毀、同時以大砲掩護步騎兵、猛烈向我梁旅陣地進攻、割斷我電線、拆毀我鐵道、其兵力在一師以上、有砲二十餘門、激戰至晚八時、梁、旅堅守陣地未退、赤軍退回俄境時、亦未去追擊、迄十八晨七時、赤軍再度以步騎砲兵來攻滿州里、至午尙在激戰、該地無線電台已於十八日午修復、

(二)海拉爾來無線電稱、十七黎明赤軍衝入我國境內札蘭諾爾、初以砲火轟擊、繼遣飛機十餘

架結隊來攻、紛紛擲下炸彈、繼增大砲三十餘門、掩護步騎兵五六千人猛攻我軍陣地、當即發生激戰至午後三時砲火始止、十八日晨、札蘭諾爾方面、赤軍又增大砲三十餘門、集中砲火向我陣地進攻、以飛機二十餘架助戰、並以坦克車二十餘輛、排列衝擊、我軍死力抵禦、激戰甚烈、雙方死傷頗重、

(三)哈爾濱無線電稱、十七日晨七時半、赤軍飛機四架、由綏芬河方面西來、經下城子向穆稜方面駛去、在穆稜盤旋約十分鐘、即向東折回、至八時十分、復經下城子向梨樹鎮方面駛去、又稱十七日午後二時、俄飛機六架飛至牡丹江車站上空盤旋、向我飛機場投下炸彈十餘枚、並用機關槍向下掃射、十八日俄飛機六架、又來牡丹江鉄橋投彈、幸暴發力不大、損失輕微、火車仍能川駛無阻、

現哈爾濱西去客車僅開赴海拉爾爲止、胡毓坤十八晨抵海後、已調大軍赴札蘭諾爾一帶增援、沿途並用軍隊保護工人修理鐵路、

(四)哈爾濱無線電稱、十七晨東面陣地前多處皆發見赤軍、梨樹鎮來赤軍八九百人、八道洞子來四五百人、至午皆爲當地駐軍擊退、十九日牡丹江鉄橋上空、又發見俄飛機三架、西路海拉爾、亦于十九日上午十一時發見俄飛機五架、

(五)哈爾濱無線電稱、密山當壁鎮十七晨來赤軍五六百人騷擾、

又俄當局利用外蒙古騎兵萬名已令開至新巴爾虎、將援應赤軍、進擾我海拉爾云、

(六)連日俄在東西兩路大舉進攻、以重兵入寇我國境、其蔑視國際正誼、破壞非戰公約、已無從掩飾、俄之蓄意來犯、前數日業經料及、蓋其武力攻擊之前、必有一度或數度之文字宣傳、如其最近莫斯科無線電、居然又宣稱、沿蘇俄邊境之中國軍隊、有準備進攻之情勢、黑河方面中國軍隊、已積極準備、大約封江後即將大舉來攻云、實則彼之所謂封江後大舉來攻、吾人可料及不久赤軍必來攻我黑河、彼故意先發表此種反宣傳、借以掩飾其侵略之動機、其翻雲覆雨之技有如此者、

東北文化社宣傳處廣播邊防消息第九十四號

十一月二十日

哈爾濱無線電

(一)滿州里有線電報局十九晨爲赤軍砲火轟毀、札蘭諾爾至煤礦之鐵路支線、亦於十九晨爲赤軍破壞、哈爾濱至滿州里之客車、二十日僅開至海拉爾爲止、札蘭諾爾十九日有被赤軍佔領說、但尙無官報證實、

(二)十八日晚赤俄軍侵入國境圍攻密山縣城、勢甚危殆、梨樹溝平安鎮等處皆有激戰、俄軍攻入我境、已成不可掩之事實、

(三)十九日晨、密山附近半截河二人班一帶、均有大隊赤軍來攻、卽與當地駐軍發生激戰、

迄晚未分勝負、

(四)英亞通信社、本係蘇聯共黨利用在中國宣傳之機關、近復捏造事實、謂近四個月內、瀋陽商店工廠歇業者達八百家之多、殊不知瀋陽商工業之發展、近來進步甚速、不惟無一家歇業、且有新開設者多家、商人及實業家、並不受此項中俄事件之影響、事實彰彰明甚、豈能任其信口雌黃、

(五)十九晚俄步哨三十餘名、侵入綏芬河外五道洞子、經我前線軍隊、用機關槍擊退、並生擒三名、

(六)十九午東路當局派工修理牡丹江鐵橋、不日即可修復、護橋軍隊已增加、

(七)十九晚俄便衣隊百餘人、偷襲札蘭諾爾、圖炸滿札間鐵橋、當為韓旅擊退、鐵橋無恙、

(八)十七晚在磋崗附近、被赤軍劫奪滿哈間客車、已於十九晚開回哈爾濱、旅客幾全數被赤軍俘去、當時有逃匿者、皆為赤軍開槍擊斃、或以刺刀刺死、餘皆驅入蘇聯境內、行爲一如胡匪幫票、至該處被毀之鐵路、十九日已修理完竣、

東北文化社宣傳處廣播邊防消息第九十五號 十一月二十一日

(一)密山電訊、赤軍十七日大舉進攻密山、即與我軍激戰、至晚因赤軍增加兵力猛攻、我軍引退密山遂被佔領、電台於激戰時被炸彈炸燬、赤軍入城後、大肆搶掠、人民逃避一空、

(二)下城子電訊、二十日赤軍飛機二架至下城子擲下炸彈五枚、無損失、地面尙無恐慌景象、

(三)此間某要人談、蘇聯入寇我國境、已將四月、前後不下數十次、其掠我土地殺我人民、奪我財產、事實俱在、其兇暴較之俄皇時代有過無不及、如己往綏芬同江富錦等役、俄皆深入我國境、邊陲室韋奇乾等地、被其佔據至今、在措商中東路事件中、彼始終無誠意、向我提出種種非理之條件、近更以重兵攻我滿州里及扎蘭諾爾、復佔領我密山、尙在繼續節節進攻、實行其赤色侵略政策、欲藉武力之威脅、迫我承認其無理之條件、但我中華民族素愛和平、豈不我開、從未先放一槍、待其越境來犯、始爲自衛之抵抗、第亦僅在國境內還擊、從未追出中國境一步、彼恃強權、我依公理、自信公理終有戰勝強權之一日、在此種嚴重情勢之下、想世界輿論、必能爲我國主持公道、我國亦無論如何、不甘屈服於強權之下云、

(四)哈爾濱無線電、呼倫市政籌備處、據十六七八等卡卡官電稱、上月二十六日伊穆卡河卡倫、被赤軍襲擊、屠殺殆盡、張卡官失蹤、

(五)室韋奇乾兩縣於十一十二兩日被赤軍襲攻、相繼佔領、奇乾郎縣長失蹤、呼倫商民集資僱人往奇乾、室韋縣長及各機關職員由駐軍保護、退避河塢、(距室韋八十里)

(六) 哈爾濱無線電、赤軍強迫工人、自密山邊境向穆稜修築輕便鐵道、有大舉來侵之意、我援軍二十晨與當地駐軍民團集合、擊退敵軍、赤軍現有一部在王胖溝一帶騷擾、我騎兵已往搜索、

(七) 又訊、哈大洋票、二十日收回四百萬、經長官公署監視、切角作廢、

(八) 呼倫貝爾區蒙民、因不堪俄軍侵擾、組織騎兵兩旅抗俄、因蒙古王公、向張請求允由邊署發出新式馬槍及手榴彈等、此項騎兵、即由洮遼鎮守使張仙濤統率云、

東北文化社宣傳處廣播邊防消息第九十六號 十一月二十二日

(一) 海拉爾無線電訊、二十一晚十時、俄飛機五架襲我海拉爾、因我電燈全滅、遂擲下信號彈不少、復擲下炸彈數枚、損失輕微、

(二) 馬橋河無線電訊、二十二日上午十一時、俄飛機三架來馬橋河、向我軍隊駐地擲炸彈、皆未命中、

(三) 海拉爾無線電訊、梁忠中旅、因後路被赤軍截斷、二十日取道呼倫、馳歸海拉爾、整隊退却、實力未損、滿州里即於二十日爲赤軍佔領、

(四) 又電十九日赤軍猛攻札蘭諾爾、經韓光第旅死力抵禦、激戰至晚、因衆寡懸殊、不敵而退、

(五)又電赤軍佔札蘭諾爾時、有煤礦工人數千、在礦洞中避砲火、赤軍發覺後、擰開煤礦水管、致被淹死者不少、有爬出礦洞逃命者、亦爲赤軍用手槍擊斃、無一生存、此外人民被赤軍慘殺者、達七八百人之衆、

(六)又電現下磋商滿州里一帶、完全被赤軍佔領未退、並聞赤軍中有多數蒙古人、

(七)赤軍此次擾亂滿札、侵及砬崗、近且直逼海拉爾、已侵入我國領土百餘公里、其赤色帝國主義之兇暴面目、與夫政治的侵掠鄰國領土之事實、已暴露無餘、

(八)赤俄伯力無線電稱、十七日滿哈間之客車、係自行遇險、並非俄軍所擄云云、殊不知該列客車之所以遇險、係因赤黨先行拆毀路軌所致、其後復有赤軍數百名、將車包圍、搜劫錢物、捕去旅客及車務人員、驅入蘇聯國境、事後乃造此種謠言、真不值一嘆、不如製造他種較似之謠言爲愈也、

東北文化社宣傳處廣播邊防消息第九十七號

十一月二十三日

(一)海拉爾無線電、二十三日上午十一時二十分、俄飛機十二架飛至海拉爾擲下炸彈十數枚、至正午逸去、

(二)又電、東路自二十二日起、逐日日哈添開客車二列、去海拉爾接連難民來哈、

(三)又電、撫恤國防軍傷亡將士籌款會、二十三日舉行佩花遊藝兩會、哈市民輸將甚踴躍、

(四)赤俄破壞非戰公約、遣兵犯境、至再至三、近又大舉來攻、佔據我密山札蘭諾爾及滿州里、屠殺人民、焚毀房舍、破壞鐵路、劫奪財物、殘暴毒辣、難以言宣、以致東北民衆難再容忍、現由工農商學聯合團體大會決定、一面集款資助軍費、以固邊防、一面電請國聯主持公道、制止赤俄暴行、

東北文化社宣傳處廣播邊防消息第九十八號

十一月二十四日

(一)海拉爾無線電、二十四日上午十一時許、俄飛機六架自札蘭諾爾方面飛至我海拉爾上空、向我軍陣地擲下炸彈十數枚、其目的在炸我戰壕、但並未中的、過午即飛去、按海拉爾距滿州里一百八十七公里、俄飛機一再侵我領空、深入我腹地、已無掩飾矣、

(二)馬橋河無線電、赤軍十九日佔我密山後、即節節向我鐵路線進逼、二十四日已過平安鎮、向梨樹鎮進、發其爲有計劃之軍事動作、已無疑義、

(三)穆稜無線電、二十四日上午十時、俄飛機五架飛入我穆稜上空偵察、並擲炸彈多枚、按穆稜距綏芬河一百七十七公里、赤軍之深入我腹地、此亦是一證明、

(四)蘇聯之有意破壞非戰公約、遣大軍犯我國境、四月以來、迄無寧日、惟以蘇聯反宣傳之故、各國對於實況、猶疑信參半、最近赤軍又大舉來攻、佔領滿札、演出種種非人道之舉動、認爲情勢異常嚴重、駐哈埠各國領事已準備組織調查委員會、赴滿札等處實地調

查赤俄暴行事實及人民被害情形、尤注意各該本國僑民之被害事件云、

(五)哈爾濱無線電、特區行政長官公署因時局緊張、二十四日派外交科長赴各領事館聲明哈地治安絕對無慮、中國當局對外國僑民、負完全保護責任、

(六)又訊、日本守備隊五十名、藉口保護哈埠日僑、二十三日晚自長春抵哈埠、同日駐哈英美領事亦致電北平各該國公使、請其火速派兵來哈保護本國僑民云、

東北文化社宣傳處廣播邊防消息第九十九號 十一月二十五日

(一)海拉爾無線電、赤軍飛機四架、二十四日晚、又來海拉爾投擲炸彈、

(二)哈爾濱無線電、哈爾濱西去客車、二十五日通至博克圖、胡毓坤仍在哈克指揮軍事、

(三)齊齊哈爾無線電、萬福麟編組敢死隊、業已就緒、

(四)哈爾濱無線電、海拉爾難民二十四日到哈二千、二十五日又到哈四千、皆由商會收容、

(五)又電、海拉爾電報二十五日晨起不通、海拉爾當地情況不明、

東北文化社宣傳處廣播邊防消息第一百號 十一月二十六日

(一)博克圖電話、二十五日上午九時、俄飛機一架、自札蘭諾爾方面飛入哈克、偵察約半小時出境、有進攻意、

(二)穆稜無線電、二十六日晨八時、俄飛機兩架、自綏芬河至穆稜煤礦偵察、擲下炸彈三枚、

煤礦無恙、

(三)前線探報俄遠東軍司令布留海爾、近自伯力往大烏里、在滿州里北指揮軍事、

(四)蘇俄破壞非戰公約、稱兵犯境、肆行屠掠、已不下數十次、在我原可迎頭痛擊、直搗赤巢、祇以不欲蹈破壞和平之嫌、一再退讓、乃暴俄不知悔悟、步步進逼、近且大舉入寇、佔我腹地、我東北民衆、身受目擊忍無可忍、不得不向非戰公約簽字各國、籲請作公理之主持、因於本日(二十六日)由東三省農業聯合會商工聯合會教育聯合會、代表東北全體人民名義、致美總統英法日義總理國際聯盟會北平外交團、南京國民政府市黨部電各一件、首言蘇聯宣傳赤化、危害中國之生存、次叙四閱月來、赤軍侵略國土、及各暴行之概要、末請主持正誼、組織國際調查團來華調查、以明真相、而付公評、文長數千言、

(五)哈爾濱電話迄本日(二十六日)止滿州里南海拉爾北一帶、按滿站至海拉爾距離一百八十七公里、俄軍仍未退、並在組織增兵、居民在赤色恐怖之下、備極苦痛、

(六)馬橋河電訊、盤據密山之俄軍、正在向我梨樹鎮修築軍用道路、壓迫我鄉民、代爲工作、不從者死、聞現已修過老絕背、長約四十公里、

(七)赤俄伯力二十五日又用無線電宣傳、赤軍對滿州里密山兩地之中國軍隊、已予以重大教訓、按其所謂教訓、無非欲籍其武力、壓迫中國承認其提出之無理條件、用意所在、已昭然若

揭、無如東北民衆堅持沉着、絕不屈服強權之下、彼以計無所出、乃又誣稱我國軍隊、日來在三岔溝方面、向彼襲擊、以爲再度侵擾根據、但東北已洞燭赤俄奸計、始終容忍、深信公理與正義、必能得最後之勝利、惟民衆憤慨殊甚、激昂慷慨之至、多願爲政府後盾云、

(八) 國府外交部二十四日以國府名義、向國聯及非戰公約各國、送致關於最近中俄事件之宣言、內容縷述赤俄之暴行、並請世界注意其嚴重情勢、該電同時由國府拍致國聯吾國辦事處吳凱聲、令其卽向蘇聯報告、復分致伍朝樞施肇基蔣作寶高魯等駐外公使、轉向非戰公約簽字國宣佈、

(九) 數月以來、俄軍每次攻擊、多藉口我國軍隊先往攻彼、而後彼始還擊、此次我軍已自動由滿札撤回後方、以塞其簧鼓之口、今彼仍紛紛進逼不已、其有意爲國際戰爭之戎首、已屬無可諱言、

東北文化社宣傳處廣播邊防消息第一百零一號

十一月二十七日

(一) 穆稜無線電、佔濠密山平安鎮之俄軍、聞有撤退消息、

(二) 又電、二十六日下午二時、俄飛機兩架來我牡丹江鐵橋上空偵察、歷一小時始去、

(三) 綏芬河無線電、俄飛機兩架二十五日晨飛赴東寧偵察、

(四) 哈爾濱無線電、富錦現組民團五千、維持地面秩序、

(五)赤軍侵入札蘭諾爾圍攻我第十七旅、激戰之下，我旅長韓光第及所部團長兩名、皆殉難、東北後方民衆聞此悲耗、咸義憤填膺、誓爲政府後援、藉慰英魂、

(六)據海拉爾逃出外人談、赤軍佔領札蘭諾爾時、除淹斃及槍殺該處礦工二千人外、尙有該處病院內之病人三十名連同醫士一律被殺、

(七)綏芬河無線電、赤俄飛機兩架、二十四日上午、侵入我綏芬河以西領空偵察、旋即飛去、

東北文化社宣傳處廣播邊防消息第一百零二號

十八年十一月二十八日

(一)哈爾濱無線電、二十六日午後二時、俄飛機四架、自綏芬方面飛入牡丹江站上空、圖炸鐵橋未遂、旋即飛去、

(二)博克圖無線電、盤據滿札之俄軍、已撤退一部份、猶留一部份在磋崗附近、搜殺吾華人、

(三)依蘭電訊、俄飛機一架、二十六日午飛入富錦偵察、多時始飛去、

(四)哈爾濱無線電、俄派黨徒入內蒙、煽惑蒙古青年黨、使其在內地實行暴動、

(五)、又電、歸國華僑言、最近俄自海道運抵威埠坦克車二百輛、正在裝置槍砲、準備沿松花江入寇、

(六)穆稜無線電、俄飛機兩架二十七日、飛至穆稜偵察半小時、

(七)駐哈領事團二十七日會議結果、決定派員赴哈滿線調查滿札被害實況、

(八)外訊、蘇維埃政府近因負擔軍費過鉅、特令工商各業加捐兩成、商民莫不叫苦、

(九)據蘇聯伯力二十七日無線電稱、滿州里方面之中國軍隊根據地、已被我赤軍完全破壞云云、足證赤俄已承認攻佔我國土、其爲破壞非戰公約之罪人明甚、

(十)萬福麟新組之敢死隊、並無白俄人在內、某國英文報十一月二十二日所稱萬福麟組織特別白俄軍隊一節、絕非事實、

(十一)哈爾濱無線電、駐哈日領近接黑省日領來電、謂二十五日得滿州里日領電告、滿站經日領調停結果、劃爲非戰區域、于此可以證明俄之越境來犯、爲千真萬確之事實、歷來每次作戰、皆在吾國境內、戎首誰屬、當有定論、

(十二)東鐵四月以來、各線通車皆照常行駛、我方當局以全力維持行車秩序、近因海滿間一段、爲赤軍佔據、鉄軌車站、多被破壞、乃伯力二十八日電稱、中東路各線火車停滯、交通紊亂、信口雌黃、與事實完全不符、不過一種惡意之宣傳而已、

(十三)博克圖無線電、飛機十二架二十八日下午二時、結隊來博克圖上空、拋擲炸彈多枚、一般觀察、俄將繼續進攻、按博克圖距滿邊國境四百公里、

東北文化社宣傳處廣播邊防消息第一百零三號

十八年十一月二十九日

(一)中俄間之糾紛、自經國府及東三省各法團、致電國際聯盟及非戰公約簽字各國、請其

主持公道後、空氣已不若前之緊張、蔣作賓對於中俄兩國組織混合調查團之提議、已經蘇聯駐德大使轉達該國政府、同時俄方亦宣傳與東北直接談判正在進行、或者俄已知難而退歟、在吾方固不反對和平解決、但蘇聯素鮮信義、二十八日、又遣飛機十五架、至我博克圖擲炸彈、言猶在耳、其行徑竟如此相反、我民衆雖以寬大爲懷、仍當枕戈以待、

(一) 蔣作賓近電告外部、略稱我國提議、由中俄兩國組織混合委員會、或請第三國爲委員長、促進解決中俄間糾紛、此項提議、業經蘇聯駐德大使轉達蘇聯政府、

(二) 齊齊哈爾無線電訊、二十八日正午、俄飛機十五架、結隊來攻我博克圖、擲下炸彈多枚、炸燬停在該站之飯車一輛、其他尙無大損失、

東北文化社宣傳處廣播邊防消息第一百零四號

十八年十一月三十日

(一) 博克圖無線電訊、三十日晨九時、俄飛機四架來我博克圖上空、擲下炸彈一枚、適值東路客車開進博站、雖未命中、旅客皆驚慌逃避、

(二) 又電、二十九日午後一時、俄飛機十九架結隊來攻我博克圖、紛紛擲下炸彈、亂落如雨、博站附近之車頭轉盤被炸燬、同時並炸壞東路之工廠及材料廠、市內之東鐵俱樂部亦中炸彈數枚、負傷者多名、

(三) 綏芬河電訊、二十九日晨八時、綏芬河來俄飛機兩架、一在綏芬站上空盤旋、一在綏芬

西我軍陣地上空偵察、歷兩小時之久、始飛回俄境、

(四)又電、二十八日赤軍襲我東寧、我軍抗拒、當即發生激戰、勝負未明、

(五)胡毓坤軍長二十八日自博克圖致張司令長官一電、報告前方軍情、文云二十八日午前十一時、敵人飛機先後二十餘架、飛到博克圖站、任意飛翔降至極底度、投擲炸彈二百餘發、將車站炸燬、火車燒去兩列、樓房炸燒三處、炸壞不計其數、當時火災大起、所有通信機關、均被炸壞、現已着手修理、此次我官兵傷亡三十餘名、

(六)俄方最近宣傳、願以和平方法、解決中俄間糾紛、但連日又遣兵襲我東寧、遣飛機攻我博克圖、其言行既不一致、徒令吾人感覺俄方之無和平誠意、

東北文化社宣傳處廣播邊防消息第一百零五號

十八年十二月一日

(一)哈爾濱電訊、東路西去客車、一日起僅開至札蘭屯爲止、

(二)又電、一日起、哈爾濱電報電話、僅通至博克圖、博克圖以上有阻礙、

(三)穆稜電訊、三十晨十時、穆稜發見俄飛機五架、盤旋半小時、向梨樹鎮方面飛去、

(四)綏芬河電訊、東寧方面赤軍、二十九日退出國境、

(五)博克圖電訊、海拉爾未退出之商民、刻已自行組織保衛團、維持地面、

(六)遼寧各界組織之慰勞防俄將士遊藝大會、自十一月二十九日開幕以來、今日已屆第三日

、民衆踴躍輸將惟恐後人、爲數甚鉅、足見東北民氣一班、

(七)此間某要人談、俄方提出之條件、東北當局表示在原則上可以商量、但並未接受、乃俄方一面大肆宣傳、謂東北已完全屈服、此與事實大相背謬、一面仍以武力來犯、實行威迫、在此種情勢下、東北認爲赤俄無誠意、對於條件之接受、尙須考慮云、

東北文化社宣傳處廣播邊防消息第一百零六號

十八年十二月二日

- (一)哈爾濱二日電訊、赤軍飛機連日在東路綏芬東寧密山一帶偵察、在綏芬河往來尤繁、
- (二)又電、盤據宰韋奇乾之俄軍、迄今仍未撤退、居民已被掠一空、
- (三)又電、黑河及綏芬河二方面、赤軍連日有增兵模樣、
- (四)又電、海拉爾之蒙民牛羊馬匹、爲赤軍劫去不少、滿札一帶之糧食、亦爲搜劫一空、
- (五)又電、一日起、西線電話、已能通至博克圖、前方情況無變化、
- (六)又訊、西線一帶之白俄僑民、日來羣來哈爾濱避難、已達數千名之多、哈埠俄僑救濟會、特商借秦家崗教堂、爲臨時收容所、我當局已允撥款救濟、

東北文化社宣傳處廣播邊防消息第一百零七號

十八年十二月三日

- (一)綏芬河電訊、俄飛機三架、二日晨八時飛入我綏芬上空、飛行極低、偵察至九時許逸去、
- (二)博克圖電訊、札蘭屯博克圖間被赤軍炸壞之一段鐵路、一日晚完全修復、二日起哈爾濱

來客車、已能通至博站、

(三)吉林電訊、密山被劫後、地方異常空虛、商民近電省請款救濟、

(四)又電、據前方探報、札蘭諾爾煤礦附近、仍屯有俄軍千餘、並不時遣騎兵放哨、有久據意、

(五)博克圖電訊、蘇聯煽動內蒙青年、組織騎兵、現已就緒、聞擬向東進發、似將襲取海拉爾、

東北文化社宣傳處廣播邊防消息第一百零八號

十八年十二月四日

(一)博克圖電訊、二日晨九時、俄飛機兩架、曾飛入博克圖、偵察我軍動作、三日午博克圖上空、又發現俄飛機三架、歷一小時始去、

(二)齊齊哈爾電訊、黑省各界發表抗俄宣言、並組織義勇軍、民氣異常激昂、

(三)綏芬河電訊、俄飛機兩架、三日中午飛入我綏芬障地上空、擲下中文傳單一束、宣傳赤化、煽惑軍心、幸我將士頗識大體、皆未理會、

(四)哈爾濱電訊、駐哈各領事、近表示對於中俄事件之意見、多大同小異、歸納之如下、

東鐵中俄問題、未發生以前、經營東鐵、雖有中俄協定、但因協定過於簡單、未能詳細規定權限、致蘇俄在東鐵之勢力、較華方為多、故雙方糾紛叢生、由累積之糾紛、遂

致造成此次之重大問題、自此次問題發生以還、東鐵乃暫歸中國管理、經當事者之努力、及一部白俄鐵路專門人才之協助、新東鐵之原狀、迄今並無變動、一切秩序、毫無紊亂、現在雙方行將開會議議和、預料將來必能根據中俄協定、實行和平解決、縱或交涉困難、拖延時日、但決不至破裂、乃再以激烈之砲火相見、至必歸和平一途之原因、有以

下數種、即中國始終未準備對俄作戰、力守不先開釁之戒條、再中國雖已統一、但目下內地有事、不能全力對俄、其餘因東省環境關係、故解決似爲一般人所屬望、至俄方國內亦甚紊亂、其每次在邊境之攻擊、乃爲其居意破壞之騷擾、各簽訂非戰公約國、對蘇俄之軍事行動、皆甚注意、如此次赤軍侵入札滿後、各國一時驚慌、開會討論對策、各國決不准許赤軍到哈爾濱、故俄方即戰亦無益、而不戰不和、長此拖延、則損失之數、亦屬可虞、故俄方亦希望早日言和、至此事將來之解決、俄方固希望歸還其應得之一半權利、中國方面亦當然希望將以前不平均之點予以改善、雙方并再重新規定其協定、以免將來之糾紛云云、

(五)哈爾濱電、滿州里西二百里大賚湖一帶、中外居民數百戶、一星期前爲赤軍驅逐四散、並捕殺多名、

東北文化社宣傳處廣播邊防消息第一百零九號

十八年十二月五日

(一)齊齊哈爾電訊、黑河方面俄軍、日來不時乘雪扒犁在江面出沒、時向我岸放槍、二日晚

忽以雪扒犁數十乘、配置機關槍及步兵、襲擊黑河巴英額旅、當與該旅第一營、發生衝突、雙方各有死傷旋即退去、

(二)東北民衆因對俄交涉、已有開始談判之趨向、各法團決定日內在瀋陽開聯席會議、向政府請願下列各條、

- 一、拒絕俄方之非理要求、
 - 二、要求蘇聯發還所扣留我方之商船、
 - 三、要求蘇聯賠償我沿邊各地人民生命財產之損失、
 - 四、要求蘇聯賠償東路因赤黨實施破壞工作所受之損失、
 - 五、拒絕主動宣傳赤化之東鉄前正副局長回任、
 - 六、禁止蘇聯國有營業機關之存在、(如貿易局之類)並限制其私人營業、
 - 七、禁止宣傳赤化並其機關之存在、(如職工會之類)
 - 八、驅逐擾亂治安之蘇聯僑民出境、
 - 九、要求蘇聯釋放我被捕之人民、
- 東北各法團對上列諸條、決定堅持到底、於必要時、不惜犧牲最後之熱血與金錢、作政府之後盾云、

(三)哈爾濱電訊、札蘭諾爾現有敵軍步騎砲兵千餘名、駐煤礦附近、滿州里小北山上駐有俄砲兵甚多、

(四)又訊、四日晨、花旗銀行發生擠兌風潮、市民不信任該行所發紙幣、

(五)張學良長官前接到中央訓令、特派蔡運升等秉承中央意旨、赴俄接洽、現東北政務委員會將蔡在俄接洽情形致電中央請示、頃得覆電、對俄方條件、已經完全同意、東北對於此事、向秉中央意旨、當無異議、想四月來、中俄重大糾紛即可和平解決矣、俄人所爲之各種反宣傳、其爲別有用意已可證明、

東北文化社宣傳處廣播邊防消息第一百一十號 十八年十二月六日

(一)綏芬河電訊、五日晚有赤軍五千、由伯力方面移駐四站、携來鐵甲車二十輛、軍用汽車十輛、不知有何用意、

(二)又電、赤軍五百三日又攻我東寧、同時來飛機兩架、但未得手、四日晨又有赤軍飛機一架去東寧偵察、

(三)博克圖電、內蒙青年黨爲赤軍煽惑、刻在羊場地方集衆二千、準備擾亂、槍械均由俄方供給、

(四)又電、三日有赤軍千餘名、自札蘭諾爾方面、開抵海拉爾附近烏固諾爾地方、似將協助

內蒙青年團、進擾海拉爾、

(五)哈爾濱電、駐哈領事團定十二日由哈起程赴滿札一帶、視察赤軍破壞跡象、

(六)又電、駐哈德領語俄報記者云、中俄問題之解決、將以互保平均應得權利為原則、無論在何處交換意見、中國政府與地方意見均屬一致、現各國正討論中俄事項、俾雙方早日解決、恢復歐亞交通、便利行人云云、

(七)博克圖電、俄飛機五架、四日上午十一時飛入博克圖偵察、至十二時始飛去、其中有一架在興安嶺北距滿州里三百七十公里地方、為我軍用步槍擊落、俘獲駕駛員二名、一名伊凡諾夫、一名格雷雷欽可夫、刻已解送江省、際此和平聲中、蘇聯仍有此種挑戰行為、其真無和平誠意耶、

(八)哈爾濱電、日本通信社稱、俄軍在滿州里捕獲白俄軍士三百餘名、刻哈埠白俄僑民已正式否認其事、

(九)又電、札滿兩地我軍戰壕溝蓋鐵軌木板等物均為赤軍運去、

(十)吉林電、吉省府通令各縣、凡逃避赤禍之難民入境時、一律救濟、

(十一)中俄交涉急轉直下、蔡運升與俄代表業經商妥其內容三款、一三款與蔣作賓在德所商者同、第二款關於撤換正副局長一點、俄方表示同意、允另推薦新人員繼任、

東北文化社宣傳處廣播邊防消息第一百二十一號

十八年十二月七日

- (一) 哈爾濱電、傳滿州里方面俄軍有退出我國境消息、確否待證、
- (二) 哈爾濱電、東鐵路局、六日舉行局務會議、討論發展業務及整理交通問題、已組織一特別委員會、六日晚、自哈出發、赴西線考察路務、
- (三) 又電、東鐵車務稽查員談、西路行車秩序、哈爾濱齊齊哈爾間一段、業已如常、博克圖站被毀房屋、頃已派工修理、綏芬河車站被炸毀處、已完全修復、
- (四) 又電、富拉爾基商務代辦所主任及避暑山莊主任蘇聯籍人員三名、企圖破壞鐵路交通、經特警捕獲、六日已押解來哈、
- (五) 馬橋河電、俄軍連日用汽車向密山白泡子一帶、運送軍需品甚忙、
- (六) 日來中俄交涉、已見和平曙光、俄方依理應即停止軍事行動、不意俄飛機仍不時來襲、誠難測其真意所在、如二日晨、有俄機三架、飛入我綏芬河上空、同日同時、我博克圖上空、亦發見俄飛機兩架、三日午、又有俄飛機三架、飛入我博克圖、同日、並有俄飛機至綏芬河我軍陣地、擲下不少赤色傳單、四日上午、亦有俄飛統五架、入我博克圖偵察、

東北文化社宣傳處廣播邊防消息第一百二十二號

十八年十二月八日

- (一) 國民政府七日電、遼寧張學良司令長官派蔡運升爲對俄交涉代表、著即與蘇聯當局、進

行交涉、早日解決東路糾紛、

(二)哈爾濱電、據自滿札生回者談、札蘭諾爾未死礦工千餘、均爲俄軍俘往赤塔、逼令作工、

(三)綏芬河電、俄飛機兩架、七日午後一時、飛入我綏芬河上空、向我軍陣地、放射機關槍百數十發、嗣見我軍用槍射擊、卽向俄境四站方面飛去、

(四)昂昂溪電、七日晨十時、俄赤黨秘密破壞昂昂溪站機車轉盤、致我機車一輛、因之傾覆、(五)博克圖電、滿州里仍在俄軍包圍中、惟日人可自由出入、我華人則不許出境、有私逃者、多擒回斬首、現滿站我軍民已無存糧、軍馬宰食將罄、如一星期內俄軍不解圍、我軍民勢將饑斃云、

東北文化社宣傳處廣播邊防消息第一百二十三號

十八年十二月九日

(一)韓麟春九日晨病逝、張學良司令長官親往吊唁、韓卒業於日本士官學校、曾任遼寧兵工廠總辦及三四方面軍團長、東北人士、對其物故、皆深致哀悼、

(二)綏芬河電、俄飛機三架、八日晨八時、又入綏芬河偵察、盤旋多時始去、

(三)哈爾濱電、哈爾濱富錦間電報線、完全修復、電報已照常通行、

(四)又電、特區長官公署佈告、十五日後、哈票無監理官戮記者、一律禁止行使、

(五)富錦電、俄軍三千餘、近自伯力方面、移駐我同江對岸之徐爾固地方、並携有冰扒數百具、

東北文化社宣傳處廣播邊防消息第一百二十四號

十八年十二月十日

(一)蔡運升現被任爲預備會議代表、已啓程赴伯力、此係與俄方規定正式會議之地點日期、至將來正式代表、華方內定爲莫德惠、只俟中央來電任命、

(二)呂榮寰調回總部服務、東鐵督辦現派首席理事郭福綿代理、

(三)博克圖電、俄飛機六架七日午後三時、又飛入我博克圖小嶺子烏固諾爾等地、擲下炸彈百餘枚、炸毀我軍用給養車二輛、同時並以機關槍向下掃射、歷兩小時始飛去、

(四)綏芬河電、格洛迭闊方面俄軍、八日起有向我境移進模樣、九日晨、俄飛機兩架入我綏芬河偵察、繼又飛往穆稜一帶、

(五)博克圖電、札蘭諾爾磋商崗間破壞鐵路、爲俄軍驅迫華人修復、八日起已能通車、是晚俄兵車一列、自滿邊駛入札羅木特、(該地距滿邊二百四十二公里)逼近我免渡河防線、又在疊地屯方面、有俄騎兵二千餘、距我軍防線僅一二公里、形勢異常嚴重、

(六)哈爾濱電、哈爾濱西行客車、九日起又僅開至札蘭屯爲止、

(七)又電、特區高級工科學生、近公推代表四人、送毡襪一千雙、手套一千二百付、至東西

兩線勞軍、

東北文化社宣傳處廣播邊防消息第一百一十五號

十八年二月十一日

(一) 綏芬河電、蔡連升十一日下午四時半、自綏芬河出發赴伯力、將晤俄代表西馬諾夫斯基、接洽中俄預備會議、

(二) 哈爾濱電、現下哈爾濱西去電報、仍僅通至免渡河、免渡河海拉爾間電報電話、皆不通、

(三) 又電、東鐵路局因西線各站、缺乏食物、擬日內開駛給養列車、以便運送物品、前往接濟、

(四) 又電、哈當局近令各銀行、收回哈票二百五十萬元、九日上午九時、派人將該項舊票、切角作廢、

(五) 吉林電訊、廣信公司近呈東北邊防駐吉副司令長官公署稱、有德普和普兩輪船、在富錦爲俄軍擄去、兩船共值大洋十四萬元、應請要求賠償、

(六) 外傳張學良司令長官與馮玉祥聯名發出通電、查並無其事、全屬虛構、

東北文化社宣傳處廣播邊防消息第一百一十六號

十八年十二月十二日

(一) 博克圖電、十日下午一時、俄飛機四架、入博克圖偵察半小時始去、

(二)又電、十日夜二時、俄騎兵六十餘侵入免渡河我軍戰壕、爲我軍擊退、

(三)又電、俄軍三百餘、十一晨開到海拉爾郊外、內蒙青年黨亦已逼近海拉爾市街、該方面形勢危急、

(四)又電、俄赤衛第五師師長、十一日到烏固諾爾、又俄鐵甲車一列、十日晚開進赫爾洪得站、
(五)又電、俄飛機三架、十一日午後二時、飛入興安嶺上空、偵察我軍陣地、盤旋約二十分鐘後、投下炸彈十餘枚、炸傷我士兵五名、旋爲我軍擊退、

(六)哈爾濱電、德國駐哈領事十一日下午、親赴松北收容所、看視俄犯、當時安慰各犯、安心忍待、不久即可釋放、並對我方待遇俄犯情形、表示滿意、

(七)又電、哈爾濱學生聯合會、十一日發表宣言、主張速息內爭、一致對外、

(八)博克圖電、海拉爾難民千餘人、因蒙古及赤俄軍近將發生衝突、故步行繞道內蒙、逃往博克圖、現居博克圖郊外森林中、急待救濟、

(九)又電、俄邊布置重兵於滿海一帶、並擅委鐵路人員多名、

(十)哈爾濱電、某處接黑省羅北縣長程汝霖電告、縣屬兆興鎮日升永執事江鼎霖等二人、前爲俄軍擄去、現經逃回、據云在俄被迫往伯力木廠作工、俄看守兵並任意毆辱、且有被活埋者、未過一月、我輩百五十餘人、死者逾百、祇剩五十人、歷盡千辛萬苦、近始逃歸本國、言

及往事猶有餘怖、如與我國待遇俄犯情形相較、不啻有雲泥之判矣、

(十一)中俄交涉正在進行、蔡運升已往伯力、從事和平談判乃俄方絲毫無誠意、日來又積極佈置軍事、屢遣飛機來擲炸彈、意在恫懾、我已知其真意所在決不屈服于其武力威脅之下、誓始終擁護和平與正義、

東北文化社宣傳處廣播邊防消息第一百一十七號

十八年十二月十三日

(一)哈爾濱電、十三日下午三時四十分、駐哈領事團、開出專車一列、自哈出發赴西路調查、同行者共十八名、有美日副領事、英德法意領事代表、美日記者及日武官等、

(二)又電、海參崴與哈爾濱、間擬十五日起、恢復電報電話之交通、聞係中俄雙方所商定之一種臨時辦法、

(三)又電、關於東鐵路局內部問題、凡理事會不能解決者、均將提交中俄會議解決、日來路局方面、正在整理材料、

(四)綏芬河電、俄軍近在該方面增加兵力、其前線與我軍陣地、相距僅八百米突、

東北文化社宣傳處廣播邊防消息第一百一十八號

十八年十二月十四日

(一)馬橋河電、十一日午、有俄飛機數架、到密山盤旋甚久、

(二)博克圖電、十三日午、俄飛機一架、入免渡河偵察、盤旋約二十分鐘出境、

(三)又電、十二日晨六時、俄軍騎兵百餘名、攻我札蘭木特(東二十里之小站)、當即發生衝突、歷一小時許、俄兵始退去、

(四)哈爾濱電、十三日自哈開出之國際列車、僅通至博克圖、一行中有美日副領事各一人、德英領事之代表各二人、法意領事之代表各一人、日本武官一人、新聞記者四人、美國新聞記者二人、

(五)又電、蔡運升十三日已到伯力、與俄方代表西馬諾夫斯基及梅爾尼古夫從事和平談判、同時胡毓坤軍長十三晚自博克圖來電、稱十二晨六時、有俄騎兵百餘名、攻我札蘭木特、(該地距滿邊二百四十二公里)、東二十里之小站、與我軍激戰一小時、始行退去、十三日、又有俄飛機來我免渡河一帶偵察、可見俄方仍未停止軍事行動、

(六)又電、現駐海拉爾之內蒙保衛團、由一二野心王公統率、有自由行動之模樣、一方親俄之青年黨、頃已得俄方援助槍械、子彈亦甚充足、擬以武力襲據海拉爾為根據地、自十日始青年黨已向海拉爾推進、不久恐將發生衝突、

(七)又電、哈日領館十二日接滿站日領館第一次來電、該電由俄方嚴密檢查、經海參威轉到哈爾濱、由此可証我海滿一帶、尚為赤軍佔據、

東北文化社宣傳處廣播邊防消息第一百二十九號

十八年十二月十六日

(一)博克圖電、赤軍騎兵八百餘名、十四日晚、開進海拉爾、壓迫蒙古保衛團、向後撤退、
(二)又電、蒙古青年黨、十五日晨四時、開進海拉爾、人數有二千餘衆、與俄赤軍完全合作、

(三)又電、海拉爾車站、停有俄軍鐵甲車一列、

(四)哈爾濱電、此間得東寧駐軍十八團曹團長電告、俄軍自十四日起、大部皆退往四站、縣城形勢已和緩、

(五)又電、海拉爾方面來人談、滿海間一帶居民、已逃避一空、牛一頭售哈洋三十元、羊一隻售哈洋一元、尙無人購買、景象之慘、可以想見、

(六)博克圖電、蒙古青年黨、近擬繞道襲擊札蘭屯、

(七)又電、哈領團及日本新聞記者等、開赴西線、調查各國僑民之專車、英美人僅居少數、該車十四日晨、開抵扎蘭屯、即經胡毓坤派副官兩名、憲兵六名、護送去免渡河、並由海拉爾遣交涉員陪同前往、現該車恐前方有軍事危險、尙停免渡河站、

(八)哈爾濱電、蔡運升自伯力來電、謂交涉定十六日開始、俄方加派前駐哈領事梅爾尼可夫爲代表、

(九)又電、東鐵副理事長、聞俄方已內定謝列勃拉可夫充任、

東北文化社宣傳處廣播邊防消息第一百二十號

十八年十二月十七日

(一) 博克圖電、內蒙保衛團、有一部份爲赤軍繳械、其大部退向正黃旗、

(二) 又電、盤踞海滿一帶之俄軍、近假借中國居民口氣、聲稱俄方待遇良好、並表示感謝、以淆惑聽聞、

(三) 又電、哈領團專車、頃猶止于我軍最前線之免渡河、免渡河以西、滿佈敵兵、危險甚多、俄方對專車之放行、亦無何種表示、致該車迄未克前進、

(四) 哈爾濱電、哈學聯會、購手套二千付、魚二千尾、並備現款一千元、派代表於十七日携往東西兩線勞軍、

(五) 又電、聞俄方近推薦其交通部委員路迭意、任東鐵正局長、工程師達尼索夫、任副局長、

(六) 又電、梁忠甲旅官兵、日來多有自俄境冒險逃回哈埠者、哈戒嚴司令部、特在哈設一收容所、

(七) 又電、富拉爾基東鐵商務代辦所主任等蘇聯籍僑民十一人、因有破壞交通行爲、業經逮捕送哈、十六日由哈轉送松北收容所、

(八) 又電、佔據我海滿之俄軍師長、近向莫斯科政府報告、謂西線俄軍皆甚安分、無搶掠行

爲等語、俄政府即根據其報告、大肆宣傳、如此作僞、欲蓋彌彰、徒表示其心勞日拙而已、

東北文化社宣傳處廣播邊防消息第一百二十一號

十八年十二月十八日

(一) 博克圖電訊、哈領團專車因俄方表示、海拉爾現在蒙古青年黨手中、有無危險、俄方不能負責、故爾決定中止前進、於十七日午後四時、由免渡河開向博克圖、

(二) 此間司令長官公署、接東省特別區路警處張厚琬電稱、十二月五日、赤軍已將札勒木特海拉爾間橋梁修復、現已由滿州里向海拉爾通行列車、七日一時二十分、免渡河發現蘇俄飛機一架、以機關槍向站開射、並擲炸彈數枚、將免站停車廠及運糧廠炸毀、又於是日十二時十五分、蘇俄飛機一架、在吳古諾爾飛翔、並未擲炸彈、向西飛去、由滿州里至海拉爾沿線、係赤軍護路、並以鐵甲車在海拉爾札勒木特間往返開行、海拉爾附近及牙克石站、均赤俄騎兵、海拉爾市內、有蒙古騎兵三百名、俄回兵約一百名、均有槍械、七日晚四時、哈拉蘇站附近山頂、有持槍蒙人二十名、偵探軍情、並槍掠難民牲畜云云、

(三) 哈爾濱電訊、哈當局爲便于管理俄犯起見、特將第三監獄內俄犯九十名、送往江北看守所收容、

東北文化社宣傳處廣播邊防消息第一百二十一號

十八年十二月十九日

(一) 東北邊防軍司令長官公署、頃接張作相來篠電云、據丁超總指揮十五日電稱、十五日早十時、由梨鎮飛來敵飛機一架、在下站飛翔一週、即向綏芬飛去、旋據邢旅長電話報告、十五日午後一時半、敵飛機一架、向四站方面飛去、

(二) 馬橋河電、下城我軍哨兵、十五日早、查獲敵軍間諜兩名、身邊有傳單及彈藥甚多、

(三) 又電、俄方新任之東路正副局長、日內將由俄境來綏芬河、通過馬橋河赴哈爾濱、

(四) 十八日國聞社天津電訊、謂京方認蔡運升使命重大、因東路重要問題、均須在預備會決定大綱、正式會議僅簽訂正約云云、按此項新聞、並無事實上之根據、此次伯力預備會議、據蔡氏歷次報告、並未越出預備二字範圍、不致侵略正式會議之精神、

(五) 哈爾濱電、莫斯科政府、否認蘇聯與蒙古青年黨獨立運動有關、並稱赤軍始終未進海拉爾、該地並無赤軍蹤跡云云、此種反宣傳、顯係有意違避責任、徒示其情虛而已、蒙古青年黨槍械子彈、均由赤軍接濟、事實俱在、豈容掩飾、

東北文化社宣傳處廣播邊防消息第一百二十三號

十八年十二月二十日

(一) 博克圖電、俄飛機一架、十八日晨九時、飛入免渡河、以機關槍向車站掃射百餘發、

(二)又電、胡毓坤十九日上午、赴興安嶺視察陣地、

(三)又電、扎蘭屯以下迄昂昂溪間、各站秩序均已恢復、商民多半回里、重理舊業人心漸安、

(四)又電、滿洲里海拉爾間、電話電報線、由俄方修復、已通話通報數日、

(五)又電、海拉爾滿洲里間、鐵道由俄方修復、日來照常通車、與俄境鐵路銜接、每日下午一時、由海拉爾開行直赴莫斯科、俄軍居心叵測、着在久據、

東北文化社宣傳處廣播邊防消息第一百二十四號

十八年十二月二十一日

(一)博克圖電、札蘭諾爾教堂、多被赤軍焚毀、

(二)又電、海拉爾蒙軍內部、因部落不一、時起衝突、

(三)又電、蒙古青年團指揮官、多爲赤軍將校、其軍隊持紅旗、槍上飾紅纓、或懸於胸前、人數約三千、

(四)哈爾濱電、哈領團對赤軍援助蒙古青年黨在海拉爾獨立之行動、均極注意、多電告本國駐平使館、日方並已派專人前來調查、

(五)又電、伯力中俄預備會議尙未終了、雙方對各種問題、均極諒解、

(六)又電、某方得滿洲里消息、滿站木材煤炭、均已用罄、現拆用板壁作燃料、

(七)東北邊防軍司令長官公署接萬福麟電稱、據黑河巴旅長英額電稱、(一)本月三日夜、二道卡卡倫房舍被俄兵潛來縱火焚燬、(二)據達崑屯韓顏茂報稱、於十日夜、突有武裝俄兵十餘名闖進民院、進屋四名、各持軍械炸彈、搶去韓慶和大洋十二元、布七尺、水壺一把、搶畢復將郵站王世昌房二所丁海潮房一所、一併焚燬、並將韓慶和李某王玉祥等三名掠之過江、

東北文化社宣傳處廣播邊防消息第一百二十五號

十八年十二月二十三日

(一)關於哈領團之國際列車未能由免渡河西進一節、實因中國防軍前線、僅至該處爲止、並無別種理由、茲將駐遼英總領事與張司令長官來往公文、披露如左、

(甲)英總領事致張司令長官公函(十二月二十日)

逕啓者、頃接駐哈領袖領事來電內容如左、

急、駐哈領事團、茲請貴總領事、以駐奉領袖領事名義、拜謁張總司令、請爲飭令現駐博克圖胡司令、惠助駐哈領團之國際列車、俾達滿州里及海拉爾、發電者駐哈德國總領事兼領袖領事斯德欠、是以本領袖領事謹代表駐奉領團函請貴司令長官、立將駐哈爾濱領團之來電、加以考核勿延爲感、此致

東北邊防造司令長官張

大英國領事兼領事寶爾慈

一九二九年
十二月二十日

(乙)復英總領事公函

逕啓者、本年十二月二十日、貴總領事公函、業已閱悉、駐哈領事團前往海拉爾滿州里一帶調查、本長官極願援助、俾其達到欲往之地、惟敵方軍隊前線、僅至免渡河爲止、過此以西、現尙係蘇聯軍隊屯駐、非我軍防地、胡軍長恐領事團前進、倘有意外、無法援助、不敢負此責任、並無他種用意、如果領事團意欲前進、本長官自當轉飭胡軍長、於可能範圍內充分援助、並令路局飭車盡量設法前進、但力所不及之處、如發生任何危險、仍愧未能負責也、相應函復貴總領事查照轉達爲盼、此致

大英國駐遼總領事寶爾慈

(二)張學良司令長官、二十一日電南京外交部王部長文云、王部長儒堂見勳鑒、巧國聞社宣稱、京方認蔡運升使命重大、因東路重要問題、均須在預備會議決定大綱、正式會議、謹簽訂正約、又俄要求前局長任理事、東北未拒絕、外部因不便表、示故不能有所主張等語、查預備會之範圍、僅在商議正式會議之日期地點、及履行先決條件之方法等項、並無決定重要問題之權、至俄要求前局任理事一節、並無其事、此項交涉、悉稟承中央辦理、

我兄尤殷維護、恐淆聽聞、特此奉達、張學良馬印、

(三)博克圖電、十九晚九時、俄飛機二架、飛入免渡河、散下華文傳單、有歡迎視察專車前往等語、意存挑撥、並藉以掩飾俄方援助蒙古青年黨獨立事、吾人尙能憶及俄方曾表示海拉爾在蒙古青年黨手中、視察專車前進有無危險、俄方不能負責、視察專車中止前進之原因在此、

(四)哈爾濱電、計劃視察滿札之哈領團專車、因俄方前進不負責任、決定回駛、業於二十二日晨八時、返抵哈爾濱、

(五)又電、蘇俄在滿洲里設立消費公社、所售物品、較平時高出四五倍、

(六)又電、據新由滿洲里逃回者云、滿洲里當地各首領、盡被俄軍監禁於前司令部內、

(七)又電、滿洲里札蘭諾爾之俄軍、並未退去、

(八)哈爾濱電、十月十二日、同江戰役海軍殉難將士屍骸、已運回哈埠二十具、二十三日上午十一時、舉行公葬、儀式甚盛、

(九)又電、莫斯科及遠東俄最高當局、對援助蒙古青年黨獨立事、意見分歧、而主張扶持蒙古者、佔據優勢、故伯力預備會議、俄方對西線撤兵、仍未允許、

(十)又電梁忠甲本人在伯力、可望與蔡運升偕回、

東北文化社宣傳處廣播邊防消息第一百二十六號

十二月二十四日

(一)博克圖胡軍長毓坤官電、在牙克石方面、二十二日午後二時許、突由西方飛來敵機一架、在我陣地上空盤旋、飛度甚低、用機關槍向我掃射、當經我軍還擊、歷二十餘分鐘後、始飛去、

(二)蔡運升與蘇俄新任局長、於本月二十三日下午三時、由伯力出發回哈、

(三)哈電、日前由俄境逃回被扣之華船客談、被扣船員乘客、共千餘名、有病死者、有被殺害者、每人每日僅給麪包半斤、有時酌添面粉、令其自作自食、又被扣者多以被褥禦寒、幸免凍死、據稱此項待遇、尙較其他被拘華人爲優、

東北文化社宣傳處廣播邊防消息第一百二十七號

十八年十二月二十五日

(一)哈爾濱無線電、蔡運升李紹庚於二十三日由伯力首途、二十四日抵雙城子、二十五日可抵綏芬、預計二十六可抵哈、

(二)又電、莫斯科消息、蘇俄遠東軍總司令加倫、現赴莫斯科、將其軍隊交副司令指揮、聞加倫主張仍繼續對華作軍事行動、不遵蘇聯軍委員會撤退華境軍隊之命令、致與軍委員發生意見、愈歸爭論云、

(三)又電、綏芬河自亂後、戶口銳減、現在華戶約二百七十、俄戶約六百九十、較中俄事件

發生之前、減少五分之四、

東北文化社宣傳處廣播邊防消息第一百二十八號

十八年十二月二十六日

(一)哈爾濱無線電、蔡運升今晨九時由伯力抵綏芬、改乘東鉄特備專車、九時五十分啓程、同來者有蘇俄新任正副局長哈爾濱領事等共十四人、預定今晚一時趕到哈埠、專車不停、即開往奉天、

(二)哈爾濱電、海拉爾內蒙青年黨、已成立共產政府、委員七人、首領爲阿明泰及成德並俄人二名、

(三)哈爾濱無線電、哈埠日領將軍獨派人赴滿札一帶、探視僑民情況、

(四)又訊、吉軍各旅、已派員回哈、驗視防所、即將由前方開回、

東北文化社宣傳處廣播邊防消息第一百二十九號

十八年十二月二十七日

(一)蔡運升與蘇俄新任東鉄正副局長及哈爾濱總領事等、今晚十時可到瀋、張學良司令長官派交通委員會副委員長高紀毅副官處長楊正治招待、定明日正式謁見張司令長官、

(二)中央代表吳鐵城現尙留瀋、俟接洽事竣、即啓程赴哈勞軍、

(三)哈爾濱電、蔡運升談中俄草約、僅有四項、第一項、俄方即日撤兵、第二項、雙方遵守奉俄中俄兩協定、第三項、東鐵之白俄職員、一律解職、第四項、於最短期內、恢復歐

亞交通、此與外傳莫斯科所公布該約內容、頗多出入、

(四)又電、蔡運升又談、梁忠中與其所部、留在赤塔與大烏里間之某一地點、俄方允於歐亞交通恢復後、即遣送回滿、

(五)又電、駐哈之邊防第一軍、近日正在整裝、預備即行開拔回遼、

東北文化社宣傳處廣播邊防消息第一百三十號

十八年十二月二十八日

(一)哈爾濱無線電、我駐防邊境之軍事機關、因中俄交涉、和平解決、刻已辦理結束、劉一飛旅將於年前開拔回遼、其餘各旅、亦準備開拔回哈、

(二)又訊、二十六日晚、哈埠俄僑、到車站歡迎新任正副局長、不服軍隊指揮、將保安隊槍械搶去數架、昨(二十七日)哈交涉署、轉告俄副領事注意、在中俄交涉進行時、勿再因此發生悞會、

(三)又訊、哈德領與交涉署、接洽釋放俄僑事、俟奉到命令、即實行辦理、

(四)據伯力本月二十七日無線電宣傳、謂本月二十三日在黑河附近二十四公里地方、我軍向其駐軍射擊、二十六日在綏芬河亦向其駐軍射擊云云、現經我方當局正式否認、並無其事、查中俄交涉和平解決、已於二十二日實現、我國前方軍隊、當即陸續向後撤退、即前此亦從未先放一槍、越國境一步、事實俱在不容誣捏、前項毫無根據之宣傳、其無

價值可知、

(五)博克圖電、西綫赤軍、已逐漸向後撤退、由變相之蒙古青年軍接防、海拉爾則仍在蘇維埃制度蒙古政府管理之下、

東北文化社宣傳處廣播邊防消息第一百三十一號

十八年十二月三十日

(一)哈爾濱無線電、前方駐防之吉軍、定於一月十五日以前、撤回原防、十八旅昨已派員回哈、驗視防所、

(二)又訊、東鐵工務機務兩處、已組成工程委員隊、將於新正內、分往東西兩線、修理被燬各段鐵路、

(三)又訊、據俄方宣傳謂、哈俄領俄方仍將派梅立尼闊夫復任、希馬諾夫斯基係臨時性質、

(四)又訊、東鐵員工、十月一日統計、蘇俄籍者八千五百人、其中正式聯工五千四百人、中國正式職員四千六百名、其餘均係日工性質、實際上、蘇俄員工較中國多八百餘人、此係東鐵問題發生後、大批俄員辭職後之數目、如俄員復職、其相差尤多、

(五)中東鐵路督辦、已發表莫德惠、

東北文化社宣傳處廣播邊防消息第一百三十二號

十八年十二月三十一日

(一)哈爾濱無線電、新任東鉄俄正副局長及哈領事等、昨日上午十一時、赴吉林見張作相副司令、卽晚十時至長春、於今晨八時抵哈、上午十一時到局履新、

(二)又訊、東鐵前華副局長郭崇熙、作晨八時由遼寧銜命來哈、十二時卽赴路局接事、復任華副局長、現局長范其光、仍回任理事之職、

(三)又訊、在江北看守所收容之俄犯一千二百名、昨日哈當局奉令先檢罪犯較輕者、已開釋八百名、又哈領館之俄犯、三十七名亦已奉令特赦、於今日釋放、

(四)又訊、據訊梁忠甲日內回哈、萬福麟主席已派員前往歡迎、各地商民、亦擬大舉歡迎、

(五)又訊、濱江警備司令部、今日裁撤、丁超日內回濱江鎮守使原任、

(六)中俄會議、華方決定派莫德惠氏前往、

(七)遼寧省政府主席翟文選辭職照准、由臧式毅繼任、

東北文化社宣傳處廣播邊防消息第一百三十三號

十九年一月四日

(一)哈爾濱無線電、東北邊防第一軍、奉令結束、由本月六日起、開回遼寧、騎兵鄭澤生部、暫時不動、候吉軍日內回哈、補充後換防、

(二)又訊、邊防第一軍附屬各機關、定十五日前、撤回遼寧、軍部定於二十日撤回回遼、第

十六旅定十二日、自哈長線開回遼寧、十九旅現由依蘭開回、定二十日前回遼、重砲團及飛機航空各隊、均定十八日前開回、邊防第二軍現俟西線全部通車、及黑軍接防後、即開回遼寧、

(三)又訊、江北收容所、於上月三十一日、經特區長官公署、派外交科長、特警副處長、會同俄新領事、德副領事、點名釋放八百七十名、派汽車運回、令其自覓親友居住、其餘未釋者、今晨全部開釋、

(四)、又訊、中東路西線、現正修理中、據路局工程師言、在本月十五日以前、可完全修復、

(五)哈爾濱無線電、十二月三十一日晨八時、新任東鐵俄正副局長、由長春回哈、午刻理事會開會、任命俄方推薦之二人爲正副局長、午後三時、新局長到局視事、以局令發表機務車務電務會計等處長、各復原職、公務材料華俄秘書三處長、委隨來之俄新員充任、地畝工務進欸等三白俄處長免職、各華處長、仍回原任、

(六)又訊、東鐵俄理事方面、加入謝列布良闊夫、充任理事、原有理事、除達依二氏外、舊局長業木沙諾夫艾斯漫特、均改任理事、即將就任、

(七)又訊、哈爾濱海拉爾間之運輸車、現已開始活動、一二日內、即可全線通車、

(八)新任遼寧省政府主席臧式毅、今日上午十一時就職、

(九)哈領團視察西線專車、前於十二月十三日、自哈出發、至免渡河後、因俄方表示不負責任、遂無法前進、於二十三日、原車返哈、據聞哈領團對於此行、意見頗不一致、某總領事語人、謂該車出發時、懸掛某國國旗、事先並未得其同意、且在中國腹地開駛國際列車、並無條約根據、亦無前例可援、某上尉同行、亦係私人行動、

(十)張司令長官夫人于鳳至女士、爲慰勞東北防俄軍士、今晚在私宅柬請各界名閨淑媛、開籌備會、商議進行募捐及慰勞手續、到會者一百餘人、均甚熱心贊助云、

東北文化社宣傳處廣播邊防消息第一百三十四號

十九年一月六日

(一)哈爾濱無線電、今晨莫德惠到東鈇督辦公署接事、十二時到理事會開會、並與哈俄領事會晤、

(二)又訊、東鐵俄理事、現已足法定人數、前任俄局長充理事說不確、俄副理事長、由伊禮氏代理、

(三)中央委員吳鈇城、昨晨到哈、擬今日前往黑龍江勞軍、

(四)哈爾濱無線電、中俄正式會議、我方所派之代表、定十日前往莫斯科、哈俄領在哈相候偕往、

(五)又訊、哈俄領希馬諾夫斯基、一日接事、四日到交涉署拜會、由科長王肇泉招待、哈德領已卸保護俄僑之責任、

(六)又訊、東鐵客車四日起、可由東線綏芬河站、直達西線博克圖站、此外西線被燬各處、由博克圖站組織技術委員十一人、前往牙克石以上各站修理、

(七)、又訊、東鐵海拉爾免渡河間之鉄橋、一時不易修復、將於十日內、架木橋暫時通車、
(八)哈爾濱無線電、東鐵俄局長、令總會計處、今日補發去年七月十一日以後去職各俄職員之薪金、聞此款將由華方應得之紅利項下取償、不列在預算內、

(九)又訊、東鐵現在趕造職員名冊、分爲四種、(一)正額職員、(二)臨時職員、(三)日工
(四)去年七月十一以後調派之職員、聞對於新派職員、將以相當手續、分別去留、

東北文化社宣傳處廣播邊防消息第一百三十五號

十九年一月七日

(一)哈爾濱無線電、東鐵西行大票車、現已開至博克圖

(二)又訊、東鐵當局、現決定向東西兩綫、試行客貨車、每次附加兩輛、專爲運送俄籍恢復原職人員、

(三)又訊、東北邊防第一軍全部、奉令開拔回遼、刻因東鐵車輛不敷、一二日內尙不能開拔

(四)又訊、東鐵副理事長、尙未發表、據俄方傳稱、謂已內定工程師郭保節夫充任、現已自莫斯科啟程來哈、

(五)又訊、東鐵昨日、一日間復職俄員、達二百零七名之多、其在七月十一日以後、被裁各員、一次借予薪金兩個月、

(六)又訊、我方在綏芬河設立之軍事機關、奉令于一月十五日以前、完全結束、吉軍張作舟旅、昨日起、已自哈回吉林、

(七)又訊、東鐵西線博克圖以下各地商民、已開始回返、重理舊業、因此日來自哈開往博站客車、每日甚形擁擠、

東北文化社宣傳處廣播邊防消息第一百三十六號

十九年一月八日

(一)哈爾濱無線電、東鐵西行車、九日起、開至海拉爾、西行郵便車、今日起、已開至免渡河、

(二)又訊、海拉爾各機關人員、定一二日內、回海拉爾供職、

(三)據日方消息、謂蘇俄以我國已釋放其在華之僑民、爲履行伯力會議協定、亦已將在俄華人從事釋放云云、查在哈爾濱拘押之俄僑、根據協定之精神、我方已完全釋放、事實俱在、至在俄被拘押之華僑、是否業已釋放、尙未得有確報、內容究竟如何、固不能明

瞭也、

(四)哈爾濱無線電、哈俄領西漫諾夫斯基、七日午往監獄參觀、

(五)又訊、哈埠今日起宣告解嚴、

(六)又訊、東鐵路局公佈、西行客車如無阻礙、一星期內、即可通至滿州里、

(七)南京消息、莫德惠代表中央、出席莫斯科會議、已由外部正式呈請國府、不日明令發表云、

東北文化社宣傳處廣播邊防消息第一百三十七號

十九年一月九日

(一)哈爾濱消息、據確訊、海拉爾於去年十一月二十七日、被赤軍佔領後、立下戒嚴令、禁止售酒、設立貨物調查會、柴炭調查會、搶掠東鐵庫存麪粉四萬五千斤、廣信火磨麪粉九萬斤、並搶掠與美銀行有關係之現款一百五十萬元、及滿裝五十火車之貨物、均歸赤軍組織之委員會管理云、

(二)又訊、七日下午四時、市內十九號電車中、有赤俄乘客、不肯購票、經警察馬秀雲、孫澤東干涉、被另一鐵路俄工人、幫同將二警用刀扎傷甚重、並嘯聚赤黨百餘名、聲勢洶洶、嗣被警察趕散、並拘獲首犯一人、五時餘赤黨聚眾二百餘人、欲搗毀電業公司、經軍警驅散、同日上午十一時、有農民傅海山在埠西賴漢屯、被三赤俄人用石擊倒、搶去哈洋數十元、被警追獲一人、送案辦理、哈俄領不辨真相、反要求我方釋放擾亂份子、已

被我方拒絕、查中俄和平草約業已簽字、我方實行條件、遵守國際信約、孰意蘇俄人民連日行動、均逸出軌外、實爲中俄友誼前途之障礙、

(三)又訊、此間在俄華僑之家屬、因俄方至今尙未公布釋放華僑日期、決聯名呈請當局、嚴重交涉、詢問究定何日釋放、

(四)又訊、東鐵免渡河博克圖間、各小站公務人員、均於昨(八日)返回原地辦公、

(五)又訊、東鐵免渡河海拉爾間之客貨車、現每日往復一次、

(六)又訊、烏蘇里鐵路、約定十日起、開始實行恢復東烏滿三鐵路之聯絡運輸、

(七)又訊、梁忠甲已與所部自伯力首途回國、一星期內外可抵哈、

(八)又訊、中央黨部委員吳鐵城、前往黑省勞軍、業已竣事、今日專車回哈、轉車南下、

東北文化社宣傳處廣播邊防消息第一百三十八號

十九年一月十日

(一)哈爾濱無線電、邊防軍第四第十二兩旅、昨已開回遼寧、

(二)又訊、哈埠電政當局、積極恢復東西路電信交通、約下星期內、可一律通達、

(三)又訊、海拉爾郵局辦公人員、現已悉數回返原地辦公、

(四)又訊、下江各地、因此次赤俄侵虐、地方元氣未復、依蘭已成爲商業市場之中心、

(五)又訊、東鐵去年七月十一日以後、裁撤各俄員、現已一律復職、我方人員、幾無事可辦

、路局方面、現尙未規定辦法、故日來路務秩序、殊形紊亂、

(六)又訊、梁忠甲及其部隊、今晨(十一日)抵滿州里、

(七)又訊、東鉄今日開理事會、雙方理事、意見不合、竟起衝突、會未開成、

東北文化社宣傳處廣播邊防消息第一百二十九號

九十年一月十一日

(一)莫斯科中俄正式會議、有遲一個月開幕之說、

(二)綏芬河電、自中俄和平草約簽定後、綏地商民、雖已陸續返回、整理善後、惟因此次所受赤俄飛機炸彈及槍砲彈之損害極重、房屋被燬不堪、貨物損失尤巨、地方元氣大傷、

一時殊難恢復原狀云、

(三)又訊、山西北浙江各省、前次運到遼寧之各種慰勞品、經司令長官派員分裝六貨車、業已護送到哈、分發各車具領、

(四)張司令長官夫人于鳳至女士、爲慰勞防俄將士、擬於本月十六日、首途赴哈爾濱齊齊哈爾等地、親自慰勞、

(五)中委吳鐵城、前赴吉黑各地慰勞防俄將士、業已竣事、十日晚十時抵瀋、張長官派員招待、不日即轉車南下、

東北文化社宣傳處廣播邊防消息第一百四十號

十九年一月十三日

(一)哈爾濱無線電、十及十一兩日、東鐵總工廠被裁華工、達三百十四人之多、現廠內舊工人怠工、新工人未招到、實際等於停工、

(二)又訊、十一日東鐵俄局長、下令裁撤七月十一日以後所用華員二百八十餘名、同日莫德惠召集各華處長會議、恢復東鐵航務處、並委任古扈民爲處長、被裁之華員、聞將按日給薪、

(三)又訊、真晚、東鐵路局工程師驗道車、已由海拉爾開抵滿州里、據工程師報告、札滿間沿線燬壞極重、足見當時戰事之激烈、

(四)又訊、關內北來移民、去年較往年減少、共八十七萬八千七百零六人、因戰亂大半遷回內地、實在留居者、約百分之五十五、

(五)又訊、在赤俄卵翼下之海拉爾蒙古青年黨政府、已自動取消、

(六)又訊、由海參威開來之第三次客車、定本日到哈、

(七)又訊、東鐵西線海拉爾車站、及鐵路工廠、均修復、十一日通至磋崗站、並可試車抵滿州里、

(八)又訊、滿札兩站路員、均已前往復職、東鐵昨通告各站、實行接收運往海參威之貨物、定十二日開始售海參威通票、滿州里海拉爾間之路軌已修復、十五日可通車、

(九)又訊、十日、哈俄領派員赴交署聲明、俄方確已釋放被拘華僑云云、惟我方領事、尙未到任、究竟真相如何、殊難憑信、

(十)又訊、東北邊防軍第四旅、已開拔完竣、旅部十一日移返興城、

(十一)又訊、梁忠甲及其部屬官二十餘人、並滿站被擄去之各機關職員數百人、業已抵哈、張景惠長官十一晚設宴款待、

東北文化社宣傳處廣播邊防消息第一百四十一號

十九年一月十四日

(一)哈爾濱無線電、吉軍前敵總指揮部已撤銷、丁超十三日回哈、

(二)又訊、梁忠甲十二日由哈回海拉爾、梁部屬現在滿站候令、

(三)又訊、東鐵局長昨發表機務電務兩處俄處長、副處長爲華人、又發表裁撤外站服務者華員八十二名、

(四)又訊、滿州里沿邊所駐俄軍、第三十五三十六兩師、有撤伊爾庫次克訊、騎兵則留駐大烏里、

(五)、又訊、東鐵總廠華工、因多敵被裁、認非事理之平、業已罷工、並擬具呈文要求局長答覆、(一)反對裁減一個華工、(二)裁撤白俄工人、以華工遞補、(三)恢復被裁華工工作、(四)恢復七月十日以前待遇、(五)普遍增加工資、(六)反對金魯布改發現洋、(七)

路警薪餉恢復三十六元金魯布、(八)補發去年暑假之工資、(九)青年工人及學工恢復工作六小時、(十)華工及蘇聯工人數目應均等、(十一)補償東路糾紛時工人之損失、(十二)普遍發給工人子女求學金婚喪補助金云、

(六)又訊、鐘毓繼任哈埠交涉員、即來哈就職、

(七)又訊、東鐵總工廠工人、舉代表四人、在路局請願、恢復彼裁華工職務、路局派公務處俄處長接見、一無結果、

(八)又訊、哈海間電信十三日起、已通達、同日下午一時、海參威第一次通車來哈、乘該車到哈者、有新任東鐵重要職員十四人、及華僑多名、

(九)又訊、哈埠金融已穩定、哈票價格、日見提高、

(十)綏芬無線電、同江戰役、被俘傷兵及華僑數千人、有已被釋放、現在四站候車回國之說

東北文化社宣傳處廣播邊防消息第一百四十二號

十九年一月十五日

(一)中央黨部委員吳鐵城、今晨離瀋南下、

(二)哈爾濱無線電、東鐵第五十二次車、十三日下午二時五十分、行至小嶺與白帽子二站間出軌、原因不明、

(三)又訊、東鐵總工廠華工、因俄局長無理裁撤、一律罷工、嗣推舉代表請願、亦無結果、現工人態度激昂、必奮鬥到底、素以勞工號召之國家、而其行事與主義適相反、殊為可笑、

(四)、自去歲十二月二十二日、中俄和平草約、在伯力簽訂後、我國即履行條約、而俄方僑民及黨徒、肆意妄為、無惡不作、如搶奪警察槍械、凶毆行人、搗毀電業公司等事、不一而足、所謂兩國共同遵守條約、其本意究應如此耶、

東北文化社宣傳處廣播邊防消息第一百四十三號

十九年一月十六日

(一)哈爾濱無綫電、路局對於總工廠華工請願事件、已有同情之表示、即令各處、盡量安插、並即提出理事會、定今日明確答覆、至學徒可立刻復工云云、

(二)又訊、東鐵昨又繼續調動人員、新委高級者六人、中級者十二人、均係俄籍、

(三)又訊、東鐵已允哈總商會之請、免費運送沿邊各地難民、返回故里、第一期定十八日運出、約四千人、

(四)又訊、東鐵昨裁撤石頭河子林場白俄工人七十餘名、此為第一次大批裁撤白俄、

(五)又訊、新任特警處長鮑文樾、已到哈、定十七日接事、

(六)又訊、哈交涉員鍾毓、尙未接事、現暫由蔡運升負責辦理、

(七)又訊、蔡運升語人、此次在伯力簽訂之和平草約、確祇十項、外間所傳、及俄方發表者、均非事實、草約正本、存東北政委會、副本送外交部、內容如下、

(一)東鐵恢復一九二九年七月以前狀況、

(二)雙方開釋拘捕僑民、

(三)雙方尊重主權之獨立、

(四)雙方恢復一部份領事館、蘇聯恢復東省各處領館、中國恢復遠東各處領事館、

(五)雙方恢復營業機關、

(六)一九二九年七月十一日以後、東鐵路局所發布之命令、由新理事分別去取、

(七)一九三零年一月二十五日、在莫斯科開正式會議、

(八)雙方平均用人、裁撤白俄、補用華工、

(九)雙方即日撤兵、

(十)本約自簽字日起、發生效力、

一九二九年十二月二十二日中國代表蔡運升、蘇俄代表西漫諾夫斯基云、

(八)又訊、邊防第二軍大部份、已撤退至昂昂溪、尙有一小部份、在博克圖、不日撤回、

(九)又訊、哈美領十四日、赴滿海一帶、視察情況、

(十)又訊、東鐵理事會、十四日下午開常會、表決理事會各部華俄正副處長、並中下級職員、四十餘名、

東北文化社宣傳處廣播邊防消息第一百四十四號

十九年一月十七日

(一)哈爾濱無線電、東鐵昨擬接收哈埠電報電話局、我方當局、因未奉命令、尙未移交、查電政事業、攸關我國交通主權、況此案發生、在去年十月以前、此次東鐵擬行收回、是否屬於伯力會議範圍以內、猶爲疑問、

(二)又訊、莫德惠今晚啟程赴遼寧、

(三)又訊、海拉爾秩序、現已恢復、市面由都統貴福所部保衛團維持、

(四)又訊、東鐵總工廠華工、復推代表見局長、結果令學徒卽復工、成年工人、令造名冊、下星期可復工、今日工人發表宣言、請各界援助、

(五)又訊、邊防第二軍軍長胡毓坤、今晨由齊齊哈爾到哈、今晚赴遼寧、

(六)齊齊哈爾電、現在滿州里被釋放之華僑、約有八千餘人、中東路擬開火車一列、前往運接回哈、

東北文化社宣傳處廣播邊防消息第一百四十五號

十九年一月十八日

(一)哈爾濱無線電、東鐵理事會、昨日下午一時、開常會未成、改爲茶話會、所討論者、爲

華俄職員復職問題、決定十八年七月十日以後、所用者裁撤、舊有者維持、

(二)又訊、東鐵總工廠、被裁華工、准許復職者、僅七十二名、其餘尙在審核中、不知俄局長、究持何種理由、

(三)又訊、莫德惠本定昨晚啓程赴遼、專車已備、因事臨時改期、

(四)東北政務委員會、議決防俄陣亡將士遺族子女免費入學規章八條、以示撫恤、業已分令奉吉黑熱四省教育廳、查照實行、

(五)遼寧省政府第九十一次會議、通過實施全省民衆義務教育案、

東北文化社宣傳處廣播邊防消息第一百四十六號

十九年一月二十日

(一)哈爾濱無線電、東鐵俄局長、爲華工復職事、向理事會提出、(一)華工中百五六名、不予革除、並使其爲正式工人、(二)中俄事件發生以前、所用之華工、而此次被裁者、計七十三人、均可分別復職、(三)最新被裁之百五十名華工、獨身者給一星期、有家者給四星期之救濟費、(四)以運送材料之款六萬元、支出給此二百二十九名華工最近四個月薪金云、

(二)又訊、十八日失業華工代表六十餘名、至理事會催速發表復工令、當局允先使一批復工、餘則極力設法、在舊歷年前、可一律復工、

(三)又訊、在俄被扣之華僑、十八日下午二時半、自綏芬回國者三百名、沿途有下車投親友者、故到哈時共二百九十三名、內有東北航務局船員五十五人、衣衫敝舊、形瘦骨立、狀極慘苦、聞今明日將續到一批云、

(四)又訊、前俄哈領梅立尼闊夫、定二十四日啓程來哈、復任哈領云、

(五)又訊、歐亞直達交通、定二十三日起通車、每星期三次、通至海參威者一次云、

(六)又訊、哈長官公署、昨將收回之哈票五百萬元、切角作廢云、

(七)又訊、據自綏芬河回國之華僑談、一月七日、俄方以中俄問題、業經解決、即爲備車一列、由伯力運赴海參威、每人僅發給麪包一個、車行三日抵海埠後、方得食物、是以飢欲死、在海埠住三日、始開抵綏芬、此係先頭一批、其餘尙在途中云、

(八)中俄正式會議代表莫德惠、昨日下午抵瀋、定二十四日首途赴南京、請示一切云、

東北文化社宣傳處廣播消息第一百四十七號

十九年一月二十一日

(一)哈爾濱無線電、東鐵總工廠被裁華工、昨日復工者七十七名、工人仍在進行要求中、求全體復工、昨電業工人五百名、派員致意被裁華工、決定援助復工云云、

(二)又訊、昨日下午二時半、由俄歸國十五旅士兵一百三十五名、下車後經當局收容、據談、俄兵對待我方士卒、肆意虐待、甚至迫令執種種賤役、殊屬不講公道、

(三)又訊、東鉄自今日起、開始每日撥車十輛、向西線運送難民、

(四)齊齊哈爾電、萬福麟主席、派人押送食糧八車、並現款赴滿站、救濟各國商民、現滿站亟待賑濟之難民、約有一千三百名、

(五)哈訊、本日下午二時半、續由俄境到哈十五旅士兵及滿州里各機關人員、共一千四百餘人、聞尙有他批在途中云、

(六)又訊、今晨八時、由俄境回國之軍士二十四人、因受赤俄種種虐待、手足均已凍斷、已成廢殘、

東北文化社宣傳處廣播邊防息消第一百四十八號

十九年一月二十二日

(一)哈爾濱無線電、昨日到哈之梁忠甲所部士兵、即於當晚回滿州里、

(二)又訊、本日午後一時、蔡運升招待哈市各機關法團人士、報告伯力會議經過之詳情、

(三)又訊、東鉄被裁華工、昨又復工十餘人、其餘未復工者、仍積極要求路局、即予復工、

(四)又訊、在哈之日韓僑民、共二千餘戶、人口五千三百餘人、

(五)又訊、滿海難民、二十一日晚九時、由東鉄專車送回者、計華方難民百八名、俄難民百

四名、由商會發給食物維持、

(六)又訊、東鉄商務處、已裁去華職員三十五名、尙有一百三十人、明後日亦將被裁、

(七)又訊、東鐵決定將入華籍之白俄路員、准其辭職、發給其應得之津貼、

(八)又訊、本日下午二時、續由俄境運回七十五兩旅士兵九百三十餘名、定即晚回滿州里、

(九)又訊、本日、東鐵理事會開常會、因人數不足、會議未成、

東北文化社宣傳處廣播邊防消息第一百四十九號

十九年一月二十三日

(一)哈爾濱無線電、邊防騎兵第一師師長鄭澤聲、槍斃此次防俄戰役臨陣退縮之旅長寶振榮、以正軍法、

(二)又訊、蔡運升昨邀各界、在道外商會、發表中俄預備會議經過、略謂會議紀錄共十條、其一二兩條、各包括三項、本人辦此交涉、悉本中央意旨云云、

(三)又訊、黑省齊克鐵路、由甯年至富海一段工程、業已完竣、十七日起、開始通車售票、

(四)又訊、札蘭諾爾煤礦工回返者、計七百餘人、頃已開始工作、惟祇有一洞出煤、日可出六七車、其餘均因俄亂時、水灌結冰、不能工作、

(五)齊齊哈爾無線電、黑省沿邊人民、因受赤俄侵擾、避難省城內者、現達一萬七千餘名、當局規定於三個月內、免費運回各地、又室韋奇乾各地、當局以受俄害最深、擬發給衣物食糧現款接濟、

(六)又訊、黑當局派呼倫貝爾交涉員趙仲仁、辦理海拉爾急賑、

東北文化社宣傳處廣播邊防消息第一百五十號

十九年一月二十四日

(一)海拉爾無線電、此次赤俄侵擾海拉爾、搶掠焚殺之餘、滿地淒涼、現據確實調查、舊街房屋被焚燬者、計百六十餘所、新街房屋二百餘所、頃祇餘二十餘所、難民返回後、多無住宿之處、

(二)哈爾濱無線電、二十三日、由哈運往滿海難民、計三百十名、現尙在哈埠候車擬返故地者、約六千七百餘名、

(三)又訊、前哈俄領梅里尼闊夫、二十三日下午二時半、自伯力到哈、隨來三人、將任東鐵要職、梅領定下星期復職、現哈俄領西漫諾夫、俟第一次歐亞通車過哈時、搭乘回國、

(四)又訊、東鐵理事會、本日下午一時開會、分別討論已裁之七月十日以後所用華員、將有少數、可望復職云、

(五)又訊、昨日特法院宣告、俄遠東銀行董事、及商務代辦所主任等五人、無罪開釋、

(六)又訊、昨日下午續由俄境回國之十五旅士兵八百四十名、十七旅百七十名、當晚即回昂昂溪、據云在俄時、曾爲赤軍驅往山內伐木、俄警官並嚴刑拷問我方有無虐待俄俘虜情形、其不講公道、可見一斑、

(七)又訊、蔡運升本日下午一時十分、啓程來遼、丁超本日由吉到哈、
(八)又訊、邊防第二軍、已開始經洮昂路、運送回遼、

東北文化社宣傳處廣播邊防消息第一百五十一號

十九年一月二十五日

(一)哈爾濱無線電、由哈開赴歐亞之通車、定二月一日、由哈開行、東鐵各地商務代辦所、已奉令出售通票、郵局亦規定歐亞郵件、自二月一日起、直接郵寄、不再由他方轉遞、

(二)又訊、遠東銀行保管委員會、昨將該行交還遠行董事會、

(三)又訊、哈埠與蘇俄沿海州各處直通電話、昨日恢復、

(四)又訊、東鐵電務處長札氏、前在自宅偷裝無線電、傳遞消息、爲我方捕送法廳、日前雖釋出、但未完結此案、法院現定二十七日宣判、

(五)又訊、邊防軍十七旅旅長韓光第及林張兩團長屍身、在札蘭諾爾煤窯旁尋獲、現棺木厝於滿站、

東北文化社宣傳處廣播邊防消息第一百五十二號

十九年一月二十七日

(一)哈爾濱無線電、前東鐵俄副局長業木沙那夫、因受我方反對其任東鐵理事長、故徘徊海參威、中止來哈、

(二)又訊、中俄正式會議地點改易問題、昨日哈俄領梅氏語人、謂俄方現在考慮中云云、

(三)又訊、東線被裁華工、尙有百五十餘名未復工、昨日工人復集會、定今日舉代表向俄局長請願、

(四)又訊、哈埠自動電話局、今日爲我方接收管理一週年紀念、特邀各界參觀、

(五)又訊、前任哈俄領梅立尼國夫、定二十八日復職、昨已通知我方、

(六)又訊、東鐵車務機務兩處、昨爲修理車輛問題開會、決定先修理貨車云、

(七)齊齊哈爾電、黑省府委員會議決、訂辦法十一項、令各縣局招待內地難民、實行墾殖、

(八)滿州里無線電、赤俄大部軍隊、現駐赤塔左近、其第三十五師及重砲兵團、則仍在大烏里云、

(九)張學良司令長官、爲參與葫蘆島航警學校畢業典禮、二十五日夜、專車出發、定今晚回遼、

東北文化社宣傳處廣播邊防消息第一百五十三號

十九年一月二十八日

(一)哈爾濱無線電、前晚七時、忽有俄赤白黨青年十餘人、在道裏互毆、警察前往勸阻、反爲赤黨毆傷、嗣赤黨竟嘯聚百餘人、聲勢汹汹、經武裝保安隊彈壓、始將毆傷警察救出、並捕爲首行凶之赤黨五人、赤黨猶擬作劫犯之行動、因保護嚴密、未爲所乘、將人犯送特警後、俄領卽電話要求釋放、爲我方拒絕、

(二)又訊、昨日上午十時、有去年七月十日以後任用而現被裁之白俄路員三百餘人、至路

局請願、要求發給三個月補助金、俄局長避而不見、後由秘書出見允轉達、下午一時、又至理事會、見郭福綿理事、允俟開會時提出、

(三)又訊、滿海難民、昨日運返原地者、計二百一十一名、內白俄二十七人、

(四)本月二十六日、葫蘆島東北航警學校輪機班舉行畢業典禮、張學良司令長官、躬赴該處、參與典禮、親自訓話、畢業學生共三十三名、隨行者爲軍事參議何豐林、海軍司令沈鴻烈、軍學處徐處長祖貽、及胡若愚朱光沐等、業於昨晚九時回遼、歸時途經連山錦縣溝帮子等處、檢閱駐軍、每處約一小時云、

(五)葫蘆島東北航警學校輪機班、二十六日舉行畢業禮、張司令長官親致訓詞、殷殷勗勉、其大意謂航警學校之創立、意在造成海軍專門人才、幸賴沈司令等數載辛勞、殷勤誨迪、得有今日斐然之成績、諸生畢業後、應重實練、尤須與下級士兵、同其甘苦、並當不畏艱難、發揚朝氣、現在中國海軍、尙在幼稚時代、欲求發達、端賴人才、否則縱有海軍、徒資敵用、甲午之役、可爲殷鑑、近年以來、外患更亟、諸生皆爲軍人、有捍衛國家之天職、責任重大、今舉三事、用相策勵、一、修養人格、二、繼續求學、三、放大目光、三者之中、以人格爲立身之本、更須注重、爲黨國之干城、樹軍人之模範云云、

東北文化社宣傳處廣播邊防消息第一百五十四號

十九年二月四日

(一) 哈爾濱無線電、被裁之東鐵華工一部份尙未復職者、昨今兩日、仍推代表分謁東鐵當局要求、俄局長復以理事會不足法定人數未開會、須俟莫德惠督辦回哈後討論云云、

(二) 又訊、東北邊防軍第二十四十六兩旅、昨日起、開始向遼寧輸送、

(三) 又訊、一週間赤俄自黑河放還華僑約六百餘名、均係被扣商輪上之乘客、

(四) 又訊、綏寧鎮守使趙芸香、昨過哈赴齊齊哈爾、報告黑省開通黑河與省城汽車路之計劃云、

(五) 又訊、交通委員會郵傳處副處長李德言、爲接洽東線電政權事、奉令赴哈、一日會見東鐵副理事長依氏、俄方對開會解決電權事同意、日內即命路局派員召集會議、今日下午、李氏仍與依副理事長續談、

(六) 又訊、滿哈電信、現祇通行車電報、其餘可於四十日內修復、

(七) 又訊、滿站電局、俄方派人把持、拒絕我方人員入內辦事、

(八) 又訊、東線俄局長、今日下令各被裁之七月十日以後失職俄員、即於日內復職云云、不知對於華籍被裁職員、何以延不解決、意存偏袒、可見一斑、

(九) 又訊、滿州里秩序、現已恢復、各商店均照常營業、

(十) 又訊、東線路局、日來因被裁之白俄路員、有集合要求發給補助金等事、頗形恐慌、故戒

備極嚴重云、

東北文化社宣傳處廣播邊防消息第一百五十五號

十九年二月五日

- (一) 哈爾濱無線電、聞蒙古各王公、擬於本年四月、在長春開會、討論內蒙各問題云、
- (二) 又訊、蔡運升將於日內出洋、往德俄遊歷云、
- (三) 又訊、駐哈英領事依特斯氏、調充遼寧總領事、哈領由高士登接任、
- (四) 又訊、被裁之白俄路員、爲要求發給補助金、昨午往路警處見于副處長、于慰令俟理事

會決議、

- (五) 又訊、東鐵俄局長下令、被裁之蘇俄職員、限期復職、其在國外者、准緩期、
- (六) 又訊、歐亞通車章程、四月一日、在莫斯科開會訂定云、
- (七) 又訊、前梁忠甲部士兵、現就分散各地及俄方歸來者、編爲兩團、擔任滿邊防務、
- (八) 又訊、前往滿海一帶駐防之江省騎兵、現奉令開回江省東邊駐防、

東北文化社宣傳處廣播邊防消息第一百五十六號

十九年二月六日

- (一) 哈爾濱無線電、李紹庚通知俄領、伯力會議協定、華方已全部履行、希望俄方亦即速履行云云、

- (二) 又訊、東鐵自歐亞交通恢復後、東西兩線貨運、連日急遽增加、貨車不敷所用、

(三)又訊、中俄此次衝突前、在俄被扣之東鐵車輛、已歸還一部份、東鐵連日仍撥車運送滿海難民回籍、昨日一日中、運回四百餘名、

(四)東北交通委員會、與東鐵規定之電政權提案、計分三部、(一)東鐵與各方電局聯線收費辦法、(二)長途電話營業收費及管理辦法、(三)自動電話資產問題云、

(五)洮索鐵路、已築成八十四公里、尙有一半、年底可竣工、

(六)吉長鐵路與東鐵聯絡密門站支綫、定本年秋間竣工、

東北文化社宣傳處廣播邊防消息第一百五十七號

十九年二月七日

(一)齊齊哈爾無線電、江省撥款五十萬元、爲移民費用、預定今年招集難民五十萬、以充墾殖邊地云、

(二)哈爾濱無線電、滿站特警、昨日自俄釋回者、四十九名、至白署長金李兩所長、並其他警官十餘人、尙押在伯力俄獄、釋回無日、

(三)又訊、今日(七日)下午二時半、自俄回國官兵、百八十人、均十五旅部伍、梁旅第三十、八四十兩團團長、及該旅校官十九人、仍羈押未釋、

(四)又訊、被裁東鉄華工、昨日復職者三十三人、其餘仍在進行要求中、

(五)又訊、東鉄沿線蘇聯學校、尙未開學、因俄局長對於教職員、正在攷慮中云、

(六)又訊、邊防第十六十九兩旅、昨日開始運回遼寧、

(七)又訊、哈特區市政局計劃修造通過松花江南北大鐵橋、預定款項爲一百五十萬元·云云、

東北文化社宣傳處廣播邊防消息第一百五十八號

十九年二月八日

(一)海軍司令沈鴻烈、昨晚赴哈、此行職務、係整頓江防、並參與商船學校畢業典禮云、

(二)哈訊、滿站特警總署長、扣在俄境、現署長職務、由署員鄒鴻達代理、

(三)又訊、俄方藉口華方尙扣留俄僑不釋、對羈押華僑六千餘仍不允釋放、查我方對於俄僑、除確犯重罪者外、早經釋放、足證俄方藉口之無稽、

(四)又訊、昨東鐵華理事監事、爲準備理監聯席會議提案、先開小組會議、

(五)交通委員會郵傳處副處長李德言、已回瀋、請示對於將來東鐵電政會議提案大綱、該會議可於本月十五日左右、在哈召集、俄方表示、已允交還東鐵商電營業權、惟長途電話電報、不得檢查云云、

(六)哈訊、今日路局俄局長、委任車務工務材料三俄副處長云、

(七)哈訊、東鐵被裁之七月十日以後華員、華路局長已次第酌予復職、

(八)又訊、俄方因恐中俄會議有變化、故邊境軍隊、不向內地撤回、砲隊及唐克車隊、駐大

烏里南部、滿邊外阿巴該圖、時發見俄軍、

(九)又訊、十五十七兩旅將校、尙有二百五十人、俄方不允釋放、

(十)哈訊、俄亂後、黑河中外居民、已陸續返回營業、惟海關銀行、尙在停頓中、

(十一)哈訊、昨東鐵俄局長、爲表示容納華方意見起見、特令局內各處長、擬具在公事上採用華方辦法、以便實施、又向例該局辦公時間、係上午九時至下午三時爲止、三時後之辦公人員、另給特別獎金、今因東路費用浩繁、諸須撙節、故亦下令將此項獎金、完全取消、

(十二)此次中俄因東路衝突、徵兵募兵制度、權衡優劣、相差甚鉅、東北當局、有鑒於此、爲充實軍備計、將開最高幹部會議、決議採用徵兵制、設立徵兵委員會、切實進行云、

東北文化社宣傳處廣播邊防消息第一百五十九號

十九年二月十日

(一)齊齊哈爾無線電、黑省府議決籌款六十萬元、整頓沿邊各卡倫、黑邊卡倫自曠濱縣至奇乾、共計十九卡云、

(二)又訊、齊克鐵、路添築楊家屯至訥河一段支路、計長百二十里、現已開始測量云、

(三)哈爾濱無線電、東鐵根據伯力會議紀錄、及十二月三十一日東鐵理事會議決案、規定俄員工復職辦法五章、

(四)又訊、東鐵路局令總會計處、預備大宗款項、發放被裁期內俄員薪金云、

(五)又訊、八日下午、東鐵被裁白俄路員赴特警處、見于副處長、請願發給補助金、于謂下星期可決定發放與否、當日白俄路員又至特區長官公署請願、張景惠長官因事未見云、

(六)吉訊、吉林圖門江沿線僑居難民、共四十一萬九千七百七十八名、

(七)哈訊、距伯力八俄里八號地方、駐有華籍共黨軍兩團云、

(八)又訊、俄派華共黨到伯力一帶監獄內、宣傳共產主義、並將被俘青年華軍六百名、送往莫斯科讀黨義、

(九)又訊、日商呈請特區長官公署、謂中俄事已解決、應解除禁糧出口令、當局在考慮中云、

東北文化社宣傳處廣播邊防消息第一百六十號

十九年二月十一日

(一)哈訊、九日晚、哈俄領館開會、東鐵理事局長均在座、所議未悉云、

(二)又訊、東北航務局、昨日開本年船務大會、沈鴻烈出席會議云、

(三)又訊、東烏滿三路、定本月二十日、在哈開聯運會議、滿鐵將派員來哈參加云、

(四)又訊、因東鐵恢復原狀、該路失職華員、現共有百餘人復任云、

(五)又訊、俄方在我同江一帶、僱工撈救被我擊沈之軍艦、但華工無應者、

(六)又訊、東北船商、定下星期開全體大會、討論本年船務辦法云、

(七)沈鴻烈在哈、昨往訪東鉄華理事、交換將來中俄會議東北航權意見、今日沈氏校閱江防海軍云、

(八)哈訊、俄兵十餘名、九日夜越境至滿站、將我梁旅哨兵四名痛毆成傷、經我軍捕得三名云、

(九)又訊、綏芬河商店、現僅餘百餘家、較俄亂前、減五分之四、人口亦減少二萬餘、頃商會向省方請款救濟云、

東北文化社宣傳處廣播邊防消息第一百六十一號

十九年二月十二日

(一)張司令長官、昨晚七時、在省政省禮堂、歡宴軍政各界要人二百五十餘名、席間演說、力望東北人士、勿尙浮華、並以奉公守法、勵已勉人、反覆申說、用相策勉云、

(二)邊防第二軍駐興安嶺軍隊、現向遼寧開回、

(三)齊齊哈爾無線電、黑省規定五十七兩旅損失費、計團長三千元、營長二千元、連長千元、受傷官兵、按陸軍陣亡條例優恤、臨陣退却者嚴懲、

(四)哈訊、俄電召中俄預備會議代表西曼諾夫赴莫斯科、詢對華交涉方針、

(五)又訊、梁忠甲旅三十八四十三兩團團長、與該旅校官四十八人、昨自俄歸國、晚車返

黑、

(六)又訊、在哈英法德日等商人、擬組織國際商聯會、調查經濟提携方法、

(七)又訊、近東鐵貨物、每日東行運往海參威者、約三百五十車、

東北文化社宣傳處廣播邊防消息第一百六十二號

十九年二月十四日

(一)前次三江口一役、受損害之利綏軍艦、現經海軍司令部用款五萬元修復、又海軍當局、決定撥鉅款恢復中俄衝突時沉燬之各艦云、

(二)齊齊哈爾電、陸軍第十七旅旅長一缺(即陣亡之韓光第)、頃省方提升十五旅三十八團團長王爾瞻充任、駐防省垣、

(三)哈電、札蘭諾爾煤礦、因冰結未融、一時不易恢復、現東鐵決補發礦工欠薪、並規定工人損失費、一等百三十元、二等百二十元、三等百十元云、

(四)又訊、郵傳處長李德言、昨又來哈、日內與俄方爲電權提案交換意見後、即於下星期開會、頃中俄雙方所認爲困難點有二、(一)我方主張、出境電報、須經檢查後放行、(二)增加東鐵代收商電之主權費、現東鐵商電、每字收費金魯布二角一分、俄與東鐵各取七分、代收主權費七分、刻擬改訂、但以上兩事、俄均未同意、本日午後、李氏將再與俄副理事長晤談云、

(五)又訊、鐵道學校、已籌備就緒、開始招生、并擬於下星期內、添招航空駕駛班、
(六)又訊、歐亞通車、因恢復伊始、時見誤點、旅客亦尙寥寥、又該車昨始直開海參威云、

東北文化社宣傳處廣播邊防消息第一百六十三號

十九年二月十五日

(一)哈電、滿站現有俄兵三十名、據云係保護領館、至俄軍大部、則仍在滿邊外並未撤退、
且曾有俄軍乘汽車入我滿站捉擄白俄之事云、

(二)又電、東烏滿三路聯運會議、定本月二十日舉行、烏路局長滿鐵大藏理事、日內來哈、

(三)又電、東鐵俄局長、規定每星期召集技術會議一次、

(四)齊齊哈爾電、黑邊各卡、省令統歸梁忠甲管轄、卡兵改組爲邊防大隊、設隊長一人云、

(五)哈電、昨東鐵路局、致函我電政當局、請於日內將電權交還云、

(六)又電、俄派阿拉維夫爲海拉爾領事、不維夫爲昂昂溪領事、已來哈與俄總領事會晤、日內赴任、

(七)東北海軍、計劃添江防空軍、撥款購戰鬥機、即可實現云、

(八)哈電、劉哲因工業大學事繁、本人在遼難兼領、昨電遼懇辭云、

(九)吉林省主席張作相已到遼、

東北文化社宣傳處廣播防消息第一百六十四號

十九年二月十六日

(一)海軍司令沈鴻烈、決擴充吉黑江防陸戰隊爲五營、由海防方面、招募訓練、

(二)哈電、東鐵路局車務處、爲討論移民充實鐵路沿線發展鐵路經濟計、特開會議、決定運送移民免費辦法、

(三)又電、烏蘇里鐵路、當中俄衝突、交通封鎖時、營業不振、現仍未復原、故擬由四月一
日內、增加運費、

(四)又電、哈埠自經此次中俄衝突、人口減少、去年十二月底止、全市人口、計共三十二萬
零七百人、華人爲二十四萬二千人云、

(五)又電、被裁白俄路員、具呈東鐵督辦公署、請釋因向路局請願而被捕之二代表、

(六)又電、滿站特警白總署長、前被蘇俄扣留、日昨方自俄方回國、

(七)又電、海參威蘇俄共產黨青年團、本月八日、與俄國防軍發生衝突、並演成械鬥、青年
黨被捕數人云、

(八)哈電、在俄被扣華僑被釋後、其欲回國者、須以六元四角、領取出境護照、華僑多無力
完納、致多困居異域、卽回國者、亦身外無長物、頃黑省已派員携款救濟、

(九)東北當局、邇來對時局、有重要會議、張作相萬福麟兩主席、已相繼到瀋、

東北文化社宣傳處廣播邊防消息第一百六十五號

十九年二月十八日

(一)本年度全國運動大會、定於四月一日在杭州舉行、此間教育當局、已於昨日開會討論參加辦法、

(二)哈電、齊克鐵路之龍江泰安間一段、業已竣工、本月十三日開始辦公、十七日開始售票、

(三)哈電、特區長官張景惠、濱江鎮守使丁超、擬日內赴遼、參與關於時局之重要會議、

(四)閻錫山代表梁汝舟、今晨蒞瀋、下榻同澤俱樂部、

東北文化社宣傳處廣播邊防消息第一百六十六號

十九年二月十九日

(一)閻錫山代表梁汝舟昨到瀋後、當晚張長官設宴洗塵、本日下午二時、訪秘書長王樹翰、並分謁各要人、對時局一無表示、

(二)東北駐普辦公處處長葛光庭已回瀋、本日發表談話、謂暫不回太原、此次當局召集軍事會議、純係中俄衝突後整頓東省軍隊、絕不干預外事、至國內時局問題、東北態度素以和平爲主、但期全國統一努力對外云云、

(三)哈電、傳聞俄方容納前東鐵航務處俄處長建議、將在中俄正式會議席上提出、(一)仿照外輪行駛長江辦法、要求中國允許俄商輪自由行駛於松花江、(二)要求中國交還、沒收之東鐵商輪九隻、由東鐵航務處自己管理、或加入東北聯合航務局營業、(三)中俄交換松

黑烏三江航線、並訂立新章云、

(四)又電、吉黑江防軍艦、預定打撈後運哈、由造船所修理、本年六月底復舊、

(五)哈電、聞前東鐵俄副局長愛氏、將任中俄會議代表之一云、

(六)又電、邊防十五旅、傷兵七十餘、在滿站軍醫院醫治、梁忠甲請准當局、俟傷兵痊愈後、有技能者爲之代謀職業、無技能者、撥給黑省甘南縣田五十畝、令自種食、

(七)莫德惠昨晚九時抵津、即乘北寧路車返瀋、今晚可到、

(八)交通委員會、呈准鐵道部在遼建立大規模之鐵工廠、製造各鐵路所用之機械材料、令東北各路局、提款一百萬元、充基本金、以東北大學工廠爲廠址、再加擴充、內部共分六科、俟解凍後、即可開工、

東北文化社宣傳處廣播邊防消息第一百六十七號

十九年二月二十日

(一)哈電、東鐵電政權會議、原定十七日舉行、因郵傳處長李德言與俄方接洽、俄副理事長反對檢查出境電信、增加報費價碼、及我方在滿綏邊地設電局等項、故會議未成但俄副理事長、允電請本國政府指示緩和辦法、得復續議、現李氏因此在哈相候、

(二)又電東鐵總工廠貨車廠華工、又爲俄局長裁除二十餘名、

(三)又電、哈遠東銀行、定三月十五日開股東大會、該行行長、已調派俄國家銀行行長繼任云、

(四)又電、滿站特警已照常服務、近日俄人入滿站、來去自如、且亦不領護照、

(五)哈電、滿站工務俄段長壓迫華工、俄工均領去停工期間工費、華工則不發給、因此華工八十餘名、十六日起怠工、並向各方請願、

(六)現據官方調查、韓人僑居東省者、共約一百三十萬人內、遼寧十萬黑龍江五十萬吉林七十萬、其散在東鐵沿線耕種者、約四十萬人云、

(七)本埠消息、東北交通委員會、對於與東鐵洽商電政權問題、(一)俄方須尊重中國主權、發往海莫電報、由中國在滿州里綏芬河、各設一局檢查、(二)東鐵收發海莫商電、每字一律二角一分、較中國報局價低、中國報局發往海參威每字七角五分、發往莫斯科每字九角半、應行提高、以免影響中國報業、(三)第一項同意先決、後方可一方交接電權、一方開會云、

東北文化社宣傳處廣播邊防消息第一百六十八號

十九年二月二十一日

(一)哈爾濱無線電、哈埠紳商、定二十三日、開會討論修葺江堤、該堤自民九修竣後、現多頽毀、估計修葺、至少需款四五十萬元云、

(二)、又電、傳聞蘇俄現努力經營空軍、頃向國民募集公債乙千萬、儘本年內、大事擴充、並在沿海濱省、加裝長途電話兩種云、

(三)齊齊哈爾電、省政府派員赴沿邊各縣招難民、每縣預定招撫六百名、以充實沿邊各城鎮云、

(四)哈電、哈埠日韓人、最近統計、共五千四百名、內日人三千八百名云、

東北文化社宣傳處廣播邊防消息第一百六十九號

十九年二月二十二日

(一)、內蒙古王公、定四月一日、在長春集會議案、規定(一)農民耕種法之改善、(二)清防共產黨、(三)發展交通、(四)改善蒙古教育、(五)仿照東北軍制、改編現有蒙古軍隊、現在長春、設有招待處云、

(二)又電、此次中俄衝突後沿邊各地商家、大半尙未復市間接影響、哈商去年結賬虧累倒閉者、四百餘家縮小範圍者三百餘家、

(三)又電、官辦之哈埠電業公司、經營得法、每月純益、約十六萬元之譜云、

(四)又電、當局爲救濟滿海俄難民、特設救濟所、又市政局擬以二十萬元、舉辦美國式之消防隊云、

(五)方本仁銜蔣命、二十一日晚蒞瀋、先至大和旅館休息、卽夕晉謁張司令長官、聞對時局有所洽商、劉光則先方數小時抵瀋、又聞方日內卽將由原程返滬、轉京復命云、

東北文化社宣傳處廣播邊防消息第一百七十號

十九年二月二十四日

(一) 俄方堅稱尚有俄僑四名、爲吉省逮捕、七名爲黑省逮捕、未予釋放、故繼續拘留華僑五十名爲質、

(二) 哈電、俄領館自二十一日起、開辦旅行護照、

(三) 哈電、俄在綏滿邊境、設檢查所、對由華出境之中外人、士檢查極嚴、

(四) 又電、東烏滿三路聯運會議、俟烏鐵代表抵哈、即可開幕、滿鐵代表業已抵哈、本晚東鐵俄方要人、特在東鐵俱樂部、爲之洗塵、

(五) 又電、哈票經監理官蓋印者、計東三省官銀號發行一千四百萬元、邊業八百五十萬元、中國三百五十萬元、交通九百萬元、廣信二百十萬元、統計三千七百十萬元、現哈票對金票行市、已稍提高、

(六) 又電、蘇聯在哈、辦一英俄文日報、名哈爾濱日報、

(七) 又電、聞蘇聯令交通外交人員、合組專門委員會、準備中俄會議材料、

(八) 又電、同江富錦兩縣秩序已復、惟商市仍形彫敝、

(九) 齊齊哈爾電、黑省救濟沿邊各地難民、已支出鉅款、被接濟者計十三縣中、以臚濱室韋接濟最多、

(十) 又電、黑省財政廳、爲造成稅務人才、開設稅務講習所、

(十一)齊齊哈爾電、黑省現籌鉅款、預備建築齊黑鐵路、

(十二)吉電、吉林教育廳、令各校添授中俄關係史、俾學生知所警惕、

(十三)遼寧各法團、聯合組織追悼防俄陣亡將士大會、定明日開籌備會、討論一切進行事宜、

(十四)張司令長官、爲煇練各軍士卒體育計、擬在各軍設國技科、教練士卒、設立國術教育班、已着手籌備、

東北文化社宣傳處廣播邊防消息第一百七十一號

十九年二月二十五日

(一)哈電、與滿州里毗連之俄境、二十三日早開、來赤軍約一師沿大烏里及十八里小站中俄交界駐、割其飛機連日在交界處飛繞、並於二三日演砲、致滿海人民頗起恐慌、

(二)又電、東烏滿三路聯運會議未定期、因烏鐵局長須三月初方來哈、

(三)又電、特區長官公署、備米麪五火車、運滿海接濟難民、

(四)又電、東鐵沿線之各消費合作社、當中俄衝突時、均被封閉、現已次第復業云、

(五)又電、日本派駐吉領事石村氏調查、擬築吉會路線情形、

(六)本城消息、昨晚七時、華人一名行經南站千代由通、被日警開槍擊斃、事後不准華人觀看、是否盜匪、殊難斷定、

東北文化社宣傳處廣播邊防消息第一百七十二號

十九年二月二十六日

(一)哈電、連日滿邊俄軍舉動、對我有示威意、梁忠甲爲此事詢滿站俄領、據云係軍隊作戰門假演習、及互換防地、並無他意、

(二)又電、滿海警備司令部、二十四日在海拉爾成立、梁忠甲二十三日到海拉爾、就警備司令職、

(三)又電、十五旅重新編制、現已編竣者、爲四三及五一兩團、由王永盛高雲鵬分任團長、駐紮在札蘭諾爾及滿海沿線一帶、此外正在編制中云、

(四)吉電、吉軍第七旅旅長趙維楨撤、換提升積有功勳之二十一旅七十四團團長蘇德臣充任云、

(五)哈電、日僑今日午後二時開會、歡迎滿鐵大藏理事、大藏氏語人、吉會路建築事、因未得領土主人同意、不能擅築、故現此事已中止進行、

(六)本埠消息、各法團組織之追悼防俄將士籌備會、昨日開會、決定進行事宜、並定四月五日、在萬泉河舉行追悼大會、

(七)又訊、教育廳遵教育部令、組織課程研究會、派定委員三十一人、切實進行、

東北文化社宣傳處廣播邊防消息第一百七十二號

十九年二月二十七日

(一)哈電、聞俄方對去年東鐵事變時所用之華員、決分三期裁撤、第一期裁工人、第二期裁路局

及理事人員、第三期裁專門人員、

(二)又電、哈油坊業、因歐運不振、特呈請國府、增加大豆出口稅、減少油豆餅出口稅、以維持工業、國府因派員來哈調查、昨已到達、

(三)又電、江堤工程處昨開會、決定以八萬元修堤、由商會航業公會銀行公會財務處等、共同擔負、

(四)本埠消息、昨晨(二十六日)軍需教育班舉行畢業典禮、張司令長官躬自參加、並致訓詞、頗極一時之盛、

(五)又息、昨日下午四時、張司令長官接見日領、晤談甚久、今日下午五時、接見法國領事、(六)哈電、滿札去年陣亡將士遺骸現、經梁旅代收、已得四千餘具、擬於三月末、在滿站公葬、並通告屍屬、認屍運靈云、

東北文化社宣傳處廣播邊防消息第一百七十三號

十九年二月二十八日

(一)木城消息、東鐵督辦莫德惠、由京回瀋後、因報告在京接洽經過、及參與最高會議、故極冗忙、現定日內回哈、至赴俄日期、尙未確定、

(二)哈電、工商部參事劉奎度、昨日參觀哈埠各油坊米棧、下午五時、油米聯會開會歡迎、劉演說、中央希望油米業團結、對外增高國際貿易地位云、劉定昨晚赴遼調查、

(三)哈電、東鐵去年事變期內、被裁之俄路員、除已發一批接濟外、昨日起、又全數補發找清云、

(四)哈電、東北航務局、本年添造貨船四隻、拖船八隻、行駛於松黑兩江、

(五)又電、哈票無監理官印者、因外縣一時兌換不及、仍准暫使、舊哈票昨切角銷燬、計四百萬元云、

(六)本城消息、東北政委會議決、今年春丁祀禮、仍照常舉行、一切儀典、均按往年成例云、

東北文化社宣傳處廣播邊防消息第一百七十四號

十九年三月一日

(一)本城消息、東鐵電權交涉、現仍在停頓中、俄方已否電復、俄理事李德言亦不知悉、惟聞此事、現俄方已讓步、予中國電權行政上以極端便利、並准增加國際電費價目、至我方讓步、係先交還財產後、實施檢查電報辦法、昨東北交通委員會又開會議、莫德惠亦出席、冀得一妥善解決辦法云、

(二)哈電、東鐵商務處、昨裁職員二十四人、半為華籍俄人、半為蘇俄籍、關於此事、華處長未預聞、又路局聲明、關於東鐵華工會之組織、為地方當局權力、東鐵無核准之權力、如有干請、概不受理云云、

東北文化社宣傳處廣播邊防消息第一百七十五號

十九年三月三日

(一)哈電、哈遠東銀行、已定十五日開股東大會、議案大約爲、(一)清理委員會報告預決算、(二)恢復遠東銀行營業問題、(三)現行各項事宜、

(二)又電、齊昂鐵路、決展修富年至訥河一段支線、

(三)又電、內蒙人口、近來漸移向外蒙、致外蒙十八年度止、人口八十一萬、馬百四十萬、駱駝三十五萬、牛百五十萬、羊千二百萬頭、平均每人馬二牛羊十五之數云、

(四)又電、東鐵商務處前日被裁華籍俄員、因係俄方未取得華當局同意、昨由華處長下令完全復職、又聞俄方擬將商務機務兩處裁二百六十人、均係俄員、其用意係令東鐵俄員、時常與國內人員更換、每次換來者、內多軍事人才、其居心何在、可見一斑、

(五)哈電、上月二十六日、滿站俄領館由俄境來貨車三輛、乘有俄國防警察三十一名、全副武裝、並帶行李六十件、不聽檢查、運往俄領館、又是夜俄黨多人、靜夜在街游行、警察勸阻、反被毆辱、據外息、俄方對東路善後、力避誤會發生、並令哈俄領梅氏爲實際指揮人員、但各地俄人、時有逸出範圍之事發生、殊爲中俄國交上之遺憾、

(六)本城消息、鐵道部所派前赴莫斯科中俄會議專門委員屠慰曾、本日下午、晉謁張司令長官、請訓稟辭、

(七)吉林電、當局派校閱委員長任廣福郭文濤昨帶隨員、經哈赴東路校閱駐軍、

(八)又電、濱江縣全縣人口、最近統計、爲四萬六千四百七十五人云、

(九)南京電訊、中央政府、最近向怡和訂購英軍通用輕便唐克車數十輛、又維克司機關砲甚多、不久即可運到南京云、

東北文化社宣傳處廣播邊防消息第一百七十六號

十九年三月四日

(一)哈電、昨午東鐵理事會開理監聯席會議、通過俄監事別爾申退職、

(二)又電、被裁白俄路員、昨赴理事會請願、要求發給補助金、郭福綿對此事、謂須俟莫德惠回哈後決定、

(三)齊齊哈爾電、滿邊防務、省方仍令騎兵第二旅開往擔任、至梁忠甲旅、改駐海拉爾、現該二旅正換防中、

(四)哈電、俄海關遠東部長及烏鉄商務處長、昨爲三路聯運會議事來哈、

(五)又電、滿邊外俄軍、連日仍自大烏里向阿巴該圖方面運送、據俄方駐滿站招待員對我方聲稱、該項軍隊、係屬防匪云云、究竟有何用意、殊爲疑問、

(六)又電、滿站俄領館警察、每夜三五成羣、在街巡視、二日夜曾、因口號不符、與我警察衝突、有一巡長、險被毆斃、

(七)本城消息、海軍副司令沈鴻烈、本日午前赴青島、視察防務、

(八)本城消息、張司長官東電發出後、已得閻錫山陳調元覆電贊同、東北仍本東電原旨、繼續向各方呼籲和平、

東北文化社宣傳處廣播邊防消息第一百七十七號

十九年三月五日

- (一)哈電、二日上午二時、滿站市上俄人三十餘名、洶酒高歌、叫囂擾攘、梁旅士兵經過、嗤其狂妄、致爲凶毆成重傷、且不服警察排解、後並聚衆百餘、聲勢洶洶、擬圖暴動、後經我大隊軍警趕到、捕獲二人、始將衆徒驅散、俄領不明是非、竟向我方提出抗議、
- (二)又電、滿札一帶、近發現赤俄便衣隊甚多、每日向華人宣傳、華人不得安居、遷避他處、
- (三)又電、據報、滿邊外俄境阿巴該圖方面、現駐有俄騎兵二團、砲兵一營、鐵甲車十三輛云、
- (四)本城消息、外息、俄方催開中俄會議、以便解決開江後之航權問題、
- (五)哈電、東鉄華局長處長權力、聞祇限於與俄員會簽(一)呈督辦公署文件、(二)呈理事會文件、(三)預決算事項等、

(六)吉林電、省令各縣、查禁韓人在華爲政治運動、

(七)哈電、交涉署因日領館警察擅拘韓僑、特向日領館提出抗議、

(八)東北最高當局、對於關內時局、抱定和平統一以禦外侮之宗旨、自張司今長官發出東(一)日電後、頗得各方之同情、日本政友會要人、亦有來電、表示敬意、茲將豫韓魯陳

電文二件、及東京來電一件、露布如左、

(一)韓復榘來支電文曰、遼寧張司令長官漢卿兄勛鑒、頃奉東電、對於介百兩公政見、苦心調解、並主張和平息爭、喚起同胞、注視線於國外救國愛民之忱、溢於言表、凡屬袍澤、應均贊同、復榘夙抱和平宗旨、始終勿敢或渝、尙望隨時賜教、俾資率循、無任感盼、特此奉覆弟、韓復榘叩支印、

(二)陳調元來支電文曰、瀋陽張司令、長官勛鑒、奉誦東電、具徵關懷大局、渴望和平、懷兵戰之凶危、懼國本之顛覆、冀和衷而共濟消隱患於未萌、我公夙抱救國之熱誠、不憚息勞之苦口、仁言利溥、舉國同欽、愚意竊以爲國事定於一尊、政治方圖建設、而黨國精神所在、系統本自分明、詎宜於此時、別啟糾紛、復騰異說、凡我袍澤、若皆成見胥捐、以擁護統一、則大局莫安、跂足可待、我公黨國柱石、偉論匡時、當能喚起同情、猜疑盡釋、祥和振導、全國實利賴之、調元覩民生疾苦、愛國不敢後人、所冀曲突而徙薪、俾可安內以禦外、輒因明教、敢貢其愚、復佈悃誠、伏希鑒察、陳調元叩支印、

(三)東北床次竹二郎來電文曰、奉天張學良、閣下之和平通電、深表敬意、床次竹二郎、

東北文化社宣傳處廣播邊防消息第一百七十八號

十九年三月七日

(一)哈電、外息、蘇俄經濟委員會決定、支六百萬魯布、爲發展北滿經濟勢力基金、並決定今後每年增加基金二百萬、在哈爾濱設立經濟委員會、董其事、俄領事爲委員長、各商業機關人爲委員云、

(二)又電、特警處長鮑文樾、呈特區長官公署、請免滿海商民捐稅、以抒民困、

(三)又電、呼海路運輸激增、上月輸出特產物、達四千萬噸云、

(四)又電、東鐵昂昂溪站電報房俄人、拒絕華員入內辦公、華主任已電電政當局請示、

(五)又電、滿邊外阿巴該圖俄軍、據調查確數、有步騎兵兩團、飛機六架、軍用汽車十一輛、甲車六輛、砲一百二十門、機關槍八十六架、在滿站小北山、即可望見俄軍帳幕、

(六)青島電、東北海軍司令沈鴻烈、六日抵長山島、定十二日乘鎮海艦來青島、

東北文化社宣傳處廣播邊防消息第一百七十九號

十九年三月八日

(一)哈電、特區當局、因俄領雖一再聲明、謂已盡釋俘虜、但迄今仍有四十五名未回國、本日特向俄、領提出質問、

(二)又電、俄派外交委員會委員札梅斯基爲駐遼寧領事、聞已啟程來華、

(三)又電、東鐵又在哈、設一機關報、日華俄文兩版、定名哈爾濱新聞、不日出版、

(四)又電、東銑商務處前裁之二十四名入藉白俄人、華處長仍令復職、俄方至今不同意此、事已成問題、須俟莫德惠回哈、開會解決、

(五)又電、俄方頃又在邊境、借口護照關係、扣留日人一名德人二名云、

又俄國邊境人民、因俄政府苛稅甚重多向我方逃難、

(六)又電、到哈之關內難民、昨運往各處開墾者一批云、

(七)本城消息、今日春丁祀孔、張學良長官主祭、各省委陪祭、禮極隆重、

(八)又息、東銑督辦莫德惠、定下星期赴哈、至中俄正式會議日期、須俟莫回哈後、與俄方接洽再定、

東北文化社宣傳處廣播邊防消息第一百八十號

十九年三月十日

(一)哈電、梁忠甲死訊已證實、七日、海拉爾市商民數百、羣繞警備司令部、探視梁氏消息及聞確死、莫不爲之淚下、梁氏之深得民心如此、

(二)又電、特區市政局、今年決議建築全市陰溝及自來水、已着手進行、

(三)又電、黑軍騎兵第一旅張殿九部、奉令開往札蘭諾爾駐防、又騎兵第二旅換防滿站、業已竣事、

(四)齊齊哈爾電、江省農礦廳計劃、開掘省有金礦、分兩步入手、(一)調查西北邊境之礦業

狀況、(二)調查華人與俄人所辦之礦業、又江省設立清丈處、實行全省地畝清丈、並先由龍江等四縣着手、

(五)哈電、東鐵運輸狀況、近已復原、二月中輸出總額達、九十六萬零六百二十五噸云、

(六)本城消息、東北海軍司令部令江防海員優秀者留任、稍次者赴青島訓練、又江防艦隊長尹祖蔭堅辭本兼各職已准其辭去艦隊長職、派司令部參謀長謝稚州繼任、不日赴哈、至尹祖蔭仍任江連部經理之職、

(七)哈電、三江口戰沉各艦、已撈出兩艘、其餘開江後即可撈出外、傳各艦爲俄方撈去、查非事實、又本年加入東北聯合航務局之商輪、共一百十三艘云、

東北文化社宣傳處廣播邊防消息第一百八十一號

十九年三月十一日

(一)哈電、梁忠甲身後蕭條、遺族有六旬餘老父、八旬祖母、夫人亦僅四旬餘子、五女一長、子肄業中學、梁服官十五載、未置產業、平日家用、均恃弟兄三人維持、

(二)又電、俄方扣留歸國華僑二十五名、於八十六號小站、將交國防局審問、又對於歐亞通車旅客過境、檢查極嚴、並特別留難、

(三)東鐵俄局長、已允分發扶輪學校華學生爲鐵路練習職員、月薪四十元、

(四)哈電、綏芬河境、日前逃來俄難民多名、據談、俄已開始實行新共產政策、每十五戶歸併爲

一戶、食住均在一處、人民不堪其苦、

(五)又電、滿站無線電台、業經修復、日內可通報、

(六)又電、英僑在哈所辦之藝劇雜誌、載有侮辱中國文字、昨爲特警處取締、

(七)本城消息、梁忠甲在職病故、張學良司令長官悲悼異常、撥給治喪費三千元、已令軍需

處匯往江省云、

(八)又息、吉林省政府主席張作相等一百九十六人、發起向各界募、捐創修雨亭公園、紀念張

大元帥、地點即在省城萬泉河云、

東北文化社宣傳處廣播邊防消息第一百八十二號

十九年三月十三日

(一)哈電、梁忠甲病故後、呼倫貝爾鎮守使由張殿九代、滿海警備司令由程志遠代、十五旅旅長由該旅張參謀長代、梁樞日內運回梨樹原籍、昨日梁在哈家屬、始得驚耗、其年邁祖母、

竟至哭暈數次、

(二)又電、總理五週忌辰、哈市商民舉行追悼大會、各機關均放假、特區各校、昨舉行出席全國運動會選手賽、

(三)又電、東鉄已發表、扶輪學校畢業華生、分派各處練習、將來成績優良者提升、又哈總商會、爲便於運輸貨物計、設立交際運輸部云、

(四)又電、駐京德代辦今日來哈、又昨日特區各校選出席全國運動會選手、計女一中學生孫桂雲五十七米七秒、百米十三秒八、均破全國紀錄、

(五)本城消息、吉林主席張作相昨、由原籍錦縣回瀋、張氏因參與總部最高會議、討論軍政事宜、返瀋日期、約在明後日云、

(六)又息、總理五週忌辰、商家懸旗紀念、各機關首領及職員、於正午十二時、在省府開會追悼、

(七)哈電、滿邊外俄軍、自大烏里向十八里小站、修築兵營、

(八)又電、歐亞通車、因俄方檢查旅客極嚴、往往因此誤點、

(九)哈電、特警成立巡察班、稽查中外反動份子、

(十)本埠消息、法國駐華公使瑪泰爾、昨晚由北平抵遼、今晚張司令長官設宴款待、

東北文化社宣傳處廣播邊防消息第一百八十三號

十九年三月十四日

(一)哈電、東鐵商務處聲明、東烏兩路聯絡出口運輸章、則並未變更、

(二)齊齊哈爾電、江省萬福麟主席派警務處長竇聯芳、赴海拉爾爲梁忠甲治喪、並發給治喪費二千元、又萬福麟委任蘇炳文爲十五旅長兼呼倫貝爾鎮守使哈滿護路軍司令、蘇氏現任黑龍江邊副司令公署參謀長、

- (三)又電、江省民政廳通令、禁止商民以不動產向外國銀行抵押、
 - (四)哈電、沿江各地商民、以哈票行市、已與津滬現鈔同價、特請航務會減低運費、
 - (五)佛山鷗浦兩縣商民、前經俄軍之亂、均避難他處、現已開始回境、
 - (六)青島電、東北海軍司令沈鴻烈、十二日午後一時、由長山島抵青、視察駐青海軍、
 - (七)本埠消息晉閩代表張維清已、於日昨蒞瀋、發表談話、謂奉閩命來東北、報告出洋問題、已謁見張司令長官、此次中央與山西之糾紛、不過意見相左、實際均為救國救民、閩不願因個人意見、發生戰事、故決心出洋、至馮玉祥回陝一節、因晉方電報不明、現尙難明瞭真相云、
- 東北文化社宣傳處廣播邊防消息第一百八十四號** 十九年三月十四日
- (一)本城消息、東鐵督辦莫德惠、今日下午、三時半啓程赴哈、先回督辦任、赴俄期未確定、
 - (二)哈電、特警處長鮑文樾、定本月下旬、視察東鐵東西兩線警務、
 - (三)又電、直魯難民、昨又到哈六十餘名、將由商會運往東西兩線安插、
 - (四)又電、特區參加全國運動會選手、已定爲男生十一名、女生五名、
 - (五)又電、滿鐵參事福井氏、視察呼海鐵路、對人談話、謂該路運輸能力、充足異常、各部管理、亦甚得法、爲其他中國國有鐵路之冠云云、
 - (六)又電、今午哈遠東銀行開股東大會、

(七)又電、呼倫貝爾交涉員趙仲仁電、東鐵請撥車運送梁忠甲靈柩回籍云、
(八)又電、法國駐華公使瑪泰爾、定十六日、晨到哈、東鐵撥專車一輛、往長春迎接、
(九)齊齊哈爾電、十七旅旅長已改委團長于兆麟補充、

附本社與各處往來函電

本社廣播邊事消息之時、適國內各方面對邊事極爲關心、先後拍來函電、或詢真相、或請彙寄消息、當由本社分別答覆、茲將各方面函電及本社復函電列後、

駐平代表危道豐敬電

急瀋陽司令長官張鈞鑒、頃接此間新聞記者團來稱、邊情緊急、國人均應同仇敵愾、有輿論之責者、尤應大聲疾呼、惟近月來、東北文化社所佈消息、因電波關係、不能及於北平、以致北平各報、於赤俄擾邊各情、幾付缺如、卽有所登載、亦不過掛一漏萬、請求設法予以邊事消息等語、特電轉陳、敬祈飭下情報處、設法傳佈邊情、或逕電職處傳佈、伏乞核示飭遵、職道豐叩敬印、

司令長官覆危電

北平危處長芭濱兄鑒、敬電悉、赤俄擾邊情形、仍由文化社設法傳佈、希卽轉達可也、張學良印、

駐平代表辦公處來函

逕啓者、赤俄犯邊、國人共憤、各新聞記者、咸欲爭先探討消息、登諸報章、以促起國人注意、茲有北平日報記者范善符君名維楨、吉林人、擬於即日赴遼、以訪察邊情真相、囑爲介紹、用特函懇貴社、賜予接洽、隨時授以新聞、俾便錄寄北平、用廣傳佈、毋任企禱、此致

東北文化社

危道豐拜啓十一月三十日

逕啓者、准貴社感電、以每日用短波所發新聞、恐北平收聽不明、可改聽長波、囑就近與天壇長波電台接洽等因、刻正向前途交涉、除俟交涉就緒、再行電復外、相應函復、即希查照、此致

東北文化社

東北邊防軍司令長官駐平代表辦公處啓十一月廿九日

逕啓者、查前准貴社感電開、此間每日用短波所發之新聞、如平地收聽不明、可改聽長波、囑就近與天壇長波電台接洽可也等因准此、當經函請平津衛戍總司令部、轉飭天壇長波電台遵照辦理去後、茲准平津衛戍總司令部參謀處復函、內開前准貴處來函、當即函達北平無線電報局、茲接該局來函、略謂此項電報、敝局自應遵照辦理、惟刻下報務甚形忙碌、於不可能之中、盡量通融、酌收一部、請轉知該方、仍按照舊日上午九時下午八時通報時間、注意呼叫等語、特此函達、即希查照、并望按照上開時間、轉知東北文化社爲荷等因准此、相應函

達貴社、即希查照、此致

東北文化社

東北邊防軍司令長官駐平代表辦公處啓十二月十日

北平廣播無線電台來函

逕啓者、查貴處自本月十八日起、每晚由瀋陽廣播電台宣傳、並由東北短波電台拍發中英文中俄交涉各項消息、惟平津廣播聽戶數千家、因天電擾亂、收聽不易清晰、故敝台願盡協助宣傳之力、以資廣播、已委託北平短波電台、接收貴處所發各項消息、並已規定時間、每晚准在十時五十分至十一時、專事報告該項電報、以收擴大宣傳之效、貴處所發中文電報、僅見於前二日、其後每用英文、敝台以時間短促、不及從事翻譯、故未能按時報告、引爲憾事、茲擬請貴處於每晚九時、先拍發中文電報、以便接收後、即時報告以宏傳播、不勝感盼、相應函請查照見復爲荷、此致

東北文化社

交通部北平廣播無線電台啓

本社復北平廣播無線電台函

逕復者、頃准貴台函開、略謂此間每晚由廣播電台暨短波電台放送中俄各項消息、惟平津各地、因天電擾亂收聽不易清晰等情、貴台願盡協助之力、囑於每晚放送消息之時、先拍發中文電報、以便接收後轉爲廣播、藉收擴大宣傳之效各等語、查貴台此舉、本社深表同情、除

函東北無線電台查照辦理外、相應復請查照爲荷、此致
交通部北平廣播無線電台

東北文化社啓

何成濬致趙雨時函

雨時先生惠鑒、前日晤談甚快、頃據天津商報經理王鏤冰電稱、俄事吃緊、希望轉商漢卿兄
每日拍發官電、加入該報一份、俾廣宣傳、南京北平兩復旦社、亦函同前情、茲特合併函達
、是否可行、仍請台端商之維宙兄酌定爲感、專頌撰祺
何成濬拜啓八月二十三日

本社覆何成濬函

何參軍長勛鑒、昨接趙雨時先生函稱、頃奉大札、據天津商報北平南京兩復旦社函請、將中
俄前方消息、每日拍發官報、加入該報、俾廣宣傳各節、查敝社所得前方消息、每日下午八
時、用廣播放送、九時用短波放送、上午一時用長波放送、所有京滬平津等處、均得按時收
到、即乞分函商報及南京北平兩復旦社、請於每日放送時間、就近至該報社及通信社所在地
之無線電台接洽抄錄爲荷、肅復並請勛安、
東北文化社謹啓八月二十五日

天津華北新聞社函

逕啓者、敝報出版八年之久、具有革命史蹟、對於此次蘇俄暴行、尤極力盡量披露、以期喚起
民衆、素仰貴社消息翔實敏捷、心切師鏡、用特拜懇、如荷將貴社新聞稿、由電報賜寄、無任

盼荷、肅此敬請撰祺、此致

東北文化社

華北新聞報謹啓

本社復華北新聞社函

逕復者、日昨接准大函、敬悉種切、查赤俄此次暴行、中外共憤、敝社關於前線重要消息、規定每日下午八時、用無線電廣播平津滬漢等處、九時用短波長波、拍發中英文兩種電報、各報館均可直接設法收取、卽希貴社於上列時間內、派員至附近無線電台接洽抄錄可也、此復
華北新聞社
東北文化社啟

北平統一通信社來函

敬啓者、暴俄狡展、迭以交涉誘我、實際則乘我不備、猛作攻略、凡屬國民、孰不忿憤填膺、志切報國、貴社以無線電爲盛大之宣傳、鼓勵國民暨武裝同志之勇氣、其愛國之熱烈、效力之宏、眞賢於十萬雄師、無任欽佩、惟查貴社無線電、僅交平津數家報紙發表、而其餘十數家、以及魯豫晉其他之報紙、莫能享受同等之揭載、難資普及、敝社在平發行幾及十年、大小各報皆採載敝社消息、茲爲愛國觀念所激動、擬出中俄問題專稿、逐日附刊於社稿之後、普遍贈送各報刊登、事屬宣傳國防消息、同人之願望雖奢、而搜集消息、頗感困難、用特與貴社磋商、擬請貴社於按日拍致各報之無線電、列入敝社銜名、俾電台得照樣傳送於敝社、不僅敝

社之中俄專稿內容得資以豐美、抑且使未得貴社電訊之各報、亦可據以刊載、不致向隅、此舉實屬兩便、定荷鼎允也、此致

東北文化社

北平統一通信社啟九月十一日

本社復統一通信社函

逕復者、赤俄肆虐、中外共憤、亟應宣布真相、昭示國人、敝社現對於前線消息、規定每日下午九時及上午一時、用無線電廣播平津滬漢等處、各報均可直接設法收取、貴社關心邊患、極所欽佩、希於以上所列時間內、派員逕至附近無線電台接洽抄錄可也、此復

統一通信社

東北文化社啟

北平民國日報社來函及本社復函

東北文化社諸同志鑒、敬啟者、貴社之宣傳電、請每日惠賜一份、以便登報、代廣宣傳、本報爲中央黨部直轄機關、爲華北六七省民衆愛護之言論機關、銷報六七千份、東三省分銷、亦有九百份之多、自去年出版、即擁護中央、努力反共工作、與貴社宗旨相同、彼此應有互助之雅誼、故特函請惠稿、藉資宣傳、於黨於國、均有利益、如有需用幫忙之處、亦請不吝氣示知、定當遵辦、肅此順頌

黨祺

北平民國日報社啟

本社復北平民國日報社函

逕復者、接奉大札、藉悉種切、查敝社彙集前方消息、於每日下午九時及上午一時、用短波長波、拍發中英文兩種電報、傳播各方、屆時即請貴館注意放送時間、就近向北平無線電台接洽抄錄可也、此致

北平民國日報館

東北文化社啟

大連滿州日報社來函

敬啓者、文化社所發表之對俄消息、瀋垣各報、雖有登載者、尙嫌不足引閱者重視、敝報有鑒於此、於此項材料、半月以來、即在瀋以電話傳達、每日在第一面、以最觸目之方法登載、遙想當已承荷閱及、前曾介紹敝分社記者、請准錄記、迭擾清神、良爲跼踖、諸蒙涵宥、實深銘感、特此布臆、謹頌秋祺

金念曾頓首十九日

天津商報社來函

逕啓者、辱承惠寄蘇聯侵掠我國領土圖一幅、無任感荷、嗣後貴社如有公電、或通告等件、務乞頒賜乙份、敝報當爲盡量宣傳也、再貴社逐日由無線電所放送之公電、短波電台、未悉爲何種呼號、波長幾何、尙祈明示、俾可設法收取、曷膝盼禱、此致

東北文化社

天津商報館啟

本社復天津商報社函

逕復者、接奉貴報八月廿九日來函、藉悉一切、查敝社彙集新聞、每晚在九時及一時、用短波長波、拍發中英文兩種電報、屆時即請貴館注意收抄、以廣宣傳可也、此致
天津商報館

哈爾濱公報呈司令長官函

司令長官鈞鑒、敬稟者、鴻翼仰托帡幪、深荷鞭策、感叨栽植、時切驅馳、溯自殫竭棉力、組設哈爾濱公報以來、唯一宗旨、即在宣揚鈞座對內對外一切政令與設施、猥以際茲重視內外宣傳計畫時代、東北政治、文化攸關、不容落後、早在洞鑒之中、無庸冒瀆、所有文化社示下各稿、業經盡量刊布、惟現對蘇俄問題主張、應持何種態度、鈞座對言論機關、所應發表之各項事件、恭祈訓示刊登、俾便有所遵循、用副鈞座慎重輿論之至意、肅稟陳、敬請鑒核示遵、謹稟、並叩助安

關鴻翼謹稟 八月二十一日

本社覆哈爾濱公報社函

逕啓者、關於貴報採取中俄戰事新聞、及此間政治消息等等、統由敝社主持發佈、前已由司令長官奉復、想荷鑒及、現此間每日除由廣播無線電台廣播邊防消息外、並用無線電拍發中英文兩種電報、以便各地報館披露、請貴報就近與哈埠無線電台接洽抄錄、如有詢問事件、

請直接與敝社通電可也、此致

關社長

東北文化社啓

張司令長官覆廣東對俄問題委員會電

廣東對俄問題委員會諸同志均鑒、歌電誦悉、赤俄暴行、中外共憤、東北接壤、均已加派重兵、嚴重堵防、可告無虞、連日前方消息、均由東北文化社、於每日下午九時與上午一時、用長短波無線電傳播各方、應請貴會於敝處電台放送時間內、向貴處無線電台接洽抄錄可也、特復、張學良魚印、

南京海陸空軍總司令部宣傳處革命軍事新聞社函

敬啟者、此次赤俄擾我東藩、凡吾國人、莫不憤慨、幸賴我東北將士協心一致、敵愾同仇、然吾無辜小民、飽受蹂躪、苦將誰訴、敝社忝司全國軍事宣傳之責、擬將此次暴俄凶殘情形、彙集成刊、以告世人、除一面實地調查情狀、並彙徵各項照片以作証實、夙仰貴社出品新穎精良、遐邇播聞、如此次三江口同江富錦諸戰役、各種海陸軍及戰後遺跡照片、想貴社必有多存、敢乞檢選其精彩者若干張寄下、俾便製版付刊、倘底片仍欲交回者、當即璧還不誤、素稔貴社熱忱愛國、不稍後人、故敢凜懇、務祈玉允、不勝盼感之至、專此肅奉、即請貴經理台照、

總部宣傳處啓、

(四)收取伯力無線電加以反駁

蘇俄對於中俄事件之反宣傳計畫、最初利用某國新聞、宣傳東北與中央不能一致對外、又收買某西人等、散布中國虐待俄僑之論調、此種秘密宣傳計畫、由哈埠當局、在赤黨機關內破獲、奸謀乃大敗露、俄軍復在莫斯科及俄屬伯力地方、設置廣播電台、每日放送誣蔑我國之無稽消息、淆亂中外之觀聽、本社爲辯明真相起見、在社內裝置接收莫斯科及伯力無線電之收音機一座、每日接收莫斯科及伯力廣播消息、譯成華文、呈送司令長官閱覽、自十八年九月十二日起、至十九年二月五日止、共計收到伯力無線電六十五次、莫斯科無線電二十五次、本社對於俄方在莫斯科及伯力所拍發之無線電、遇有顛倒是非之反宣傳、逐一加以辯駁、用無線電廣播中外、以期闡明真相、伸張正義、茲擇要記錄於下、

一、蘇俄伯力無線電台、於二十二日、發出電報公然承認侵佔同江、惟經我海陸軍擊退、彼則自稱退出、並稱我方軍隊中有白俄軍人、顯係架辭圖避、公然侵掠之亂也、(廣播第六十七號)

一、莫斯科二十五日無線電布稱、二十四日、哈爾濱中國當局、又搜查蘇聯領館、捕去四人、德國領事爲此事召集緊急會議、準備向中國抗議云云、查此次哈埠破護赤俄敢死隊、

及赤化宣傳、破壞陰謀、屢屢發覺、重搜領館、爲嚴密防範之正當行爲、蘇俄希望德領抗議、德領自不爲所惑也、（廣播第六十九號）

一、最近伯力赤軍總部、往往捏造事實、由伯力無線電台、散布種種謠言、最可怪者、常謂我國軍隊於某日向其沿邊某地施行攻擊、損失若何之鉅云云、實則赤軍往往於侵攻某地之時、先捏稱我軍如何進攻、而後赤軍即向該地方進攻、其用意無非圖隱蔽世人耳目、以掩飾敗壞、侵掠之行爲、最近赤軍向黑龍江室韋縣進攻侵掠、彼即自伯力電台、廣布謠言、謂中國軍隊、某日由室韋方面、向俄境進攻云云、其顛倒是非淆亂聽聞之卑鄙手段、實堪痛恨、（廣播第七十四號）

一、伯力電台、日來又宣傳、綏芬河東寧方面、中國軍隊、向其放槍、吾人可預測赤軍又將攻取該地、故先放此空氣也、（廣播第七十五號）

一、伯力十一月十五日無線電稱、中國方面、準備進攻黑河北岸、特編第三軍擔任此路、以孫傳芳爲軍長、又稱三岔溝及綏芬方面、中國軍隊、時去襲擊、此皆無稽之謠傳、中國何嘗編第三軍、孫傳芳何嘗有任第三軍長之說、孫本人刻尙隱居大連、赤俄此種宣傳、用意在爲他日進攻我國黑河綏芬及三岔溝之口實、（廣播第八十九號）

一、赤俄伯力十六日所發無線電、又有種種誣蔑我方之宣傳、如云蘇聯沿邊各地、時常受中

國侵擾、此種宣傳、并不依據事實、早已不能取信於世界、茲又表明出之、徒見其心勞日拙、又云、中國軍隊時來侵擾、蘇聯政府則嚴令防軍不准還擊、其實我軍始終未越國境一步、俄軍侵入我境、非止一次、其口仁義而心毒螫、抑何可笑、（廣播第九十一號）

一、連日俄軍又在東西西路大舉進攻、以重兵寇我國境、其蔑視國際正誼、破壞非戰公約、已無從掩飾、俄之蓄意來犯、前數日業早料及、蓋其武力攻擊之前、必有一度或數度之文字宣傳、如其最近莫斯科無線電、居然又宣稱沿蘇俄邊境之中國軍隊、有準備進攻之形勢、黑河方面中國軍隊、已積極準備、大約封江後即將大舉來攻云云、實則彼之所謂封江後大舉來攻、吾人可料定不久赤軍必來攻我黑河、故意先發表此種反宣傳、抑可笑借以掩飾其侵略之動機、其翻雲覆雨之技、有如此者、（廣播第九十三號）

一、赤俄伯力無線電稱、十七日滿哈間之客車、係自行遇險、並非俄軍所擄云云、殊不知該列客車之所以遇險、係因赤黨先行折毀路軌所致、其後復有赤軍數百名、將車包圍、搜劫錢物、捕去旅客及車務人員、驅入蘇聯國境、事後乃造此種謠言、真不值一噓、不如製造他種較似之謠言爲愈也、（廣播第九十六號）

一、赤俄伯力十一月二十五日、又用無線電宣傳、赤軍對滿州里密山兩地之中國軍隊、已予以重大教訓、按其所謂教訓、無非欲借其武力、壓迫中國、承認其提出之無理條件、用意

所在、昭然若揭、無如東北民衆、堅毅沈着、絕不屈服、彼計無所出、乃又誣稱我國軍隊、日來在三岔溝方面、向彼攻擊、以爲再度侵擾之根據、(廣播第一百號)

一、據蘇聯伯力十一月二十七日無線電稱、滿州里中國軍隊之根據地、已被我赤軍完全破壞云云、足證赤俄已承認攻佔我國土、其爲破壞公約之罪人明甚、(廣播第一〇二號)

一、東鐵四月以來、各線通車、皆照常行駛、我方當局、以全力維持行車秩序、近因海滿間一段、爲赤軍佔據、鐵軌車站、多被破壞、乃伯力十一月二十八日電稱、中東路各線火車停滯、交通紊亂、信口雌黃、與事實完全不符、不過一種惡意之宣傳而已、(廣播第一〇二號)

一〇二號)

一、佔據我海滿之俄軍師長、近向莫斯科政府報告、謂西線俄軍、皆甚安分、無搶掠行爲等語、俄政府卽據其報告、大肆宣傳、如此作僞、欲蓋彌彰、徒表示其心勞日拙而已、(廣播第一二〇號)

一、莫斯科政府、否認蘇聯與蒙古青年黨獨立運動有關、并稱赤軍始終未進海拉爾、該地并無赤軍蹤跡云云、此種反宣傳、顯係有意迴避責任、徒示其情虛而已、蒙古青年黨槍械子彈、均由赤軍接濟、事實俱在、豈容掩飾耶？(廣播第一二二號)

一、據伯力十二月二十七日無線電宣傳、謂本月二十三日、在黑河附近二十四公里地方、我

軍向其駐軍射擊、二十六日、在綏芬河亦向其駐軍射擊云云、現經我方當局正式否認、并無其事、查中俄交涉和平解決、已於二十二日實現、我國前方軍隊、當即陸續向後撤退、即前此亦從未先放一槍、越國境一步、事實俱在、不容誣捏、前項毫無根據之宣傳、其無價值可知、(廣播第一三〇號)

中俄交涉和平解決、於十二月二十二日實現、俄軍次第退出國境同時莫斯科伯力兩處電台、發送誣蔑我方之反宣傳、亦於十二月二十八日停止、故我方亦於是日、截止收取莫斯科及伯力之廣播消息、此一段廣播無線電之宣傳戰、遂隨中俄和平交涉而閉幕矣、茲將莫斯科及伯力所廣播宣傳電、編纂成帙、附載本篇之後、以供參考、

伯力無線電報 九月十二日

八月二十五日、阿穆爾俄屬黑河一帶蘇聯小汽船客爾力布克列黑被射擊、多有傷亡、

八月二十八日、阿穆爾華兵自行圍擊華之哨所、阿爾公華兵與白俄、乘輪向蘇聯河岸開駛並攻掠蘇聯哨、所傷亡甚衆、

八月三十日、射擊阿穆爾蘇聯小汽船、滿州里站一帶、有中國飛機、旋飛空際、並向蘇聯境地拋擲炸彈、同日、列爾成司克附近、初布洛夫之側、有白俄馬隊、攻擊蘇聯軍隊、但即退出、回向中國境地、

八月三十一日、漢克湖上蘇俄小汽船被擊、

九月二日、鄂克列山克及黑河一帶地方蘇聯汽船被擊、損失甚鉅、

九月四日、黑河汽船被擊、

九月五日、黑河汽船被擊、

莫斯科蘇聯政府無線電官報

九月十三日

哈爾濱白俄僑所組之委員會、散佈傳單、鼓動反抗蘇聯之工作、日人傳稱、綏芬河站、形勢極爲紊亂、中國軍隊、多向穆稜退走、毫無秩序、逃兵甚衆、蘇俄職員羈押於松北者、皆在潮濕室內、無一玻璃窗、睡臥木板之上、孩童尤爲難堪、在此監牢式拘留所內、蘇聯籍工程師及技士、計有數百人云、

莫斯科無線電

九月二十七日

一、滿蒙與蘇俄交界地方、集有白俄軍、約一千五百人、

二、據遼寧官電稱、巴爾卡地方、發現白俄二百餘人、到地搶劫、地方政府當即捕獲、據東京電稱、此項軍隊號、稱反第三國際軍、

三、莫斯科政府、於九月二十五日、轉託德使、向南京及遼寧政府聲明、蘇聯政府請求南京及遼寧政府、對於白俄軍攻襲蘇聯國境、及一部份華籍軍隊之射擊蘇俄僑商與居民、加

以注意、已非一次、蘇聯政府於此項聲明中、並說明此種危險中、政府有應行取締之必要、並須具一定之方法、以預防危險之新動機、澈底解決白俄軍隊、並以迅速手段、制止其攻擊、南京政府、實有攻擊之事實、對此聲明、理應不能反對、南京政府、不唯不設法制止白俄軍隊之活動與攻擊、同時且於邊界機關、爲種種虛偽之宣傳、復查白俄軍與一部份之華兵、攻襲我國境、射擊我疆民、搶劫我居民、日不暇計、最近中國當局、且散遣多數無業流民、入於蘇聯境土、該項宣言、並稱除上述事實而外、南京與遼寧政府、並無意設法攻擊之行動、蘇聯政府、決以此次所生之責任、凡已成與未成者、概歸南京與遼寧政府負擔、蘇聯軍事當局、將迫不得已、決採一定之方策、以期消除以上聲明之事實、而設法防止之、

九月二十七日、莫斯科電據哈爾濱消息、遼寧與哈爾濱等地、繼續募集白俄由中國軍防衛事當局給以馬匹槍械、

又二十六日電、多數華報、載稱張學良向南京政府、請求解決中俄衝突事件、係因彼東北之軍事負擔過重故也、

遠東伯利廣播無線電

十月四日

張學良極欲謀和、故對哈爾濱當局此次與蘇聯發生重大衝突之行爲、極爲不滿、將來衝突

解決、所有一般肇事者、均一律革職、

曾經南京政府通緝之顧維鈞氏、現在匿居奉天、受張學良之庇護、

並爲對俄交涉之顧問張氏將更主張和平而讓步云云、

伯利無線電 十月十二日

一、日本駐哈副領事、參觀松北收容所後、聲稱該拘留所內、未置煖爐、被拘留者、皆苦於寒冷、

二、蘇聯政府正式聲明、謂中俄間談判、並未在何地進行、南京所傳之交涉情形、純屬子虛云云、

莫斯科無線電 十月十四日

哈爾濱松北收容所俄籍僑犯、自十月十四日起、絕食三日、以示反對中國政府不良之待遇云云、

伯利無線電 十月十四日

一、華人對中俄問題似不願以誠意解決、故特別遠東軍、卽應準備斷然之軍事手段、

二、蘇俄實行徵集二十一歲年齡者、應徵甚爲踴躍、

三、蘇俄政府通牒、經德國轉致中國、內容略稱、中國與白俄、對蘇俄之擾亂如故、白俄匪軍

及中國軍隊、對綏芬河蘇俄境地、繼續以武力進攻、而尤以松花江口一帶之武裝攻擊爲甚、沿阿穆爾之出口運輸、完全破壞、阿穆爾沿岸居民、如在米海以落夫與謝米諾夫司基之地者、悉被攻掠、十月十一日、阿穆爾俄岸全遭射擊、十月十二日、沿阿穆爾游行之商船、隨有砲艦護送、當爲中國軍隊以機關槍砲火射擊、彼時阿穆爾海軍砲艦、遂即還擊、中國人之射擊始止、長此以往、蘇俄政府、迫不得已、將以武力保護其權利及其僑民云云、

伯利無線電

十月十七日

- 一、三十八共產黨員已判決、吾等對此輩橫蠻之中國人、當有以報復之、
- 二、張學良長官、對俄事急求完結、故在任何問題、均肯讓步、彼對國內戰爭、決定嚴守中立、對於蔣介石之專政、彼意以爲中國非一人所能治理、亦不應以一人治理云云、

伯利無線電

十月十八日十九日

- 一、蘇俄政府抗議、哈爾濱判決三十九名共產黨員之通牒、經由德國轉致中國、其節略如下、中國之搜查俄使館、原爲非法舉動、此次判決黨員、乃其辯證非法舉動之掩飾耳、故並未傳詢證人、漠視當事人之請求、有利當事人之證據、亦不公布、其發表之件、皆僞造之副本也、此種判決、頗動蘇俄之公憤、即全歐及中國國內、亦有同情云、

二、莫斯科軍事部長瓦爾斯洛夫、在青年共產黨員會議中、關於中俄衝突事件、聲稱蘇聯政府素持和平主義、遇事以和平處之、其所以此次對中國迄不宣戰者、並非武力之不足、實欲以和平處置到底、但至蘇聯忍無可忍之時、當有法使白俄及中國軍閥、知蘇聯軍力之強盛云云、

蘇聯伯力無線電 十月二十五日

一、中國軍隊及白黨、於二十四日、由室韋縣方面、進攻我境、居民死傷甚衆、中國東北當局、因對俄問題長久不決、頗有不能支持之勢、現已設法向我媾和、並表示絕大讓步、

莫斯科無線電 十月二十四日

一、哈爾濱德國領事、請求當地中國官署、將松北收容所內之俄僑、遷移市內空房、婦女一律開釋、並撥房舍居住被拘者之家屬等事項、均經拒絕、

莫斯科無線電 十月二十五日

一、十月二十四日、哈爾濱中國當局、搜查蘇聯領館、捕去四人、德國領事、爲此召集緊急會議、準備向中國抗議、

伯力無線電 十月二十六日

- 一、在前滿州里三岔溝等處之中國軍隊、多有叛變、攜帶軍器馬匹、逃往我方境內者、
- 二、中國軍隊陣地後方、發現胡匪擾亂情事、
- 三、中國軍隊及白黨、向我邊境駐軍、施行射擊、

莫斯科無線電

十月二十七日

- 一、在黑龍江室韋縣屬之三河鎮地方、發現白黨軍隊兩批、攻擊我方邊境、均被我軍擊散、
- 二、在興凱湖地方、有白黨軍隊向我邊境進擊、均被悉數擊散、

伯力無線電

十一月二十七日

日前中國東北當局召集會議、討論對俄問題、決定向俄講和、哈爾濱蔡交涉員亦列席、在此問題中、張作相之政策、完全勝利、

伯力無線電

十月二十八日

- 一、近日以來、中國邊防軍事、頗形積極、各處均見增防、並輸送軍需品及掘戰壕、
- 二、自二十四日迄二十七日間、中國軍隊、在各沿邊地點、以砲火向我攻擊、我軍防所及村、莊多被擊毀、以倭洛齊(與室韋縣相對)受害為鉅、居民死傷甚多、

伯力無線電

十月二十九日

- 一、本月二十七日倭洛齊村又被中國猛烈砲火所襲擊、其餘沿邊各處亦有同樣舉動、倭洛齊

地方人民集議、請求政府軍隊、設法制止中國之暴行、否則爲自衛計、將採取相當辦法云、

一、本月二十七日、由夜間至二十八日晨、中國軍隊、在綏芬方面、向我駐軍防所射擊、

一、東北當局電告中央、因俄事費去四千萬元鉅款、再難支持、故擬急求解決、

一、東北當局、因軍費支絀、向東鐵強索三百萬元、

伯力無線電 十月三十一日

一、十月二十九日、綏芬中國軍隊、向我方面、以大槍射擊二百四十發、機關槍一帶、夜間仍不時有槍聲、

一、中國毒氣隊兩連、由奉天開到此間、並由外洋購來防毒具、業已分給各軍、

一、三岔溝方面中國軍隊、向我射擊、砲火甚烈、我未還擊、

一、遠東沿邊居民、因中國及白黨、時常襲擊、不勝其苦、乃議請遠東軍設、法遏止中國之暴行、並作積極之抵抗云、

一、中國海軍、由松花江口、向黑龍江施放水雷甚多、均被我軍發覺、設法撈出、

一、東北當局、經濟困難、日甚一日、東鐵路政亦、逾形窳敗、且氣候已寒、前方軍隊逃亡甚

多、雖曾募用白俄人、以資補充、但歷受蘇聯大軍之挫折、勇氣早已消磨殆盡、故認爲向蘇聯媾和、實爲不容或緩、吾人每日均得奉天希望直接談判之消息、急切求和、亦可想見、

伯力無線電 十一月一日

一、蘇俄與中國東北接壤之各地居民、對於中國之侵擾、頗爲激憤、在各地召集會議、決定要求政府軍事當局、用非常手段、處置殘暴喜兵之中國軍閥、

一、蘇俄軍在同江附近、獲有砲彈一百枚、內裝液體、當係毒氣彈、足證中國準備以毒氣作戰、

伯力無線電 十一月二日

一、沿邊中國軍隊、連日向俄襲擊、同江方面、亦順流施放水雷、蘇俄當局、實已忍無可忍、乃再施嚴厲手段、結果中國步兵一旅、騎兵一團、全被擊散、殘餘之海軍、亦根本消滅、中國軍閥、經此番打擊、當知有所覺悟矣、

一、中國當局、待遇在華俄僑、愈見嚴苛、搜捕之舉、無日無之、並以酷刑取具供詞、

伯力無線電 十一月四日

一、哈爾濱中國官廳、又逮捕蘇俄僑民三十名、用嚴刑拷問、多有受刑不過、而給僞證者、

一、特別區張行政長官、携眷於日前由哈赴瀋、向上峰辭職、同時東鐵督辦教育廳長等人、均呈請開缺、據訊張學良已准如所請云、

伯力無線電 十一月五日

一、蘇俄遠東軍、決以全力、使中國對於我方提出之條件、完全實行、不令有任何變更之點、

一、日前沿邊各地中國軍隊、時來侵擾、經我痛擊潰散、想中國軍閥、受此番教訓、不敢再逞矣、

伯力無線電 十一月五日

一、近來中國軍隊攻擊遠東防軍、終日不止、

一、十一月三日、綏芬河站一帶地方中國軍、攻擊一部份蘇俄防軍各地用機關槍掃射、槍火齊發、終日不息、是日、室韋方面蘇俄各卡、亦被華軍圍擊、

一、十一月二日、綏芬河站中國軍隊、向蘇俄防軍射擊、約一百響、三岔溝一帶我、軍亦被襲擊、

伯力無線電 十一月十五日

一、中國方面、並備進攻黑河、爲此特編第三軍、以孫傳芳爲軍長云云、

一、中國軍在陣地工作、頗爲積極、各處均掘戰壕、以爲有恃而無恐、但赤俄政府、如有命令、赤軍誓可直入其陣地、

一、三岔溝及綏芬方面中國軍隊、時來襲擊、赤軍只以限於政府命令、故始終隱忍而不之計較云云、

伯力無線電 十一月十六日

一、本月十三日、中國軍隊、在綏芬方面、向我軍陣地、射擊一百餘發、

一、本月十四日、中國軍隊、及白黨共二百人、又向我軍射擊、

一、謝米諾夫現在滿州、組織白俄軍、自任總指揮、分遣黨羽、在中東路一帶活動、

伯力無線電 十一月十七日

一、在綏芬三岔溝方面中國軍隊、有大隊增防、輸運軍用品之車輛、絡繹不絕於途、

一、蘇俄沿邊各地、雖時常受中國軍隊侵擾、但蘇俄政府、嚴令防軍、不准還擊、

伯力無線電 十一月十八日

一、綏芬及三岔溝一帶地方之中國軍隊、連日向蘇聯防軍攻擊、

一、因中俄衝突遲延不決之結果、中國工商業、大受影響、多數銀行、已宣告破產、

一、中國軍隊準備衝入蘇聯境內、直取海參威、在東鐵東路支綫之軍力、日漸增加、近日哈

爾濱、運到重砲及各種軍需品甚多云、

莫斯科無線電

十一月十八日

一、沿蘇俄邊境之中國軍隊、又有準備進攻之情勢、黑河方面敵方積極準備、大約封江後、即將大舉來攻云、

伯力無線電

十一月十八日

一、滿州里與赤塔間一部分蘇俄防軍、於十一月十五十六兩夜、被中國軍隊、以機關槍砲射擊、據中國陸軍投俄之逃兵云、中國將領決計進攻蘇聯境地、我航空偵察隊、亦報稱海拉爾一帶、已開到中國軍隊兩旅、因此吾人應採斷然之手段、

一、中國軍隊、現向密山縣一帶集中、已開到砲兵六團、該地並駐有白俄軍一隊四百餘名、可見中國之軍力、日見增加、

一、四站一帶、發見白俄別動隊、係華軍所派出、

一、滿州里札蘭諾爾一帶、停駐中國兵車甚夥、

一、滿州里間、我飛機一架被、中國砲火射擊、

一、哈爾濱英文週報通信員稱、據日本軍事委員長云、中國軍隊、已決計進攻蘇聯境地、此項計劃、正在積極準備中、不久即將實現云云、

伯力無線電 十一月二十日

一、中國軍隊、繼續準備進攻蘇聯領土、以陸騎主力軍、向札蘭諾爾移動、復以軍隊集中密山一帶、蘇俄始終希望和平、故不進攻中國、並非軍力之不足、惟對中國之進攻、爲自衛計、不得不採取嚴重手段以應付之、務使承認吾人之要求而後止、

蘇聯領事口中之中俄邊事近況 十一月二十日英文備報

據伯力消息、十一月十三日、中國步兵一隊、曾作進攻蘇聯國境之嘗試、其來勢雖猛、但卒爲我軍擊退、當時在涅爾欽斯克工廠附近、中國兵士向蘇聯陣地開火、蘇聯軍隊實行還擊後、中國兵士即未再來進攻、據被俘之中國兵云、中國方面、現正以新開到之步騎兵向密山輸送、擬大舉進攻蘇聯陣地、刻下開到密山者、已有騎兵六個團、尙有二個騎兵旅、在輸送中、此外密山集有白俄數百人、不時至蘇聯國境內騷擾、

伯力無線電 十一月二十一日

一、遼寧政府、極力宣傳、蘇聯政府、對於中東路問題、已準備種種讓步、並擬請德國調停、
二、提議開始交涉云云、凡此皆屬謠言、毫無根據、
一、中國黑河、糧食恐慌、麪粉之價、已漲至百分之二十云、

伯力無線電 十一月二十二日

一、據訊、富錦被中國兵搶劫一空、
一、海拉爾中國兵、搶劫全市居民、

一、綏芬河三岔溝一帶之華軍、向蘇聯邊境射擊、不計其數、十一月十九二十兩日、華軍機關鎗砲、一齊圍擊蘇聯陣地、此種示威舉動、足見華軍之集合目的、在進攻蘇聯境、並截斷我接近邊境之鐵道路線、我方已採取對策、用全力抵禦、此役我方亦有傷亡、此筆賬終須結算、使知赤軍非易與者、

莫斯科無線電 十一月二十二日

一、十一月上旬中國陸騎軍隊猛攻蘇俄境地我方邊境一帶、多有傷亡已令居民撤退我遠東軍爲此籌思至再始採取斷然手段、以衛我邊疆及邊地居民後貝加爾及海濱省赤軍一部、卽於十一月十七日、動員將進攻之華軍由我國境驅出境外結果、俘中國士兵八千餘人軍官三百名獲槍一萬枝、大砲彈藥甚夥其餘軍用品無算、

伯力無線電 十一月二十四日

一、攻擊亦塔海參威之華軍、已爲吾赤軍擊退、我赤軍不進佔哈爾濱、祇保護邊境而已、我蘇聯始終主張和平、並履行協定、蘇聯是被壓迫之中國民族之唯一良友、只希望恢復往日之關係、今後如何、東北當局宜審慎思之、

我方之條件、(一)無條件恢復蘇聯在東鐵之地位、(二)華軍應由邊境撤退、(三)解除白俄軍隊之武裝、(四)釋放被拘押之蘇聯人民、如此而後方可開談判、解決一切糾紛問題否則、中國如仍擬以東鐵爲攻擊蘇聯之根據地、蘇聯勢必取最後之非常手段以制止之、

(一)據日方消息、東北當局因、(一)南京政府對西北軍事失利、(二)東北侵俄軍一再敗北、(三)東北不得南京援助、已決定直接與蘇俄講和、並委顧維鈞氏專司其事云云、

伯力無線電 十一月二十五日

一、我赤軍對中國軍閥、在滿州里密山等地、雖已予以重大教訓、但彼猶未覺悟、二十二、二十三兩日、華軍自三岔溝方面、仍不時向我防軍射擊、

莫斯科無線電 十一月二十五日

一、遼寧政府之財政已、陷於困難地位、各機關職員之薪水、均未發放、據日人方面所傳、係因對俄備戰已、支出大洋二千四百餘萬元、

一、又滿州里邊境之華軍、情形日惡、有數部份宣言撤退、離開陣地、

莫斯科無線電 十一月二十六日

據日人方面消息張學良對於中俄邊境之現狀頗感不安、其致蔣介石電有云自中俄絕交以

來經彼開赴前線之軍隊、計有十萬而耗盡大洋已在一千萬元以上、請政府速向蘇聯和解、聞王正廷已受命從事交涉之進行云、

伯力十一月二十六日無線電

一、黑河赤軍大會議決、慶祝布留海爾司令及後貝加爾軍之戰功、並決定準備助戰、又海濱省遠東特別軍亦擬出征、不使後貝加爾軍專美於前云、

一、東北軍事當局、現仍積極作攻擊蘇聯邊境之準備、在東面北面陣地進行更烈、同時並組織白俄軍、將在額爾古納河方面進攻我蘇聯軍、現該河已冰凍、故沿河邊之蘇聯居民、聞此消息更形驚慌、

一、綏芬一帶之中國軍隊、仍不時射擊我蘇聯防軍、

伯力十一月二十七日無線電

一、簽字非戰公約之英美法日等國、準備向我蘇聯提出破壞非戰公約之抗議、

一、滿州里方面之中國軍隊根據地、已被我赤軍完全破壞、中國軍隊軍心渙散、毫無戰意、於敗退時沿途搶掠、海拉爾已全無中國軍隊、前線情形雖已如此、但東北軍事當局並不覺悟、仍集中軍隊於沿邊各地、作反攻之準備、且時有襲擊我赤軍之事實、

一、東北財政困難萬分、機關人員薪水僅發三成、其餘七成不發、美其名爲補助軍費、

莫斯科十一月二十八日無線電

- 一、北京外交團、令居住中東鐵路一帶之各該國僑民、向安全地方遷移、南京政府對各國聲明蘇聯侵入中國領土、並指責蘇聯破壞非戰公約、求各國公判、
- 一、據路透電稱、參與內戰之中國將領、鑒於外交之急迫、決定以和平方法、解決內爭一致防禦赤軍、

伯力十一月二十八日無線電

- 一、英政府電駐哈英總領事、詳查中俄衝突事實呈報、
- 一、張學良邇來因前線軍事失敗、損失浩大、極感不安、同時因南京政府允許派遣十萬軍隊、及一千萬軍費、又以蔣介石地位搖動、不能履行、故極願向蘇聯求和議之談判、
- 一、哈爾濱地面極緊張、人心搖動、前線退回之軍士、紛紛到哈、金融恐慌、市面蕭條、已有大商店二十餘家倒閉、逃回之軍隊、毫無紀律、時有搶掠之事、總計此次中國在前線犧牲之軍隊、已達四分之一、
- 一、中東鐵路局、現狀紊亂已極、鐵路人員、皆係新換、對於路務、一切不明、火車已不通行、且一般職員、皆存五日京兆之心、各事敷衍塞責、

一、南京外交部已發通電與歐美各國、報告蘇聯侵佔中國之事實、惟蘇聯並未進攻、完全由

中國自行啓釁、今已受重大教訓、被打得落花流水、此種事實盡人皆知、

一、外交委員會官訊、十一月十九日駐伯力外交特派員、接蔡運升電稱、十一月二十日蘇聯領事館館員柯柯雲及涅查葉夫、由哈爾濱出發赴伯力、請派員迎接、並通知駐軍放行、二十一日、該兩員偕同王團長及蔡運升之代表經由綏芬到達伯力、二十二日、駐伯力外交特派員、由柯柯雲之手轉去答覆、略稱蘇聯政府極願和平解決兩國間之糾紛、但在開始談判前。華方應接受八月二十九日蘇聯提出之如下條款即

一、恢復中東鐵路在衝突發生以前之原狀、

二、急速恢復局長副局長之職權、

三、釋放被拘押之蘇聯僑民、

上項條款如經華方正式以書面答覆、蘇聯即允與華方開始談判、

二十七日、接到張學良之中文覆電、文云、頃悉蔡運升電稱對於八月二十九日之條件、根本承認、請照第二條款即派正副局長、至於其他條件、應派負責人員洽商辦理、盼覆、同日外交委員會覆電如下、二十七日來電誦悉、由蔡運升轉達二十二日之條件、業經承貴方全部接受、照第二條之規定、即派葉木山諾夫及愛司孟特爲正副局長、請速派正式代表來伯力舉行會議、駐伯力外交特派員希馬諾夫斯基已派充爲出席代表、特覆、里特維諾夫、

按此情形、中俄衝突已入可能解決之途徑、東北對吾方之條件、已完全承認、所有以前欲以武力強奪中東路之行爲、業已停止、吾人之政策始終未變、結果總能貫徹到底、中俄衝突延緩不決、全係華方受帝國主義國家之鼓惑、採取曲綫之外交方策所致、數月以來東北雖以內憂外患之相迫、而處於孤立無援之地位、然仍思以武力與蘇聯週旋、乃最後一役、被吾軍痛擊之餘、方始覺悟、而肯承受吾方之條件、但吾方對於張學良、不能十分信任、因華軍在邊境、尙不斷襲擊、故我軍必須準備、以防不測、

伯力十一月二十九日無線電

二、莫斯科電稱、遠東特別軍最後一役、給予華軍之教訓、已使中國軍閥有所覺悟、蓋螳臂當車、終歸失敗者也、試以張學良與里特維諾夫往返之電報、可以証明、東北最高當局、現已明瞭承認吾蘇聯之條件、爲解決兩國間糾紛之唯一辦法、但吾人對此問題、尙無十分把握、須視華方軍閥、是否明瞭所受教訓之真意、或仍以爲一種欺騙之技兩、如此則兩國間之糾紛、必益形擴大、

此外東北所必須知之者、此次東北與蘇聯衝突、成此局面、係全由南京政府所造成、結果滅削東北實力、此爲南京政府之用意、南京政府並暗中請求某國援助及調停、此固爲某國所求之不得者、蓋可收漁人之利、是以吾人對於東北必要十分慎重、並須靜觀張學

良對於條件如何實行、果能即日實行、則蘇聯卽立允開始談判、

二、自中國軍閥覺悟後、承認吾方之條件以來、遠東伯力海參威一帶民衆開會議決、向政府要求、

一、在條件上絕對不能讓步、

二、賠償東鐵蘇聯利益之損失、及蘇聯僑民之損失、

三、恢復東鐵之職工會、及其他蘇聯之團體機關、

四、東鐵之白俄人員、一律撤換並遣送出境、

五、在中國境內之白黨、一律驅逐出境、

蘇聯人民因中國軍閥已被打倒、氣勢甚盛、願一致團結、作政府之後盾、

伯力十一月三十日無線電

一、據最近確訊、張學良對俄問題所採之步驟、與其部下之行爲完全相反、例如三岔溝綏芬方面、華軍仍攻擊吾軍、又齊齊哈爾方面亦組織敢死隊、

二、在中俄問題中、非戰公約、幾如一紙空文、毫無效用、

張學良雖已接受吾方之條件、單獨與吾蘇聯議和、然同時南京政府又向國聯申訴、但據訊日內瓦方面尙未接到此項電文、如接到時、恐亦感受相當困難、

華盛頓方面、對於滿州之現狀、現已明瞭、並會議討論此事、胡佛總統亦參與會議、美人所得之消息、均係華方片面擴大之宣傳、

倫敦方面亦討論滿州問題、

巴黎方面對於南京政府之提議、頗表同情、

一、據訊海拉爾方面中國軍隊在潰散時、却殺放火不一而足、指揮官長對此亦無處置方法、哈爾濱方面異常恐慌、商民希望外國軍隊前來鎮攝、

一、奧國輿論主張各國向滿州出兵、

一、東北雖已承認吾方之先決條件、然南京政府並不因此而中止根據非戰公約向國聯呼籲、

一、全歐州勞工、因蘇聯能使東北承認其條件、認爲勞工界之無上光榮、

伯力十二月一日無線電

一、十一月二十九日駐莫斯科德國大使、將十一月十四日南京政府之牒文轉到、當日莫斯科政府答覆略謂蘇俄政府對於中國之提議、認爲多此一舉、因東北張學良業已正式接受蘇聯之條件矣、

况南京政府之提議、在東北與蘇聯單獨講和之後、是以該項提議毫無價值、現在中東路督辦呂榮寰及特區長官張景惠、勢必去職、將來繼其任者、當爲莫德惠與蔡運升、

一、莫斯科官報略稱、十一月十四日南京政府牒文於二十九日始轉到、在此時期、蘇聯與東北已有所協議、而南京政府之牒文、遲到兩星期、寧非怪事用意所在、無非欲使中俄交涉、愈趨嚴重、令帝國主義之國家出爲干預、試觀國際情形、英美已有協調、法德已極端主張國際間出爲干涉、東北與蘇聯求和、已使南京政府及歐美各國之政策、受一重大打擊、惟蘇聯絕不認第三國之干涉、因此、南京政府設法破壞東北與蘇聯之協議、故別無良策、僅將牒文遲送兩星期、其設計亦太愚笨矣、

是以吾蘇聯之遠東軍與人民、務必十分注意南京政府與各國共同反對吾蘇聯之政策也、
莫斯科十二月二日無線電

一、自張學良接受蘇聯政府之條件後、哈爾濱蔡交涉員偕東鐵理事李紹庚到格羅結關窩、以便與伯力外交員西莫諾夫司基晤面、西氏已由伯力出發、

一、敗退之華軍、破壞中東鐵路財產、炸燬礮崗站河橋及水道建設、其他各站亦多遭損毀、
一、十一月十八日之役、蘇聯軍事記者倭寧中彈死、

伯力十二月二日無線電

一、東北代表蔡李二氏、已過雙城子、蘇聯派伯力外交員希馬諾夫斯基爲代表由伯力出發迎接、以便討論條款中第二項所述之根據一九二四年奉俄協定恢復東路正副局長權限間

題、

南京政府因東北與蘇聯直接交涉、頗致不滿、並發出與事實相反之宣言、鼓動列國出而干預、以破壞東北與蘇聯之談判、

據訊東北民衆心理、極願從速和平解決中俄之糾紛、故對張學良之辦法、頗表歡迎、

一、美大總統胡佛與國務卿司帝母孫討論中俄問題、並派司氏與簽非戰公約之各國代表接洽、不久將有一種表示、

一、中國軍隊仍不時襲擊我防軍、十一月二十九日在綏芬方面、向我輸送車發槍二十響、十二月一日夜間、向我防軍射擊、同日夜間、黑河華軍向我岸用機關槍及砲彈射擊、

一、此次我赤軍之戰勝東北、即係世界平民階級攻擊帝國主義之勝利、是以邇來世界平民革命之運動、大見活躍、

遠東軍司令布魯赫爾經柏林共產黨大會舉爲幹事、

莫斯科十二月三日無線電

一、據確訊南京政府在俄事中現處於困難地位、無所措手、在國際間除德國外無一可爲中俄間之調停者、

一、北滿華軍司令官、槍決違命士兵、至千人以上、中國軍隊無紀律、

一、滿站白軍首領莫森洛夫被我赤軍俘擄、又著名白黨尼闊夫之弟及充中國之警察多洛山闊亦被捕、總計此役獲白黨約三百人、

伯力十二月三日無線電

一、南京外交部宣傳、十日內國際對於蘇聯、將提出抗議、南京藉此宣傳以恐嚇吾人、但吾人並無所懼、

一、哈爾濱市面自中俄講和消息傳播後、頗有轉機、哈大洋票價格見漲、

一、華軍第二軍司令部、由博克圖遷至齊齊哈爾、博克圖被潰兵焚掠一空、

一、邇來白黨大見活動、所有武器、悉由中國供給、首領爲郭爾吉夫、

一、十二月一日華軍由綏芬方面、向我防軍放槍數十發、

伯力十二月四日無線

一、華方雖已接受吾方之條件、但其軍隊向我軍射擊、仍不歇止、綏芬及三岔溝黑河等處之我防軍、均受襲擊、

一、據密山難民談、當地人民對該國軍隊非常不滿、因軍隊到處搶劫、無惡不作、

一、張學良向美國摩根銀行團借款二萬萬元、此事與華盛頓外交當局之積極工作、頗有關係、吾人應加以相當注意、

- 一、南京王正廷因對俄交涉失敗、頗受攻擊、呈請辭職、蔣介石因王負責不准其辭、
- 一、據確訊、日本反對各國干預中俄事件、
- 一、據京津泰晤士報載稱、赤軍給予中國軍閥之教訓、不惟全世界震驚、且已證實與中國談判、唯有用武力之一途云云、
- 一、德國報紙載稱、有多數德軍官到中國軍隊中服務、
- 一、奉天業已承認接受我方之要求、並願和平解決兩國間之糾紛、但其軍隊、仍不時襲擊我防軍、甚至我方派出迎接蔡運升之車輛、亦被鎗擊、同時中國軍事當局、仍繼續派遣白黨、擾我邊境、此中國軍閥張學良所謂之和平也、惟吾人並不輕信其言、且不聽其任意愚弄、故吾遠東特別軍、應使其有較甚之感覺、制止其軍隊之襲擊、並令其明瞭以火爲戲、殊有危險也、

莫斯科十二月五日無線電

一、里特維諾夫在執委會報告云、中俄衝突之始、吾人原擬與奉天當局和平解決、而南京政府、謬聽外人唆使、欲得帝國主義國家之干預、破壞和平、據訊英美法諸國對南京表示援助、惟吾人末次給東北軍閥之打擊、使東北覺悟、再不能以武力對抗、故舍求和別無他途、倘我遠東特別軍再行前進、敢言必所向無敵、但吾人並不利用此種情勢、提其他

條件迫壓東北、吾人今日之條件、固仍當日之條件也、至於列強之干預、余以爲毫無影響之可言、原列強干預之結果、徒使糾紛擴大、令奉天所處地位更形困難、同時南京勢力將益形壓迫奉天矣、南京與奉天當局、當亦洞悉吾人之實力與提出之條件、非外人干預所能搖撼而變更、故戰事延長、只增中國之不利、余現深信和平解決終可實現也、

伯力十二月五日無線電

一、中俄衝突已可和平解決、奉天派來之專員蔡運升已經簽字吾人之條件、不日即可開始正式談判、惟東北有無誠意、要視如何實行所簽之條件、以現在情形論、吾人殊多懷疑、原東北一面在外交上甘言乞和、一面在邊境上仍施行襲擊、同時並在國際間、努力求其干預、現英美法已有相當表示矣、今將五日間華軍擾邊事實報告如下、

十一月二十八日四站及黑河等地華軍、向我防軍射擊數十發、

二十九日三岔溝方面我防軍被擊一百五十發、

同日綏芬方面亦受襲擊、

十二月一日綏芬方面華軍開槍數次

同日夜間黑河華軍、以機關鎗迫擊砲向我岸射擊、

二日綏芬華軍又槍射我軍

同日三岔溝方面及黑河距一基羅米達地方、受華軍攻擊、著名白黨郭吉也夫受華軍命、侵入我境、搶去牲畜甚多、仍逃回華境、此外蔡運升之專車在邊境上亦被華軍槍擊、今向東北軍閥警告、如於日內不停止擾邊行爲、則我赤軍將有法以制止之、勿謂言之不預也、東北軍閥其聽諸、

伯力十二月六日無線電

一、關於中俄事件、日本主張不干涉主義、

一、美國國務卿司帝遜、俟簽字非戰公約中之五十國答覆到後、宣佈主張、

一、奉天經濟狀況、異常艱窘、機關人員薪水、祇發三成、兵工廠情勢不穩、

一、據前方防軍報告、華軍仍不時襲擊、綏芬方面十二月四日華軍開槍射擊、三岔溝方面華軍建築防禦工程甚急、

一、中國軍隊對於官長失信仰心、逃叛頗多、

莫斯科十二月七日無線電

一、美國國務卿史帝遜關於中俄衝突事件、聲言美國與簽訂非戰公約各國努力合作之結果、中俄在滿州境內之軍事行動始行停止、

伯力十二月七日無線電

一、美國國務卿司帝遜、對中俄簽訂和平條件、表示贊同、并謂中俄兩國有單獨解決衝突之可能、

一、德國對於美國之主張、表示消極態度、因德對中俄兩國有特殊關係故也、

左派輿論、對蘇聯答覆美國之勸告、認爲世界革命勝利之表現、德國一般輿論、認蘇聯答覆美國之勸告、于外交方式上給美國以難堪、并證實國聯與非戰公約、係一紙空文、

一、法國輿論、認蘇聯答美國之覆文爲無理、

一、蘇聯農工階級對於國際間干涉中俄衝突事件、異常憤激、各處開會抗議、

一、邊境華軍仍不時放槍射擊、十二月五日綏芬方面我方工程車被擊、

一、據訊密山中國人民、對我赤軍之撤退表示惋惜、

一、蘇聯僑民在哈爾濱被押者、計有一千六百八十三名、連日又由西路捕來大批蘇聯僑民、

莫斯科十二月八日無線電

一、東鐵西路居民、遭中國軍隊之搶劫、於十二月五日避難到哈者約千餘人、哈爾濱某營軍隊、圖劫銀行、被當局查覺已解除武裝、

莫斯科十二月八日無線電

一、莫斯科外交部十二月五日接張學良電、略稱十一月二十七日來電誦悉、關於第二欸重要之點既經商量妥協、鄙人表示完全同意、茲派蔡運升爲代表附有證書、以便與西馬諾夫斯基會晤討論一切云云、

十二月六日外交部覆張學良電文如下

外交部接到十二月五日來電已令西馬諾夫斯基迎晤蔡君、里特維諾夫、

二、莫斯科官報、十二月三日中俄兩代表在雙城子會晤之結果、已成中俄衝突和平解決之初步、以後如何、全視奉天之有無誠意、并如何實行所應許之條件、

最近之往來電報、已證明中俄衝突之解決又進一步、庸或中途發生意外之故障、但談判之基礎業已奠定、

所有上項之事實、爲美國及帝國主義之列強所意想不到者、彼等欲染指干預、至此已成幻想、世界輿論亦多譏笑、此次列強干預中俄事件之失敗、卽爲世界帝國主義政策之失敗、

伯力十二月九日無線電

一、東鐵呂督辦業已去職、此係中俄糾紛和平解決條件之一、

一、由西路到哈之難民、對於中國軍隊之搶劫行爲、異常怨恨、並謂軍隊將搶劫之財物、明

目張膽運輸、毫無避諱、

軍事當局雖曾在齊齊哈爾設法制止軍隊之暴行、但無效果、齊齊哈爾居民、都向哈埠逃避、

駐哈爾濱奉軍第六團譁變、原因係尙未領到九月份之薪餉、

一、美國輿論關於國務卿司帝遜對中俄事件之措施認爲失當、司氏辯稱、當美國提議調解時、係根據南京政府之電文、不料在此期間、已由奉天局部直接與蘇聯交涉、開洛格聲言、美國此次之提議、甚屬適當、此舉與世界和平、頗有關係、

莫斯科十二月十日無線電

一、中東鐵路理事會、現擬利用近日財政無人監督之機會、濫耗鐵路收入、購置無用房屋及無益之物品、

一、哈爾濱領事團組織調查團赴東鐵西路、調查各國僑民所受中國軍隊劫掠之損失、

伯力十二月十日無線電

一、海拉爾蒙土某、送牛羊五百頭犒勞我赤軍、並向我赤軍致謝、因我赤軍將華軍擊散、並奪回被華軍劫掠之財物、

一、十二月六日華軍由綏芬方面向我防軍射擊、

中國軍隊日有逃亡者、博克圖及小城子方面、華軍不聽長官指揮、拒絕掘挖戰壕、

伯力十二月十一日無線電

- 一、華方一面與吾人進行和平交涉、同時仍繼續襲擊我邊境、蘇聯僑民亦未脫中國牢獄之苦、設華人以所受教訓爲不足、我遠東軍尙可再予以較大之教訓、中國軍閥其聽諸、
- 二、所有中國俘擄、薰淘於共產主義之下、思想完全改變、先後儼如兩人、彼等將來歸國、當可將蘇聯實況、詳告世人、

- 一、十二月五日、張學良與我簽定先決條件、同日在綏芬方面、我方工程車被華軍射擊、六日黑河方面亦受射擊、七八九三日綏芬方面華軍、開槍數十發、並用機關槍掃射、我軍並未還擊、華軍準備作戰甚爲積極、各處增防、並設備防線、據密訊華軍準備由滿州里綏芬兩地、同時進擊我軍、情況如此嚴重、我赤軍須嚴密防禦、以免意外、

- 一、十二月六日南京政府批准奉天與我方談判之條件、我方應靜候此後交涉情形如何進展、並須加以十分注意、

伯力十二月十二日無線電

- 一、今晨九句鐘、我方代表西馬諾夫斯基、與華方代表蔡運升專車相遇、同赴伯力、
- 一、據訊三岔溝中國居民、因不勝華軍騷擾之痛苦、甚望中俄交涉速予解決、

一、中東路火車時常出軌，最近一次，機車一輛、客車九輛、遇險傾覆，旅客六十人受傷，據調查係白黨路員因不滿意於中俄交涉和平解決，故用此陰謀、

一、在富拉爾基站齊齊哈爾騎兵、與當地駐防軍隊衝突，結果互有死傷，居民惶恐萬狀，紛紛逃避、

伯力無線電 十二月十三日

一、本日、華方代表蔡運升專車到伯力，我方機關首領均到站歡迎，下午一時，蔡氏訪我政委員會主席馬莫諾夫，蔡氏謂中俄衝突，完全出於誤會，本人曾設法避免衝突，但事實上竟無力制止之，殊多遺憾，特鄭重聲明，本人極力設法，從速和平解決兩國糾紛云云，馬莫諾夫答稱，本人向主和平，對於兩國衝突事件，極願從速解決云，當辭別時，蔡氏又表示極願言和，並以全副精神促進和平之實現、

一、十二月五日，由中國境內，逃來華人八名，白黨六名，據稱華軍及白黨殘暴萬狀，以白黨別什闊夫之部下為尤甚，此等白匪，臂上纏紅布，冒充赤軍，到處搶劫，但我赤軍向無此種行為，不但將匪軍擊退，且將其所搶劫之財物，送還人民、

一、自中俄談判之消息傳出後，中東路之白俄人員，異常恐慌，紛紛辭職，遷移他處、

伯力無線電 十二月十四日

一、中國代表蔡運昇、與記者談話如下、

問、閣下來此、是否代表貴國中央政府、

答、余係奉有中央命令、代表東三省政府而來、

問、在此有幾日居留、及任務之內容如何、

答、余希望從速談判、至其內容甚爲簡單、蓋余此行、僅爲規定將來之正式會議、

問、東鐵督辦何人繼任、

答、現派郭福綿代理、

問、閣下對於各國干預中俄問題之感想如何、

答、各國所爲、本係善意、惟無濟事實、因當各國提出勸告時、中俄已直接談判、

一、哈爾濱德領、第一次經中國許可、到司令部視察被拘押之俄僑、

一、東鐵路局報告、華軍到處搶掠路員財物及鐵路之材料、

伯力無線電 十二月十七日

一、關於我方推荐東鐵路局長問題、業已商榷妥洽、該新任正副局長、日內首途赴哈、

一、中國軍隊、連日仍射擊我防軍、

一、中國軍隊之叛變、日日加多、最近綏芬方面、華軍官十四名、士兵三百名、携帶槍械叛

變、到處搶劫、居民所受損害極大、三岔溝駐防之華軍、全係土匪所編成、其不守紀律、可想而知、

二、帝國主義國家之外交人員、往返於中東路者、甚爲忙碌、表面上係研究性質、實際用意、卽係破壞中俄之和平交涉、

伯力無線電

十二月十八日

一、在滿洲里附近、拾得赤軍官長屍身一具、係爲華軍殺害者、屍體無完膚、面目模糊、陰被割去、華軍之殘忍可、見一斑、

二、十二月十六日、綏芬方面、華軍向格洛迭闊(卽四站)我軍陣地、射擊五十發、

又距黑河十五公里地方、亦被射擊、

又十七日、綏芬方面、亦被射擊、

莫斯科無線電

十二月十九日

一、中國軍隊在海拉爾、搶劫美華銀行、並將該行經理夫婦槍殺、

二、中東路一帶之中國軍隊、毫無紀律、博克圖民房被焚者十五所、強姦婦人十口、居民恐慌萬狀、紛紛逃匿云、

伯力無線電

十二月十九日

二、十二月十二日、東寧方面華軍、向我村落射擊、經我方還擊後、華軍始停止開槍、

十六日、綏芬方面華軍、向距離格洛迭關二公里地方射擊、

同日、黑河方面華軍、向我岸游擊隊射擊、

同日、距離黑河江北一百九十二公里地方射擊、

十七日、向我境射擊數小時之久、

二、各法團對於中俄事件、開會議決、向政府要求條件如下、

一、華軍應由邊境撤回、

二、停止射擊、

三、解除白黨軍隊武裝、

四、驅逐白黨於東三省境外、

五、賠償中東路我方及人民所受之損失、

六、釋放被拘押之僑民、

七、懲辦侵擾我邊軍之白俄軍、

八、殺害我人之華軍、應受軍法裁判、

九、恢復職工會、

一、上項條件如不履行、決請我遠東特別軍、以武力促其實現、

一、東鐵在中俄發生衝突之後、供給奉天當局、已達一百萬元金羅布之多、

一、東鐵西路沿線居民、不勝軍隊騷擾、逃避一空、軍隊到處焚掠姦人、

莫斯科無線電 十二月二十日

一、中東路沿線被捕之蘇聯籍民、近日均移送松北收容所、其有病者、送入軍醫院診治、被拘者所帶之腳鐐、現已除去、

二、南京及遼寧政府全權外交代表蔡運升、在伯力正式通告蘇聯政府、謂蘇聯政府推薦之魯多依及結尼索夫二氏、業經東鐵理事會通過委任云云、

伯力無線電 十二月二十一日

一、據訊、在寶韋縣屬三河鎮、現有白黨一百五十人、其首領爲別什關夫、到處搶劫、華人被害者已達數百人、同時在綏芬方面、亦有白匪數夥、最著名者、爲沃霍尼關夫、其部有六十人、又端城關部六十人、又奧夫欽尼關夫部六十人、

一、哈爾濱德領、到松北收容所視察、華方現正設法倒填逮捕日期、以資掩飾、

一、十二月十九日下午四時、中國代表蔡運升、與新任局長魯多依及結尼索夫在伯力會晤、

一、哈爾濱領事、團根據前赴海拉爾調查人員報告、向張學良書面要求、

(一) 迅速恢復東鐵西路秩序、並解決蒙軍問題、

(二) 聲明海拉爾並未被赤軍佔據、至於當地蒙民之獨立、係由於不勝華軍暴虐所致、

莫斯科無線電 十二月二十三日

一、本月二十二日中俄兩代表在伯力簽訂議決各條款如下、

(一) 根據中俄奉俄兩協定、恢復東鐵在衝突前之原狀所有因雙方管理東鐵而發生之爭執事件、應由中俄正式會議解決之、

(二) 東鐵理事會之職權應即恢復原狀、俄方理事照常就職視事、華方理事長與俄方副理事長應根據奉俄協定共同負責辦事、各科處華俄處長之職權應恢復原狀、俄方推薦之路員或予復職、或予核准、應從速實行之、

(三) 本年七月十日以後之路令、未經理事會及路局之合法手續辦理者、一律無效、

(四) 兩國在衝突期間被捕之蘇俄人民、及五月一日以前逮捕之俄僑、又搜查領館時被捕去之俄人、一律釋放、同時在俄境被拘押之華僑、及俘虜華軍官兵、亦均開釋、

(五) 東三省境內之白黨軍隊應即解散、其首領須驅逐出境、

(六) 恢復東三省境內之蘇聯領館、並担保不再施行暴行、恢復東三省境內之蘇聯營業機關、同時恢復中國領館及營業機關、

(七)中俄通商問題、應在正式會議解決之、會議地點在莫斯科、於一九三〇年一月二十

五日舉行之、

(八)雙方即將軍隊撤退、

(九)上項各條款經簽字後、即發生效力、

(十)新任正副局長、於上項條件簽字後、赴哈履新、

莫斯科無線電 十二月二十四日

一、哈爾濱白俄機關、密令黨徒、於東路蘇聯人員來哈時、加以危害、

一、粗魯海關一帶、著名白俄匪魁別什闊夫、及部下二百五十人、企圖搶劫、

伯力無線電 十二月二十四日

一、南京王正廷聲明、奉天對俄交涉、與中央完全一致、所派代表蔡運升、亦係取得中央同意、

一、上海方面、對於蔡運升與我簽訂之條件、頗為注意、關於取締白俄一條、認為中國承認在境內有白黨之存在、表示不滿、

一、東鐵中國當局、預賣運單、價值一百萬元以上、用途不明、此種行為、殆欲使新任局長、於經濟上感受困難、

伯力無線電

十二月二十五日

一、新任東鐵局長發表意見如下、
本人(局長自稱)此行、先着手明瞭東鐵之狀況、對於人位問題、將來擬由蘇聯各鐵路中選擇、在衝突期間所任用之白黨人員、一律撤除、所發之命令及一切契約、均須審核、經濟上亦須切實整頓、並恢復全路客貨之運輸、及歐亞交通、全綫損壞、以西路爲最甚、應即着手修理、總之、對於東路問題、必根據中俄奉俄協定之精神、使此次簽訂之條件、根本實行、

伯力無線電

十二月二十六日

一、十二月二十二日、大烏里方面消息、我方軍隊、已由華境向後撤退、海拉爾居民、對於我軍致謝、舉行大規模之歡迎禮、推舉代表致辭云、在赤軍未入境前、哈埠報紙及華人宣傳、均謂赤軍殘暴不仁、實則赤軍文明程度甚高、即言語上亦無謾罵之辭云、歡送口號、蘇聯赤軍爲世界被壓迫農工之唯一保護者、蘇聯政府爲對中國採用和平政策之唯一國家、赤軍萬歲、
一、美國國務卿司帝遜聲明、彼對於中俄交涉之結果、甚爲滿意、

莫斯科無線電

十二月二十七日

一、中俄政府新簽訂之中東路協定、惹起哈爾濱白俄之恐慌、彼等擬在最短期間內、與中東鐵路當局、清算薪俸等項、預備向南方逃避云、

伯力無電線 十二月二十七日

一、新任東鐵正副局長及代表等、所乘專車開抵綏芬時、極受歡迎、到站者有數千人、兼有歡迎演說、婦女尤鼓躍若狂、

一、中俄和平雖已實現、但華軍仍時向我境射擊、十二月二十三日、在黑河附近二十四公里地方、華軍向我軍一小隊射擊、十二月二十六日在綏芬方面、華軍向我防營射擊、

一、我方現依照全體軍隊之志願、正在籌集鉅款、建立爲此次中俄事件殉難士兵之紀念碑、
一、哈爾濱消息、在中東路局內、有中國護照之白俄職員、與蘇聯籍職員、衝突甚烈、中國輿論、對於此項白俄人員、表示攻擊、

一、現哈埠因軍隊難民、異常充斥、故糧食極感缺乏、

伯力無線電 十二月二十八日

一、遠東特別軍全體議決、向政府請願、在中國軍隊未撤退、被押蘇聯人民未釋放、南京政府未承認蘇聯大使復任以前、暫緩編遣、誓死爲政府後盾云云、

二、在海參威中國俘虜宣言、歡迎蘇聯和平政策、戰勝中國軍閥、

- 一、三岔溝方面中國軍官團體、對於本國政府與蘇聯交涉之結果、表示不滿、
- 一、華軍發生叛變、第一軍內、數整隊携械潛逃爲匪、其首領即係該軍某旅之旅長、

莫斯科無線電 一月三日

- 一、接駐哈代理總領事希馬諾夫斯基報稱、十二月三十一日、中國官署、已將拘押之僑民全部釋放云云、蘇聯政府據此、即令伯力當局、將拘押之華僑及俘虜之華軍士兵、一律釋放矣、
- 一、上海報紙載、南京外交部正式聲明、對此次因東鐵引起之中俄衝突、及伯力會議之結果、其責任在奉天當局云云、

伯力無線電 一月四日

- 一、遠東特別軍表示、在華方未將全部條件實行以前、不願回防、決定展限至一月十日、此爲給予中國軍閥最後之期限云、
- 一、明日五號、在伯力舉行遠東軍受旗禮(政府給獎者)、

伯力無線電 一月四日

- 一、莫斯科官報、中俄衝突終結、中東鐵路蘇俄局長、於十二月三十一日就職、困居中國牢獄之蘇聯藉民、亦已釋放、華方將領、現已深明危機臨頭而知斂迹、至蘇聯與中國之公敵之種種陰謀及蠱惑、至此概行敗露、吾人所望中國、能履行其義務、並將白俄軍隊解散、驅

逐其首領於境外、由此次與遠東軍戰鬥觀之、華軍將領藉白俄之力、抵禦赤軍、終屬不可能之事、蓋此輩軍閥、欲試行其武力、以敵赤軍、豈知屢戰皆北、深受赤軍之教訓、此爲世人所共覩、赤軍以此言戰、將戰無不利、卽將來赤幟之下、世界革命戰爭之勝利、亦復如斯、可以斷言、且吾國軍隊、係勞動階級、素以保護被壓迫者爲職志、此項軍隊之訓練、未嘗一刻停止、中國農工、亦曾見吾人爲其唯一之保護者、吾國軍隊、未嘗越防衛線一步、惟當華人準備大舉來攻、始行進擊、出其不意、彼時則見敵軍如鳥獸散、皆不戰而退、此爲赤軍攻擊世界之先聲、世人皆見赤軍之威力、誠爲堅不可破、吾人將欲保衛世界、應知能保衛世界者、卽此赤軍故須愛此赤軍、並強固此赤軍、對中國衝突所施之手段、應推行而利用之、以爲將來世界革命戰爭之準備、

一、內蒙古青年黨軍、無他人參加、佔有中東路滿州里至興安間之各車站、蒙古前鋒隊、且進至中國軍部所在之博克圖、中國軍隊無紀律、不能前進、至免渡河以西、內蒙之目的、欲以滿州里至興安嶺爲界、以海拉爾爲中樞、建立獨立蘇維埃共和國、查呼倫貝爾蒙人獨立運動、早已開始、因中國以蒙古爲殖民地、所有良好土地、均爲中國軍閥佔據、盡量增加租稅、曩者暴動、曾爲中國制止、此番則乘中俄衝突、實行獨立、皆係自動、外傳受蘇聯莫斯科之蠱惑與援助、此誣陷之談、不值一笑、

莫斯科無線電

一月六日

一、中國東北當局對於、正式會議代表、決定改派蔡運升、

伯力無線電

一月八日

一、東鐵局長魯德易、與烏蘇里鐵路當局、積極進行、恢復東路與烏蘇里路之交通、現綏芬河站之蘇聯稅關、已開始辦公、

二、滿州里之白俄人、於去歲十一月間、即呈恐慌狀態、最近兩星期之內、哈日領館發給彼等赴大連之執照、已有一百餘起、至十二月初、白俄以大勢既去、希望已絕、紛紛向上海天津大連美國等地逃走、雖經中國當局再三曉諭、使勿遷避、但卒無效云、

一、哈領團西綫調查列車、行抵博克圖、經中國軍隊阻止、不克前進、蓋自博克圖以西、皆為中國軍隊所破壞、故彼等希圖掩蔽、但領團終能明瞭真相、所有中國軍隊殘暴行爲、均已調查無餘、各地車站、或焚或毀、居民逃遁一空、財物均被搶掠、現有滿載財物之車一列、係華軍未得運出者、停於道上、可見華軍之行爲如何矣、

伯力無線電

一月九日

一、范其光呈請辭職、已蒙照准、

一、中國俘虜、本日開始回國、集會於伯力、議決致書世界勞動界、略謂吾等軍事俘虜、爲

官長及資本家所愚弄、迫往邊疆、有同驅獸、使爲殺人之事、今向世界聲明、吾等眼目中之障礙物、已經除去、孰爲仇敵、孰爲良友、皆甚瞭然、自今以往、吾等決不再受愚弄、慘殺與我同情之農工、並誓不再舉手以敵蘇俄、此番回國、誓創建蘇維埃政府、打倒勞動界之仇敵、祝全世界之勞工萬歲、

一、中國俘虜多、自願留居蘇俄、並發宣言云、我奉天軍隊、素受束縛愚弄、今日留居蘇俄、自願在勞動國家工作、吾回國之諸友、皆應在中國作革命運動、創建如俄國之十月革命、敬祝中國蘇維埃革命萬歲、

一、赤塔中國俘虜亦發表宣言、其文後標語、爲蘇聯萬歲、蘇維埃革命萬歲

伯力無線電 一月十日

一、東鐵局長魯德易電莫斯科交通委員會、請示滿莫通車事宜、現經交委會批准、於一月二十二日、依照以前行車表、開駛第一次通車、

一、因華方履行伯力協定條件之結果、我方於本日、將以前應徵之特別車、由布魯赫爾下令編遺、

一、俄境中國商民、在蘇俄各報章、發表感謝赤軍保護華僑生命財產之文件、此種文證、其有價值不言可知、

伯力無線電 一月十五日

一、奉天南京兩政府及政界要人間、對於中俄會議之代表及代表出席方法等問題、意見紛歧、因此會議、或竟衍期也、

一、英政府擬干涉中俄事件、其公使已向南京提議、在中俄會議上、應注意蘇聯共產主義之宣傳、

一、國際慰勞將士代表到伯力、法國軍界代表有長篇演說、此外並有英法波蘭及黑人等代表、向中國俘虜致詞、中國人之答詞略云、吾人在此、所獲知識匪淺、此番回國、將努力于中國蘇維埃政府之建設云、

伯力無線電 一月十六日

一、少數奉天系之蒙古青年、曾與白俄有關係者、在政治方面、有所活動、但無結果、殆因中俄交涉業已解決之故、此項工作責任、應由該系青年負之、

伯力無線電 一月二十四日

一、上海英文大陸報、前曾登載照片一幅係、白俄服務中華之寫真、白俄或架機關砲、或御鐵甲車、或乘滿州小馬、照片下書、「白俄爲中國防禦赤禍」按去年十二月二十二日、中俄所簽草約第四條、中國政府已承認

有白俄軍隊之事、參閱此項新聞紀載、益足證實、然中國政府、現竟否認有白俄軍隊之存在、並擬獎賞發覺此項軍隊之人、自欺欺人、殊不置識者一笑、上海密勒氏評論報編輯博烏爾君、曾謂中國無白俄軍隊、如此宣傳、真可受中國之獎賞矣、

帝國主義者、欲實行利用白俄、對蘇聯施其暴行、失敗而退、今復買好白俄、使白俄復興美紅十字會、現亦熱心參加白俄工作、在哈組織委員會、美國副領事君爲主席、美國輿論、皆表同情云、

又哈埠白俄武官聯合會、仍然存在、迄今日組織白俄軍隊之人、仍未遣出東省以外、殊屬有違約文、總而言之、中俄糾紛並未解決、帝國主義之政策、仍在進行、我赤軍早已會意、已有相當準備矣、

莫斯科無線電

一月二十七日

一、哈爾濱祭道尹、邀請各界要人、並聲明如下、

搜查俄領館之舉、出於本人意料之外、此事之發生、因有人告密、至此告密之人、則係中國官廳以一萬五千元所買收者云云、

伯力無線電

一月二十八日

二、南京奉天間、對於俄事、意見各不相同、南京認此次伯力條約、有損中國威嚴、莫德惠在

南京、專候政府指示會議方針、以圖挽救、

- 一、中東路西綫、因中國軍隊退却、隨地搶劫破壞、損失甚鉅、海拉爾一處之損失、約有三千萬元、全綫損失、在萬萬元左右、欲圖恢復、非短期可能作到、

伯力無線電 二月三日

- 一、中國官府、對於伯力會議條件、頗多違背之處、南京政府、仍不肯取消禁止蘇俄僑民在內地自由行動之命令、

- 一、回國之中國俘虜、散入農村、宣傳蘇聯政治實況、東北當局、畏此宣傳、下令嚴厲取締、

- 一、海參威等地工人、對於中俄問題、議決速開正式會議、解散白俄軍隊、並引渡其首領、

伯力無線電

二月五日

- 一、哈爾濱中國兵五百名、搶劫上號之火磨公司、

- 一、中東鐵路西綫之中國軍隊、迄今未撤退者、猶有一萬餘人、仍舊擾害地方居民、妨碍鐵道交通之恢復、

(五)糾正中外報紙謬誤記載及輪調

就歷史上觀察、國際間之糾紛、如同爲白種人與白種人之爭、歐美諸國輿論、向持公平論調、

若爲黃種人與白種人之爭、無論黃種人理由如何充分、持論者終不免有左袒之嫌、此國際間之自然趨勢、非宣傳非連絡所能左右者也、中俄事件初起、上海密勒氏評論報、採取各國一般意見、著爲論說、揭諸報端、謂各國固盼望中國防止赤化、以保各國在華商業上之利益、但中國之撤退俄籍局長、爲破壞中俄協定、乃欺凌蘇聯之舉動云、言外頗左袒蘇俄、又藉此問題、妄加揣測、以爲中國收回東路利權、乃欺蘇俄無武力爲協定後盾、由此推測、舉凡與中國締結之各類條約、若無武力爲之後盾、將來難免破棄之虞云、其言牽強無理、顛倒白黑、蓋各國新聞界、既受蘇俄反宣傳之麻醉、又充滿種族觀念、初無是非曲直之可言也、本社爲剖別是非起見、由董顯光君用英文編纂「中俄事件之真相」一書、凡十萬餘言詳述東路事件之真相、及我方防止赤化之經過、書成、分送中外知名之士、而外人來函索取者、幾至應接不暇、國際間之輿論、爲之一變、俄人信口雌黃之虛僞消息、及離間挑撥之論調、遂爲外人所齒冷、一方面復由本社邀請中外新聞記者赴戰地視察、作爲印証、而俄人侵擾邊境焚毀殺傷之暴行、及我方嚴守非戰公約之苦衷、得以大白於天下、本社之國際宣傳、遂得奏効、俄人有所忌憚、不復敢以一手掩盡天下人耳目、中俄事件、乃得以和平解決也、

更正英文滿州報蘇聯領事通訊

我方對於俄共產犯及俘虜收容於松北、待遇優渥、爲中外所共稱、乃駐大連蘇聯總領事執

而白氏、於十月八日在英文滿州報、揭載通訊一篇、內稱哈埠當局對於俄犯如何虐待、松北收容所如何苛遇、并援引駐哈德總領事報告爲証、當由本社用廣播無線電駁斥、并呈報政務委員會、轉飭東三省交涉總署、向駐哈德領事交涉、要求出函否認、并向駐瀋日總領事交涉、轉飭滿州報更正、交涉署向德日兩領事館交涉之結果、駐哈德領覆函、正式否認、從未作該項報告、亦從未與大連蘇聯領事通訊、題及關於待遇俄人情事、日領則諉爲係蘇聯領事通訊、滿州報社不能代爲更正、可由我方加以反駁云、茲將其往復文件、抄錄於後、

大連蘇聯領事之通訊

〔滿州中國人之殘酷〕

中國報紙對於蘇俄向中國抗議虐待俄人之事、認爲謠言、現可由駐哈德總領事館所得報告中、指出數事、證明並非謠傳也、

九月六日有哈爾濱中國密探四人、闖入波登居屋中、將在屋中之俄人名烏斯丁斯基者、捆其四人、加以痛打、遂致不省人事、及醒、復逼令供出同伴俄人隱匿何處、及至九月十七日、烏斯丁斯基之妻、探知其夫、業已斃命云、八月二十日、中國警察在寬城子站(卽長春)捕一俄人名彼多赫夫、將其痛打、以致不省人事、嗣經地方土人送入醫院、終因流血過多而死、八月二十一日、有俄人名客着許告夫者、被中國警察逮捕送入警廳、卽押入鐵牢、縛其一手

、每二十分鐘時間、即有人以手或棍棒痛打、並逼其吃煤油、且用沙土擲其目中、如此情形、歷一日之久、其身體上頗受慘酷之刑罰、

八月二十二日、在 *Bole* 站、有俄人名格而拜斯基、毛斯皆而血格、米楚騷夫、格維愛無斯基、及阿里阿別愛夫者、皆被縛於棹腿、如稍轉側、即加痛打、

下列一事、係在北滿有一在政界及社會上有名之人、新近參觀松北收容所後而講述者、因本人不願露其真名、故現未列名、

松北收容所參觀記

我等入收容所後、俄人皆在後進屋中、門皆外鎖、窗皆加以鐵柵禦之、僅留一極狹之空隙地以透光、黑暗異常、看書亦不能見、每一犯人、僅有英尺二步之地以容身、大部份牆壁、內受潮濕、皆現黃色、且有水珠下降、地上之土、亦極潮、所有房屋皆如此、空氣惡劣、各犯面色、俱帶病容、收容所中、滿呈淒慘之氣象、當此天朗氣清之時、吾等一進所中、均生異樣之感觸、而被拘之人、所最痛苦者、係空氣不足、房屋不通風、并不准往院中散步、每日上午祇准在院中、作十分鐘至十五分鐘之停留、正午十二時、十一排人、前往廁所、此外屋中僅有使桶兩個、供衆人之用、然無蓋頭、飲料以茶爲限、偶和以糖、食料則粗劣之黑麪包、紅柿子、玉瓜、大蒜頭、因此之故、多數患胃病、有一人已病兩月、且經醫生治過、然仍與衆人

合居一室、亦有因病而不給藥吃者、臥倒而不能起者亦有之、各犯人因此種形、悽慘已極、將來如何結局、尙不可知、又不能與外間通信、自知無罪、而受此虐待、故更情譽困苦萬狀、中國當局、以收容所直認爲軍事犯之待遇矣、

附刊照相、係表明在哈爾濱慘殺俄人之事、在死屍上細察之、當可知在死前、必曾受痛酷之刑也
本社呈政委會文

爲簽請事、竊查十月八日英文滿州報刊、有駐大連蘇聯總領事孰而白之通訊一則、內稱吾國哈埠當局如何虐待俄人又松北收容所內對於俄人如何苛遇、簞鼓是非肆意誣毀、既與事實相背、尤屬淆惑聽聞、於我方大有不利、除已於昨日廣播無綫電駁斥外、竊按該通訊中、所舉事實、係稱根據駐哈德總領事館之報告、似應由我方向德總領事交涉、請其出函否認、向該報要求更正、又按該報係日人所辦、在大連發行、日本對於此次中俄事件、既曾有嚴守中立之聲明、則連埠當局、更不應任其登載、偏袒俄方之文件、似可根據國際公法、向駐遼日本總領事切實交涉、請其轉飭該報速爲更正、以上二節、是合可行、伏候
鈞裁、謹呈

司令長官、

東北政委會訓令

案據東三省交涉總署呈稱、爲呈復事、案奉鈞會訓令內開、案據東北文化社簽稱、竊查十月八日英文滿洲報刊有駐大連蘇聯總領事執而白之通訊一則、內稱吾國哈埠當局、如何虐待俄人、又松北收容所對於俄人如何苛遇、既與事實相背、尤屬淆惑聽聞、竊按該通訊中、所舉事實、係稱根據駐哈德總領事館之報告、似應由我方方向德總領事交涉、請其出函否認、向該報要求更正、又按該報係日人所辦在大連發行、日本對於此次中俄事件、既曾有嚴守中立之聲明、則連埠當局、更不應任其登載偏袒俄方之文件、似可根據國際公法、向駐遼日本總領事、切實交涉、請其轉飭該報、速爲更正、以上二節、是否可行、伏候鈞裁等情據此、查該報所登各節、均與事實不符、自應設法糾正、以明真相、合亟照抄譯件、令行該署、即便遵照、迅按原簽辦法、分向駐哈德領暨駐遼日領、切實交涉、以資更正、仍將交涉情形、隨時報核等因奉此、職署遵即按照辦法、一面函知日領、請其迅轉當地日本官憲、飭該報社速爲更正、以明真相、一面函達濱江市政籌備處、請其就近與駐哈德領商洽、要求出函否認去後如、旋准日本總領事復稱、該記事係登載駐大連俄總領事發表之言、故不得任意訂正與取消、該記事內容、與事實未能相符時、貴處可作成反駁文、要求該報揭載等語、繼准濱江市政籌備處函稱、案查前准貴署公函並附件、當即轉函駐哈德領查照辦理去後、茲准德領復稱、案准貴處長本月六日第一八七號公函敬悉、查大連滿洲日報所披露收容所內俄人被虐待等情之記

載、與本領事殊無關係、其標題爲駐大連蘇聯領事之通訊、其中言及係根據本總領事報告云云、本總領事可以斷言、本署從未爲該項報告、且亦從未與駐大連蘇聯領事通訊提及關於待遇俄人情事、是其所根據報告之非真確、顯而易見、但以該日人主辦之滿洲日報、既不在本署駐區以內、本署總領事亦殊無以使該報有所影響也、准函前因、相應函復貴處長查照等因准此、查來函所稱、縱未爲該項報告、暨通訊各節、當屬實在、惟德領既不願出函要求該報更正、可否由我方根據此函、逕函該報、請予更正等因、准此、職署查德領既不欲自行出函、自應由我方根據原函、要求該報尅日予以更正、除函大連英文滿洲報外、理合將辦理情形具文呈復鈞座鑒核等情據此、除指令外、合行令仰該社知照、此令、

糾正天津大公報伯力預備會議之登載

十二月十八日、天津大公報登載南京電、謂京方認蔡運升使命重大、因東路重要問題、均須在預備會議決定大綱、正式會議僅簽訂正約云云、此項新聞、毫無事實上之根據、當由本社分別糾正、其經過情形如下、

大公報十二月十八日記事

「十六日下午十一時十五分發南京專電」中俄交涉、至銑(十六日)尙未接到蔡運升電告中俄預備會議進行之情形、蔡所負使命甚重大、關於東路重要糾紛之議題、均須在預備會議決定大綱

將來正式會議、僅一度簽訂協定而已（下略）

查伯力預備會議之範圍、僅協商正式會議之地點日期、及履行先決條件之方法、據蔡氏迭次報告、始終未踰越預備兩字範圍、一方面由本社發出廣播新聞電、更正此項謬誤消息、一方面致電天津大公報、請爲更正以明真相、此項廣播新聞電、刊於二十日平津各報、大公報亦照原電刊登、其電文如下、

（十九日電瀋陽公電）據國聞社十八日天津電宣布、南京官方重視蔡運升此行、因關於東路嚴重問題、原則上將由預備會議決定、正式會議祇關於條約簽字云、此訊與事實不符、據蔡氏報告、伯力會議、祇係初步會議、決未涉及將來正式會議之工作云、

致大公報之原電如下

天津大公報鑒、貴報十八日所載南京專電稱、「關於東路重要糾紛之議題、均須在預備會議決定大綱、將來正式會議、僅一度簽訂協定而已」云云、查此次蔡交涉員係奉中央政府之命、前往伯力、出席預備會議、而預備會議之範圍、僅在商議正式會議之日期地點、及履行先決條件之方法等項、並無決定、重要問題之權、蔡於預備會範圍內所議各節、對於中央政府、當有具體報告、貴報謂截至銑日、（十六日）尙未接到蔡之報告、或係電報延滯所致、若據此以斷定蔡在預備會議、已將各項大綱皆予決定、而使正式會議僅爲形式上之儀節、未免故意誣陷、毫

無根據、貴報又云、「俄方要求前東路正副局長、仍改任爲理事之職，東北方面未有正式拒絕之表示、外部因始終不便表示之故、竟不能有絲毫主張」云云、查中俄雙方在伯力自開預備會議以來、俄方並無要求以俄前正副局長仍改任爲理事之提議、所謂未有正式拒絕之表示、更屬不成問題、溯自外交統一以後、對外方針、均係外部所定、蔡交涉員不過秉承外部之意、向俄方接洽談判而已、中央方面、如因地方當局之無表示、即不能有所主張、此情理所不能通也、夫對外工作、中央與地方、本在同一戰線之上、即輿論界亦無彼此之分、貴報此項記載、含沙射影、挑撥是非、儼然視東北危亡之局無關於全國矣、爲此電請更正、以明真相、無任盼切、東北邊防軍司令長官公署外交秘書室、

此外、對於中外各新聞之錯誤記載、隨時由本社當面述說、或用書面聲明、以期闡明真相、俾不至墜入俄人反宣傳之陷阱中、爲虎作倀也、

(六)封禁蘇俄在我國之反宣傳機關

蘇聯通信社(簡稱 Tass)、爲蘇俄政府在華反宣傳之總機關、任意造謠、無微不至、該社在東北設有分社、曾由本社呈請當局、設法禁止、早已銷聲匿迹、無從施其鬼域手段矣、而在平津滬漢各處所設機關、仍復鼓其如簧之舌、顛倒是非、熒惑觀聽、本社於九月十三日、簽呈司令長官、電請國民政府、轉飭主管機關、將該社各機關查封、并通知在華各外報、禁

止登載該通信社所發稿件、以遏亂萌、藉明中俄事件之真相、同時、蘇俄又在哈埠、收買英美無業游民、利用英人在哈設立之英亞通信社、作種種反對華宣傳、每日造出中央與東北意見不合之論調、及顛倒是非之邊事消息、我方無權干涉、又難於防範、該通信社乃更爲所欲爲、當由本社商請哈埠當局、與駐哈英國領事、屢次交涉、英領迫於公論、乃勤令該社停止營業、蘇俄既失此反宣傳機關、祇得嗾令所收買之各國游民、製造極無價值之謠言、隨時經本社加以反駁、真相得以大明、國際宣傳、遂得漸次奏效矣、

(七)招待中外新聞記者視察赤軍侵邊實況

赤軍甘爲戎首、侵我邊境、又在國際間作極無聊賴之反宣傳、信口雌黃、捏造事實、本社爲表明眞象起見、既將俄軍侵邊暴行、每日用五國文字、由無線電廣播中外、對於蘇俄在伯力電台所發誣蔑虛僞消息、加以辯駁、中外人士、固已瞭然是非之所在矣、本社又進一步、求實地之證明、邀請各國外交代表及中外新聞記者、前往邊境、實地調查、作事實上之證明、中外人士、紛至沓來、隨時由本社派員伴同前往、並呈請司令長官、電飭吉黑特區各方面、妥爲招待、充分供給宣傳材料、其屢次調查之結果、由中外新聞記者、撰成論文、寄往中外各處登載、故赤軍攻擊焚掠之實況、及我方嚴守公約之苦衷、得以大白於天下、赤軍之凶焰、得以稍戢、中俄和議、得以成立也、茲將各國外交代表中外新聞記者調查邊事經過情形、

分述於左、

一、義大利駐華公使華雷、爲調查赤軍越境攻擊情況、由北平東來、八月二十六日晚七時到遼、謁見司令官長、二十九日赴哈、轉往前線調查、九月一日夜、由哈轉遼返平、

一、八月二十九日、美國記者鮑威爾等四人、隨同駐哈德領事亨賽爾、前往滿州里、實地調查赤軍越境之事、該領事等甫到該處、三十日晚、卽有赤軍攻我陣線、三十一日、赤軍鐵中車、又駛入我境、九月一日、赴札蘭諾爾、見該處有一小山、其山巔竟於旬日前、爲赤軍砲火所蕩平、又見該路中國軍隊、爲一萬五千人以上、從未發見一白俄軍人、此種事實、均爲蘇俄誣蔑中國之反証云、二日、到齊齊哈爾、沿途觀察、極爲詳盡、三日、返哈、當晚又加入駐哈美領事、前往綏芬河視察、行抵該處、目覩赤軍於六日上午二時許、侵入我境內、攻擊我軍陣線、被我軍擊退、同日破曉、飛機八架、同時飛入我境窺探、均足爲蘇俄破壞非戰公約之鐵証也、

一、九月十九日駐哈美領事、偕照像技師一人、前往綏芬河視察赤軍上旬大舉侵邊之實況、

一、九月二十五日、美國福克電影公司技師蘭台氏、攜帶攝影機、在滿州里前線我軍戰壕

中攝影、被赤軍瞥見、即發來一砲、幸未命中、

二、十月一日、哈埠美國領事、約同日本意大利等各國領事、得哈埠當局之許可、參觀松北俄僑收容所、美領事翰森、三日語人、對華方待遇俄僑、極滿意、并無虐待俄僑情事、外傳種種實不確、美領併已電告華盛頓矣、

一、義大利輿論報特派東方記者戴岱斯基、專為中俄問題、由蘇聯西伯利亞海參崴到遼、通知本社、擬往滿洲里綏芬河一帶視查、路透社駐遼記者德白亦擬前往、當由本社派社員伴同出發、十月二十日、抵哈爾濱、復有美國記者鮑威爾及賴德兩人、中國記者王研石朱枕薪兩人、一行共七人、於二十三日、自哈乘河輪上海號首途赴富錦、前往同江、詳查十月十二日三江口中俄戰役之經過、海軍副司令沈鴻烈、於二十七日晨、陪同中外記者、參觀前此參加戰役之利綏艦、嗣仍回哈、轉赴齊齊哈爾、又在哈參觀松北看守所、即分別他適、當在調查期間、特區長官張景惠、東鐵督辦呂榮寰、海軍副司令沈鴻烈、黑省府主席萬福麟、依蘭鎮守使李杜等、得張司令長官電、妥為招待、詳予指示、各記者均極滿意、表示感謝、而於下列各節、得有充分之證據、(一)中國力求和平、其收回東路管理權、實為防止赤化起見、別無他意、(二)額爾古納河、黑龍江、及烏蘇里江之中俄公有航權、全為赤俄獨佔、中國受損失極鉅、(三)三江

口之役、釁自彼開、中國純處防守地位、因寡衆不敵、砲力懸殊、以致失利、(四)三江口之役、中國海陸軍人、捐軀衛國、忠勇可佩、對於中國前途、大有希望、(五)赤俄擾邊、行同流寇、而中國恪遵非戰公約、不但始終未向俄軍挑釁、亦無越境追擊情況、(六)中國待遇赤俄僑犯、仁至義盡、非赤俄所可任言誣蔑、以上各端、由各記者於調查後、撰成篇帙、寄回國內外各新聞發表、蘇俄之反宣傳、遂不能取信於天下也、

一、十一月二十七日、駐哈領事團、召集會議決、定派員赴哈滿綏、調查扎滿各國僑民狀況、赤軍破壞跡象、十二月十三日下午三時四十分、駐哈領事團、開出專車一列、自哈出發、赴西路調查、同行者有美日副領事各一人、英德領事代表各二人、法意領事代表各一人、美新聞記者二人、及日本武官一人、日新聞記者四人等、一行共十八名、十四日晨、開抵扎蘭屯、即經胡毓坤軍長派副官二名、憲兵六人、護送去免渡河、並由海拉爾交涉員趙仲仁、陪同前往、行至免渡河畔、因免渡河以西、佈滿赤軍、危險頗多、俄軍對哈領團專車之放行、並無何種表示、故不敢冒昧前進、至十七日、始由俄方表示、海拉爾在蒙古青年黨手中、有無危險、俄方不能負責、故決定中止前進、於十七日午後四時、由免渡河開回博克圖、二十二日晨八時、返抵哈爾濱、其未能

由免渡河西進一節、乃因中國軍隊防線、僅至該處爲止、俄方又不肯負責保護、中止前進之原因、在此、駐遼英總領事與張司長官往來公文已見前、

外交團之西路調查、因俄方不肯負責保護、以致半途而廢、推俄方之用心、不過不願將札滿一帶被赤騎蹂躪之慘况、呈諸第三者眼前、以掩飾其野蠻之行爲、又可借此機會、響壁虛造、誣蔑我方、其用心之周至、蔑以加矣、然其破壞公約之事實、越境搶掠之暴行、屢經中外新聞記者所目擊、天下之耳目、早非一手所能盡掩、徒見其心勞力拙而已、自東路事起、各外報記者、因調查中俄問題、連袂東來、本社謁誠招待、派員引導、赴前線調查、遂令蘇俄前此種種顛倒黑白之反宣傳、完全失敗、我方在國際間、獲得莫大之同情、俄人不得不低首下心、屈服於公理之下、本社對於國際宣傳之工作、乃得收意外之美滿效果也、

(八)外國新聞記者調查邊事後之論調

本社邀請中外新聞記者、前往邊境調查情形、詳見前章、各外報記者、前往邊境、視察俄軍侵邊實况後、隨時拍發急電、報告各該報社、多能以公平之眼光、根據確切之事實、證明蘇俄種種反宣傳、均爲誣蔑中國之謠言、持論公允、令人欽佩、茲擇取各外報記者之電訊、錄存於下、

一、倫敦每日快報戰事訪員葛德益、親赴滿州里調查赤軍侵犯華境實况、茲將其自滿州里

用長途電報告其駐哈專員、再由哈用無線電報告倫敦總館之原電、譯錄如左、

八月三十一日、哈爾濱無線電、星期六晨、余隨梁旅長忠甲、參觀前線中國軍隊所掘之戰壕、並借用梁旅長之軍用望遠鏡、瞭望俄軍前哨駐在點、見其唐克滿載兵隊、往來於中國境內、去華軍戰壕甚近、華軍若自壕中發砲、極易擊中、余步行於華軍戰壕中、參觀其構造、及所掘避彈藥等、皆極精良完備、在余未到戰壕之一刻鐘前、蘇俄鐵甲車、曾衝至距華軍戰壕數百碼境內、掃毀華軍所置木製障礙柵、旋即向西伯利亞方面退去、昨夜(即八月三十日)、赤軍用砲火轟擊華軍前線、余於毀殘砲彈之中、拾得蘇俄鐵甲車上次用快砲轟擊華軍所遺砲彈碎片、又見華軍戰壕前次被俄砲所毀之孔、該役華兵死傷數人、余親自調查、在華境之西伯利亞鐵道任何一段、並未被華軍毀壞、梁旅長告余、昨晚札蘭諾爾我軍馬隊、正在操演時、突有俄軍七百名、乘唐克七輛、機器自行車數輛、衝入我境、向我軍砲轟、幸我軍方面未傷一人、且並未還擊、德國駐哈領事亨賽爾、今日偕余參觀前線、係具有正式調查性質者也、

二、倫敦每日快報訪員葛德益氏、自札蘭諾爾轉哈爾濱發往倫敦總館無線電、八月三十一日

下午由札蘭諾爾轉、哈爾濱九月一日發、

在雙方火線之間、欲親身觀察實況、誠非易事、中國軍官希望向全世界證明、此次中

俄風波、實由俄人擅自侵入中國領土、首先啓釁、而中國並非戎首、爲欲證明此事起見、特許記者親往前線觀察一切、星期六晨、余到滿州里後、卽赴中國軍隊最前方參觀戰壕、今晨乃有俄軍鐵甲車衝入華軍陣脚、余旋偕魏蔭林(譯音)指揮、乘中東路手搖車、至札蘭諾爾方面前線、札蘭諾爾有煤礦、規模頗大、魏指揮率軍駐此、兩星期前、該處曾有數次劇戰、魏指揮陪余參觀彼之部隊沿山所掘五英里長之戰壕、綿延於愛暉河中東路之間、對壘可望見西伯利亞阿巴該圖城、在夕陽中、遙見俄軍白色營帳、歷歷在目、余借魏指揮望遠鏡、見赤軍二小隊、由阿巴該圖山谷前來、登中國境內之山崗、在該處俄軍砲隊、前曾發砲一千餘響、攻擊札蘭諾爾之中國境界、而至今猶有其砲隊隱匿於深山之中、余用望遠鏡瞭望、尤約略可見、然余在該處守候數小時、未見俄軍逼近余所立處一英里之內、亦未見其發砲火來攻、魏指揮告余、俄軍幾乎每日前來示威、其用意不外擾亂華軍軍心、或激怒華軍士氣、但華軍恪守政府命令、故不反攻、否則俄軍隊伍進逼華軍戰壕、如是其近、華軍軍械如大小野戰砲、又有大小迫擊砲、備極堅固精良、且華軍屢經戰陣、在鞏固之戰壕中、以逸待勞用其利器、俟俄軍迫近、極易一鼓掃平之也、魏指揮言時、並助其衛兵將望遠鏡之架子、使高下合度、俾余可瞭望俄軍行動、更爲清楚、魏指揮並盛稱其士卒能恪守命令之可嘉、旋魏

指揮偕余登一山嶺、該處俄軍砲隊曾來襲數次、未有警告、卽以砲轟、華軍待其衝入第一道防綫、尤不抵拒而向後稍退、待俄軍逼近二道防綫、於時實屬無可再忍、方用重砲還擊、激戰四小時、卒將俄軍擊退、俄軍砲火所成之砲穴、滿山皆是、余拾得俄軍七生的五彈壳數枚、其中數枚顯係開花彈壳、自空中墜落華軍戰壕內、數枚則係重砲彈壳、直入戰壕壁壘中、在此青山之麓、砲跡之中、別有新墓二十五座、上植木牌、書有名姓、皆犧牲於俄軍砲火之華軍士卒也、余將以拾得之砲彈、帶歸哈爾濱、以備外交當局之參考、札蘭諾爾地勢、極形衝要、俄方若揭去假面目、而正式宣戰者、必須大大增加其戰鬥力、方可與號令嚴明、恪守紀律、器械精良、守備完善之華軍相抗衡、余今日見華兵在掘新戰壕、以補原有者之不足、魏指揮語余、現因恪於政府嚴令、故祇可取守勢、否則直搗赤塔、可操勝算、余等旋坐中東路手搖車而返、途中經一橋、魏指揮於風聲怒號時、色然告余曰、彼於數日前、在該橋下發現炸彈數枚、蓋俄人圖炸該橋而卒未果也、余等返札蘭諾爾大本營後、回想此行得妥善而返、殊私自慶幸、稿成覺疲、願小憩焉、

三、倫敦每日快報記者葛德益、九月二日、自哈爾濱所發滿州里電訊、照譯如左、
梁忠甲旅長、八月三十日午夜、在滿州里告記者、滿州里札蘭諾爾之間、在其指揮下之

部隊、有一萬五千人、據牒報、梁旅所部防線前方、有俄軍三萬、其數每日有增、札蘭諾爾曾經兩戰、滿州里屢有接觸、以上諸役、俄軍方面、用飛機三十餘架、唐克車三十輛、裝有旁座之機器腳踏車一百輛、鐵甲火車六輛、四生的五、七生的五之快砲在千尊以上、砲火深入華境、一小山之巔、被其砲火所蕩平、札蘭諾爾之戰、梁旅士兵死傷共八十九人、俄軍屢次攻擊華兵、俄方死傷、不計其數、華兵防禦抵抗、祇用步槍機關槍砲隊、而並未駛用飛機、諸役皆俄軍首先開火、俄軍飛機仍繼續飛翔於中國境內、今晚（八月三十日晚）俄軍侵入華境二英里、其步哨每日發現於華境之內、中國軍隊恪守政府命令、除爲自衛起見外、從未先自開火、自絕交以來、俄人被送入西伯利亞境內者、約六百餘人、現在哈爾濱被看管者約千人、近滿州里某橋梁之下、發現炸彈二十枚、電線被割、鐵軌被折、乃日常發見之事、現在與西伯利亞相通之電報電話線、均被俄軍折斷、梁旅長告記者、俄軍種種舉動、足以徵實其啓釁之責、僅少宣戰之手續耳、

四、倫敦每日快報戰事訪員葛德益氏、自綏芬河轉由哈爾濱發出之無線電、節釋如左

四日晨、俄軍飛機駛入綏芬河前線中國境內示威、三日晨亦曾有俄飛機五隻高翔於該境、綏芬河對面俄軍約有三千人、重砲十五尊、飛機三十四架、華軍將綏芬河最前線

之鐵軌移去數段、以防俄軍衝攻、然均可於數分鐘內修復之、據東寧縣馬縣長語余、俄軍於八月十二日午夜襲攻該縣、保衛團死力抵禦、被傷二人、警察署及三處民房均被焚燬、十四日晚、俄軍又來圍攻華軍營壘、被華軍驅退之、十八日早八時、俄軍復來襲攻、又被保衛團擊退、當晚又來砲攻華軍砲壘、華軍死力抵禦之、卒將俄軍却退、是役華軍砲隊傷六名、馬一頭被轟斃、十六日晨、俄軍一百五十人、又來襲擊、激戰四小時、俄軍不支而退、當晚十時、俄軍手持炸彈來襲、轟斃中國農夫三名、焚燬房屋四座、天明即退去、十七日晨三時、俄軍千名破城而入、砲隊馬兵橫行街市、居民睡夢中爲之驚起、俄軍行抵商會前、大呼口號、其官佐侵入縣署、搜掠各項文籍、付之一炬、電局郵局均遭毀、十七日晚七時、該項俄軍復來襲、任意開砲、斃二華民、砲彈十二射入城內、四枚落於駐軍總部、一枚落於某女校、其餘落於商舖民房之上、統計全城損失約值百萬元、俄軍復搜掠糧食、携之而去、該城十七日被佔後、忽而退去、忽而復來、直至八月三十日、中國大軍開到、斯不復來、

五、英國記者葛德益氏、自綏芬河轉由哈爾濱發致倫敦之無線電、摘譯如左、（九月六日哈爾濱發）

五日余至綏芬河方面最前線、參觀陣地、該處離綏芬河約三英里、余見對方俄軍、在

山巔川望遠鏡向余等瞭望、余等所立之處、在彼步槍火線可及範圍之內、該處華兵所築戰壕、極鞏固而完備、壘堡之上、均置有機關砲、戒備甚嚴、聞今晨(五日)二時、俄軍來襲、發彈數百、幸未傷人、今晨並有俄飛機八架、高翔於俄軍陣線、向華軍示威、午後四時、余見俄國軍用飛機三隻、飛入華境三英里餘、直抵綏芬河中東路站華軍司令部上、旋向西伯利亞方面飛去、中東路上軍事運輸、現極頻繁、然通車時刻仍照常維持、遼寧軍約三萬、現自哈爾濱沿中東路向西移動、其司令部現在一面坡、在哈爾濱之東約三百英里、

六、倫敦每日快報戰事訪員葛德益氏、九月八日下午、哈爾濱發、致倫敦電、

據可靠消息、中俄中東路交涉、業已停頓、故俄軍復繼續其三星期以前之侵掠運動、綏芬河方面俄軍砲隊、今晨(八日)起、向綏芬城轟擊、砲彈墜落城中、馬橋河方面電報電話線均被割斷、現在哈爾濱與綏芬河已不能通消息、滿州里札蘭諾爾方面、諒亦有同樣軍事動作、

七、倫敦每日快報戰事訪員葛德益氏、九月十日下午七時、自哈爾濱發、致倫敦電、照譯如左、

余於十日午後、自哈爾濱出發、先乘汽車約二小時、抵松花江岸、換乘汽油船渡江、

達彼岸、騎馬行約英三里、抵俄人拘留所、該所原係一墾殖公司所築之小城、其城牆縱約一英里、橫半英里、有大街一、房屋均係新式磚製、自八月二十一日始、收容俄人、該地居戶、先期飭令遷讓、現在拘留於該處者共爲一千一百六十八人、十分之九曾犯赤黨活動破壞鐵道諸罪、拘留所設備尙稱完備、其未盡善者、正在逐漸改良、至被拘留者之待遇、據余觀察所得、如與所傳莫斯科虐待中國僑民種種情形比較、中國之待赤俄僑民、已可算優良、中有婦女五十三、小孩十三名、另屋居住、其所受待遇、較男子更爲適意、男子拘留所、每所廣一百英尺、寬十五英尺、每屋所容不滿百名、門皆下鎖、屋之中央床舖成列、係木製式、係爲全中國人民所通用者、拘留所附近空地上、余見正在建造營房、以便守衛兵居住、被拘留者、每日早晚體操半小時、廚房已建築完竣、此後可備熱食焉、前此每日每名發給麪包兩磅、茶糖少許、及生瓜洋番茄等、被拘俄人向余訴稱、現在水料雜有泥沙、中國當局正趕造深一百四十英尺之井、以補救之、日前所飲之水、係汲自松花江者、往返輸送歷三英里、余未目覩、亦未聞其向余申訴身體上曾受任何何不良待遇、拘留所長告余、除彼等有時自相爭吵、將犯規者禁於別室以示薄懲而資約束外、處處待以寬大、所中並設有藥房及清潔之醫院、有華人西醫師數名、診理疾病、每逢星期三六、准其親友送食物及所洗衣服等

、然彼等之妻女在大門向余訴說、謂彼等不准每日進所探視、蓋不知定章也、所長朱廣漢（釋音）向余鄭重聲明、被拘俄人從未受虐待、更未有處死者、蓋實未以敵人視之也、現在難題爲房屋、恐有不敷收容之虞、蓋自中東路送來應行拘留之俄人、日必有二三十人也、按全所房屋計算、可容三千人、現又擬即添置火爐及雙窗禦寒、所內職員皆能操俄語、余聞彼等聽受俄人申訴、有謂少消遣者、有謂缺書報者、有要求增加戶外運動改良飲料應添熟食者、有訴稱彼等寄出之信何以不得復信者、並見提出書面請求交給華官者、然凡此種種、皆非嚴重、無關大體者也、余敢謂俄人所受待遇、衡以華人能力、已極優良、且所拘禁者、皆情節較重、實非得已、現在散居滿州之赤白俄人、至少尙有十五萬人、安居樂業、一如其他國僑民、

八、倫敦每日快報及美國國際新聞社特派記者葛德氏、於七月中旬中東鐵路問題發生後、即馳赴哈爾濱、復轉往滿州里札蘭諾爾綏芬河前線、調查實況、葛德氏近自哈爾濱擬具節略、送至北平德國使館、以獨立之眼光、根據確切之事實、證明所傳中國當局慘殺及虐待滿州俄僑之流言、爲絕對不確、

莫斯科政府對哈爾濱俄僑拘留所、散布種種荒誕不稽之流言、謂中國如何虐待俄僑、其目的在破壞中國之信譽、而使之受世界之指摘、然自經德國領事及葛德氏與其他新聞

記者實地調查、發表報告而後、所有謠傳皆不攻自破、

哈爾濱之拘留所中、有俄僑千餘人、當葛德氏偕同其他新聞記者前往參觀之前、中國官員詢問彼等是否能俄語、於是中國官員堅囑彼等帶一繙譯前往、俾可親自詢問真相、各記者於拘留所、內親聆俄人申訴、謂食冷物、飲料不潔、空氣不良、華方對此申訴、並不否認、然坦然謂、倉卒之間、拘留多數俄人、事前既無準備、勢難周到、自應竭力所能及、以謀改善、現正在掘井數口、以改良飲食、建造廚房、俾備熱食、並闢空場以通空氣、拘留所中多數俄人、皆非馴良分子、然各記者、並未查有虐待情事、

現在散居滿州之俄僑、可以萬數計、仍各安生業、享受完全自由、華方並不加以約束、其寬容大度、殊足欽佩、沿中東鐵路、時常發現赤黨擾亂行爲、破壞交通之事實、層見疊出、如在他國、此種行爲當受極嚴之處分、而中國竟寬容之、從未聞以死刑加諸此輩搗亂份子、

葛德氏近返北平、彼對於滿州之中國當局及民衆、能如此寬大容忍、稱道不置、（九月十七日華北正報）

九、芝加哥講壇戰事訪員鮑威爾、在滿州里親自調查所得之報告、用長途電話報告駐哈爾濱專員、再由無線電報告芝加哥總館、其原電譯錄如左、

八月三十一日、余隨梁旅長忠甲、參觀滿州里北十俄里地華軍最前線、見所構之營壘、該壘於八月二十日曾被蘇俄鐵甲車砲隊轟擊、死傷華兵若干名、余親自參觀數砲、並於華軍戰壕之壘堡上、拾得俄軍開花彈殘片數塊、華軍現已移營略退、重築堅固戰壕、並設軍用電話、本日清晨、俄軍鐵甲車、又衝入華軍陣綫、此爲八月二十日衝襲後之第一次、惟未曾開砲、中國軍隊、嚴守如不被攻不准發砲火之命令、從未違背、此地四面、皆崇山峻嶺、登高遠望、可見俄境鐵道、梁旅長遠指俄軍所駐地、約在二英里之外、見俄軍裝甲汽車、滿載軍械、往來於陣線之前、該處俄軍入我華境、有三英里之深、梁旅長告余、昨晚(二十日)又有俄軍七百、前來示威、昨晚札蘭諾爾方面、俄軍砲轟、華軍未還擊、此處天雨已半閱月、房屋被浸、幾至不能居處、溫度已降至冰點、

十、鮑威爾發致芝加哥講壇報新聞電

札蘭諾爾位在滿州里東南三十英里中東路上、其距中俄交界處僅十五英里、八月三十一日下午六時、余在山巔、該山爲華軍最前線之砲壘、在山東路之北約十英里、余在華軍戰壕堡壘上、望見俄軍馬隊、砲隊向離此一英里另一華境山崗前進、華方魏長林(譯音)及其部隊駐滿州里札蘭諾爾間、誠美國新聞記者、在視察時、須在隱蔽之處、以防俄軍之突擊、余見俄軍往來移動、約一小時、俄軍並未發砲、蓋自其望遠鏡中、窺

見華軍戰壘之巔、立有外國人故也、旋見俄軍將其馬遠向阿巴該圖撤退、阿巴該圖在愛暉河之西伯利亞岸上、自華軍最前壘上可瞭然望見之、該處於八月十六十八兩日、中俄兩軍曾有劇戰、余見泥土尙新之坟墓三十二座、蓋皆中國陣亡將士戰死於此者、一墓植有石碑、刻有潘德立(譯者)三字東北軍之士官也、華軍於是役、除陣亡外、尙傷士卒三十五人、官佐三人、此役俄軍用重砲及開花彈、約一千餘發、余親點砲痕約近百數、而華兵所搜集俄軍彈壳滿載一汽車、華軍官佐、再三囑余將親見情形、電告胡佛總統、證明俄軍擅自開釁、破壞非戰公約、俄軍曾攻擊一山、於衝上半山時、華軍方用機關槍掃射、蓋以自衛爲止境也、傳聞中俄已在歐西議和、然在此荒山、尙未有所聞知、故中國軍隊日夜仍修築戰壕砲壘、以防俄軍之再來襲擊、華軍戰壕長六英里有餘、背山而陣、成一半圓形、華軍駐在此地已逾一月、防止水災、在山麓修築戰壕、一心一意防俄方之侵襲、梁旅長語記者、在十年前、華軍聞外兵砲聲、立將後退、今日則已能以死力抵禦外兵之侵襲、余參觀戰壕後、返札蘭諾爾煤礦、該處爲華軍大本營所在、而爲俄軍謀攻之目的地也、余被導參觀被俄軍所毀之礦工房屋、計有四砲穴、俄礮曾斃一俄婦、二俄男子、此處沿愛暉河、膏腴平原、已曾一度作中俄戰場、又中俄交界之處、余用軍用望遠鏡瞭望、見俄軍軍需運輸車、絡繹於途、向阿巴該圖俄軍大本營移動、該處爲俄軍

東方最前線、自滿州里綿延至札蘭諾爾對方、今日清晨、親至札蘭諾爾附近華境、參觀八月十六十八兩日、俄軍侵襲之礮火遺跡、查悉俄軍乘鐵甲車來攻、發礮擊斃華人約十二人、並用開花彈、向前線華軍陣地拋擲、華軍雖受損失、然卒以驅退外敵爲榮、蓋俄軍勢猛其、軍器亦較華軍爲良也、華軍官佐謂非但能抵禦赤軍、若鼓其同仇敵愾之氣、則定可直搗赤塔、余今日見華軍約一萬八千人、確未見一白俄在內、此足以證明俄方抗議之不確、余在哈爾濱、聞在愛暉河及黑龍江深山之中、華軍中雜有韓人及白黨、今日覩前線華軍、則確無一白俄人在內、可斷言也、此處係千里平原、故俄方軍事動作、隨時可見、其馬隊可長數英里、俄方飛機時來窺探、其運輸汽車、則形形色色、備極繁多、

十一、芝加哥講壇報戰事訪員鮑威爾、由哈爾濱轉發之滿州里新聞電、照譯如左、（九月二日哈爾濱發）

二日前余自哈爾濱動身、搭中東路專車、向滿州里進發之時、哈埠盛傳蘇俄已提和議、然余於八月三十一日午夜、自滿州里搭專車復向前進、達俄軍陣線相距二英里之地、所見情形、與哈埠所傳者適爲相反、雙方陣線自滿州里迄俄領黑河等處、共長五百英里、俄軍前方部隊、已侵入華境二英里、俄軍着着前進、華軍守土有責、萬難再讓、故大有

一觸即發之勢，滿州里札蘭諾爾間之陣線，長約三千英里，八月十六日，該方俄軍步兵二千、馬隊一千、砲隊三十連，沿中東路向札蘭諾爾方面華軍陣線大舉進攻，劇戰四小時，華軍死三十五人傷四十二人，內有商人二、受流彈之傷，梁忠甲旅長，今晚（八月三十一日晚）語記者，渠之部隊，布防前線成一三面之弧形，自滿州里海拉爾黑河以迄北面之黑龍江爲止，八月十六日之役，俄軍均着赤軍制服，其符號爲三十五及三十六兩團，俄軍於是役，其傷亡無從懸測，然其爲數必甚鉅，因俄軍取攻勢，華軍以機關砲機關槍及重砲掃擊，俄軍不支而退，其傷亡自必倍蓰於華軍也，八月十八日晚十一時半，俄軍復進攻上述地點，華軍死十四人，八月二十日下午五時，俄軍乘鐵甲車兩輛，向滿州里華境砲攻，華軍死四人，俄軍砲彈，大都落於滿州里附近荒郊，梁旅長語余，俄軍屢次進攻，其用意在威嚇中國，希望中國遷就其開始議和之條件，梁旅長又語余，華軍前線長約百英里，而駐軍並不衆多，蓋華軍既不願取攻勢，現駐軍隊已足防衛，可無增加之必要，尤有進者，現在自俄方觀察之，已入戰爭狀態，而在中國觀之，則尙未正式與人宣戰也，蘇俄宣傳彼亦遵守非戰公約，然觀其歷次侵入華境，慘殺華商，掠劫平民，恪守非戰公約云云，乃欺世之語也，以余觀測，俄軍屢次侵攻華境，乃圖威嚇中國，希望其俯就解決中東交涉之條件耳，梁旅長告余，俄軍進攻札蘭諾爾，乃欲恫嚇中東路五千餘職工

、使無心供職、俄人復暗埋地雷、謀炸煤礦、無非欲擾亂中國民心耳、俄軍飛機、每日飛翔於華軍防線之上、故中國戰壕上、均覆綠草、以蔽其目、故在離鐵路數碼內之華軍戰壕、其結構甚爲隱蔽、卽在火車上亦不易見之、華軍最前線之山巔上、均有步哨崗位、白色之蓬帳、與蔚藍之天色、相映成輝、隨在可見、各蓬帳皆有軍用電話線、直通大本營、一月以來、華軍工作注重於保護鐵路及沿路橋梁、而尤注重興安嶺上二英里長之隧道、沿路各站及橋梁之旁、皆駐有兵士、日夜巡邏、毫不怠懈、此外防止水患、亦爲重要工作、該處秋深暴漲、山洪氾濫、幾成澤國、天氣因之驟寒、今晚(八月三十一日)已達冰點、蓋已似十一月中旬之天氣矣、梁旅長謂、蘇俄恐嚇之計、層出不窮、最近向中東路及煤礦職工散發傳單、謂蘇維亞政府之兵力、足以使中東路恢復原狀、若各職工繼續服從華人而工作、將來必受免職或開除之處分、最後復謂、汝等如繼續工作、蘇俄將以敵人視之、將來必予以懲罰云云、梁旅長對於中國軍隊中僱用白俄之謠傳、認係蘇俄之宣傳、凡在華境之白俄、現亦均予以嚴密監視、不准其攜帶武器、祇准營商以謀生、余(鮑威爾自稱)此次赴前線、係皆德領亨賽爾博士同行、渠受上海德總領事之命令、前來幫助辦理、蘇俄人民被禁於華境者、遣送出境、華人被禁於蘇俄者、使之歸國、渠屢謀穿過前線、與蘇俄官佐接洽一切、然以各項交通均被斷絕、卒未如願、梁旅長謂蘇俄

人之被送出境者、已有六百餘名、惟因鐵路交通斷絕、彼輩湏徒步跋涉以返西伯利亞、至中國商人工人被禁於蘇俄者、以千數計、並聞數百人在俄軍前線被驅作苦工者、中國方面、認爲目下尙未至真正戰爭狀態、故凡扣留華境之蘇俄人民、如無圖謀擾亂嫌疑者、仍可遣之回國、梁旅長謂許多自中國遣送回西伯利亞之赤俄人民、到達該處後、被赤黨拘禁、蓋其出境護照係朦騙而得、嚴密偵查後、彼等實係白黨云、至赤黨匿跡於華境者、時有擾亂行動、拆鐵路、毀電報電話線、時有所見、梁旅長現已得遼寧總部電令、如查獲圖謀毀壞鐵道之任何俄人、格殺勿論、惟奉令後、迄未有格殺者、因所獲均嫌疑犯、皆解往哈爾濱嚴詢、再行定罪也、梁旅長謂、滿州里札蘭諾爾對方均有俄軍三萬、以步兵馬隊爲主體、而附之以唐克車隊、機器腳踏車隊、礮隊、飛機隊、並有鐵甲火車六輛、華軍此處約有一萬五千、海拉爾齊齊哈爾、駐有大隊華兵、余與梁旅長談話時、李參謀長忽得報告、海拉爾方面、又有俄軍三百來襲、謀毀鐵道、余在此處再留一日後、擬往海拉爾考察該方情形、

十二、芝加哥日報特派記者賴爾脫赴滿州里後之報告、(八月三十一日正午自滿州里發)、紐約轉芝加哥日報鑒、到滿州里中國前線以後、發見赤軍侵入中國境內之證據、不一而足、記者親見赤軍砲火所遺之痕跡甚多、而砲彈碎片亦觸目皆是、此均八月二十日

、赤軍以鐵甲火車深入中國境內、攻擊中國前線軍隊所留之紀念品也、昨夜赤軍又以七五步槍、向中國陣地射擊、中國軍隊、亦報以步槍、但未發生戰事、今晨赤軍鐵甲火車、又長驅入境、將中國軍隊所置於鐵道上之障礙物、均行移去、此最近實況也、十三、紐約芝加哥日報戰事訪員賴爾脫、自綏芬河轉由哈爾濱發出之無線電、照譯如左（九月六日哈爾濱發）、

連日清晨、復有俄軍飛機飛入華境、察其舉動、除侵入華境示威外、似無其他用意、綏芬河居民、避難他遷者、十之八九、日本僑民、原有百名、現僅存七名、離綏芬河以南四十英里之東寧、八月十八日被俄軍用砲火攻陷、旋有華軍開到、八月三十日、俄軍不戰棄城而退、東寧縣署文籍、及該縣之電報電話、均被俄軍毀損、糧食悉被掠奪、商舖及公私房屋被毀於俄軍砲火者、不計其數、查其砲彈、大半係七生的五之重砲、官署統計全城損失、約值當地通用銀幣百萬元以上、綏芬河對面所駐俄軍約三千、有重砲十五尊、該方華軍較俄軍爲多、華軍視中東路西段近邊境之滿州里海拉爾諸地、較他地尤爲吃緊、故防務更爲嚴密、俄軍屢向此間山嶺攻擊、華軍深溝高壘以防之、所築戰壕、隨在可見、遼寧軍隊已自哈爾濱起、沿鐵路增防、惟其進展、刻下尙未達到綏芬河、此間華軍官長、晚間招待記者等、饗以清茶紙煙、華軍將此處鐵軌移去數段、

以防俄軍衝攻、然皆見極易修復、自七月間、中俄絕交以來、沿兩國邊界、各項交通、迄猶停頓云、

十四、紐約芝加哥日報戰事訪員賴爾脫氏、自綏芬河轉由哈爾濱發出之無線電、節譯如左、

(九月六日哈爾濱發)

據秘密由西伯利亞方面逃歸之中國商人報告、謂該處華人壯年者、被赤軍驅作掘修戰壕工作、老弱者、則拘禁於俘虜收容所、每日每名發給麪包四盎司、然赤軍每日每名亦僅得麪包一磅、蓋其糧食實不能充備也、在俄軍中、啤酒在中國每瓶值洋三角者、可售西伯利亞大洋三元云、

十五、紐芝加哥日報戰事訪員賴爾脫、九月八日、自哈爾濱拍致紐約電云

據中俄方面消息、今晨(八日)二時、俄軍又砲轟綏芬河、據俄人消息、房屋數處中着礮彈、死傷數人、據華人消息、俄軍砲彈均落於車站附近空場、綏芬河與哈爾濱間、交通今晨曾阻斷、下午即恢復、綏芬河自被華軍克復後、俄軍即組敢死隊反攻、上星期五、華軍捕獲赤俄數人、一爲女人、搜獲手槍長槍數枝、及自動炸彈數枚、彼等以綏芬河左近某山奧爲巢穴、被獲諸人均係首領、彼輩以破壞鐵道爲職務、現既就逮、此後鐵道較可安寧云、上星期六、離綏芬河以西二句鐘途程、火車被赤黨炸彈所炸、

損壞機車客車行李車等、傷七人、未聞有死者、記者在札蘭諾爾陣地、拾得俄軍砲彈壳、上刻拉丁及俄英文、其年份爲一九一七年、

十六、端訥致倫敦泰晤士報電十一月二十九日

上星期莫斯科政府與東北當局、對於中東路解決問題、雖有談話、然無一定辦法、蘇俄要求在談判前、必先解決三條件

- 一、恢復中東路原狀、
- 二、恢復蘇俄委派正副局長之權力、
- 三、釋放被拘押之蘇聯人民、

東北當局在原則上、贊成此種條件、但提議須雙方派員、磋商實行條件中之第一第三兩條之辦法、對於第二條之正副局長、須另行委派、昨晚接莫斯科電、蘇俄政府議決、在開談判前必須實行第二條、然後派員正式談判、此項電報、蘇俄政府用意、係將前次撤換之局長、恢復原位、而東北當局之意見、則主點在另委局長、蓋此次中東路之糾紛、全由該二局長負重大責任、此係中國取締赤俄宣傳之唯一要點、此事已在七月二十八日報告本報、東北當局昨晚會議考慮此電、並無答覆、靜候中央政府之覆電、蘇聯因此遂各處宣傳云、中國業已降伏、東北當局是以急欲解決此事、催迫中央政府同意云因東北當

局以爲蘇聯業已贊成停止宣傳及釋放華僑，然目下雙方正在進行談話時，昨日博克圖（離滿州里四百公里）方面，俄飛機十二架，仍在該地投擲炸彈，此種毫無信義之行爲，實不能使東北當局進行談話也、

另有一電拍致芝加哥講壇報及上海各報文大意與上電同、

十七、路透社訪員德白、八月十七日、發平滬路透社及美國通信社電云、

張學良將軍本日接見記者、對於蘇聯用無線電之狡詐宣傳、表示憤慨、謂蘇聯所稱華軍幫助白俄黨人侵入俄境之說、純係欺騙世界之手段、現華軍防線尙離邊界有十英里之遙、足證華軍侵俄之說爲無稽、昨日伯力無線電台、又用多國語言、否認赤軍侵入華境之報告、實則同時在華界十二英里之內、正在激戰、張將軍又鄭重聲明、中國毫無挑釁之意、但求在本國境內、消除共黨之惡勢力而已、十年以來、各國擯斥蘇聯於法律之外、而此次中俄事件、各國輿論、竟袒護蘇聯、張將軍深爲驚異、旋記者叩以國府態度、張將軍答稱、完全與東北融洽、並謂蔣主席已允調遣大軍駐津、於滿州需要之時、聽候指揮矣、

（九）編印中英文書籍分送中外

本社對於邊事消息、根據前方軍事長官報告、每日用五國文字、由無線電廣播中外、使國內

外人士、得以瞭然於赤軍侵擾邊境之實況、又在社內設無線電收報機、收取莫斯科及伯力所發反宣傳無線電、加以反駁、以揭破蘇俄誣蔑我方之陰謀、是非之辨既明、國內輿論漸收集中之效、國外各大新聞除一二別有用心者外、亦多能仗義執言、主張公道、故我國在國際間之空氣、漸形良好、雖云公道自在人心、亦我方宣傳之得其道也、本社又求有系統之文字宣傳起見、用中西文字、編成各種圖書書籍、分送中外人士、詳細敘述東路事件之原因、及赤軍侵擾實況、綜計本社所編纂書籍、有下列數種、

〔中東路糾紛實況〕(Facts about the Chinese Eastern Railway Situation) 係由董顯光君用英文著述、全書凡十萬言、將中東路交涉緣起中俄協定與奉俄協交涉之經過及其內容、俄人違反協定之事實、赤化宣傳之證據、我方防範赤化之苦衷、及中俄事件之原因、敘述極爲詳細、誠研究東路問題之良好參考材料也、書既殺青、由本社分送全國各機關學校、接外交部來函、索取二十冊、以便分發外人、當由本社照寄、又得外交部駐滬情報處來函云、此項著作、宜廣爲贈送、遍及歐美各政治機關、未悉尊處備有各處通信地址否、如果需要、敝處擬將現在所有歐美重要人物住址一千戶名單奉上、以便照單郵寄、可將我國政情、供諸世界云、當由本社復函索得此項名單、照名單所列歐美知名之士一千戶、各寄本書一冊、駐遼美國商務委員鄂利德、派繙譯秦振興來社、索取此書、亦由本社贈給四冊、此外外人來函索取者甚衆、足

見此書之價值、及外人之重視此書也、

「共黨文件」 十八年五月二十七日、特別區官廳搜查哈俄領館、所得文証一小部分、曾由特區繙譯拍照、公布宣傳、其餘多數重要文証、由特別區呈送東北政務委員會、交由本社檢查繙譯、八月二十一日、本社具文呈請、將未經宣布之共黨文件、繼續攝照、以廣宣傳、奉司令長官批准、當由本社將共黨文証原件及譯文、全部攝照印刷、

「蘇俄違背國際公法之真相」 本書共分三篇、第一篇「蘇俄虐待各地華僑之真相、其第一章係根據海參崴華僑陳敬賢等十人之報告、詳記蘇俄虐待華僑之實況、共計華僑損失、在一千金盧布以上、被拘華僑之有名姓可稽者、共三十一人、華僑房產之被沒收者、共計三十三所、伯力地方華僑及船員之被拘者、達一千二百人之多、第二章「蘇聯虐待我國航商之真相」、蘇俄在烏蘇里江及黑龍江之間、扣留華輪、我國航商受損失約四百五十萬元、本書據哈爾濱航業公會之報告、詳記被扣船隻數目、及被拘船員人數、附以損失調查表三件、第三章「海參崴華僑被赤俄虐待情形」、係根據旅俄歸國華僑于德水等三十二人之報告、第四章「赤俄虐待華僑之種種事實」、係駐哈爾濱領事哈埠當局、謂接俄政府通知、并無虐待華僑情形、哈當局復德領事、列舉赤俄虐待華僑種種事實及其證據、請德領事救護、第五章「赤俄虐待伯力華僑之真相」、則根據我駐伯力副領事張文煥等之報告、第六章「赤俄虐待黑河華僑之真相」、則

根據我駐黑河代理領事李國鈞之報告、各章詳載赤俄虐待華僑之種種事實、殘酷無人道、令人酸鼻、以視我方之優待俄僑犯、真有天淵之別、俄人反宣傳我方如何虐待俄僑、真可謂全無心肝者矣、第二編爲「同江戰役記略」、全編分爲四章、分記三江口形勢、佈防情形、戰役始末、及戰後狀況、詳記蘇俄海軍撲攻三江口之經過、及我海陸軍將士以寡敵衆以死捍國之忠勇、虎虎有生氣、與韓光第旅之忠魂衛國、足以並傳矣、并附以中俄海軍勢力比較表及地圖、第三編爲「蘇聯共產黨徒在我境內破壞治安及交通日記」、根據哈埠官廳及中東路局之調查、用日記體裁、詳記由七月十一日、至十月二十六日止、東路蘇聯共產黨擾亂治安、破壞交通、一足爲赤黨造成赤色恐怖之一篇罪狀也、

「蘇俄侵邊暴行日記」全書共分兩冊、用日記體裁、記錄赤軍由七月十七日至十二月二十四日、侵掠我邊疆之實況及我軍抵禦情形、係本社根據吉黑哈各當局及前方軍事長官之報告、編輯而成、書末附以詳圖、展圖一視、沿邊各縣、無一幸免赤騎之蹂躪、且有迭遭數次之焚掠者、而俄人在莫斯科及伯力電台、發送廣播消息、反謂我軍如何侵擾俄境、如何攻擊赤軍、竟欲以一手掩盡天下人耳目、作賊心虛、亦復可笑也、茲將上述二書、附載於後、以供參考、

蘇聯虐待華僑之情形

俄羅斯向爲有名之恐怖國家、伊凡之恐怖時代、讀史者閱之猶有餘悸、不意當此二十世紀、共產黨效法專制魔王伊凡、初有其卡、繼有格必烏、以實施其赤色恐怖、蓋若輩既假無產階級專政爲名、對於資產階級、當然擇肥而噬、竭盡壓迫剝削之能事、故逃哈之旅威華僑泣訴書、中有「蘇聯立國而後、對華僑經營商業、積有資產者、肆意摧殘、我華僑已人人自危」等語、海參崴華僑陳敬賢張道有王克傳曲松齡李學堯高升瀛畢江清姚瑞麟高松生孫俊臣等十人、皆蘇聯華僑中之富有資產者、最近上書哈爾濱總商會、首述蘇聯摧殘資產階級、繼云「自東路問題發生、其摧殘之手段、較前愈形毒辣、最初尙擇其有財產者、加以罪名、驅而納諸囹圄、其從事勞動者、亦因之視若牛馬、哀我人斯、盡成獄囚、有時人滿爲患、卽揚言陸續遣發、究竟曾否遣發於他處、抑或就地而予以殘害、亦無人能得其詳、惟囹圄之中、鐵鎖瑯瑯、獄卒猙獰、不堪虐待而死於非命者、時有所聞、慘無人道、至此已極、華僑之身體自由、現已盡被剝奪、平日積蓄之現金、皆搜括以去、其置有房產者、多數已被沒收、間有未沒收者、亦因經理無人、無所收入、所受損失不可勝計、」

此十人自道、「早歲離鄉井、遠客歲埠、多或數十年、少亦十餘年、經無數辛苦、費無數心血、始得有些微積蓄、今未及數月、房產已非吾有、積蓄亦歸他人、總計損失之數、約在一千萬金魯布以上、」

據確實調查、海參崴被拘殷實華僑中之有名姓可稽者、得三十一人、錄如下、
陳老三、孫守禮、梁廷仁、孫玉縉、高鴻翔、姚瑞麒、松如、李生榮、季顯章、徐馨山、
李萬善、吳殿元、李學琛、鮑有亭、鄒本苓、李日光、王日南、王克僑、陳學昌、李馨、
于振有、郝毅臣、顧傑臣、李繼俊、李得福、陳福棟、安邦墀、劉元善、劉殿清、陳恩九、徐金江、
海參崴被拘華僑之確數、據哈當局覆德領事函稱、「計有四千餘人、所供食品、係用牛頭四
個煎湯、如以小米及面包四兩、惡劣可以想見、且更須爲之作勞工、如工作不力、卽鞭韃交
加、」又云、「伯力方面被扣之船員及僑民、達一千一百九十人、華僑在海參崴經商者、皆被
監禁、所有財產悉被沒收、卽尙有未監禁沒收者、亦重捐逾其全部商業之所值、監獄中則三
四十人共住一室、並不准局外人接見及通信、前曾用汽車私自運走一部、迄今不知下落、駐
崴德領雖注意此事、但亦無能爲力、」
崴地華僑房產之損失、近已有翔實之調查、計

胡森協房一所 坐落北京街十一號、

值金魯布四十萬元、

王克傳房一所 坐落高麗街十二號、

值金魯布五十萬元、

王克僑房一所 坐落高麗街三十號、

值金魯布二百萬元、

王趙氏房一所 坐落西米諾夫街五號、

值金魯布七十萬元、

曲崧齡房一所 坐落北京街十八號、

值金魯布一百十五萬三千元、

王九鳳房一所 坐落北京街十九號、

值金魯布三萬元、

張道有房二所

一所在瑞峯四克街、值二十七萬五千元、

一所在保老金四克街、值七萬五千元、

陳芹洲房一所 坐落西米諾夫街八號、

價值三十五萬元、

李善水房三所

一所在西米諾夫街七號、值六十萬元、

一所在十月二十五日街三十二號、值十二萬元、

一所在通南格列寧街四十二號、值一萬五千元、

李日光房一所 坐落保各目什四及街二十四號、

價值十五萬元、

魁發堂房一所 坐落十月二十五日街三十五號、

價值十五萬五千元、

張恩新房一所 坐落阿木拉四克街三十六號、

價值一萬元、

于志文房一所 坐落北京街四號、

價值二十五萬元、

宋俊豐房一所 坐落四米闊夫四克街十四號、

價值七萬五千元、

西盛糧棧房一所 坐落古魯彬那巴及比沙了夫街、

價值二十萬元、

姚富桂房一所 坐落格所日街二號、

價值二十五萬元、

唐陳氏房三所

一所在節拉進四克街十八號、

一所在節拉進四克街十六號、

一所在節拉進四克街十四號、

三所共計值三十萬元、

李生榮房一所 坐落四米開五四克街十七號、

價值七萬元、

李季氏房一所 坐落北京街四號、

價值二十五萬元、

李慶元房一所 坐落各所衣別立五立街、

價值五十萬元、

李繼俊房一所 價值十萬元、

劉元普 劉殿清房二所

一所在北京街、

一所在那別拉知街、

二所共計值五十五萬元、

杜如房一所 坐落蘇我洛夫街七號、

價值七萬元、

高東海房一所 坐落阿立五四克街二十六號、

價值五十萬元、

高學祥房三所

一所在蘇我洛夫街十二號、

一所在阿木拉四克街、

一所在後山、

三所共計值七萬元、

蘇聯虐待我國航商之真相

自東鐵事件發生交涉以後、俄人即於松花江口外、暗置水雷多處、以阻斷我國交通、並在烏蘇里江及黑龍江間、任意扣留華船、致一般航商、受其直接間接損害者、數不下四百五十萬餘元、而各船之旅客以及貨物等件、則或被拘禁、或被沒收、種種虐待情形、筆難罄述、茲特

將各船被扣虐待情形暨所受損失、節述於後、以明真相、據哈爾濱航業公會最近調查、關於東北聯合航務局之船隻爲蘇聯扣留者、計有海城宜興瓊瑋瀋陽商輪四艘、又拖船華蓋一艘、海城船拖帶華蓋一艘、於七月十九日在瓊瑋下馬廠地方被扣、船上共有旅客一百五十六人、員工四十一人、貨物四千九百八十餘布特、宜興船於同日在車陸下二十餘里許被扣、船上共有旅客一百四十五人、員工二十七人、貨物七千七百六十五布特、瓊瑋船於七月二十六日在三卡上三十餘里被扣、船上共有旅客二百二十二、員工二十七人、貨物五千一百七十四布特、瀋陽船亦於七月十九日在虎林下十八里地方被扣、船上共有旅客七十八人、員工二十三人、貨物二千四十二布特、關於其他航商之船隻爲蘇聯扣留者、則有海昌威通洪泰同豐等四艘、均在烏蘇里江口先後被扣、現均停於俄屬伯力地方、所有以上各船之錢款貨物等件、盡爲俄人沒收、全體員工及旅客、除一部分婦女老幼逕行放回、及白俄人員另押他處外、其餘我國僑商、則均轉送別力寒窰地方、拘禁於大營房之內、此外尚有銅山輪船一艘、現停虎林華岸、慶林輪船一艘、現停團山子華岸、雖未被扣、但因交通已斷、不得不暫停航行、至各船所受損失數目、有如下列三表、

(表一)

東北聯合航務局所受直接損失調查表

貨物損失	員工死傷 損害賠償	旅客死傷 損害賠償	總計
六五〇〇〇	三一九二〇		九六九二〇
二五〇〇〇	四〇八〇		二九〇八〇
五〇〇〇〇	三八四〇	六〇八〇	一、一四八〇
			四三三四
六〇〇〇〇			三二四九三
			九七五六三
二〇〇〇〇	三九八四〇	六、四八〇	三、七三九六

(表二)

其他航商所受直接損失調查表

項別	船別	船價	船具	燃料	損失合計
海	昌	一〇〇〇〇	一〇〇〇〇	二〇〇〇	
威	通	九五〇〇	八〇〇〇	一三〇〇	
洪	泰	一〇〇〇〇	五〇〇〇	二二〇〇	
同	豐	九五〇〇	一〇〇〇	三〇〇〇	
損失合計		三、七〇〇〇	三、三〇〇〇	七、五〇〇	

東北聯合航務局	三八三五一五	二二三三三四二	二八六九	六一九七二六
其他航商	三八三五一五	二二三三三四二	二八六九	六一七七二六
總計	七六七〇三〇	四六六六八二	五七三八	一二三九四五一

(附記) 本表各項數目、係根據航業公會調查填列、

慶林輪船、現停團山子地方、所受營業損失、該船東未報、故未列入、

我國商船被蘇聯扣留暨所受損失、已如上述、而各船之旅客員工、共計一千三百數十人、除放回婦女老幼一百十數人外、其餘一千一百九十餘人、現均被蘇聯扣留、據由伯力附近逃回之瀋陽船副司機劉在恩聲稱、此項人員、備受俄人虐待、情形危險不堪、聞之令人髮指、茲擇要列舉如左、

一、被扣一千餘人、均被禁於別力寒窰大營房之內、斷絕飲食、竟有三日之久、至第四日、俄人復強令此一千餘人、分往火車站搬運小麥、或往江沿拖拉木材、夫以久餓之人、氣力早已微弱、本不能勝任此項重大之勞動、無如身爲囚囚、並在赤黨兵士淫威之下、稍有不合、鞭撻立至、故不得不勉強支持、以求一線之生機、

二、在第四日工作完畢以後，每人始領得麵包四兩，按此一千餘人，不進飲食，至此已歷四日之久，且在勞動之後，得此四兩麵包，胡能充飢，俄人置之不顧，自是以後，每日照常工作，每日亦照發麵包四兩，此四兩麵包，一餐猶嫌其少，胡能支持一日之久，但較之四日不得食物，略勝於無，又茶水每日祇限定兩次，有時以人多茶少之故，竟有數日而不能得飲者，困苦之狀，不堪言喻、

三、每日工作，自早至晚，中間並無休息，且不論風雨陰濕，均須按日工作，此一千餘人，雖在大雨淋漓之時，亦不敢停止，因之患病者頗多，俄人一概不問，現在天氣已寒，所有被扣人員之行李物件，均被沒收，將來不死於病，亦難免凍餓以斃、

四、此一千餘人，初在別力寒窰拘禁，約半月餘，即全體帶往伯力，一部份派在江沿搬運木材，一部份派在山傍挖修溝道，一切飲食待遇，更較在別力寒窰惡劣、

五、在伯力拘留約半月，此一千餘人又被帶往小三站東二百里地方，修築鐵道一次，工作更苦，俄人不問是非，動加鞭撻，每日飲食仍是麵包四兩，劉在恩司機，在黑夜中私逃，步行四日，經過危險數次，始於萬死一死之中，過烏蘇里江而抵華岸、

以上五項，係劉君身親目擊，較之我國待遇俄犯情形，不啻淵壤之別，惟現又時過境遷，此一千餘被拘之僑胞，遭受俄人虐待，將復不知若何狀況矣、

海參威華僑被赤俄虐待情形

▲旅俄歸國華僑泣告國人

逕啟者、中俄問題發生後、旅歲華僑、因許領事下旗回國、大起恐慌、當由某國領事公署傳出消息、願將華僑護送回國、要求條件、須我僑衆呈遞聯名書、以作將來向我國府索取償金之憑証、其時僑衆雖皆心切急於返國、然又念及鬼崇之某國、久蓄野心、甚恐發生意外國交、故不敢遽爾遵照辦理、而許領事當即登輪、及上船後、始張貼布告曉諭、德領代理華領、彼時僑衆覺有可靠、心頗安謐、詎料德領雖負保護之名、却無保護之實、任諸赤黨施其摧殘狠毒手段、初則將我房產主人捕獲入獄、繼則將我華商舖掌捉去拘禁、終將櫃夥及諸苦力搜捕殆盡、後則拘留於成溝子空兵房內、幾無立足之地、每人每日僅發四兩黑列巴（即麩子摻豆餅之黑麵包也）、當捕獲之時、只准穿單褲單衫、不許再帶他物、當此夏去秋來初寒之際、衣不足以蔽體、食不足以充飢、求死不得、欲生不能、鄙人親歷其境、飽嘗其味、幸蒙天祐、逃出虎口、及今思之、猶覺心悸、陳述至此、不禁放聲嚎啕大哭、想我國內親愛同胞、亦必同聲大哭一場、現在尙有四五千衆、在人間地獄、受其蹂躪、不能逃生、將來結果、正難預料、鄙人逃出虎口之後、眼見裝運二十餘囚車、風馳電掣、滿載同胞、往北開去、究不知載往何處、但觀其囚車、即裝貨之瓦罐車、車週圍封固、加以鉛彈、不定幾日、飲食全無、似

此苛虐、此輩同胞、尙有生存之望乎、僑俄各商、除封閉外、貨物錢財、一概沒收、賬簿單據、亦皆掠去、櫃上雖有微倖漏網者、既被將門封閉、無處存身、衣裳被封、不能穿戴、晝則沿村覓食、夜則露宿山窟、其中之艱苦危險、不問而知矣、目下旅俄商工僑胞統共尙有四五萬衆、無不子朝夕思想逃出虎口、深望當道速設法交涉、以救護此垂斃之僑胞也、海參歲逃出華僑一份泣叩、海參歲被難華僑歸國者于德水張天恩胡樹林等三十二人謹具、

赤俄虐待華僑之種種事實

▲由哈當局列舉請德領救護

駐哈德總領事施往伯氏、日前致函我當局、謂接蘇聯政府通告、略謂蘇聯政府對於華僑、並無虐待、惟海拉爾蘇聯領館、現爲白俄佔據、該處蘇聯人民、被該軍徵發及虐待、該白俄軍人徵發蘇聯人民時、持有中國政府之執照、由此可證明該白俄軍人之運動、爲中國政府所知悉及承認等語、本總領事爲此函請將事實示知云云、

我當局以蘇聯虐待華僑、事實俱在、與蘇聯方面所稱、適成反比例、再者我國並無縱容白俄軍人之事實、蘇聯竟故意捏造、施以反宣傳、特列舉事實、呈報東北政務委員會、並函復德領、請轉達駐俄各德領設法救濟、以昭公允、茲將我當局函復德領所列舉蘇聯待遇華僑事實、及並未縱容白俄軍人之證明、摘述大意如左、

一、旅俄華僑、除已入蘇俄公會之勞力者外、其餘稍有身份者、均被逮捕、計在海參崴一處、拘押已達四千餘人、在伯力拘押者、被扣之船員及乘客、已達一千一百餘人、其餘各埠、尚不在內、(一)財產現金、大都均被沒收、其商人中之倖免者、因執事人等、均被拘押、實際上已無法維持舊業、而蘇聯當局、仍迫令繳納奇重之苛虐捐稅、違即陷入法網、(二)被拘華人、待遇異常苛虐、往往方丈之室、同禁者三四十人、全無寐具、以致無法眠息、至空氣之清潔與否、更不待言、飲食一項、海參崴被禁華僑四千餘人、每日共用牛首四枚煎湯、分羹而飲、每人日給混有麩麵之麵包三兩、不得一飽、在他埠、竟至有以鈴鏝麥粉、沖水爲粥、以充食料、而延殘喘者、尚須按時操作苦工、忍飢從事、稍有遲緩、鞭撻橫施、伯力黑河等處、待遇大致相同、所有家屬前往探視者、均不准會見、除於探送物品請單上簽字作爲收到外、不准書片紙隻字、長此以往、勢非飢餓困閉而死不已、(一)被禁華僑往往以汽車運往他處、其在國家政治局樓上拘押者、用長梯倚窗、須迫令攀援而下、降入車中、佯言遣送或釋放、該華僑旋即失踪、(二)上述被禁華僑、均係安分商人、自被拘以來、迄未經任何審訊及偵察、一律誣以偵探之罪、(一)駐歲德領對於華僑極力保護、我方至爲感荷、惟微聞蘇聯當局迄未允德領赴獄探視、所有情形、恐未盡悉、(二)中國對於白俄人、決無縱容、蘇聯所稱、並無其事、德美領事及美新聞記者、均曾先後實地調查、事實俱在、可資證明云云、

赤俄虐待伯力華僑之真相

▲被捕者財產沒收

我駐伯力副領事張文煥、隨習領事吳述周等、歸自黑河、詳述伯力領館人員生還經過如次、本年七月十一日、中東路事件發生、伯力聞得消息時、情形已甚吃緊、領館曾奉到駐莫斯科大使館密電、令下旗回國、當時以部令未來、下旗回國、事關重大、仍持鎮靜、照常辦理館務、廿四日情勢益緊、俄官廳竟派出軍警、四出搜索華僑、逮捕僑商、無分有否資產、均捕入獄、兩日間被繫入獄者、達七八百人、華僑東奔西竄、求地避匿、但總不能脫俄軍警之緝捕、二十六日、到領館避難之男婦老幼六七百人、一時領館內外人爲之滿、以冀享得保護權利、但此時俄軍警之搜捕僑民、仍在進行、對於僑民財產什物、凡屬值錢者、均爲沒收、館方乃向俄官廳提出嚴重抗議、釋放已經被捕者、發還沒收財物、願在彼時情形之下、抗議焉能收效、所以抗議送達、未得俄覆、二十七日、俄官廳並來逼令領館下旗、與之抗辯、未得要領、僑民恐領館人員若回國、則失却保障、包圍各領、不令脫身外出、予等亦告僑民以共同生死、二十七晚俄、官廳派來軍警搜索領館、於窗格外、得有舊做手槍三枝、遽執爲領館有率僑民謀爲不軌之証據、並在報紙上擴大宣傳、謂中國哈爾濱官廳、祇知搜索毫無憑據無抵抗之俄領館、加以莫須有罪、庸詎知其駐伯力領館如何如何、此種宣傳、知者當可瞭然其反誣、蓋三四枝手槍

、且屬敵舊、卽屬銳利者、試問用以倡亂能成功耶、所以館方亦任其取去、二十八日俄、方突以填就之出境護照數張、送到領館、迫令館員於廿四小時內出境、當時來有軍警監視、館員赤手空拳、自無抗衡能力、遂於倉卒間、携隨身衣物一二件登車、張副領事被扣留、登車時有俄警廳科長等、監視開行、至被捕之華僑如何被虐之情形、維未目睹、但証以身受者、可以概見其餘矣、

赤俄虐待黑河華僑之真相

▲華僑被虐哀號乞歸

黑河領館代理館務李國鈞副領事、由黑返哈、路程經二十日、黑河至嫩江僅五百里、一路頗苦、不堪言狀、據李氏譚云、在八月初旬、黑河上游窩西門呼馬河一帶、俄軍小隊哨兵、不時騷擾、在窩西門發生衝突、我軍死十餘人、陣亡孫連長一人、下游烏雲蘿齊克特各地、亦均有小衝突、江北砲聲隆隆、南岸商民頗震動、八月二十日、蘇聯兵艦巡行至南岸(中國地)、居然大作軍樂、遊行半日而返、橫江小汽船擺渡、全被扣留、江渡盡數停止、永平船往來環環、一日竟被飛機擲下炸彈、全體炸燬、黑河無異被暴俄封鎖、沿江航權、至是亦爲彼方所獨佔、黑河華僑大小營業全被抄沒、強壯青年被擄、作前線兵事苦役、僅老弱婦女得釋回、最慘痛者、爲本人離黑河之前、曾親自交涉、許可華僑出境、竟往返數次、不得要領、後華

僑伏地哀號、懇求一同回國、籍以全命、最後不得已、又交涉、竟允照普通出境簽證手續、通融辦理、乃候至多日、簽證雖已領出、但關卡不放行、後有私行回國者、乃均由經紀式之俄人代賄關卡、得以三百圓金魯布之代價、邀允放二字、安然通過、如此僅三四十人、隨帶衣服行裝、胥被扣留、但無此財力者、則皆被扣留、計黑河被扣僑民約千人、海參崴兩千、雙城子伯力各處、概計有一萬人、均充戰事工役、又佛山鎮有惠縣長胡中校吳營長、另外帶兵二十餘名、乘瓊瑋船到呼馬剿匪、竟爲其兵艦截留、至今未返、誠國家民族之大恥辱也、

同江戰役紀略

一、東北邊防之概要與三江口之形勢

自中俄締結尼布楚瑋各條約、兩國遂以烏蘇里江黑龍江額爾古納河等爲畫界之區、各該江卽爲國際河流、關於軍事航業、均屬平等享用、其沿江設防情形、亦各按政治範圍而定、如海蘭泡爲俄阿穆爾省之首都、與我江省之黑河對峙、伯方爲俄極東之中樞、與我吉省之綏遠對峙、均各置重兵以爲守、三江口介於伯力黑沿之間、扼黑龍江交通之孔道、居松花江入口之咽喉、我海陸軍如自此進攻、足以搗伯力或海蘭泡之巢穴、而斷其東西水陸之聯絡、俄之極東各省、遂成絕地、反之、俄海陸軍如自三江口侵入松花江、則順流而西、直衝吉江兩省腹地、不獨依蘭樺山富錦各縣之富爲敵所有、倘或進至濱江、則東西戰場均將受其打擊、爲全局成敗之關鍵、故自此次俄國倡亂以來、卽先發制人之計、將黑烏兩江我國之商船擅行扣留、其被扣者有海城、宜興、瓊璉、瀋陽、銅山、慶林、威遠、同豐、洪泰、海昌、等十隻、船員及乘客千餘人、彼時各報均已詳及、並急派軍艦五艘、進泊三江口外、與彼徐爾固之陸軍協以謀我、揚言中國既強佔中東路、彼卽可獨據黑烏兩江、蠻橫無理、於斯爲極、維時我當局知赤俄難以理喻、倘我軍向黑烏兩江進展、卽不免與彼立即衝突、致啓釁端、故令我海陸軍暫避其鋒、只扼守三江口一隅、以免彼長驅直入、乃此種酷愛和平之苦心、愈令赤俄肆無忌憚

、如八月中旬搶掠江省三間房兆興鎮之役、十月初旬、砲擊慶林華輪（在饒河）之役、九月六日及九月二十日等、先後圍攻吉省交界牌及綏遠之役、均以其海陸軍肆行騷擾、屠戮良民、焚掠村鎮、迄無寧日、我駐邊海陸各軍、目擊地方慘狀、恨不克直搗賊巢、食其肉而侵其皮、只以格於功令、相率隱忍、以至於今、

二、三江口佈防情形與中俄對峙之經過

三江口居松花江下流、分上中下三口、爲與黑龍江會流之處、江口之東岸名奇奇卡、突出江中、其東方高地名莫力洪、均直瞰黑龍江航道、扼江口之險、距同江縣城各約十里、由海軍沈副司令鴻烈、承張海軍總司令之命、特派江防艦隊長尹祖蔭督同陸戰隊大隊長李潤青、率步砲兵約一營駐守、與對岸俄艦相距咫尺、隔水而軍、此爲我方設防之最前線、其上中下三口以下江口爲主要航道、上中口亦可通航、各口均有水雷及障礙物之設備、層層密布、由尹艦隊長躬率江亨利捷利綏等艦守之、而以商船改造之運送船江平江泰江安等艦、供哨戒之役、與海軍陸戰隊聯成一氣、共守江口、其敷設水雷地段、不但阻止敵艦闖入、卽我艦亦不能輕出、緣我海軍遵奉當局嚴令純取守勢、決無進攻赤俄之意也、至江口迤東之側方及同江縣城之後方、或臨江干、或通要道、均由吉林張副司令由李鎮守使杜、督率所部陸軍、以四營之兵力佈防、所築戰壕砲壘亦極堅固、其時對岸俄方設防狀態、係以三江口下流之徐爾固地方爲根據

、海陸空各軍均集於此、並以軍艦兩三隻常駐三江口外、靠俄岸停泊、每兩星期換防一次、其商船亦照常航行於黑龍江內、常通過於我軍陣線之前、飛機偶至我岸偵察、亦無他項舉動、自八月中旬、赤俄侵犯三間房滿洲里等處後、海軍沈副司令恐敵人擾亂同江、特請示張總司令目、青島馳赴三江口籌防、令尹艦隊長暫行回哈、其時李鎮守使亦在同江、自八月下旬至十月初間、坐鎮五十餘日、敵未敢犯、旋以松黑各江向例、十月底即須封江、李鎮守使負有地方責任、乃於九月中旬回依蘭樺川佳木斯等處、籌備冬防、以路張兩團長擔任同江防務、沈司令亦於十月初間、溯江而上、會商冬期海陸聯防事宜、而以江亨艦長尹祚乾代理海軍艦隊長、陸戰隊李大隊長副之、並令江防尹艦隊長尅日由哈馳往下江、以免萬一或有疏虞、迨沈司令馳抵濱江、即聞探報俄軍將於十日內各路大舉進攻、未及兩日、同江方面亦有俄艦漸增赤俄飛機竟有飛至富錦之報、乃一面星夜首途、一面電令各艦嚴加戒備、同時李鎮守使正在查勘防務中、自佳木斯聞警、亦即匆促就道、不料赤俄果以海陸空大軍向同江大舉進攻、此爲十月十二日黎明事也、

三、三江口赤俄發難及戰役之始末

十月十一日、三江口外俄艦忽由兩艘增爲五艘、其最大旗艦亦來泊口外、與其他四艦、共扼松花江中下兩口、同夜又來俄艦四隻、分泊上口對岸及莫力洪一帶、形勢頗爲嚴重、我方海陸

各軍知將有變、員兵澈夜警戒、十二日午前五時半、各艦信號兵報告、赤俄旗艦忽懸紅旗、同時該俄艦陡向我利捷旂艦開砲、我方雖有警戒、尙恐誤會、特引滿以待、旋見第二彈擊我利綏、知彼實欲大冒不韙、我海軍爲自衛起見、乃由利綏先行還砲應戰、利捷東乙陸戰隊等繼之、彼時俄艦砲火、均集中於我方海軍及三江口之陸戰隊、我方各艦及陸隊員兵、奮勇激戰、約一時半許、敵旂艦被我集彈攻擊、艦體傾斜、漸就沉沒、向後潰退、其他兩艦亦中砲起火、均逃出三江口戰線以外、旋敵飛機十五架、三五成羣、整隊來攻、我連送船江泰江平被炸起火、敵艦乃又折回攻擊、續戰半日、敵艦發射二千四百餘發、我艦亦五六百發、彈如雨下、江水沸騰、又擊沉敵艦兩隻、其四隻起火分竄、我方連送船江安亦被敵飛機炸燬、利捷軍艦船尾及利綏軍艦船頭、各被敵巨彈兩發、利捷之舵被擊去、猶復以俚葉爲進退、與敵鏖戰、利綏之前砲被燬、砲員血肉橫飛、艦首幾成肉團、而後砲員之奮勇如故、東乙砲火較巨決、戰尤久、亦被飛機炸通船底、各砲員一面救火一面應戰、迨至利捷與東乙先後浸水沉沒、利綏以被創過巨、繞出戰線以外、敵方殘艦及飛機、乃以次集中砲火於陸戰隊及我陸軍戰線、其時敵方機關槍隊四五百人、擬自三江口正面強行登岸、被我陸戰隊及陸軍守兵擊退、前仆後繼、死傷甚重、終不得逞、乃餘復以步騎兵三千餘人、機關槍百餘尊、手提機關四百餘架、小山砲數十尊、繞道下流十里處、由海軍及飛機掩護登岸、海陸空同時猛攻、我陸

軍殊死敵抗、塹壕盡平、砲壘爲墟、猶復以血肉之軀奮死迎敵、激戰至午後二時許、彈盡援絕、敵軍蜂擁來攻、我海軍李大隊長陸軍孟營長翟連長等各率所部、與俄兵白刃相接、雖殲敵甚夥、而兩隊員兵全部五百餘人均以殉難、我海陸軍仍一面自同江向富錦分水陸兩路節節佈防、一面退後補充休養、準備再舉遠敵軍遂於十二日午後三時許進入同江、是役也我海軍以寡敵衆、敵方兵器之精良、百倍於我、卒賴將士忠勇、鏖戰竟日、擊沉敵方主力艦三隻（旗艦在內）擊傷小艦四隻、擊落飛機兩架、殲敵海陸軍七百餘人、其極東艦隊司令官及其指揮官四人死焉、我海陸軍殉國員兵、雖亦達七百餘人、但我方正式軍艦之被燬者、只利捷一艘、其餘平安泰三巡送船、毫無武力、較之敵方損失、實屬十不及一、比次敵軍所以被此重創者、緣利捷原爲三磅小砲兩尊敵、飛機偵之甚悉、不料沈司令自九月中旬、呈奉張總司令核准、秘密自海防運來四吋七砲兩尊、裝於東乙拖船、以爲活砲台、藏於蘆葦深處、未易覺察、並將捷綏兩艦改裝三吋砲、又撥給陸戰隊三吋砲兩尊、此新增之八尊砲火、均出敵軍意料以外、故敵初以爲同江可不血刃而下、而究其結局之損失、乃至於此、亦天奪其魄也、

四、同江恢復及目前之狀況

方敵軍突迫同江時、同富間電線忽被割斷、音息不通、迨商船自同江馳回富錦、適李鎮守使

與沈司令亦同時趕到、乃於十四日分派陸海軍向同江反攻、先是赤俄以重兵來犯、據報其志本在侵入富錦、冀得大宗糧食、及在同江喪其領袖、並蒙鉅大損失、知我軍未可輕視、不敢深入、至十三日午刻、即焚燬同江縣署及所在機關、擄去商家小麥百餘石、麵粉千餘袋、急急渡江鼠竄、迨我陸軍進至同江、只城南數十里尚有敵兵三百餘人、亦即聞風潰逃、現同江境內已完全肅清、惟三江口外、尚有俄小艦兩隻、守護其沉沒待救之一艦、尙未歸去耳、說者謂此次東北路危而復安、我海軍忠魂衛國之功爲、不可沒焉、

中俄海軍勢力比較表 (其一)

艦種	國別	
	中	俄
大型砲艦	無	旗艦一隻約一千二百噸有六吋砲八尊高射砲一尊
中型砲艦	利提二六六噸利梭一七〇噸兩艦各有三吋砲兩尊	砲艦四隻九五噸者二隻各有四吋七砲六尊高射砲一尊餘兩隻約五百噸各有四吋七單砲二尊共砲十六尊高射砲二尊
小型砲艦	無	小砲艦四隻各約百餘噸各有三吋砲兩尊共八尊
運送船	江平安江泰三艘各約二百餘噸係商船改造各有小砲兩尊	無
武裝快艇	無	快艇四隻各裝三磅砲一門

計	砲					總 軍艦數	海軍陸戰隊	活 砲 台
	數	磅 砲	三吋 砲	四吋 砲	六吋 砲			
高射砲	一	二	六	二	無	三隻 內江亨一隻因水淺 停富錦未加入戰鬥	共三百餘人有三吋砲兩尊迫擊砲六尊及機關槍 步槍等	東乙拖船有四吋七砲兩尊三磅砲兩尊高射砲一 尊
	三	二	八	一六	八	九 隻	無	無

中俄陸軍空軍勢力比較表 (其二)

兵 種	國 別	
	中 國	俄 國
陸 軍	步兵四營一連砲兵一連共約二千人武器除 野砲山砲各兩門機關槍六架外餘均步槍	步兵二千餘人騎兵八百餘人其武器爲小山砲數十尊 手提機關槍百餘尊餘均步槍
空 軍	無	大小飛機約二十五架

中俄同江戰役海陸軍損失比較表（其三）

損失軍艦或兵數	中	國	俄	國
大型砲艦	無	損失一集		
中型砲艦	損失一隻	損失二隻		
小型砲艦	無	受傷四隻		
運送船	損失三隻	無		
活砲台	自沉一隻	無		
陸軍或陸戰隊死亡數	七百餘人	七百餘人		
空中損失數	無	炸壞飛機兩架		

蘇聯共產黨徒在我境內破壞治安及交通之日記

中俄國際間關係、自七月十一日事件發生後、突形緊張、惟蘇聯心目中仍認定東路為其

勢力範圍、虎視眈眈、仍欲得而甘心、故一方組織「遠東軍」、實行武裝侵擾、同時復令在中東路沿線之蘇聯赤黨、以種種不可思議之方法、擾亂我治安、破壞我交通、不惜造成赤色恐怖、茲據東路當局之調查、各地官長之電報、以日記體裁、草一赤色恐怖之記錄、國閱之、亦有動於心而思奮起抵禦之乎、

七月二十二日 綏芬河一四七九公里地方、鐵軌接合處被赤黨擗開、將魚尾板起去、當經查出修復、(車務處及工務處報告)、

七月二十八日 札蘭諾爾站三九公里地方、有轉轍器被赤黨損壞、並擊斃搬閘夫王升秀一名、(工務處及材務處報告)、

七月二十九日 寬城子站第五八次車開車時、平車出軌三輛、係因赤黨將岔道折斷所致(車務處報告、)

札蘭諾爾煤礦第九洞燒火室內、有水管被赤黨損壞、意圖使汽鍋燒裂、幸經察覺、未生巨變、(材料處報告)、

八月六日 細鱗河站一四三一公里地方、有橋基被赤黨炸毀、當經修復、(車務處及工務處報告、)

密峰站一〇四五公里地方、因軌道上置有鐵釘障碍物、致有機車一輛出軌、

(車務處及工務處報告)、

綏芬河寬峪間一四八一公里地方、有赤黨謀炸第三次列車、當該列車經過時、瞥見道旁助燃藥發火、急行停車、在鐵軌下發現棉花炸藥四團、幸未爆發、(車務處及工務處報告)、

八月八日

哈爾濱第九二三公里地方、有道軌魚尾板二枚被赤黨鬆開、(車務處報告)、

哈爾濱第九四六公里地方、有路軌三節、被赤黨鬆開、(車務處報告)、

哈爾濱第九一九公里地方、被赤黨將路軌鬆開有兩節移置道旁、(車務處報告)、

哈爾濱地包機車廠第一第二兩號轉盤、被赤黨損壞、翻倒機車一輛、(車務處及機務處報告)、

哈爾濱站被赤黨放火、燒毀秧草兩平車、(車務處報告)、

哈爾濱站工務處工廠、被赤黨放火、旋即撲滅、(工務處報告)、

哈爾濱路局汽車房、被赤黨放火、旋即撲滅、(工務處及車務處報告)、

哈爾濱工務第八段製麻廠、被赤黨放火、燒毀一部、(工務處報告)、

哈爾濱馬家溝材料場第十崗火車擋木地方、被赤黨放火燒毀木柁一梁、(材

料處報告）、

八月八日 博克圖沿第四〇四公里地方、被赤黨將軌道之魚尾板起開二枚、（車務處及工務處報告）、

興安嶺博克圖間第二三三號至二三五號電桿、被赤黨砍倒、並將第三一號及第八一號電線剪斷、（電務處報告）、

八月九日 香房成蒿子站間九五三公里地方、被赤黨將路軌道釘拔去、魚尾板鬆開車枚、致使第五十一次車出軌毀損車三十輛、死華油夫一人、車隊員受傷、（車務處及工務處報告）、

密門站材料廠、被赤黨放火燒燬木柱二十根、（材料處報告）、
香房成蒿子站間、鐵軌上縛置道釘、（車務處報告）、

八月十日 哈爾濱站分配車輛場電燈線被赤黨割斷、並向車輛拋擲石塊、（車務處報告）

八月十一日 烏吉密帽兒山間第一九八第一九九號電桿間之第四十六號電線及電話線被赤黨損壞、（電務處報告）、

八月十二日 烏吉密站一〇七五公里地方、有赤黨在路軌上縛置道釘三枚、旋被察覺解去

、(車務處及工務處報告)、

葦沙河站一二五公里地方、有赤黨在路軌上放置枕木、爲第二六次車撞見、(工務處報告)、

八月十四日 長春站第一〇一次車進站時、有赤黨陰謀、欲使車輛脫鈎、當被察覺、遂未

得逞、(車務處報告)、

石頭河子一四四小站間第九十號電桿上、所有電綫、悉被赤黨剪斷、(電務處報告)、

八月十六日 滿溝站調車時、有載草平車兩輛、倒於路旁、查係赤黨所爲、(車務處報告)、

八月十七日 哈爾濱顧鄉屯間六公里地方、有赤黨向第六七次車機車、拋擲炸彈、司機瓦

西力耶夫火夫王福二名當被炸斃、副司機謝米諾夫身帶重傷、(車務處及機務處報告)、

八月十八日 高嶺子一四七小站間一一八五公里地方、第二十八號電桿上之電綫、被赤黨

阻斷、(電務處報告)、

葦沙河站一二五公里地方、有赤黨將枕木橫置路軌上、爲第二六次車撞見、(車務處及工務處報告)、

八月十九日 太平嶺站一四三〇公里地方、有赤黨潛伏埋放電氣地雷、適第三次車行經其

上、前後兩輛機車同時出軌、并炸毀鐵道一段、死火夫王立福一名、重傷司機依佛里耶夫副司機阿立什格維赤二名、又輕傷司機火夫等三名、(車務處機務處及工務處報告)、

哈拉蘇站四七三公里地方、有赤黨將路軌上之魚尾板鬆開一枚、拔去道釘十五枚、并將看道夫捉去、旋被掙脫、(車務處及工務處報告)、

八月十九日 滿州里赤俄路員十餘人、暗將我方消息報告赤軍、又有密謀擾亂行爲、被我路警查實、拘往哈埠密問、(特警處電)、

八月二十日 橫道河子站一〇九八公里地方、有赤黨將鐵軌接合處擰開、於其縫中釘入道釘十枚、爲第二十次車撞見、(車務處及工務處報告)、

八月二十二日 石河站一二四七公里地方、鐵軌接縫處、被赤黨插入舊鐵釘、手搖車行經其上、翻落坡下、(車務處及工務處報告)、

赤俄在海參崴、強迫華僑當兵、不從卽下獄、招得數百人、各給長槍一枝、子彈二百粒、手榴彈兩個、由赤軍官監視、於十七八九等日、自海參崴乘車至四站、再步行至五站(綏芬河)、分四組潛入我境、勾結胡匪、擾亂我後

方秩序、有中國青年共匪王培先、被其利誘、爲之策劃、每組約華人一百、監視之赤軍官五十人、我吉林屬、當壁鎮、黃崗、均被搶掠一空、(吉張副司令電)、

八月二十八日

博克圖站四〇〇公里地方、被赤黨將鉄軌鬆開一節、經查道夫發覺、當即修復、(車務處及工務處報告)、

哈爾濱自動電話局、爲蘇聯工業大學學生所破壞、達三百架之多、(哈爾濱張長官電)、

八月二十九日

細鱗河站一四四一公里地方、有赤黨謀炸第三次車、經護路軍瞥見、開槍射擊後、遂將炸藥等項、遺落路上而逃、(車務處報告)、

小城子站一九公里地方、各貨車出軌、有美式車三輛、行李車三四等車各一輛、均倒於路旁、查係赤黨潛鬆路軌所致、(車務處報告)、

哈爾濱特警處、破獲赤俄秘密出版之真理報印刷機關、捕獲赤黨三人、并搜出印而未發之宣傳赤化擾亂治安之印刷品多種、(哈特警處電)

八月三十日

小綏芬細鱗河之間、有赤黨在路軌中間挖坑、埋藏炸藥電線等物、幸經發覺、即行起去、(車務處報告)、

八月三十一日 葦沙河站一一三六公里地方、有赤黨將鐵軌二根、橫置路軌上、幸經發覺、得以無事、(車務處及機務處報告)、

九月一日 密峰站之揚旗鐵線、被赤黨用石塊壓住、不能活動、致使第三〇六次車、因此遲誤十分鐘、(車務處及工務處報告)、

蔡家溝二家屯之間、有赤黨拋擲石塊、將美式車閘樓上之玻璃擊碎、(車務處報告)、

穆林站一三六一公里地方、有赤黨將大枕木、橫置路軌上、爲第三次軍撞見、(車務處及工務處報告)、

九月三日 代馬溝站一三四公里地方、有赤黨在路軌上放置兩巨石、經查道夫發覺移去、(工務處報告)

九月四日 窰門與窰門河之間、因路軌上爲赤黨安置石塊、第九二次車行過時、異常顛簸、(車務處報告)、

九月七日 綏芬河與八道河子之間、有赤蘇放置爆炸烈物於路軌上、適第三次客車行經該地被炸、當時機車頭二等車行李車飯車及三等第四第五兩車均出軌、行李車管理員列喀里楚克、電匠滋坡夫火夫、劉有德等三人、均炸斃、重傷者二人

、軌道被燬七十公尺、急施整理、另鋪鐵軌、於二十四小時內通車、（車務處機務處及工務處報告）、

九月八日 綏芬河車站因、蘇聯飛機投擲炸彈、全行炸燬、行車調度員長受傷、此外死者甚多、（車務處報告）、

九月十四日 夜十時、赤俄共黨多人、陰謀破壞松花江鐵橋、爲護路軍發覺、俄共黨開槍傷護路軍排長一人、後卒被我軍將俄共黨擊散、鐵橋無恙、（護路軍司令部電）、

九月二十六日 早八時、札蘭諾爾槎崗站五十四公里地方、有赤軍敢死隊多名、投擲炸彈、炸燬東路貨車兩輛、傷押車員一名、（路警處電）、

蘇俄沿邊暴行日記

由七月十七日至十月二十五日

七月十七日 華商輪宜興行至奇克特被捕、愛理海城兩輪及拖船一艘、在橫河口被捕、沒收船貨、拘禁旅客、海城被改作運送艦、

七月二十一日 阿穆爾省、於是夜二時、捕華商數百人、海參崴廟街伯力等處、拘禁華商、沒收財產、至二三千萬元、

七月二十三日 華商輪威通慶林瀋陽同豐四艘、行至黑河被捕、洪泰在烏蘇里江被捕、

七月二十七日 黑河中國總領事館副領、事及隨習領事各一員、被俄拘留、銀貨物件、悉被沒收、伯力海參崴領館、均受同樣之脅迫、

七月二十八日 滿州里邊境之十八里小站、被俄甲車隊佔領、我軍未與抵抗、站上軍械物品、悉被扣留、

七月二十九日 俄兵艦在松花江口、向華境發砲十餘發、我軍隊軍艦鈞未應戰、

八月一日 俄飛機二十九架、入東寧縣境內、俄兵四五百名至三道洞子、向我軍發砲三十餘發、

俄軍至密山縣當壁鎮、迫令居民退出三十里外、俄軍擄劫華商旅客多人、拘

往伯力軍官劉英祥由依蘭赴饒河、同被劫去、

八月二日 華商輪海昌被捕、

八月五日 俄兵入密山、劫福昌隆商號、又在興凱湖濱捕船、殺華人一名、

八月六日 赤俄共黨、在哈爾濱各處放火、製麻廠麻堆被焚燬、又在細鱗河炸東路橋梁、

八月七日 俄兵在滿州里東北越界佔領紅山咀子、又進佔三卡(鄂而得爪托魯)、卡官退出、商民被逐、所有米麪馬匹銀物軍械、悉數被劫、

八月八日 俄兵夜襲鷗浦縣(卽倭西門)南門外、各傷亡十餘人、(鷗浦屬黑龍江省)、

八月九日 華商振邊酒廠帆船、行至米果力次被捕、按黑龍江上下游皆以江爲界、華船在江中、被捕、船貨俱失、不可勝計、烏蘇里江亦然、不悉記、

富錦至饒河之郵差、被俄兵截劫、郵件盡毀失、俄兵入密山、召集商民在當壁鎮宣講共產、又至老龜背、焚劫劉寶函家、殺男女孩各一、

八月十二日 俄兵砲艦砲擊綏東縣之中興鎮、人民死傷甚衆、俄兵二千餘人、登岸佔領之、又進佔李家油房、商貨物品均被劫去、

俄兵又至當壁鎮、焚劫商號三義東等四家、我騎兵往救、死一人、傷三人、團丁亦傷三人、

俄兵至密山四道河子、焚劫東發隆燒鍋、殺一人、傷一人、被擄去者三人、
俄兵於夜半渡黑龍江、至烏雲縣境常家屯、劫財物軍械而去、殺三人、

八月十四日 俄以重砲攻隴浦縣城、佔領之、華官民退守富拉罕廣信公司鑛地、

又俄兵至密山、焚劫東源茂商號、

俄兵於夜間越界、襲擊東寧縣警團防所、

八月十五日 俄艦至三江口、向華界發砲五十三發、

俄兵於夜間、越界襲擊東寧縣西門外、砲兵排傷兵夫六名、死一名、

俄兵襲五卡、逐官民、劫掠而去、

八月十六日 俄兵越界、進攻札蘭諾爾煤鑛、與我軍相持三小時、我軍傷連排長各一、死

傷士兵二十餘、

俄兵晨襲六卡、殺卡官孫寰吉等、商民悉被劫掠、

八月十七日 俄軍又越界、進攻至札蘭諾爾西北十餘里、我軍拒却之、

俄軍又夜襲東寧縣、砲擊縣城、佔領之、

八月十八日 我駐東寧軍退出縣城、駐守縣北河沿、

俄軍夜襲札蘭諾爾我軍陣地、

八月十九日 俄軍在舊粗魯海圖附近、架橋於額爾古納河上、

俄騎兵十餘人、突至哈拉河沿站、破壞水樓、經我駐軍擊退、

俄兵於夜間至饒河縣距城七十里蓋其果夫屯、焚劫邢家酒店、

八月二十日 俄鐵甲車一列、衝擊滿州里我軍陣地、我軍拒却之、俄軍退出界外、仍向華

界發砲、細鱗河太平嶺之間、機車之下、發生炸彈、炸傷四人、查路人員被黨人用槍刺死、

八月二十二日 滿州里附近有四五俄人、潛伏鐵道橋梁附近、經我查覺、卽行逃竄、拾得地

雷二十個、導火索一條、

八月二十六日 俄騎兵五百餘、由馬蹄頁子至阿巴該圖、向我陣地前二千米達處、施放機關

槍、夜三時、俄騎兵二百餘、砲兩門、大車三十餘輛、駝馬二十餘匹、由阿巴該圖向十八里小站方面前進、

又赤俄軍艦載砲六門、機關槍二架、兵百餘人、駛至黑河我岸、軍樂洋洋、示威遊駛、偵察我方陣地、

八月二十八日 俄步兵二百餘人、汽車十餘輛、大板車二百餘輛、由十八里小站向阿巴該圖

輸送軍需品甚忙、

俄兵在黑河我岸開大砲轟擊、將永平小輪上蓋擊破、海關樓窗玻璃震破、俄兵由大烏里、向阿巴該圖、開去步兵一千五百餘人、

八月三十日 滿州里俄軍、又由阿巴該圖增來步兵五百餘人、帶汽車七輛、

八月三十一日 吉林屬柳毛河、發現俄匪一夥、在山腹哨探我陣地、經極力剿伐潰散、

俄軍五六十名、乘小船三隻、至黑河屬二公別河口登岸、至嚴家子河岸、分三處向我射擊四五十發、俄軍在西路額爾古納河、建築橋梁三處、該處俄紅黨、將蒙人駱駝、搶去七十頭、

黑龍江黑河上游察哈彥上游距鎮七十餘里之新街基屯來俄共黨三四十人、帶機關槍五架、向我屯內射擊半小時、死我兵士一名、傷張姓農民一人、其餘屯民、均被拘集一院、衣服食物馬匹、俱被擄去、

黑河上游軍駕大船至卡倫、向卡開砲、轟擊極猛、我不支而退興勝站、卡目一卡兵一被擄、卡房三所、及文卷稅票鋪墊均被砲火焚燬淨盡、槍彈被掠、牛馬牲畜全被趕去、民種麥田八百畝被割去、

九月一日 滿州里發現赤俄騎探三名、騎兵三十餘名、砲二門、駝馬二十餘匹、汽車七輛、由十八里小站向阿巴該圖前進、阿巴該圖並增來俄步兵二百餘人、開砲二

響、綏芬河俄飛機五架、在五站六站太平嶺各處往返飛行、西毛屯草地、內檢獲置放之淡黃色爆藥二十三塊、

九月二日 滿州里發現在我方陣前、有俄軍聯絡記號燈、並汽車數輛、阿巴該圖以北、聞俄軍大砲聲十餘發、

九月三日 綏芬河之東大威子、開到俄步兵五六百名、加原有者達七八百人、各種砲十餘門、並由西北飛來飛機三架、在缸窰溝高力營縣城及河沿一帶、盤旋偵察、滿州里札蘭諾爾阿巴該圖三處上空、有俄飛機數架、往返飛翔三次、約半小時、向馬蹄貝子駛去、

九月四日 赤俄砲兵、向我札蘭諾爾右翼陣地襲擊、大砲及機關槍、火力極猛、綏芬河附近密山縣屬都立老克地方俄兵、向我陣地用機關槍射擊、六小時始止、

綏芬河各陣地、時發見俄飛機在上空盤旋、偵察我方軍情、俄步兵並時向我射擊、

九月五日 滿州里發現俄鐵甲車停止我方陣前千五百米達處、半小時始退、並有俄騎探十餘名、與我步哨衝突、互相射擊十分鐘、

綏芬河二道洞子東側山腹俄兵三十餘名，向我警戒陣地進襲、互射二十分鐘退去、

九月七日 東寧俄兵、竄繞我方砲兵陣地擲炸彈、並發射機關鎗、俄飛機兩三架、時在

上空盤旋偵察、俄步騎兵日有增加、

俄軍砲彈炸彈將我綏芬河陣地曹團三連防所、炸壞一部、並將給養子彈服裝等車炸壞一部份、及公文等物、

滿州里俄砲兵、向我方陣地、發砲約五六十發、又俄騎兵四百餘名、汽車二十餘輛、由阿巴該圖向十八里小站進攻、俄飛機一架、來我札滿陣地、擲照明彈十餘發、

綏芬河俄軍飛機數架擲炸彈、並放機關鎗、將我鐵甲車炸壞一輛、

俄軍飛機多架、協助步砲兵、向我綏芬陣地猛攻、由上空射擊機鎗炸彈甚多、

九月八日 俄軍用山砲向我綏芬車站猛攻、電燈廠局員辦公室等、悉爲焚燬、傷亡我人民士兵路員無數、給養車十輛、客車兩輛被炸壞、山砲迫擊砲等被炸多門、綏芬各機關被燬、職員均避難、烏蘇鎮駐招兵一連、被俄兵擊散、綏芬危急、綏遠同江間電報電話線、被俄軍逾境割斷、

九月九日

滿州里赤軍五百餘人、汽車一輛、在我陣前一千米達高處、構築工事、俄運兵船經綏東下駛、

俄飛機四架、沿我黑龍江岸、飛行偵察、

同江縣四屯地方、俄軍艦一艘、掩護汽船二隻、內載機關槍數架、及俄兵三十餘名、被我發覺、俄軍即開槍射擊、傷我兵士二名、

綏芬河我陣地上空、有俄飛機多架、往返盤旋偵察、吉屬同江縣附近七屯四屯與江北渡間、俄軍進襲、遇我軍首先開槍、傷我軍七名、亡一名、俄軍在小黑河口放砲示威、

西路十八里小站附近、俄砲兵向我猛射、機關槍亦在國門附近掃射、並有鉄甲車一列、進至我陣地前一千米達處、飛機一架在上空助威、俄軍砲彈有落至滿站市街者、

綏芬鐵路線上、第三次客車被俄軍炸壞機車頭二等車飯車行李車等多輛、損壞路軌七十公尺、斃二人、傷數人、

吉屬三屯前方夾汲河、發現俄汽船二隻、兵三十餘名、正欲登岸搶掠民食、遇我軍開槍戰一時、我被斃兵一名、傷數人、同時有俄商船帶拖船一隻、載

九月十日 俄兵四百餘上駛、因我軍抵抗甚力、旋即退去、我軍亡一傷二、吉屬馬橋河附近下城子地方、來俄飛機數架、擲下炸彈、炸壞火車數輛、傷

數人、

九月十一日 俄軍汽車十餘輛、馬百餘匹、砲車五輛、步騎兵五百餘、由十八里小站向阿巴該圖輸送物品、

九月十一日 奇克特境有俄軍三十人渡江、在何家地營子屯、槍殺我人民二名、

俄騎百餘人、佔領十八里小站南側高地、構造陣地、以掩護其輸送、

九月十二日 俄軍來攻綏芬、砲火極猛、俄飛機擲炸彈助戰、人民驚恐異常、

赤俄飛機在馬橋河往返盤旋、且聞砲火甚烈、

俄飛機十餘架、在綏芬我陣地上、終日來去、盤旋於五站寒風河八道河子一帶、

商民王蘭亭遇赤軍駕船行劫、擊斃人民二人、

九月十二日 俄軍三十名到何家地營子屯、槍殺姚姓一名、該處人民、逃避山裏、

五站開到俄步兵百餘名、山砲四門、貨車二十餘輛、

俄騎兵三十餘名、在綏芬西北溝、襲擊我軍左翼陣地、我軍抵抗極猛、

九月十三日 綏芬河飛機數架、由細鱗河經穆稜梨樹密山鐵嶺河牡丹江一帶、在上空盤旋、偵察我陣地、

十三日 何家地營子屯、被俄軍三十餘名搶劫一空、死人民二名、該屯人民逃避一空、滿洲里俄軍汽車九輛、馬車六十餘輛、由阿巴該圖向十八里小站運送、又在我陣前四千米達處、有俄兵按埋之地雷、爆發三聲、

九月十四日 俄飛機至密山稜穆煤礦區窺伺、攝取照片、

瀋陽輪船被俄扣留、被扣船員及乘客等共約一千一百人、每人日給麵包半磅、

九月十六日 滿洲里方面、俄軍三四日來、紛紛移營後退、作禦寒準備、

是日夜半、俄軍百餘人、襲擊臚濱縣庫克多博卡、庫卡卡房、及沿江民房、被焚燬、

九月十七日 俄軍飛機、在穆稜海林一帶擲炸彈、圖炸牡丹江鐵橋、及黑山嶺洞、均未達目的、

外蒙受蘇聯懲患、準備動員、正調查壯丁、凡年二十以上四十以下者、開明體格財產及家庭狀況、以備徵募、又蒙古騎兵二旅、已開至外蒙與呼倫貝爾

交界處候命、

九月十九日 綏遠縣突被俄軍兵艦及北岸俄軍汽船包圍、縣署住室卷宗均焚燬、監犯六名、亦被釋放、商民房屋、燒燬大半、經我軍痛擊、將縣長及商民救出、戰至天明、俄軍始敗退、

九月二十日 俄軍飛機、連日來綏芬穆稜一帶偵察、未擲炸彈、阿巴該圖地方、開來俄軍汽車二輛、離我軍陣地約三千米突停止、俄軍官八九名、下車向我陣地視察、下午一時、俄軍演放機關槍、約半小時、

九月二十一日 俄軍飛機、在綏芬河方面、盤旋二時之久、

九月二十二日 綏芬河陣地、發現俄軍、經我軍一排迎頭射擊、互擊二十分鐘、敵始退、

九月二十三日 俄軍飛機六架、侵入領空、窺伺七小時之久、滿州里右方高地、俄軍五六人、以機關槍向我陣地射擊、有俄軍汽車十輛、板車數十輛、由十八里站向阿巴該圖輸送、我軍未還擊、

九月二十四日 東寧方面、俄軍自火了溝子、向我方射擊、未還擊、

九月二十八日 俄軍三百餘人、猛攻畢拉爾河(卽十一卡)、卡官陣亡、卡兵及商民男女、同遭慘殺者百餘人、房屋焚燬甚多、室韋縣縣長及九卡十卡、均先後退往河場

十月一日

、按十一卡爲奇乾縣門戶、該地陷落、奇乾全境、卽成絕地、俄軍砲隊忽來襲擊、用大砲向我陣地轟擊、上午十時半、砲火最猛烈、同時俄軍飛機三架、盤旋大砲聲中、拋擲炸彈、東卡地方俄騎兵二百餘名、携機關槍肆行搶掠焚燒、意圖擾亂滿海後方、我騎兵三連前往痛勦、

俄軍飛機來襲、東路至牡丹江車站、西路至免渡河、

滿州里方面、俄軍大舉來攻、向我陣地猛擊、歷二小時被擊退、

十月二日

滿州里方面、早六時、俄軍仍來攻、激戰至十時半、砲火最烈、俄軍有步兵數百人、直逼我戰壕、互相肉搏、我軍陣地一角、竟被佔領、經我軍力戰奪回、下午五時、砲火又轉烈、有俄軍飛機六架、分二隊掩護俄軍來攻、一隊飛翔滿洲里車站及我軍司令部、拋擲炸彈六枚、並放機關槍、飛機一隊、至札蘭諾爾煤礦、拋擲炸彈、兩地方我軍均未受損失、俄軍數百、於飛機掩護下、向我陣地猛攻、激戰至六時許、始將俄軍擊退、是役俄軍死傷三百餘人、我軍死傷四五十人、

是晚十一時起至三日早五時止、敵利用暗夜、向我陣地全綫猛攻三次、其軍隊以炸彈手槍隊居多數、幸戒備嚴密、竭力抵抗、將敵擊退、我五十一團陣

亡二名、傷六名、三營陣亡四名、傷八名、騎兵傷三名、

下午五時至九時、敵方全用重野砲射擊、約三十餘發、飛機擲炸彈六七十枚、我陣掩蔽部被破壞二分之一、全線幾成彈穴、是役在我陣地內、斃敵官兵十七名、獲步槍四枝、手榴彈五十六枚、斃在陣地前方敵官兵約七八十名、我傷官兵三十一名、死十三名、

十月四日

滿州里方面、我軍與俄軍繼續激戰、至上午六時、敵始不支敗退、滿站及發電廠一部分、爲俄軍砲火損壞、

晚十時半、俄軍復來襲、我方傷亡上尉排長一人、兵七名、俄軍死傷甚多、三江口附近俄軍、於是晚侵入搶劫、劫去馬五十餘匹、牛羊百餘頭、擄去婦女數十口、俄騎兵共八百名、由一工人約克福統領、分爲四班、專事侵入華境騷擾、

十月六日

俄軍向我三十八團陣地襲擊、戰兩小時、我軍並無傷亡、小煤窰我軍騎兵出哨、被敵擊斃軍馬一匹、本日滿州里方面、俄軍曾發砲示威、並無接觸、

十月七日

俄軍在滿州里前線、僅開砲示威、未還擊、饒河附近之小河南小別拉坑虎林河姜家店等處、均被俄匪砍斷電桿、竊去電線、往返我岸小船、屢被我軍截

擊、四道米子同合義商號、日前被俄軍數十名、用機關槍射擊、全號被焚、周亮子徐姓商號、被斃傷牛馬甚多、大穰牛河胡家酒店亦被俄軍搶掠、綁去夥友三人、該處孫姓房屋被焚、現繹馬地方、有俄艦一艘停泊、不時向上下游各處騷擾、

十月十一日

俄飛機二十餘架、在同江縣方面擲炸彈、形勢甚危、俄軍向我陣地發照明彈二十餘枚、晚六時、敵騎兵百餘名、由阿巴該圖至十八里小站、發槍向我射擊、

十月十二日

俄海陸空軍、在同江方面、大舉來攻、我江安江平江泰三艦(均商艦改造)中彈沈沒、海軍死五百人、俄軍艦亦被我軍擊沈三艘、擊傷四艘、敵飛機被擊落二架、此役敵以軍艦八艘、飛機廿五架、步兵二千餘人、騎兵千餘人、攻我海軍、有機關槍百餘尊、手提機關槍四百餘架、其指揮者爲斯加斯克、敵軍飛機整隊進攻、擲八十磅重炸彈、我陸軍死傷五百餘人、敵方陸軍死傷騎兵百餘、步兵三百餘、赤軍砲火猛烈、飛機擲炸彈如雨、同江全市、悉成齏粉、江水如沸、壕塹盡平、我海陸軍忠勇效命、寧死不退、卒以砲力懸殊、兼以子彈不繼、遂致不支、不得已暫時放棄同江、我方受傷海陸軍將領十餘人

、陸戰隊長李泗亭當日陣亡、俄軍艦隊司令勃斯脫屈闊夫及以下指揮官四人、均受傷而亡、

東甯附近來信子王姓家、被俄軍數人侵入搶劫、後又焚燬房屋車輛而去、

十月十三日 是晚同江被俄軍佔領、該處房屋焚燬不計其數、退掠臨時去麵麥食品極多、

俄軍飛機、至滿州里及札蘭諾爾煤礦擲彈、未傷人、

十月十四日 同江於本日克復、海軍司令沈鴻烈仍在前線指揮、俄軍艦已退出三江口、

十月十五日 黑河被俄軍砲擊、傷亡甚多、有多處起火、

俄軍飛機侵滿洲里陣地、無損失、

十月十六日 俄軍飛機、至札蘭諾爾站煤礦擲炸彈、無損失、

十月十八日 下午二時至二時半、俄飛機六架、盤旋滿洲里札蘭諾爾空中、經我砲擊退去、

十月二十日 下午二時、赤軍飛機、盤旋於滿洲里札蘭諾爾間、用機關槍下擊、我方未受損失、

十月二十一日 同江領空、發現俄飛機二架、時來盤旋、

十月二十二日 同江領空、仍有俄飛機盤旋、

十月二十三日 三江口仍停泊俄船三艦、時常上下游弋、我方戒備甚嚴密、俄艦不能進、

十月二十四日 俄軍在滿洲里十八里小站地方、向我軍五十一團陣地、連發三砲、我軍受傷

者二人、旋即逃去、

十月二十六日

早八時、札蘭諾爾樑岡站五十四公里地方、赤軍敢死隊多名、投擲炸彈、炸燬東路貨車兩輛、傷押車員一名、富錦赤俄海軍、仍時以機關槍步槍、向我駐防陸軍射擊、

伊穆卡河卡倫、被赤軍襲擊、屠殺殆盡、張卡官失蹤、

十月二十七日

赤俄飛機數架、飛入同江領空偵察、

十月三十日

赤俄飛機五架、步騎兵力一師半、砲艦十艘、來攻離富錦三十里之高家屯地方、同富間我方共有三道防線、現均被赤軍攻破、晚赤艦抵富錦下流、竭力破壞我攔江防線、將該線炸燬一道、

是日、晚赤俄軍隊襲擊東寧、歷三小時半、始退、

十月三十一日

上午十時許、富錦來赤艦九艘、步騎兵約二千餘名、攻擊富錦、至翌日上午十二時始退、

下午一時半、赤艦四艘、闖入富錦、境其餘兩艘駛近岸邊、赤軍騎兵一部登陸、陸地方面、敵大舉來攻、兵數約三千人以上、富錦交通銀行趙昌火磨、均被赤軍砲火擊燬、我軍左翼已受包圍、其右翼騎兵、抄擊我之側背、全線

達四十餘里、赤俄軍隊有野砲十餘門、山砲四十餘門、機關槍二百架、軍艦七隻、砲三十餘門、飛機九架、拋擲炸彈、砲火甚爲猛烈、據土人云、尙有兵艦二艦、滿載形似某國之兵士、

十一月一日 綏芬方面、日來時有赤軍飛機、旋繞窺伺、

是日上午七時、赤軍飛機一架、飛至滿洲里市上空、旋繞約一小時逸去、東寧被赤軍襲擊、不久退却、

十二月二日 赤軍飛機三架、自綏芬河方面、飛抵穆稜領空、飛行極低、向二十六旅司令部及車站、連擲炸彈數枚、均未命中、

夜間、敵艦對富錦用探照燈、探照富錦街市商民房屋、被擊燬三分之一、營房衙署及各機關、均被燒燬、

綏芬河方面赤軍飛機二架、又來窺探、旋即飛去、

十一月四日 晚十時、雙城堡站護路軍營房、被赤軍放火、即撲滅、

十一月六日 赤軍圍攻室韋縣、

十一月七日 晨六時、赤軍飛機兩架、飛入密山、飛行甚低、向我第一路司令部、投下三彈、未命中、

晨七時、有飛機三架、飛入綏芬空中偵察、有赤軍一隊、自張家地營、進逼黑河、

十一月八日 晨七時、赤軍飛機六架、至札蘭諾爾上空、盤旋窺伺、七時至八時間、赤軍飛機兩架、至滿洲里札蘭諾爾方面偵察、

八時、赤軍二十餘名、至綏芬河外方小站搶劫十餘皮商貨物、晚九時、赤軍百餘名、偷渡興凱湖、襲我軍陣地、被民團擊退、三姓發現赤俄匪黨數十人、經當地駐軍痛勦退去、

晚九時許、黑河對岸俄軍、向黑河街市發砲十一發同時有小砲艇二艘、逼黑河、

十一月十日 早七時、赤軍飛機一架、飛至綏芬馬橋河一帶窺伺、是日午時、黑邊漠河金廠、爲俄軍隔岸砲擊約二十餘發、金廠工人宿舍、被砲擊毀、傷工人數名、

十一月十一日 午後三時、赤軍飛機二架、飛入綏芬、三時半、飛至穆稜、旋即飛去、晚滿洲里外赤軍約四十餘名、於十時許、偷入我軍五十一團二營陣地、旋被擊退、

赤軍向滿站小北山我軍四十三團陣地、發六砲、未還擊、

十一月十二日 午前八時、赤軍飛機兩架、自徐爾固侵入我同江領空、九時至富錦、偵察我虛實、

晨七時、滿站上空、發現赤軍飛機一架、盤旋半小時始去、八時、有飛機二架、入黑河領空偵察、盤旋兩小時、

十一月十三日 晨八時、赤軍飛機三架、飛至穆稜偵察、歷一小時折回、晨滿州里外、砲聲隆隆不絕、八時許、赤軍飛機四架、自十八里小站、飛騰空中、經我射擊、向赤塔方面飛去、

午前、有赤軍飛機一架、至延吉偵察、一小時始去、

十一月十四日 晨八時、有赤軍飛機一架、來滿州里站上空偵察、又赤軍飛機五架、侵入綏芬上空、向車站投下炸彈數枚、傷鐵路工人二名、

十一月十五日 晨十時半、赤軍飛機二架來綏芬、以機關槍向下射擊、傷我護橋兵士二名、晨九時、有赤軍三十餘名、匍匐入我綏芬河第一線陣地、先行開火、我軍還擊、始退去、

十一月十六日 札蘭諾爾滿州里一帶、有赤軍飛機多架、盤旋不去、有預備進攻模樣、

十一月十七日

午、赤軍飛機十架、結隊攻穆稜、投彈甚多、

晨一時、赤軍大舉攻我滿州里及札蘭諾爾、砲火異常猛烈、繼增大砲三十餘門、掩護步騎兵五六千人、猛攻我軍陣地、八時許、飛機十架、紛紛擲下炸彈、札蘭諾爾煤礦第五洞被炸起火、正午、赤軍飛機轉赴海拉爾、投擲炸彈、

海滿間電話電報線、均被赤軍割斷、火車停開、赤軍飛機多架、盤旋滿札一帶不去、晨密山當壁鎮、有赤軍五六百人來騷擾、

滿州里客車開至札蘭諾爾與槎爾間、赤軍間道來襲、旅客及車務人員、均被驅入俄境車上行李被搶一空、晨七時赤軍飛機二十七架、侵入滿州里站上空、向我陣地營房、擲下炸彈二百餘枚、無線電台及舊縣署、均被炸燬、同時以大砲掩護步騎兵、猛烈向我梁旅陣地進攻、割斷我電線、拆毀我鐵路、其兵力在一師以上、有砲二十餘門、激戰至晚八時、梁旅堅守陣地未退、

晨七時、赤軍飛機四架、侵入我綏芬河下城子一帶領空偵察甚久、下午一時、牡丹江橋上空、亦發見赤軍飛機六架、用機關槍向下掃射、並擲炸彈多

枚、

半庶河雙門鎮白泡子二人班一帶、是日發現赤軍千餘名、初割斷電線、繼向我駐軍攻擊、

密山領空、有赤軍飛機五架、擲下炸彈多枚、民房被燬不少、繼有大隊赤軍、進攻該處、與我軍激戰、至晚、因赤軍增援猛攻、我軍引退、密山遂被佔領、赤軍入城、大肆搶掠、

十一月十八日

晨七時、赤軍再度以步騎砲兵來攻滿洲里、至午尚在激戰、札蘭諾爾方面、赤軍又增大砲三十餘門、集中砲火、向我陣地進攻、以飛機二十餘架助戰、並以坦克車二十餘輛、排列衝擊、我軍死力抵禦、激戰甚烈、雙方死傷頗重、

十一月十九日

晚、赤軍圍攻密山縣城、勢甚危殆、梨樹溝平安鎮等處、皆有激戰、赤軍猛攻札蘭諾爾、經我韓光第旅死力抵禦、我韓旅長身先士卒、裹創鏖戰、激戰至晚、敵包圍愈衆、卒因衆寡懸殊不敵而退、我韓旅長及所部團長兩名均殉難、牡丹江鐵橋上空、又發現赤軍飛機三架、西路海拉爾、上午十一時發現赤軍飛機五架、

十一月二十日

赤軍飛機二架、至下城子擲下炸彈五枚、無損失、赤軍大舉來攻滿洲里、我

梁忠甲旅因後路被赤軍截斷、遂取道呼倫池歸海拉爾、整隊退却、滿洲里卽於是日爲赤軍佔領、

十一月廿一日 晚十時赤軍飛機五架、襲我海拉爾、因我電燈全滅、遂擲下信號彈不少、復下擲炸彈數枚、

十一月廿二日 上午十一時、赤軍飛機三架、乘馬橋河、向我軍隊駐地擲炸彈、均未命中、室韋奇乾兩縣、於十一十二兩日、被赤軍襲攻、相繼佔領、

十一月廿三日 上午一時二十分、赤軍飛機十二架、飛至海拉爾、擲下炸彈十數枚、至正午逸去、

十一月廿四日 上午十一時許、赤軍飛機六架、自札蘭諾爾方面、飛至海拉爾上空、向我陣地擲下炸彈十數枚、其目的在炸我戰壕、過午卽飛去、

上午十時、赤軍飛機五架、飛入穆稜上空偵察、並擲炸彈多枚、又有飛機侵入綏芬河以西領空偵察、

晚、赤軍飛機四架、又來海拉爾、投擲炸彈、

十一月廿五日 上午九時、赤軍飛機一架、自札蘭諾爾方面、飛入哈克偵察、約半小時出境、又二架晨飛至東寧偵察、

十一月廿六日 晨八時、赤軍飛機二架、向綏芬河至穆稜煤礦偵察、擲下炸彈三枚、

下午二時、赤軍飛機二架、來我牡丹江鉄橋上空偵察、歷一小時始去、
午後、赤軍飛機一架、飛入富錦偵察、

十一月廿七日 赤軍飛機二架、飛至穆稜、偵察半小時、

十一月廿八日 午前十一時、赤軍飛機先後二十餘架、飛至博克圖、降至極低度、投擲炸彈二百餘發、

炸燬車站、燒去火車兩列、炸燬樓房三處、所有通信機關均炸燬

正午、赤軍飛機十五架、結隊來攻我博克圖、擲下炸彈多枚、炸燬車站中飯車一輛、

赤軍飛機十二架、下午二時、結隊來博克圖上空、拋擲炸彈多枚、

十一月廿九日 赤軍飛機十九架、午後一時、結隊來攻博克圖、紛紛擲下炸彈、亂落如雨、
博站附近車頭轉盤被燬、同時並炸壞東路之工廠及材料廠、

綏芬河來赤軍飛機二架、一在綏芬站上空盤旋、一在綏芬西我軍陣地上空偵察、歷二小時始飛去、

十一月三十日 晨九時、赤軍飛機四架、來博克圖上空、擲下炸彈一枚、晨十時、穆稜發現

赤軍飛機五架、盤旋半小時、向梨樹鎮飛去、

十二月二日 赤軍飛機、連日在東路綏芬東寧密山一帶偵察、在綏芬河往尤繁、

晚、赤軍以雪扒犁數十乘、配置機關槍及步兵、襲擊黑河巴英額旅、雙方各有死傷、

十二月三日 赤軍、五百來攻東寧、同時又來飛機二架、

午、博克圖上空、發現赤隊飛機三架、歷二小時始去、

晨九時、赤軍飛機二架、飛入博克圖、偵察我軍動作、夜二道卡卡倫房舍、被俄兵潛來縱火焚燬、

十二月四日 晨、赤軍飛機一架來東寧偵察、

上午十一時、赤軍飛機五架、飛入博克圖偵察、十二時飛去、

十二月五日 黑河方面赤軍、日來不時乘雪扒犁在江面出沒、時向我岸放槍、

十二月七日 一時二十分、免渡河發現赤軍飛機一架、以機關槍向站掃射並擲炸彈數枚、

將免渡河站停車廠及運糧廠炸燬、又十二時十五分、赤軍飛機一架、在烏固諾爾飛翔、

午後一時、赤軍飛機二架、飛入綏芬河上空、向我軍陣地放射機關槍百數十

發、

午後三時、赤軍飛機六架、飛入博克圖小嶺子烏固諾爾等地、拋下炸彈百餘枚、炸燬我軍用車二輛、同時並以機關槍向下掃射、

十二月八日 晨八時、赤軍飛機三架、飛入綏芬河偵察、

十二月九日 晨、赤軍飛機二架、入綏芬河偵察、繼又飛至穆稜一帶、

十二月十日 達崑屯突有赤軍約十餘名、闖入民院、各持軍械炸彈、搶去韓慶和等什物、復將郵站王世昌房二所、丁海潮房一所、一並焚燬、並將王韓等三名、掠之過江、

下午一時、赤軍飛機四架、入博克圖偵察半小時始去、夜二時、赤騎兵六十餘名、侵入免渡河我軍戰壕、

十二月十一日 赤軍飛機三架、午後二時、飛入興安嶺上空、偵察我軍陣地、投下炸彈十數枚炸傷我士兵五名、

午、有赤軍飛機數架、到密山、盤旋甚久、

十二月十二日 赤軍騎兵百餘名、攻我札蘭木特、歷一小時始退、

十二月十三日 赤軍飛機一架、入免渡河偵察、

十二月十五日 早十時、由梨樹鎮飛來敵機一架、飛翔一周、即向綏芬飛去、

午後一時半、綏芬方面、有赤軍飛機一架、向四站方面飛去、

十二月二十日 晨九時、赤軍飛機一架、飛入免渡河、以機關槍向車站掃射百餘發

十二月廿四日 牙克石方面、午後二時許、赤軍飛機一架、在我陣地上空盤旋、飛度甚低、
用機關槍向我掃射

(完)

